





Bals. suavit

18. 10. C 5

G. Gattolici = 18 Marzo 1893.

L. J. G. J. G.
1839

IVSTI LIPSI 15 10. C.
ADMIRANDA,

siue,

DE MAGNITVDINE
ROMANA

LIBRI QVATTVOR.

AD SERENISSIMVM PRINCIPEM
ALBERTVM AVSTRIVM.

Secunda editio correctior, auctiôrque.



ANTVERPIÆ,
EX OFFICINA PLANTINIANA,

Apud Ioannem Moretum.

M. D. XCIX.

Cum Privilegijs Casaræ & Regio.



SER^{ms} PRINCIPI
ALBERTO AVSTRIO
IMPERATORIS FILIO,
NEPOTI, FRATRI,
S.R.E. CARDINALI,
BELGICÆ SUPREMO GVBERNATORI,

I. LIPSIVS *dedicat consecratque.*



INTER Historiarum fructus, SER^{ms} PRINCEPS, ego illum eximium habeo, qui ad Sapientiam & rerum in orbe ADMIRANDARVM cognitionem ducit. Quis enim paullò altior & attentior eas legit, qui non diuina illa opera obseruet, magna imperia stabilita, aut diruta: & in iis. imaginem quamdam Prouidentix simul & Potentix diuinæ? Ita profectò se res habet. sicut vnus in superis Deus est, qui machinam hanc totam moderatur & temperat: sic in terris velut Curatores & Vicarios quosdam suos constituit, qui in partibus eam tueantur & administrent. Atque horum quosdam crescere voluit in magnas opes, copias, opera:

A 2 quid

quid nisi in imagine ostendens, caelestem illam & sine fine ac modo potentiam, quam ipse habet, & per riuulos ac canales illos deducit? Vt igitur cælum & micantia illa astra cum intuemur, ab iis ad puram, primam, & inaccessam quamdam lucem ducimur: sic ab humanâ istâ MAGNITVDINE, ad auctorem illius & fontem Deum. Quis ille fuit, qui Assyrios terris & gentibus imposuit? qui Persas, Macedonas, Romanos? quis qui iterum loco mouit & deiecit? magnus ille auriga & rector vniuersi, qui habenas in hoc munda-no curru temperat; qui impellit, qui sistit, & poëtae verbo,

*Diuósque mortalesq; turmas
Imperio regit unus aquo.*

Quod magis sentio, & in animum demitto, cum in ipsâ potentiâ & magnitudine, infirmitatem istorum video, aut breuitatem. Quid enim illa omnia nunc, aut vbi sunt? abierunt. vbi supra fidem cumulatę opes? defluerunt. vbi cælo certantia opera? non apparent. Heu res mortalium vel maximorum parua! heu validissimorū instabiles! imò omnia illa somnium, umbra, nihil, si cum Æterno & Æternitate comparentur. Sicut Solem istum assidue vel nubes aliqua subducit, vel nox denique condit: talis omnis hic splendor & felicitas, rapitur aut euanescit. Hæc & similis co-
gita-

gitatio SER^{MA} PRINCEPS, iamdiu me impu-
lit Imperiorum magna & ADMIRANDA
colligere: atq. vt decuit, orsum à ROMANO.
Nam fallor, aut non alia maior magisq. fun-
data, addo & laudata MAGNITUDO; quam
quattuor his libellis in parte expressi, & ad
SER^{MA} TVAM multis de causis misi. Omitto
beneficia in patriam publica, in me priuata:
ipse titulus & argumentum palàm ad te du-
cebant. ROMANI imperij descriptio cui po-
tius aut iustius debebatur, quàm Principi è
tot ROMANIS Imperatoribus nato? Rescer-
ta & inter ADMIRANDAS est, ex vnâ AVSTRIA,
verè aureâ, stirpe vestrà, decem Imperatores,
intra hos trecentos circiter annos, orbi Chri-
stiano affulisse: atque id sanguinis & nata-
lium serie, sine vllò fulcro adoptionis. Quid
in omni retrò Principum classe simile? duo,
tres, in vnâ domo, & vix fuerunt: in primâ
ipsâ Iulij, nec vltra sextum etiâ adoptio pro-
rogauit. Iterum dico, mirabile. & quid nisi à
Deo tacita vox & testimonium, datam hanc
familiam & demissam è cælo in terras esse, ad
imperia terrarum? Iam & ADMIRANDORVM
ille titulus, an non ad te traheret in variâ vir-
tute sic ADMIRANDVM? Priuatam tuam vi-
tam si video: Pietas & Religio occurrit, quæ
vel sacerdotem deceat; Castitas, quæ Vesta-
lem; probitas, & vitæ totius Ordo ac compo-

sitio, quæ ipsum cælum. Nec enim sidera
 illa profectò magis ordinato & certo cursu
 incedunt, quàm tuæ actiones. Quid pru-
 dentia in ciuili aut militari administratio-
 ne? quid altitudo consiliorum incredibilis?
 quid tranquillitas animi & vultus (proprium
 bonum Austriacę gentis) in omni euentu aut
 fortunâ? ADMIRANDA sunt. & quæ Regi
 nostro, sapientissimo rerum hominumque ar-
 bitro, causam dederūt tui inter alios eligen-
 di, quem ad maxima imperia & Præfecturas
 admoueret. Ecce Lusitania adiecta Hispaniæ
 suæ fuit, & multa in concussio eo corpore ad-
 huc ægra: te elegit qui lapsa erigeres, dilapsa
 colligeres, exanimata recreares. Et sanè ita
 fecisti, & præfuiisti, vt panè optandum fuerit
 illi regno tam validè concuti, vt te pacatorem
 fundatoremque æterni deinceps otij haberet.
 Quis in discessu tuo non ingemuit? nobilitas
 patronum, plebs parentem, leges custodem,
 pietas vindicem visa est sibi amisisse. At no-
 ster Rex recepisse: & expertus quàm benè
 humeris tuis imperium sederet, porrò te mi-
 sit in Belgicam nostram, id est in ipsum mare
 & Oceanum (ignosce patria sic loquenti) dis-
 sensionum & turbarum. Heu qui hinc fluctus?
 adeò vt alibi ciuilia atque externa bella fuis-
 se & transisse dixerim, hinc sedisse & habitas-
 se. Opportunitas scilicet locorum fecit, &
 simul

simul conspiratio eorum qui magnitudini
 Regiæ sunt infensi, vt consilia & arma verte-
 rentur in has partes; & in nostrâ istâ patriâ
 certamen certaretur, pænè dicam, de Europâ.
 Ergo missus es & venisti in medium disci-
 men: quid autem fecisti? quod nec hostes su-
 spicari, nec nos sperare, imò vix nunc credere
 possumus cùm est factum. Aggressus es vr-
 bem naturâ, opere, milite munitam, & op-
 portunitate inter Galliæ primas. Urbem di-
 co, quam * Eduardus ille felix & animosus * Anno
1347.
 Anglorum Rex, vndecim mēsiū spatio vix
 expugnauit; quam * Philippus bonus tuus * Anno
1436.
 proauus, cum quadrāginta millium exercitu,
 nec expugnauit: tu, inquam, aggressus cum
 modicis copiis, in paucis diebus claudis, op-
 pugnās, capis. Quæ hæc vis animi, vel beni-
 gnitas fortunæ? vtraque enim adfuit: & illa
 vt auderes dedit, hæc vt posses. Scipio Afri-
 canus olim (nec alium iustiū tecum confe-
 ram) cū in Hispaniam missus esset, vel fero-
 ciâ Pœnorum ereptam, vel infortunio Ro-
 manorum alienatam, vidit rem longi & infi-
 niti operis, bellum circumferre per singulas
 & minutas partes. Quid facit diuinus iuue-
 nis? Carthaginem Nouam, vbi, arma, cōmea-
 tus, opes hostiles erant, situ & mœnibus (ita
 putabatur) inexpugnabilem, subitò & igna-
 ris omnibus exercitum rapit. Venit, aggredi-

tur, ingreditur: & in vnâ vrbe captâ, animos
 suis focisq̃ue reddidit, hostibus ademit. O fa-
 ctum Scipione dignum! & quid nisi prolu-
 dium frangendæ magnæ illius Carthaginis, &
 stabiliendi mox imperij pariter ac pacis? A te
 similia exspectamus, ô noster Princeps: & ab
 hoc initio vince aut paca hostes, iunge diuul-
 sos aut rebelles. Hos ipsos quàm terres statim
 factò nouo pariter, & inopinato? Abducis ab
 iis locis copias, & alia agens ac præferens,
 Hulstum adducis. Quod istud Hulstum? non
 opidum, sed insulam; nec insulam modò, sed
 propugnaculis variis magnisq̃ue, id est verâ
 æstimatione, totidem opidis infestam. Quid
 facis ô consideratissime Princeps? quis ardor
 te abducit? non Mars solum ea loca, sed Ne-
 ptunus tuetur & vindicat: & magnus ille
 Oceanus, ruptis aggerum claustris immissus,
 vnâ cum suis filiis latè dominatur & regnat.
 Vbi naues, quibus peruadas? vbi alæ quibus
 transuoles? defunt: at non tentandi tibi ani-
 mus, & patrandi item fortuna. O quàm nunc
 denique didici, angustè vires vestras expen-
 di, si quis ea tantum quæ fieri possunt à vobis
 exspectat! Audetis non audenda, facitis non
 faciēda, humano quidem iudicio: sed Deum
 adhibetis in consilio, & vos magni cum ma-
 gno illo Numine participantes, legitis (si fas
 dicere) in tabulis Fatorum. Itaque inuitis aut
 dis-

dissuadentibus omnibus, inuadis, peruadis,
 vincis. Hæc tua sunt sub initium opera, cum
 alij vix operum solent ponere fundamenta.
 Et quæ non maiora magisque ADMIRANDA
 à te, vel in te, expectemus? Memini legere
 ALBERTVM II. inter maiores tuos Austrios,
 vno tempore atque adeò vno anno, factum
 Regem Bohemiæ, & Hungariæ, & ROMANORVM.
 O quæ ista felicitas! sed quàm bre-
 uis felicitas! biennio enim non toto impera-
 uit, & optimum Principem Deus cælo inue-
 xit, quia terra virtutum illarum parum capax
 erat aut digna. Tibi pariter ALBERTO omi-
 namur & vouemus similia, sed firmiora: & an
 non iam nunc clara signa Deus & Rex dede-
 runt? sed parco dicere, etsi non optare. O dies
 ille exorere, nō lætus solùm sed salutaris Bel-
 gis; nec Belgis tantùm, sed vicinis; nec vicinis,
 sed dissitis, & quicunq; sunt in religione aut
 orbe Christiano. Plura vellem: sed vt ij qui
 apud Deum verba faciunt, corpore, gestu, ser-
 mone modici sunt ac reuerentes: sic nos de-
 cet apud vos Principes, & colere atque AD-
 MIRARI magis, quàm laudare. Facio in ani-
 mo, & illo dico atque impleo, siquid ore aut
 stilo omisi. Louanij, Kal. Martiis. ∞ .15. XCVIII.

AD LECTOREM.



ADMIRANDA in Imperiis, Lector, qua olim colligere cepimus, nunc disponere, ut vides, & vulgare. Orsumus à ROMANO, quod quatuor his libellis damus: an totum? negabit aliquis, & scio esse quæ possint addi. Sed an debeant, nescio: non certè pro meâ mente, cui propositum fuit eminentia tantum & verè MAGNA colligere, atq; ea ipsa dumtaxat ostendere in primo vultu, & designare. Omnia si penetrassem, aut delineassem, præsertim quæ ad Opera, quis finis fuisset? Sed architectonica etiam hac cura sit, non nostra; nec libuit supra plantam, quod dicitur, euagari.

* nec fuit
vixquam
Omnibus
in rebus
gnarû vni
esse atque
suentem.

* ——— ἐδ' ἄρα παρ' ἡμῶν

Εν πάρεσσι ἔργοισι δαήμονα φῶτα ἤπιδαι.

Et verè fateor, nimia iam etiam curâ an curiositatē peccari à plerisque nostrum, qui omnia hac antiqua anidescrutamur, & in maris illo fundo penè dicam arenas. Ah, quis fructus est? Vita & moras præcant, tum prudentia, sed & elegantia quadam accedat: tamen ultima hac cum modo. Peccauimus & nos fortasse olim: sed nunc cum aliis annis mens est alia, & clamo liberè, Quædam esse quæ malo ignorare, quàm discere. Timonis illud sæpè mihi in mente:

* Multitudine
uâ, ut haud
quidquam
vel vanus
eritat!

* ἀλγυμὰ δὴ μοῖσιν ὦς; ἢ καὶ ὥστε γινᾶλλο.

Sed siquid tamen scitu dignum omisi, alius explebit me volente & addet, ut fiat illud Homericum

* melius
multorum
opus.

——— * πλεόνων δέ τοι ἔργον ἀμείνον.

Et si

Et si quædam tamen seposita mihi, non omissa, & in al-
 terâ ADMIRANDORVM parte opportunè reddenda.
 Atqui & alia mihi culpa, aut certè nota, deprecanda
 est, in attollendo nimium fortasse alibi fuisse. Si ita est,
 excusetur: & quis nescit, ubi animus & stilus incaluit,
 trahere hoc secum has * *παρρησίας*? Et tamen non ar-
 cem è cloacâ feci, ut ait ille, nec lapidem è
 sepulchro veneratus sum pro Deo; sed res lau-
 datissimas laudavi & extuli: si nimis, tu moderare
 & deprime, quisquis frigore & sedatione affectu hac le-
 gis. Denique in clausulâ, magnum etiam imperium mi-
 ratum sum, & approbaui: cur contra hodiernum mo-
 rem (dicet aliquis) fortasse & cœsum? Nam diuisiones
 ista facta iam dudum, & inueterauerunt, & moueri sine
 motu Christiani orbis vix possunt. Non temerè igitur
 suadeo, nec senè innouo: si tamen Fatis & Deo cœsum,
 hodiernam aliquam & nouam MAGNITVDINEM
 dare, cur culpa sit laudare & approbare? Multiplex
 ratio eam commendat: & firmissimè ista. quòd etiam
 nunc, quidquid tranquilli & pacati est in re Christianâ,
 id manat ab unico illo capite, quod auctoritate sacrâ
 nobis præest. Romanus ille Dictator, ut sic appellem, &
 Pontifex, fulcrum aut vinculum est, quod sustinet, quod
 ligat, labentes aut dissidentes in malè compacto hoc
 edificio partes. Abite non impij solum, sed imperiti, qui
 aliter, nobis constat hanc ipsam Romam, & sacrum in
 eâ imperium, fuisse & esse velut anchoram flu-
 ctuantidui Europæ. Mira Dei benignitas in hanc
 urbem! cum legionum vim eripuit, legum attribuit;

* laudatio
 nes.

cum armis imperare noluit, sacris indulgit: & sic quoque fecit eam decus, tutelam, columen rerum. Atqui Senatus ille vetus non est, inquiunt. Non ille, sed alius: & vide mihi in istâ purpurâ ex omni nostro orbe selectos proceres, moribus, prudentiâ, annis spectandos. Si vetus ille Cyneas redeat, & hunc concessum videat, nihil ambigat vel cum Regibus iterum, vel cum Heroibus comparare. Quid tributa? non tam multa, sed magis innoxia & Ultronea sunt. Quid Legationes gentium? nec ea desunt, & ex noto ignotoque orbe (tanta diffusio maiestatis huius est) concurritur, & iura ac leges sacrorum hinc petunt. Ipsi Reges & Principes adunt & inclinantur, & obnoxia capita uni huic capiti submit-tunt. Quid Principes aut homines loquor? ipsi aërei, terreni, inferi spiritus siue Genij verentur ac trepidant, & caelestem illam in terris potestatem vel inuitti ac reluctantes agnoscunt. Gaude igitur non maior, sed melior iam ROMANIS, non cultior, sed sanctior; & diu sedes & habitaculum sacri huius imperij (ex animo vouemus) esto.

I. L I P S I
A D M I R A N D A,
siue,
D E M A G N I T V D I N E
R O M A N A
L I B E R I.

C A P. I.

Occasio & ingressio sermonis.



LES æstuosus erat, & quales Iulio mense per Caniculam solent. Venit ad me A V D I T O R, & Numquid turbo? inquit, non opinor. Otiari te cùm tempus, tùm & mos iubet, qui publicas Ferias nunc indixit. L I P S. Otiamur, non ob causas à te dictas solùm, sed ob quam minimè vellem. Ea valetudo est, semper molesta, nunc magis in isto æstu. O si Spada me habeat/ quàm me recteem & refrigerem ambulando, bibendo / A V D. Omitte Spadam, illam cursus tui palæstram. Satis nobis, semel sic pro te timuisti. Nam quid propiùs factum, quàm ut nobis eripereris, ad alios transfatus? L I P S. Factum. nec vnquam ego propior periculo fui, nec manifestiore Dei manu ereptus. Ille me tuitus est, & reddidit vobis. Vtinam & eos redderet iungeretque per bonam pacem, qui sic abiuncti! O quàm suavis vita sit! quàm inueta communione illâ terrarum hominumque frui! A V D. Ne despera.

* Οὐ πῶς μὴταὶ ἀγγεῖον ἔκρυπται, οὐδ' ἐκκαταλείψει.

Dies, inquam, ista componet & dabit; aut denique Deus. L I P S. Certè Dei hoc opus: quem toto pectore inuoco venerorque, uti velit, Respiciat afflictam Belgicam tot iam lustris, & satis sit accisam eam, non excisam, Sed quid tu volebas? A V D. Fabu-

*Ne videretur
athor manu-
sus nec vol-
uerat de suis
annis.
Theocr.*

lari. LIPS. Publica ^{libertas} ~~libertas~~ AVD. Curiosè ea non curo: sed tamen
& publica ^{libertas} ~~libertas~~ quod volebam. LIPS. Dic autem. AVD. Spon-
de autem. LIPS. Quid istud est? captas me? AVD. Non nego.
utinam ceperim! Iam diu est quod DE MAGNITVDINE RO-
MANA polliceris aliquid dicere, siue scribere. Si hoc nondum
potes, illud fac quod potes. LIPS. Hóc cine agebas, & cò ibas? &
hoc illud otium, quod suadebas? AVD. Agebam, ibam, suade-
bam. Et quid tibi híc magni negotij? scio iam diu talia & obser-
uata tibi, & prompta. LIPS. Profsus. ecce, os aperiam? sponte se
effundent. O te bellum / scilicet memoriâ, dispositione, ad eas
res non opus, etiam quas notas iam habeas & paratas. AVD.
Non nego. sed priorem Deus tibi dedit, alteram iudicio sem-
per assumpsisti. In scriptis tuis hoc me delectat, ordinem & se-
riem rerum videre: interdum earum, quarum nec ordo vide-
batur. LIPS. Malus es. AVD. Quid ita? LIPS. Quia verè captato-
rem agis, & blandiris, sed vt in retia tua compellas. - * ^{ῥήγων δ'}
^{ἀλώπηξ} (ait verbum) ^{ἢ καὶ ἀλίσκῃ.} AVD. Imo patiare te capi vel
meâ hac cupidine, quam amare & laudare in adolescentiâ no-
strâ soles. LIPS. Non nego, adamo: sed & argumentum inuitet,
quod valdè item amo. Quomodo non veterem illam Romam?
tot ingeniorum, artium, virtutum, vel matrem vel sedem?
Nam Potentia quidem & Militia ADMIRANDA sunt, & ma-
gni illius imperij Opes: Virtutes amandæ. AVD. Neque aliud à
te volo, quàm in vmbra quasi & imagine repræsentari For-
mam faciemque illam veterem: & qualis, & quanta Roma
fuit. LIPS. Ego verò sic subito nec vmbra tibi ausim pollice-
ri: fortasse vmbellam, & imaginem aliquam imaginis, vt sic lo-
quar. AVD. Quid liber, iuuabit & docebit. LIPS. Sic volendo,
volentem & me facis. Sub hac trichilâ vmbrosâ igitur sedea-
mus, & ducamus MAGNITVDINIS ROMANÆ vmbas.

- * Vulpe-
cula haud
capitur se-
nex.

CAPVT II.

*Communiter Roma & eius Potentia laudata, per elogia pauca
veterum.*

EGO inter Imperia & MAGNITVDINES, quas Deus à con-
dito orbe esse voluit, eminere censeo & primas ferre hanc
ROMA.

ROMANAM. Hoc è Finibus, Copiis, Operibus, denique Viris & Virtutibus, liquere posse arbitror: quibus singulis, aut & iunctis quibusdam, aliæ fortasse gentes se ostenderunt, nulla sic omnibus, ut nunc ostendam. Tu Deus lux temporum, rerum, hominum, scintillam aliquam tui, si non radium, in mentem hanc immitte: ut cā videre, adire, sed & reserare possim, thesauros Antiquitatis & Memorix, quos in Æui diffuso implexoque sinu, reponis & seruas. Priusquàm igitur distinctè de quinque illis Magnitudinis partibus dicam, lubet vniuersè aliquid de totā cā præfari, & quàm istam, vnā mecum, illustres magnique omnes viri admirati sint. Atque illa vulgata omitto, *Romanos rerum dominos: Romam mundi caput: Mundi miraculum: Mundi compendium: Arcem nationum ac regum, lumen gentium:* magna sunt, & à magnis: sed compendio laudasse eam magnificè Martialis videtur,

Terrarum Dea Gentiumque Roma,

CVI PAR est nihil, & nihil SECUNDVM.

Subtiliter nec falsò vult, nihil accedere ad eam, nihil vel sequi. Quod an ab illo mutuatus Frontinus est? in cuius libro de Aquæductibus legimus: *Regina & domina orbis, quæ terrarum dea gentiumque consistit, cui par nihil, & nihil secundum.* Sed vereor ut allicum adscriptum ve alienâ manu sit, & grauis atque eruditus reliquus Frontini stilus non probat aut amat lasciuiam poëtarum. Compendio igitur Martialis: sed pulchrè item & vbertim Claudianus.

Quā nihil in terris complectitur ALTIVS æther,

Cuius nec SPATIVM visus, nec corda DECOREM,

Nec LAVDEM vox vlla capit. quæ luce metalli

Æmula vicinis fastigia conserit astris.

ARMORVM LEGVMQUE PARENS, quæ fundit in omnes

Imperium primique dedit cunabula iuris.

Hec est exiguis quæ finibus orta, tetendit

In GEMINOS AXES, paruaq; à sede profecta

Dispersit CVM SOLE manus. hæc obuia satis,

Innumeras vno gereret cū tempore pugnas,

Et Gallum terris prosterneret, æquore Pænum,

Numquam SVCCVBIT DAMNIS, & territa nullo

Vulnere

Vulnere, post cuncta maior Trebiamq; premebat.
 Habes, quæ versibus iis ab alto & animoso poetâ (talis
 fuit) inserta, quæ ordine meo imus laudatû. Sed Erinna etiam
 poetria audienda est: quam vixisse oportuit, ut hoc carmen est,
 sub Pompeij, aut circiter, ævum. Nam alioqui plures eo nomi-
 ne fuisse, non debes nescire. Ea igitur, ad ipsam Romam:

Χαῖρέ μοι Ρώμα θυγατὴρ ἄρη,

Χρυσέω μύθεα, δαΐφρονι ἀνασσα,

Σιμόνι δ' αἰεὶς ἐπὶ γὰρ ὀλυμπῶν

Λὲν ἀθροῦσόν.

Σοὶ μόνῃ πρόσβυστα δίδου μοῖρα

Κυδ' ἀρβύλας βασιλῆϊον ἀρχαῖς,

Ὅφρα κραιπνῶν ἔχουσιν κάρη

Λημνίδης.

Σὴ δ' ὑπὸ ξόγλῃ κρατερῶν λιτάδων

Στέρνα γαίης καὶ πολιᾶς θαλάσσης

Σφίγγεται σὺ δ' ἀσφαλῆος κυβερᾶς

Ἄσπε λαῶν.

Πάντα δὲ σφάλλων ὁ μῆγες αἰὼν,

Καὶ μεταπλάσσει βίον ἄλλοτ' ἄλλως,

Σοὶ μόνῃ πλεῖστισιν ἔρον ἀρχαῖς

Οὐ μεταβάλλει.

Ἡ' γὰρ ἐκ παλαιῶν σὺ μόνῃ κρατίζεις

Ἄνδρας αἰχματὰς μεγάλαις λοχόδεις,

Εὖσταχιν δ' ἀμαρτῶν ὅπως ἀνείσται

Κρατὸν ἀπὸ ἀνδρῶν.

Filia o Martis, mihi Roma salve,

Aureo Regina decora cultu,

Que velin terrâ stabiles Olympi

Incolis arces.

Nam dedit soli tibi cana Parca

Régium sceptrum, minimè atterendum,

Ut potens rerum domineris vna,

Imperites huc.

Ad tuum currum, retinente freno,

Colla telluris tynnidique ponti

Illigas, & tu populos gubernas

Firma

Firma per animum.

*Ipsa, quæ gaudet variare cuncta,
Resque transformans hominum Vetusitas,
Spirat hæc vni tibi semper auram à*

Puppe secundam.

*Denique, in cunctis populis valentem
Procreas bellis sobolem. vique lata
Surgit è terra seges, ipsa abundas*

Fruge virorum.

Atque heus tu, virile & plenum spiritus muliebre hoc carmen est; & cur talia tam multa perierunt? Sed Poëtarum hæc laudatio est: audi Historicum. *Nulla vnquam Respublica nec MAIOR nec* Lib. 1.
SANCTIOR, nec bonis exemplis ditior fuit. Laudat à duplici illo capite quod nos attigimus, & in sermone persequemur, Potentiæ & Virtutis. Quod ipsum vtrumque Ammianus: cùm *Romam IMPERII VIRTUTVMQUE omnium Larem* appellat. Et plura se offerunt, quæ differo, in suis locis opportuniùs reddenda. Hieronymi elogia audiamus, xuo iam inclinante: *Urbs POTENS, vrbs* Lib. 11.
Domina, vrbs Apostoli voce laudata, interpretare vocabulum tuum. adu. Iouin.
Roma aut FORTITVDINIS nomen apud Græcos est, aut SVBLIMITATIS apud Hebræos. Duplicem interpretationem nominis rei aptam reddit: ego & tertiam, quam dederit lingua nostra: quia
* *Roma, Glorie & fame* nomen est Germanis. Quid, quòd apud * *Roma.*
Orientales Indos *Rumes* appellantur (Olorio ita traditum) milites boni & fortes: an quasi Romani, & admiratio verus apud eos mansit? an vox indigena id quoque notat? Sed ad rem partesque nostras eamus, aliquid tamen à te præstipulati. *Av D.*
Quid illud est? LIPS. Assensum & fidem. Av D. Tibi non dem,
aut habeam? vel nutu me ducas, quò velis. LIPS. Memento.
nam erunt quædam inopinata, & verè ADMIRANDA. Poëta iure cecinit: Propre-

*Omnia Romana cedant MIRACVLA terre,
Natura hîc posuit, quidquid VBIQUE fuit.*

C

CAP.

Fines imperij Romani, quando maximæ; & Prouinciæ breuiter adnumeratæ.

INITIA nos tenent: nec temerè iam olim dictum, *Portam itineris longissimum esse*. At seriò viam ingredior, & quidem per eos limites siue terminos, quos antè obiter posui, *Potentia ac Virtutis*. In potentiâ considero, *Fines, Copias, Opes, Opera*: & in hanc quadrigam, nisi fallor, subiungam & veham, quidquid ea secum trahit. Ergo de *Finibus* primò. ij verò quàm amplissimi fuerunt, & spatia terrarum ac maris, vno velut sinu & iunctim inclusa, quanta in vllò priorum aut posteriorum imperiorum nego fuisse. Itaque attollunt haud vanè hæc veteres, & magnificè loquuntur, vt Cicero: *Nulla gens est, quæ non aut ita subacta sit, vt vix exstet; aut ita domita, vt quiescat; aut ita pacata, vt victoriæ nostræ imperio quæletetur*. Et passim illi sermones, *Romanos orbis dominos: Solem vtrumque in eorum imperio currere*: & talia, animosè magis, quàm superbè dicta. Petronius:

Orbem iam totum victor Romanus habebat,

Quæ mare, quæ terra, quæ sidus curris vtrumque.

Dionysius Halicarnassæus planè cum ipso, et si ante ipsum: ἡ δὲ Ῥωμαίων πόλις ἀπάσης μὲν ἀρχῆς ἔστι, ὅση μὲν αὐτὴ μὲν αὐτὸς ἔστι, ἀλλ' ὅτι αὐτὸς ἔστι καὶ πόλις ἀπάσης δὲ κρατεῖ τελευτῆς, ἡ μόνον τῆς ἐν τῷ ἡερικλείῳ σιλήῳ, ἀλλὰ καὶ τῆς ὡκεανίδος, ὅση πλεῖσται μὴ ἀδιωκτὸς ἔστι, πρὸς τὴν καὶ μόνον τῆς ἐκ τῆς παλαιᾶς αἰῶνος μνημονομῶν, ἀτατάκας καὶ δύσεις ὅρας ποταμῶν τῆς διωκτικῆς: Romana urbs imperat toti terre, quæ quidem inaccessa non sit, habitaturque ab hominibus; sed & toti mari imperat, non solum huic intracolumnas Herculeas, sed ipsi Oceano, quacumque est navigabilis, PRIMAQUE ET SOLA ab omni aui memoria terminos sibi potentia fecit, Orientem & Occasum. Vbi tetrās omnes & maria tribuit, sed vt decuit historicum bonæ fidei, cum aliquâ restrictione aut exceptione: sciungitque inaccessa aut inhabitata loca, itemque maria ignota. Enimuerò, si propiùs inspicias, neo habitata quidem omnia loca sub imperio habuit: non hercules: & multa sub Parthorum iure ad Orientem fuere; multa libera, aut sub regibus, ad Septentrionem ac Meridiem: sed vt ego quoque pro vero magis coëcteam, quidquid opportunum

aut

aut dignum vinci videbatur, vicit. Cetera non tam non potuit, quàm contempnit, & iudicio reliquit. Sed illud nemo negauerit, florem Asiæ, Africæ, Europæ in hoc imperio fuisse: ipsa gentium robora, ingenia, opes. Quod ut clariùs tibi liqueat, in triplici hac mundi plaga quid habuerint, strictim & per indicem dicam: atque id, cum imperium maximum & in culmine suo fuit, ut ab Augusto ad Traianum. Termini igitur finesque imperij sub Augusto erant, ab Oriente *Euphrates*; à Meridie *Nili catarractas*, & *Deserta Africa*, & *mons Atlas*, ab Occidente, *Oceanus*; à Septentrione, *Danubius* & *Rhenus*. Ita enim ipse, bono consilio, instituit, claudere imperium naturæ aliquibus limitibus, & custodes ac milites ad eos habere. Hoc Tacitus in eo laudat: *Clausum mari, aut amnisbus longinquis imperium*. Atque idem scribit, Augustum libello, quo Rationes imperij conscripserat, consilium addidisse, coërcendi intra terminos imperij, incertum metu, an per inuidiam. Noiebat, inquam, posteros Augustus proferre terminos: siue quia satis iam partum videbatur, & metuendæ bellorum ac fortunæ vices, siue per inuidiam, & ne gloriam suam vincerent, ut Tacitus suspicatur. Sanè posteri cōsilium hoc neglexerunt, nec solùm regna aliquot, defunctis aut euerſis sociis Regibus, imperio adiecerunt; sed etiam, ultra terminos, noua quæ siuerunt. ut Claudius, qui *Britannias* in ipso Oceano deuicit, ut Traianus maximè, qui ab Oriente, *Arabiam*, *Armeniam*, *Mesopotamiam*; à Septentrione, *Daciam* subegit. Ita moti prolatique tunc termini trans Euphratem, ad *Tigrim*; iterumque parte aliâ, ad *Mare rubrum*; & trans *Danubium* ipsum, tota *Dacia* addita fuit. Hoc est, quod Tacitus noster in suo illo Principe laudat: *Ventum inde Elephantinen ac Siennæ, claustra olim Romani imperij*, quod nunc *Rubrum ad mare pateſcit*. Sed, inquires, quæ hæc dictio est, quasi pro magno ad *mare Rubrum* ventum nunc esse: nonne & antea fuit? Ipsa illa *Siene* & *Elephantine* ad *Nili catarractas*, ostendunt quidquid *Ægypti* interiaceret *Nilum* & *Sinum Arabicum*, iam olim Romanorum fuisse. Atqui *Sinus ille, Rubrum mare*. Respondeo, latiùs olim *Rubrum mare* patuisse, & paullo aliter, quàm ut vulgò hodie, appellatum. Nam in Taciti, & aliorum veterum verbis, in hoc nomen venit *mare Indicum*, vastum illud & magnum, quod ab extremo *Sinu Arabico*,

10. Ann.

11. Ann.

bico, siue ab Africâ eâ, in *Auream* Ptolomæi *Cherfonesum* se pro-
tendit. Itaque Pomponius Mela, duos Sinus in mari Rubro ag-
noscit, *Arabicum* & *Persicum*. Et Seneca Tragicus, *Tigrim* in mare
Rubrum exonerat atque immittit: Curtius *Indum* & *Gangem*:
quos certum est in magnum illud mare, longè à Sinu Arabico,
euolui. Hæc vera & clara sunt: promoti igitur termini ad mare
Rubrum siue *Indicum*, per Arabas adiectos. Eadem mens Græ-
ci scriptoris in Suidâ: qui terminos imperij ad Orientem facit Indos
& mare *Rubrum*; & Nili *Cataractas*, & lacum *Meotin*. Sicut &
Appianus ita capiendus, cum in Præfatione operis sui, distin-
ctè Romanum imperium limitat: *Tendit*, inquit, *ab Occasu* &
illo Oceano occiduo, *ad Caucasum montem*, & *flumen Euphratem*, &
ad Æthiopas superiores, *per Ægyptios* & *Arabas*, *ad Orientalem*
Oceanum. Hic Oceanus Orientalis, non aliud quàm Mare *Indicum*
siue *Rubrum*, iam dictum. Sed obiicies, Si ista de Traiani ter-
minis Appianus; quid ita *Euphratem* ponit, *Tigrim* omittit?
Hoc idè, quia Hadrianus Imp. (sub eo Appianus scripsit) sta-
tim à morte Traiani, hoc inutauerat. de quo Festus Rufus: *Inui-*
dens, inquit, *Traiani gloria*, *sponte Armeniam*, *ac Mesopotamiam*, &
Affryriam reddidit, *ac medium inter Persas* & *Romanos Euphratem*
esse voluit. AVD. Sed & alia dubitationculla, de *Mesopotamia*.
quam tu & Rufus ab Traiano adiectam imperio significatis;
at Aurelius Victor iamdiu à Claudio. LIPS. A Claudio? nemo
hoc dixit, nec potest. AVD. Imò verba Victoris sunt: *Retenti fi-*
nes, seu *dati*, imperio Romano, *per Orientem Mesopotamia*; *Rhenus* *Da-*
nubius que *ad Septentrionem*, & à meridie *Mauri* *acceßere* *provinciis*.
LIPS. Hoc eo sensu, ut ipsa *Mesopotamia* finis esset, non ut in
finibus contineretur. Eousque, inquam, productum imperium,
non & vltrà ipsam. Ea mens Victoris, aut si alia, est error. Et ha-
bes ecce in istis finibus, quid? per Indicem, si placet, videamus,
& per singulas orbis partes.

IN ASIA:

<i>Colchidem,</i>	<i>Armeniam,</i>
<i>Iberiam,</i>	<i>Syriam,</i>
<i>Albaniam,</i>	<i>Arabiam,</i>
<i>Pontum,</i>	<i>Palestinam,</i>

IN AFRICA:

<i>Ægyptum,</i>
<i>Cyrenaicam,</i>
<i>Marmaricam,</i>
<i>Gatuliam,</i>

Bospho-

<i>Bosphorum,</i>	<i>Ciliciam,</i>	<i>Africam propriam,</i>
<i>Cappadociam,</i>	<i>Pamphiliam,</i>	<i>Numidiam,</i>
<i>Galatiam,</i>	<i>Lydiam, &</i>	<i>Mauretaniam,</i>
<i>Bithyniam,</i>	<i>Asiam totam</i>	<i>Aliasque minores</i>
	<i>minorem.</i>	<i>aut ignotiores.</i>

IN EVROPA.

<i>Itatiam,</i>	<i>Macedoniam,</i>
<i>Hispanias,</i>	<i>Epirum,</i>
<i>Gallias,</i>	<i>Graciam,</i>
<i>Inalpinos,</i>	<i>Thraciam,</i>
<i>Rhatiam,</i>	<i>Masiam,</i>
<i>Noricum,</i>	<i>Daciam,</i>
<i>Illyricum,</i>	<i>Pannoniam.</i>

Habes hîc, dico, optima terrarum, latissima terrarum: & magnam tamen partem consultò omisi, quidquid *Insularum* mari ambitur. Ex quàm multæ, & magnæ quædam, in toto illo mari mediterraneo fuerunt, à Columnis Herculis, ad Pontum vsque? profectò, quæ vel decimam partem pænè provinciarum terrestrium æquent, si *Britannias* in exteriore mari (vt debes) adiungas. Pulchra autem ista facies, & non nisi à Prouidentia sic ordinata & ornata: quam mecum vide. Vtrimque ad hoc mare mediterraneum Prouincię se porrigunt & extendunt, ipsum in medio, tot partibus & insulis distinctum, quasi via & limes est, per quem commerciis iungantur. Nec aliud mihi pulchrius commodiusque videtur in hoc imperio, quàm iste velut in medio corpore baltheus, bullis insularum interstinctus: qui & diuidit simul, & constringit. Dabis mihi aliud tale, & tantum? non dabis. Av d. Imò Lipsi, *Turcicum*, & Regis quoque nostri *Hispanicum* imperium, haud longè absunt. Lips. De Turcico, facendum est, in Asia & Africa latè se extendisse: sed in validissimâ Europâ nostrâ quid habet, aut non habet? Certè vel sola Italia, Hispania, Gallia iunctæ, opibus viribusque pares sint, aut superent illum hostem. O si Deus daret! ad eò nec prouinciæ illæ Orientales, pro opibus & frequentia priscâ, sunt, & nostræ istæ, florem nunc habent & vigorem. Quid de Germaniâ dicam? illa olim horrida & rerum inops, quàm artibus, opidis,

copiisquæ exulta est, & abundat? Avd. Mirificè. & hæc tamen Imperio tuo etiam deest. Lips. Non sic, vt opinare. Nam si terminos meos cogitas, videbis ad Danubium vsque, *Ratias, Noricum, Carnos, Pannonos* inclusos: & parte alterâ ad Rhenum, *Helmetios, Rauracos, Argentoratenses, Nemetes, Vangionas, Treuiros, Vbios, Menapios, Batauos*, ad Oceanum ipsum. Quæ pleraque omnia Germaniæ hodiernæ nomen, & linguam, & leges etiam, habent: at detracta, vides quàm eam ardeant, & pulcherrimis membris spoliata relinquant. Certum autem, hæc postrema omnia, cis Rhenum, Galliæ fuisse olim accensa. Sed de Hispanico imperio quod aiebas, id sanè, spatia terrarum si consideras, præsertim in Nouo illo orbe & insulis, Romanum longè vel superat: sed iunctio & deuinctio prouinciarum, viri & copiæ, quàm deficient & delinquant? Nunc quidem, nam postea quid futurum sit, nescio: florebut, crescent fortasse. & sensum meum tibi dicam? Nescio quo Prouidentia decreto, res & vigor ab Oriente (considera, si voles) in Occasum tunc.

CAP. IIII.

De copiis & præfidiis sparsim circa limites, item quæ in ipsâ vrbe.

ISTI Fines igitur Romani & quidem mari, amnibus, montibus clausi ac muniti, sed Milite & Copiis multo magis. Nam Romanus mos & institutio, duplici viâ prouincias munire, Copiis & Colonia: de quibus vtrisque breuiter dicendum. Copias intelligo, perpetuum militem, qui ad tutelam imperij, ex instituto Augusti, fuit. Triplices eas reperio, *Prouinciales, Urbanas, Classicas*: illas maximas, alteras satis validas, & tertias viles atque opportunas. Omnia hæc ab Augusto, qui sapienter pleraque in nouo imperio aut instituit, aut restituit, vt res visæ postulare. Hoc autem inter noua: & in laudibus Augusti iam mortui Tacitus ponit, *Legiones, prouincias, classes, cuncta inter se connexa*. Narrat & Suetonius: *Ex militaribus copiis, legiones & auxilia prouinciatim distributa*. Sed benè Tacitus, *cuncta connexa*: nam ita ordo & dispositio fuit, vt limitanea loca militem haberent, interiora vix haberent: & essent, vt in magnâ vrbe, circa mœnia dispositi & vallum. Cohærebant autem prouinciæ; ideoque & legiones, per cohortes suas & alas sparsæ, & inter

inter se vicinæ. AVD. Sed non igitur Arces in locis interioribus saltem erant, si non legiones? LIPS. Apage à Romano hoc more. nusquam in iis præsidium aut spes posita Martiali huic populo, sed in militetantum & armis. Et sanè de Arcibus variè disputari potest: sed non tempestiuè in hoc loco. pergamus. Miles igitur ad Limites, vbi minimo oneri subditis, maximo vsui in hostes esset. Quantus? sub Augusto & Tiberio vigintiquinque legiones fuerunt, ex Dione & Tacito: quin postea tamen auxerint, vix dubito, & sub Traiano atque Hadriano certum fuisse triginta, aut & supra. Columella, in quâ legionum nomina, tum & alia quædam hoc euincunt: diximusque aliquid in *Analectis Militiæ Romanæ*, illuc, si lubet, videndum. Hæ legiones, Augulti & Tiberij æuo, sic dispositæ:

In Hispaniâ, legiones IIII.

In Syriâ ad Euphratem, IIII.

In Galliâ ad Rhenum, VIIII.

In Mæsiâ ad Danubium, II.

In Africâ, II.

In Pannoniâ ad Danubium, II.

In Ægypto, II.

In Dalmatiâ, II.

Sed mutabant interdum, quod Tacitus in IIII. Annalium notat, & ob causas huc atque illuc ibant, aut sedebant. Quædam autem legiones & in opidis erant, etsi pleræque in castris: sed in opidis dico, quæ valida aut magna, & idè motui aut rebellioni opportuna. Talis Alexandria in Ægypto: de quâ Strabo. *Sunt tres in Ægypto legiones. quarum vna in vrbe collocata est, aliæ per regionem. Præter has, sunt & nouem cohortes Romanorum, tres in vrbe item, tres in Æthiopie finibus ad Syenen, præsidium locis; tres in aliis partibus. Sunt & alæ equitum tres.* Simile de Beryto Syriæ, idem Strabo: *Hæc euersa fuit à Tryphone, instaurata & sufficitata à Romanis, duas legiones suscipiens, quas Agrippa ibi collocauit.* Causa fuit, sedes item vrbis ad ipsum mare, & locorum eorum claustrum. Ita à tergo aliæ legiones Syriam defendebant aut premebant, hæc sita in fronte. In Hispaniâ, vt idem Strabo, Bætica quæ populi erat, milite vacabat: reliqua Hispania habebat. Similia adnotare plura possim, & causas dare aut tangere: sed diffusionem nō gaudeo, vbi res non poscit. Hoc magis è primis illis Strabonis obseruo, *socias etiam cohortes aliasque fuisse, præter ipsas Legiones: & vt illic vides, numero satis grâdi.* Enim uerò nouæ illæ cohortes (sociales fuisse dico, etsi ipse Romanas appel-

iii. hist.

Lib. 111.
Anoal

Tac. 1. 116.

appellat: sed hoc ideò, quia militabant sub Romanis signis) pænè legiones tres æquarunt, nec minores eas millenariis fuisse opinamur. Tacitus id quoque dixit: *apud idonea prouinciarum, socias tritemes, & alas, auxiliaque cohortium, nec multo secus in iis virium fuisse: sed persequi, inquit, incertum fuit, cum ex usu temporis, huc illuc mearent, gliscerent numero, & aliquando minuerentur.* Ecce disertim, haud secus, id est, non minus in iis virium fuisse, quàm in legionibus ipsis: imò plus interdum, idem ostendit. vbi legionis *Decima quarta auxilia, octo cohortes Batauorum* facit. Atque alibi, in minoribus prouinciis, solæ cohortes aut alæ fuerunt, vt in Rætia, Iudæa, talibus, & quæ Procuratoribus regebantur. Interdum & in opidis interioribus, ad coercendum: vt Lugduni in Gallia, Tacitus *cohortem xviii^{am}* locat, idem Foroiulij *Ligurum cohortem, vetus loci auxilium.* Et tale alibi. Huc equidem Iosephi verba referam, alioqui paraloga, non solum paradoxa: apud quem Agrippa ad Iudæos loquens adserit, Galliam illam tam validam, tam latam, *mille ducentis militibus in officio contineri.* Profectò octo legiones totæ fuerunt, sed quia istæ in extremâ Gallia, ipse copias modò numerat, quæ introrsus in eâ essent. Hæc ita sub Augusto: vt tamen tetigi, creuerunt. & primùm Claudius Imp. Britannia domitâ, legiones in eâ tres locauit, manseruntque. Tum Vespasianus duas etiam in Capadocia: & Traianus deinde in Dacia duas. Istæ *Præuinciales* copiæ: *Vrbana* fuerunt, quæ sedem Romæ & in ipsâ dominâ vrbe habuerunt. Quo fine duplici, vt Principem in eâ tuerentur, & vt ipsam urbem. Principis custodiæ triplex miles fuit, *Prætoriani, Euocati, Bataui.* Primi in nouem cohortes diuisi ab Augusto, flos militum, fide, robore, & gente. Exemplum instituti huius fuit, à Prætoriiis cohortibus in exercitu, quæ circa ipsum Imperatorem, & ad eius tutelam erant. Augustus in bellis ciuilibus plures habuit, & victor quoque retinuit in pace, contra motus subitos, & ad plebem Romanamque coercendam. Nam fuere *naucem milia* militum, non robore solum, vt dixi, sed stirpe & domo eximij: nec capti nisi ex *Etruria, Vmbria, Latio, & Coloniais antiquis*, quod Tacitus ita etiam notauit. Gloriabantur igitur hoc sanguine: & ideò Otho iis blandiens, & in concione alloquens, *Italia, inquit, alumni, & Romana verè iuuentus.* Nam legioni-

legionibus aliis, exteri iam & ciuitate donati, crebri miscebantur. *Novem* dixi fuisse: idque apertè Tacitus: at Dio *decem* scribit. Nam ita in rebus Augusti: *οἱ σωματοφύλακες μύριοι ἑντες, καὶ διὰ χίλις τετρακίδον: Custodes corporis Augusti (Prætoriani) decem mille erant, atque ij in decem partes, siue cohortes diuisi.* Hæc dissonant: & fallitur Dio? an pro suo æuo dicit? Illud potest, hoc vix potest: quia eius æuo (vixit, sub Alexandro Severo, & prioribus) iam plures denis illis erant. Exemplum à Vitellio, qui primus, opinor, auxit. Tacitus de eo, Romam ingresso: *Confusus prauitate, vel ambitu, ordo militia. Sedecim Prætorie, quattuor Urbane cohortes scribebantur, quis singula millia inessent.* Sed an ille tamen primus? an non Claudius Imp. antea fecerat? Lapis vetus (quid contra eum dixerim?) affirmat: C. GAVIO. I. F. STEL. SILVANO TRIB. COH. II. VIGILVM. TRIB. COH. XIII. VRB. TRIB. COH. XII. PRAETOR. DONIS. DONATO. A. DIVO. CLAVDIO. BELLO. BRITANNICO. En, ille verò sub Claudio vixit, & *donis ab eo donatus* in Britannia: & tamen *Tribunus* scribitur *Duodecima Prætorie cohortis*. Sculptor errat? sed idem est in *Urbanis*, vbi *Decimatertia* nominatur. Quid? an hic Gavius potius, iuuenis Britannico bello interfuit, & tum senior sub Vitellio militauit? Omnino dixerim: nec tempora refragantur, potuitque vel sub illo, aut statim ab illo, Tribunatus hos gessisse. Nam eam auctionem dixerit aliquis mansisse: arguimento eorumdem lapidum, in quibus crebrò, grandiore numero, sic legas. Istis *Castra Prætoria* fuere, ad Portam Viminalem: vt arctius, & in disciplinâ haberentur, secreti à ciuibus & vrbe. Sed *Euocatus* iam addo: de quibus Tacitus, atque alij, silent (quod equidem obseruauerim) at non Dio Cassius, qui adiungit apertè. *Euocatus*, inquit, *Augustus* *vti iam cæperat in Antonium olim, eosque & postea seruauit. Sunt autem hodieque propria quedam & separata manus, & vites serunt, inslar Centurionum.* Hoc ille, vbi ex professo de custodia Principis scribit. Facere huc videtur, quod Suetonius in Galbâ notat, *dilegisse eum equestris ordinis iuuenes, qui manente aureorum anulorum vsu, EVOCATI appellarentur, excubiasque circa cubiculum suum, vice militum, agerent.* Instituisse hoc eum planè dixeris, exemplo custodiae Principalis, quem Principem scilicet nunc agebat: et si non veteranos quos-

Lib. IV.

dam milites, sed Equites ipse elegit. An non ibidem & munus istorum Euocatorum expressum? nempe ut circa cubiculum Principis excubias aperirent? ego omnino opinor: etsi valdè miror, nusquam (nec occasio defuit in vrbaniis illis moribus, aut Principum cœdibus) nusquam, inquam, à Tacito vel Suetonio, vel ipso Dione alibi, nominatos. Tamen quod in lapidibus crebrò legitur, EVOKATVS AVGVSTI, me iudice haud aliò est referendum. Tertij sunt *Bataui*, equites peditesque. Dio Cassius: *Sunt & exteri Equites selecti, quibus Bataurorum nomen est, inque equitandi peritissimi.* AVD. Da veniam, interpello te: Bataui equites? hoc est simile, ac si dicam Venetos equites esse. Et Bataui sanè nostri, aliis illis equis veliuolis & ligneis, per Neptuni æquor optimè discunt: hos terrestres, parè aut parum dextrè tractant. LIPS. Vetera loquimur: gens ea tunc Martem potius, quàm Mercurium colebat. Et quæ gloria * vicinis illorum in equite nostrâ etiam memoriâ fuit: ea ipsis olim. Credo autem intellegi tunc quoque superiores illos Batauos maximè, qui Geldriæ nunc accensentur: nam inferi & ad mare, nec ipsi, nec regio eorum equis satis facti, aut apti. Sed Bataui igitur boni Equites: fuère & Pedites, etsi Dio silet. Tacitus alijque dicent, qui tamen hos modò Batauos, modò Germanos appellant: sed dixeris Dionis ævo Pedites non fuisse. Causa, quia Galba Germanorum cohortem institutam iam olim à Caesaribus, ad custodiam corporis, & multis experimentis fidiissimam dissoluit, ac sine ullis commodis remisit in patriam: quod Suetonius in eo scribit. Dicit Cohortem: ergo pedites fuère: & addit ab ipso solutam militiâ ac dimissam, nec postea fortasse restitutam. Non reperio quidem vltrâ nominari: & in Notitiâ imperij, dumtaxat *Batani equites, Seniores Iunioresque.* Vtraque autem hæc manus quanta fuerit, & Dio ignorare se fatetur: *Bataurorum*, inquit, *numerum, sicut nec Euocatorum, satis certò possum dicere: quid ergo nos conemur? Puto tamen Batauos haud minùs duabus alis plenioribus fuisse, & ut minimùm mille Equites: Pedites etiam olim ad mille. Euocari autem, ij quoque cohors vna millenaria sunt. Alter nunc miles in vrbe, & pro vrbe, duplex est: Urbana, & Vigiliæ cohortes.* De prioribus Tacitus: *Quamquam insideret urbem proprii milites, pres urbana cohortes:* & innox ostendit eam quoque lectam, & non

* Menapii
& Geldri.

& non nisi Italiam manum fuisse. Sed tres ipse dicit, Dio in Augusti dispositione, *quattuor*. οἱ τῆς πόλεως φεσεν, inquit, ἑξαχίλιοι, καὶ τετραχίλιοι τετρακισχίλιοι: *Urbis custodes sex millia, & in quattuor partes dimisi*. Miror & hinc dissensum, nec concilio. Si tamen numerus tantus; vides grandes istas Cohortes fuisse, atque etiam supra Prætorianas. In Taciti antè verbis, de Vitellio, notare potuisti, ab eo denique factas *quattuor urbanas cohortes*, sed quæ non nisi singula habere: unde igitur tantas sub Augusto? Intricata hæc fatei oportet, & mihi patet libido in Tacito ibi legendi, *quattuordecim urbana cohortes*. Cum enim tam largiter Prætorij militem auxerit, cur non pariter & Urbis? Vnica illa cohors adiecta, in paruo sit: & facit validè, quòd lapides ab illo ævo, grandio rem hunc numerum suadent. In illo superius recitato erat, TRIB. COH. XII. VRB. & in alio sub Antonino Imp: C. CESTIO, C. F. STEL. SABINO. TRIB. COH. XII. VRB. DONAT. AB. IMP. ANTONINO. AVG. HASTA. PVRA. Pluribus etiam lapidibus hi tales numeri in vtrisque cohortibus, sed nomina Imperatorum aut æui certa indicia, non semper adiecta. Hic ipse Antoninus quis fuit? fortasse Caracalla Severi filius: atque ita minus miror, quoniam in Herodiano Severus gloriatur & loquitur, ubi filios ad concordiam hortatur: *Posse eos securè agere, si velint, pecuniâ multâ à se paratâ*, τῆς τι ἐν πόλει διατάματος ἀντὶς τῆς ἐπελευσεως, καὶ σχεποῦντος τοσούτου πλεονῆς πόλεως ἰδρυμένης, ὡς κοινῆς ἑστῆς διατάμης ἕξωθεν ἔχοντες κοινὸν ἀπὸ τῆς πόλεως, πλεονεξοῦντες, ὥστε μαζὶ δεῖ σπαιμῆναι, ὥστε χρηματῶν ἀπολαύειν: & copis iis quæ Romæ sunt IN QVADRVPLVM auctis, tantoque exercitu ad Urbem sedente, ut nulla externa vis par esse ei possit, siue MVLTITVDINEM spectes, siue corporum magnitudinem, siue cultum & abundantiam. Hanc mutationem & augmentum facta à Seuerò, cum Iuliani Prætorianos circumuenit, & armis exiit, probabile est, & in eorum locum Illyricos grandi numero factos. Verba quidem Herodiani clara sunt, & sic mansisse ad Constantinum videntur: qui fauente Maxentio sustulit, nec alios ordinauit. AV D. At enim si in quadruplum ita auxit Seuerus, & Vitellius iam tot Cohortes fecerat: quid dicemus? oportuit vel suprà LX. cohortes fuisse. Lites. Benè oppugnas: & iam de Vitellij dubitare incipio, an dicam mansisse. Illud teneamus tamen, haud dubiè

III. H. A.

auxisse valdè Seuerum, cùm Herodianus disertè scribat, *cui-
cumque vi externas parem aut superiorem hanc internam & vrbanam
fuisse*. Sed redeo ad *Vrbanas* meas cohortes: quarum officium
præcipuum, tueri urbem. id est, motus aut turbas plebis coër-
cere, noctu circum templa, fora, basilicas excubare, stationes
agere contra grassatores aut sicarios; itemque Præfecto vrbis
(qui caput iis erat) apparère. Itaque & extra urbem interdum
puto dispositos, cùm eius Iurisdictio ad centesimum lapidem
porrigeretur. Quod autem Præfectus caput, in Tacito clarè
scriptum, de Flauio Sabino, qui tunc in eo munere: *Esse illi PRO-
PRIVM militem cohortium urbanarum: nec defuturas Vigulum cohorte-
tes*. Quas nunc adiungo (*Vigulum* dico:) & moneo eas quoque
ab Augusto esse. Nam is cùm crebra incendia in magnâ illâ &
frequenti vrbe videret, remedium quæsiuit firmum & perpetuum,
militemque ex libertinis collegit, & in septem cohortes digessit.
Id factum anno vrbis DCCLIX. Et quanquam præcipuus hic finis
& instituendi causa fuit, tamen seruiisse etiam tutelæ vrbis, &
contra nocturnos fures aut grassatores, non est ambigendum.
Minus lecta hæc manus fuit, & ministerio potius quàm militiæ facta:
tamen vt regi meliùs iuberet, possent, digesti in Cohortes, &
Centuriones Tribunosque suos accepere.

CAPVT V.

De copiis in mari, aut fluminibus; de Classibus variis, earumque sedibus.

TERRESTRI milite satis limites, & vitalia imperij, id est
Romam ipsam, munimus: nunc & maritimo, siue flu-
uiatili etiam, muniamus. Nam cùm mare medium per totum
illud imperium iret, vt diximus; cùm etiam flumina magna
clauderent vel ambirent, vtile censuerunt, *Classes* perpetuas in
vtriusque parte esse, quæ & piratas cohiberent, & hostes excluderent,
& suis etiam transitum aut transuersionem, cùm opus esset,
statim darent. Prudens & pulchra inuentio: fueruntque
Classes in ipso mari quattuor; in *Fluminibus* tres, nisi fallor. Vide-
bimus ordine, & quod occurreret, dicemus. Primæ dux maiores se
offerunt, & *Prætoria dictæ, Misēnensis & Raueennas*. Quare
Præto-

Prætoriar? (scpe enim ita in lapidibus:) opinor dignitatis causâ, & quia inter minores alias, vt Prætoria aliqua nauis, eminerent. Nam Præfectus sanè earum non fuit Prætor. Hoc quoque ab Augusto institutum, notante Suetonio: *Classem Miseni, & alteram Rauennæ, ad tutelam superi & inferi maris collocauit.* Et Tacitus de iisdem: *Italiam vtroque mari due classes, Misenum apud & Rauennam, præsidebant,* Sed distinctissimè Vegetius, qui numerum & plura aperit, his verbis: *Apud Misenum & Rauennam, SINGVLARÆ LEGIONES cum classibus stabant, ne longius à tutelâ urbis abscederent, & cum ratio postulasset, sine morâ, sine circuitu, ad omnes mundi partes peruenirent.* Nam Misenatum classis, Galliam, Hispanias, Mauretaniam, Africam, Ægyptum, Sardiniam, atque Siciliam, habebat in proximo: classis autem Rauennatum, Epiron, Macedoniam, Achaïam, Propontidem, Pontum, Orientem, Cretam, Cyprum, petere directâ nauigatione consueuerat. Ait singulas legiones in singulis fuisse: pro more sui æui, aut parùm conspecte, locutus. Non enim Legiones propriè erant, sed dumtaxat Cohortes, ex quæ decem, & Tribunos suos siue Chiliarchos (à numero cui præerant) habebant, itemque Centuriones. Enimuerò Tacitus non semel ostendit, Classiarios militiam legionariam, vt honestiorem petiisse: & aliquando impetrasse: non ergo habebant. Quomodo autem? exteri plerique, & nec ciues erant. Tacitus de classe Rauennate: *Ambiguos militum animos, quod magna pars Dalmate Pannoniæque erant.* Et in Tabulâ, quæ Venetiis adseruatur: *HADRIANVS. IMP. IIS. QVI. MILITAVERANT. IN. CLASSE. PRAETORIA. MISENENSI. SEX. ET. VIGINTI. STIPENDIIS. EMERITIS. DIMISSIS. HONESTA. MISSIONE. IPSIS. LIBERIS. POSTERISQUE. EORVM. CIVITATEM. DEDIT.* Si dedit, non antè habebant. Clara & vera hæc sunt, ac naualis militia, vilis semper & vilium, apud Romanos. De Miseni igitur classe, liquet apud Misenum, pulcherrimo sinu, eam stetisse. Virgilius doctè indicauit, cum Misenum illic sepelit Æneas,

Imponit suâque arma viro, remumque tubamque.

Nam & Remum & Tubam dat, præsignificans locum hunc futurum vbi & Remiges & Milites in classe essent: Milites, quos Tuba notat. Etsi autem naues ibi & classis, tamen Castra etiam in terrâ & ad portum ipsum fuisse, commoditas eorum exigit,

& lapides qui sæpe effodiuntur, dicunt. Inter eos isti:

D. M.

D. M.

C. IVLIO. QVARTO

TI. PETRONI. CELERIS

VET. EX. PR. N. GALLO

NAT. ALEX. EX. III. ISIDE

D. M.

C. SENIO. SEVERO. MANIPLARIO

EX. III. FIDE. NATIONE. BESSVS.

Notę breuiores in iis, hoc volunt: *Veterano ex Prætoria nane Gallo. item: Natione Alexandrino, ex tertiâ Iside. iterumque: Ex tertiâ Fide. Gallus autem, Isis, Fides, nomina nauium sunt, ab imagine aut tutelâ. In his item portibus, præter Castra, Pharos siue Turres quasdam ad prælucendum noctu fuisse, Plinius mihi suggerit: ille Plinius, qui ipse fuit classis Misernatium Præfectus.*

Lib. XXVI.
cap. XII.

Vsus Phari, nocturno nauium cursui ignes ostendere, ad prænuncianda vada, portus ve introitum: sicuti compluribus iam locis flagrant, vt Puteolis, & Rauenna. Pharus Puteolana, ad hanc Misernensem fuit. At verò altera, sicut & ipsa Classis, Rauenna. Notum & nobile etiam opidum, ob sedem ibi postea regni Gothorum. Et ipsam, & Classẽ autem, Iornandes optimè notificat, ex Dione: Amerindie, inquit, Padus, qui & Eridanus, ab Augusto Imp. altissimâ fossâ demissus: qui septimâ sui alvei parte mediam influit ciuitatem: ad ostia sua amœnissimum PORTVM habens, qui CLASSEM ducentarum quinquaginta nauium, Dione referente, tutissimâ dudum credebatur recipere statione. Qui nunc, vt Fabius ait, quod aliquando portus fuerat, spatiosissimos hortos ostendit, arboribus plenos, verum de quibus pendeant non vela, sed poma. In fronte verborum vides, Augustum aptasse locum & portum, fossâ percussâ: in medio, Dionem auctorem, de nauibus CCL. quæ illuc caperent. Sed vbi hoc Dionusquam in libris qui nunc sunt, sed dixit (opinor) in Vitellij rebus, vbi multa mentio classis Raennatis, ob transfugium eius & turbas, quas & in Tacito habes. In vltimo ostendit, esse de fuisse & portum & classẽ. Atque hæc duæ sunt Maiores illæ classes maritimæ: sequuntur duæ Minores. prior in Galliâ, coloniam & portum Foroiuliensi: tum ad ipsam Galliam, tum ad Hispaniæ illam oram tuendam. Tacitus de eâ, eiusque auctore: Gallie proximum Litus ROSTRATÆ naues præstebant, quas Asiaticâ victoriâ captas Augustus in opidum FOROIV-

1111. Ann.

LIENSE

LIENSE miserat, VALIDO cum remige. Habes Augustum auctorem, habes Rostratas & bellicas, itemque Validum remigium. Satis ergo & grandis, & instructa ea classis: cuius idem Tacitus in rebus belloque Othonis cum Vitellio meminit. Est autem hoc Forum Iulij in Galliâ Narbonensi, loco quem Strabo designat: Nauale, inquit, *Casaris Augusti, quod Forum Iulium vocant. Situm est inter Olbiam & Antipolum, abestque Massiliâ stadiis circiter sexcentis*. Notat nauale siue receptaculum classis esse: ideoque & à Plinio ipsa vrbs *Classica* dicta, itemque Colonia Octavianorum, quod octaua legio eo deducta. Altera minor in ipso Ponto: id est, in capite & fonte mediterrei maris. De eâ Tacitus capiendus: *Mucianus classem à Ponto Byzantium adigi iussit*. Ergo statio ei supra Byzantium fuit: sed vbi, ignoro. Numerum eius è Iosepho possum dare: *Pontica, inquit, omnes gentes tribus milibus militum subduntur, & QUADRAGINTA naues longe (rostratae) illud asperum & innaugabile pelagus tutum pacatumque praestant*. An non & tertia etiam Ostiæ? Suetonius suggerere videatur in Vespasiano: *Classarios qui ab Ostiâ & Puteolis Romam per vires pedibus commeant*. Nam Classarios Ostiæ ponit: & fortasse Claudius instituit, porro eo instructo. Sed certum non habeo: & potuit esse ibi pars è classe Misencensi. Potest & sensus esse, ut Puteolis Ostiam nauibus venerint, inde pedibus Romam ad res celeriter nunciandas. Transeo ad *Classes fluminum*: & prima est in Rheno, de quâ Panegyricus: *Cum totius ARMATIS NAVIBVS Rhenus instructus sit*. Ait totum Rhenum: ergo diuisam per partes cenfeo, ut & militem ipsum terrestrem. Florus ostendit, Bonnæ & Geldubæ (si proba modò lectio) fuisse, ex instituto Drusi: *Bonnæ & Geldubam pontibus iunxit, CLASSIBVSQUE FIRMAUIT*. Ergo ibi pars, pars & certò ad exitum fluuij, vbi Pharus olim, quam nunc Arcem Britannicam vocant. Hanc opinor esse, quam *Classem Britannicam* Tacitus in bello cum Ciuili appellat: quia & in Britanniam ea commeabat. Sed tota classis communiter Germanica dicta: & sic in eodem Tacito leges, *Iulium Burdonem, Germanica classis Praefectum*. Hæc partitiõ classium Taciti loca aperiet, aut conciliabit, quæ pugnaturire inter se videntur. ut cum scripsit, *Vniuersam quattuor & viginti nauum classem transfugisse* (ad Ciuilem) aut captam esse. An igitur vniuersa ea, non nili tot nauium?

111. HIR.

Lib. 19.
Escid.

v. HIR.

* Kopp.
len.

xii. Annal.

navium? Imò postea iterum facit Ceriale in navibus pugnasse, etsi numero imparem, sed magnitudine earum potiore. Atqui struere tam citò non potuit: sed nempe ex aliâ parte, atque adeò grandiores triremium, quæ ad Oceanum & Pharam, sumpsit. De his navibus Hegeſippus ex Iosepho ita scribit: *Rhenus itaque iam non Germanorum copiis repletur, sed Romanorum liburnis, quæ pererrantes TOT VSQVE AD MARE bicornis amnis fluente, quondam liberas gentes servitio premunt.* Legendum autem illuc, *Copulis Germanorum*: estque navium minorum genus, quod ipsi Germani sic à vinciendo & ligando dicebant. Dicit earum loco *Liburnas* iam rostratasque Romanorum esse: credo, biremes. quas & pererrasse totum amnem identidem scribit: & an ideò *Lusorias* dictas? Vox crebra in Ammiano, Vegetio, aliisque. Altera classis *Fluviatilis*, in *Danubio*. de quâ Tacitus: *Vannius surditur prælio, & ad classem in Danubio operientem perſugit.* Nominantur & Vegetio *Lusoriae*, quæ in *Danubio* *COTTIDIANIS* vtuntur *EXCVBIIS*. In Codice Theodosiano titulus, *De Lusoriis Danubij*. In Nouellâ quadam: *Castrorum quietiam ipsis, luxuriantisque curam mandamus: legendum, Lusoriarumque.* Credo & tertiam fluviatilem in *Euphrate* fuisse: quidni in magno flumine, & contra Parthos? Ammiani aliquot loca suadent, etsi non cogunt: nec alibi certò legi. Habes totam munitionem imperij, terrâque: an non validam, vtilem, opportunam? sed & adſpectu aut cogitatu pulchram, cum imaginem proponis (*Aristide delincante*) *magna urbis, cuius fosse, flumina essent; turres & propugnacula, militaria in sinibus castra aut castella; ipsa mœnia, non è latere vllò aut lapide, sed ære ac ferro tot prætendentium legionum.* AVD. Mehercules delector, & cogitatione peragro ac iungo, quæ locis situque diuisa. Sed ipsam summam totius præsidij cur non expressisti? LIPS. Facile est, & per te possis: quantum quidem certus partium dictarum est numerus. Vbi non, diuinetur. Aio igitur in provinciis copias non minùs fuisse, *Legionum, Cohortium, Alarum, ducentis quinquaginta milibus*, aut circa: & sic, vt legiones nec plenissimas, sed 111. millium accipiamus. In Vrbe, ponere liceat in vniuersum ad xxvi. millia militum: & post Seuerum, vel ad sexagena. In classibus omnibus, haud minùs *centum milibus* militum remigumque. Ita fiant

stant in vniuersum, supra *quadringenta millia* ordinariorum: ceteri Agathias Historicus plures etiam, & largiter, fuisse asseueret. Nam de Iustiniani xuo loquens, *negat copias Romanorum tantas, quantas OLIM esse: nec iam sufficere tutelæ imperij, contra hostes.* Cùm enim, inquit, ad *SEXCENTA QVADRAGINTA QVINQVE MILLIA* militum vniuersas eas colligere oporteret, vix tunc in centum quinquaginta millibus consistebant. Hæc ille scriptor, & credo vera atque explorata (cùm tam curiosè numeret) attulisse. Oportuit igitur Auxiliares copias grandes fuisse. AVD. Imò an non legiones fortasse plures faciendæ sunt, & vel ad XLIII. ordinariæ sub Augusto ac deinceps locandæ? Hoc enim & Orosius & Appianus dicere videntur: & vir doctissimus ita affirmat. LIPS. Errat ille vir doctissimus: nec aliter sub Augusto fuit, ac dixi. De Orosio & Appiano, hoc saltem dicunt, Sexto Pompeio in *Siliciæ* victo XLIII. legiones, iunctis omnibus copiis (& Lepidi nempe, & Sexti, & ipsius) in vniuersum, Augustum habuisse: sed hoc non addunt, & seruasse. Ille verò non seruauit, sed sparsit, & in *Coloniis* misit, de quibus ordo & hæc admonitio suadent iam dici.

CAPVT VI.

De Coloniis, & modus fructusque deducendi.

PRÆMISI verò, Præsidia militum in longinquis limitaneisque locis fuisse, pauca aut nulla in prouinciis mediis: imò plerèque earum sine milite aut armis vllis. Quid ergo tuebatur interiora, & quieta præstabat? *Colontiarum* deductio, optimo & sapientissimo Romuli inuento. Nam ad illum consensu referunt. qui victis finitimis opidis aut gentibus, partem earum solitus in urbem & ad se traducere; partem illuc relinquere, sed sic vt Romanos suos misceret, custodiam & regimen, nequid mouerent. Eos ita missos, *Colonos* appellauerunt, & ab agrorum nouæ dedicatione cultura (ait Hyginus) ipsas *Colonias* appellauerunt. Ratio & modus erat, vt agri diuiderentur viritim: idque à *Triumuiris*, quos graues & prudentes viros huic rei legere solebant: qui & sedes, agrosque, & ipsum opidum (si condendum esset) disponebant, & iura ac formam nouæ quasi reip. dabant. Sic tamen, vt omnia Romam & urbem matrem referrent. ipsis

E

quoque

quoque locis, Fora, Capitolia, Tempia, Curia: pro illâ imagine essent; & in gubernatione, *Duumviri* plerisque coloniis, quasi duo Consules, *Ædiles* item, & *Decuriones* pro Senatu. Varia in hoc instituto utilitas, quam licet percurramus. Prima, quòd alleuabatur vrbs ipsa princeps, & superfluam nimiamque multitudinem, vt sanguinem emittebat. Ita victus facilior, ita turba minor, & turbæ quoque, faciles oriri inter tam confertos. Sed & soboli magis vacabant libentiusq̃, sic vacui: non aliter quàm arbores aut plantaria magis se diffundunt & propagant, vbi in arcto non stipantur. Altera utilitas, ipsos hostes aut subditos tangit. Vbi enim Coloniae sic collocatae, loca frequentabantur, colebantur, poliebantur etiam, nouorum hospitiū aduentu, & artium inuectu. Diuina Prouidentia hoc sine Græcos olim in Asiam, Europam hâc nostram, vsque in Hispaniam, per maritima loca misit & disposuit: vt rudes ferocesq̃, humanitate & elegantia percolerent, atque ad mitiora studia & mores transferrent. Quod idem Romani mox fecere: & iis cultū hunc omnem debet pulcherrimus Europæ tractus. Tertia utilitas, quæ præcipuè in oculis Romulo & Romanis, Præsidium in subiectos. Sparsa hæc tot opida, locis opportunis, & in iis Romanus sanguis: quid nisi tot arces & propugnacula erāt imperij Romani? Dicamus quidlibet: nihil tam validum, quàm talis aliqua deductio: & vbi ij qui agros in alieno accepere, semper obligantur aut tueri iura imperiumque donantium, aut pelli, si & ij pellantur. Atque hic primus, vt dixi, præcipuusque aspectus: accessere mox, valde auctâ re Romanâ, duo alteri. Prior, vt plebem inopem & grauem sic exhaurirent; alter, vt militibus emeritis præmia largirentur. Nam ecce in tantâ vrbe, & crescente ciuium tenuiorū numero, per tot manumissiones: quæ ratio alendi aut subsistendi fuit, nisi vt emitterent? non aliter, quàm vbi alucaria plena, noua examina in alia & noua transfunduntur. Sic &, occulto Politico consilio, sentina & sex vrbis educebatur: purior meliorque pars asseruabatur. Iam verò in militibus pulchrum. & quis non libens in eam Militiam se impenderet, vbi & post eam tam magna & certa præmia essent? Agri & sedes dabantur, regimen illic & honores, pecunia etiam (nam sic Augustus instituit) ad instrumenta, iumenta, & siquid opus, cœmendum.

mendum. Ego verò dixerim, nec isto æuo Militiam satis bonam, fidam, facilemque futuram, nisi tali præmiorum ratione: nec difficile, cum magno bono publico, excogitare. Ista igitur deductio Coloniarum, & causæ: in quibus tamen tyranni aut violenti aliquot ciues fraudē & iniuriam miscuerunt. vt Corn. Sulla, qui non, vt olim, agros ex hoste captos distribuit, sed in ipsâ Italiâ, quod sciebat milites appetere, sedes iis dedit. Quod fieri non potuit, nisi pacatis fidisq; populis, per summam iniuriam & scelus, expulsis. Appianus auctor est *vigintitres* legiones ab eo sic deductas, quæ facerent (si probè commemini) *centum viginti millia*, cum iis qui adiuncti. Simile & Cæsar Iulius, in pace & Consulatu fecit, qui agrum Campanum & Stellatam *viginti millibus* ciuium, coloniâ Capuam deductâ, diuisit. Idem iam Dictator, *in transmarinas colonias octoginta milliâ ciuiû distribuit*, Suetonio auctore: id est, in Carthaginem maximè & Corinthum. Quod noto, vt numerus videatur deductorum: qui sanè grandis fuit, siue è ciuibus togatis, siue è militibus veteranis. Augustum *centum viginti millia* deduxisse sub *quintum Cōsulatum* suum (bellis Ciuilibus iam finitis) lapis Ancyranus ostēdit: & postea multa millia adiunxit. In solâ Italiâ *duodetriginta colonias* collocasse, Suetonius notauit. Iraque huius Principis plurimæ, & in toto orbe terrarum fuerunt: quod ipsa agnomina earum ostendunt. Denique paullatim tanta frequentia, vt negem regionem, imò vix regiunculâ fuisse, in quâ Coloniz aut Colonia non esset. Tot illis vinclis miramur orbem cōpeditum & adstrictum, in Romanâ ditione & imperio mansisse? Non ego: sed nec Velleij iudicium valdè probo, *inter perniciosissima Gracchi habentis, quod extra Italiam colonias posuerit*. Equidem planissimè contrā sentio: & ad hunc coërcendi finem, aliter oportuit; aut nec imperium extra Italiam proferre. Timorem quē timet, nequa Colonia potentior matre suâ fiat, sic longinquâ nullus est, & certè locum in Romano aliquo imperio nō habet. Sed nec Hispano: & prudentissimè eos censeo Nouum orbem coloniis implese. Quarum alia atque alia genera tamen erant, & quædam *Romani*, alia *Latini*, quædam & *Italici* iuris. Reperio & *Patritias*, & *Equestres* agnominatas, haud dubiè, in quam digniores ciuium militumve deducti. A v d. Sed de numero igitur, nihil certi

Ad Hicm.
Consolat.

aut definiti habes? LIPS. In Italiâ solâ *centum quinquaginta* fuisse reperio; in Africâ, circiter *sexaginta*; in Hispaniis, ad *triginta*; paullo minùs in Gallis: & idem iudica de reliquo orbe. Difficile enim hæc adnumerare firmiter: cum & aliqua legentem fallant, & non omnia hodie in libris legenda. Hoc Senecæ tibi suffecerit: *Populus Romanus quot Colonias in OMNES provincias misit? VBIQVE VICIT Romanus, HABITAT.* AVD. Quæro etiam, ecquid seriò probes hoc ius siue morem colonicum? LIPS. Dixi, & probo: atque adeò magnis Regibus adsuadeam imitari. AVD. Tunc in tam apertâ iniuriâ? nam certè aliena eripiebant, possidebant, posteris tradebant. LIPS. Quid tum? utilitas publica magna, ut in aliis, exiguum hoc iniquum diluit, vel absorbet. Etsi cur iniquum? qui iniuriam intulit, iuste malum & pœnam habet. Coercendi hoc modo sunt, & ne in posterum noxam noceant, refranandi.

CAPVT VII.

Multitudo Romanorum, & ratio adfiscendi gentes, aut transferendi.

AVD. Sed mihi hæc admiratio & quæstio, Vnde Romanis ea copia, & sic assidua, vel Militû vel Colonorum? Nam cum intueor & examino; examina habuisse hominum debuerunt, quæ vel conscriberent, aut transferrent. LIPS. Haud de nihilo petis, & satisfaciam: scito. Romanos primùm pauculos fuisse, & cum Romulus militiam & temp. ordinavit, vix ad *milia terna* peditum (alij *bina millia* volunt) censa, & equitum *trecentos*. At idem ille, cum è vivis abiit, peditum reliquit *XLVI. milia*, & equitum *mille*. Tantum viri opesque creuerant in annis circiter, quibus Romulus regnavit, *triginta septem*. Res mira est. & quibus artibus aut industriâ ille hoc assecutus? Apertione asyli, quæ haud dubiè aliquid adiuuit, & è vicinis, etsi non optimos, elicit. Lege de liberis latâ, quâ iussit quidquid natum esset tolli, modò ne mutilum aut monstrosum. Receptione in civitatem, quam non exteris solùm confluentibus, sed victis & hostibus dedit. Laudant cum alij hoc institutum eius, tum Claudius Imp. apud Tacitum: *Quid aliud exitio Lacedæmoniis & Athenien-*

Atheniensibus fuit, quamquam armis pollerent, nisi quod victos pro alienigenis arcebant? At conditor noster Romulus tantum sapientia valuit, ut plerisque populos eodem die hostes, dein ciues haberet. Atque id sanè diu retentum Romæ, ut è prouincialibus honestissimos, hoc beneficio ciuitatis obligarent, & simul se augerent, simul discrimen, & tacitum pænè dissidium, inter illos conciliarent.* Ob amulationem inter receptos, & non receptos.

Claudianus in Romæ laudibus:

*Hæc est, in gremium victos qua sola recepit,
Humanumque genus communi nomine fouit,
Matris, non domina, ritu: ciuesque vocauit
Quos domuit, nexuque pio longinqua reuinxit.*

Ita, quod ex illo apparet, diffusum latè aut vndique iam hoc beneficium: & ciues Romani facti, quicumque in orbe Romano essent, ex constitutione Imp. Antonini. Excluduntur ergo soli Lib. 1.
serui & barbari. quo sensu Sidonius scripsit, & appellauit Romanam verticem mundi, patriam libertatis, in qua vnicà totius mundi ciuitate soli BARBARI & SERVI peregrinantur. Itemque passim alij Communem patriam: & ad eam his versibus Rutilius:

*Fecisti patriam diuersis Gentibus vnã,
Profuit iniustis te dominante capi.
Dumque offers victis proprij consortia iuris,
VRBEM fecisti, quod prius ORBIS erat.*

Hæc ita posteriori æuo, nec optimo scilicet, nec optimè: præstabat electio illa & secretio, ob varias causas. Sed tertia etiam ratio augendi ciues, ex instituto non quidem Romuli, sed Seruij Tullij. Ille cum videret plerisque tunc seruorum, aut bello captos, aut è prædâ emptos esse, atque eos ferè è liberis & ingenuis, & antè etiam liberos: humanum bonumque putauit in ciuitatem recipere, siqui à dominis manumissi essent. Nam & Romanis moribus ingenuisque assuesfacti iam erant; & sic fore prouidebat, ut semper, tanquam ex fonte domestico, proles scaturiret ad belli aliosque vsus. Difficile id persuasum primò ciuibus, & inquinari eo consortio videbantur: sed nempe ostendit, & origine bonos eos esse, & iam diu ipsos etiam hostes in hoc ius admissos: ita cur non idem domesticis & fidis seruis indulgerent, causam nullam esse. Maximè, cum in eorum manu totum hoc beneficium. & videre posse, ut nec temerè manu-

mittendo darent; & illos adnifuros, vt omni scdulitate ac fide emererentur. Ampliùs, futuros eos nihilominus velut in curâ & clientelâ Patronorum: & sic nobiliores ciues, in comitiis aut suffragiis, semper manum aliquam fauentem & obnoxiam habituros. Ita illis persuasum. sed Regi in oculis præcipuè, frequentia & multitudo ciuium, fundamentum omnis potentiz & diuturni status. Nec tamen ij æquiparati statim dignioribus, & veteribus ciuibus: reiecti in quattuor vrbanas tribus fuère, & inuenta ratio, vt minimum in suffragiis, aut aliâ publicâ re, pollerent. Quin & à militiâ legionariâ & honestiore exclusi sunt: donec paullatim nepotes ac pronepotes eorum, verè iam Romanus sanguis, peruenirent. Liberti ipsi & Libertini (veteri quidem republicâ) arcebantur. Hoc institutum, incredibile est, quantum ciuitatem auxerit: in quâ aliquot seruorum millia pauculis annis manumissa. Neque negandum est, vtile initio & præclarum fuisse: sed lapsu temporis, vt sit in humanis rebus, hîc quoque lapsus: cùm iam Syri, Cappadoes, Asiatici, Græci, Barbari in seruos recepti, & mukti ex iis facinorosi & perditii, qui pretio, blanditiis, aut & sædis obsequiis libertatem meriti, quam colluuiem in ciuitatem non inuexerunt? Imò per eos effectum, vt egregia illa animi ac morum, Romana olim plebs, vilissima facta hominum sit, & vno verbo, cloaca ac sentina vitiorum. Sed ista sæculis aliquot post Tullium. interea profuit largiter institutum, & effecit, vt cùm primo censu ac lustro Ser. Tullij, LXXIIII. ∞. censa essent, illo qui sub primis Consulibus fuit (nam Tarquinius Superbus intermiserat) CXXX. ∞. censerentur: idque eorum qui puberes, & in virili togâ essent. Largus tibi hic numerus videtur: nihil est. cùm post aliquot ætates, id est, anno vrbis CCCCXIII. censa sint ciuium CCLX. ∞.: & paulo ante bellum Marficum, anno Vrbis DCXXXIX. circiter *quadringenta* millia, paullo minùs. At post id bellum, sociis iam in ciuitatem paullatim receptis, creuit valdè numerus, & ad *nongenta* millia censa* alibi nobis doctû. Cui ipsi numero firmando, velim addi hæc Phlegontis in Chronicis. qui notat Olympiade, quâ Lucullus Amisum cepit, & Mithridatem ad Cabciria vicit (id fuit circa annum vrbis DCLXXXII.) *censitas Rome nonaginta myriadas ciuium, & vnam*, id est, *nongenta & decem millia*.

* in i. Elect.
cap. XXV. 2.

Quid iam sub Augusto? ipse de se in lapide Ancyrano clarè hoc dicit, IN. CONSVLATV. SVO. SEXTO *Lustrum condidisse, QVO. LVSTRO. CENSITA. SVNT. CIVIVM. ROMANORVM. CAPITA. QVADRAGIENS. CENTVM. MILLIA. ET. SEXAGINTA. TRIA.* Immanis herclè numerus: & quis iam de copiis miretur coloniisq;? At etiam creuit assiduè, & sub Claudio Imperatore, Tacitus ac fidi auctores accensent, *sexagies novies centena sexaginta quattuor millia*, Vltrà quærere, superuacuum sit, cùm iam passim in ciuitatem totæ vrbes regionesq;, vt dixi, receptæ. AVD. Neque hercules quæro, affatim habeo quod mirer. Sed illud lubet scire, an ex solis igitur illis ciuib; copiæ scriptæ? LIPS. Non è solis. olim & è Latino nomine, vt scis: ac postquàm ij ciuitate donati, Principum tēporibus maximè, cœperunt & è prouinciis auxilia scribi. Augusti id inuentum: & causam occultam etiam habuit, subditos sic exarmandi, & quasi obsidibus traditis in fide continendi. Nam quotannis dilectus istos habebant, & optimum ac robustissimū quemque abducebant. Ita enervæ prouinciæ, & illi qui dilecti, in longinquas & dissitas oras consultò trahebantur. Non enim facile res nouas audere aut mouere, inter ignotos & alienos. Ciuilis, qui Batauos ad rebellionem traxit, hoc quoque telo eos incitat: *Instare dilectum* (verba Taciti) 1111. Hæc.
quò liberi à parentibus, fratres à fratribus, velut SUPREMVVM diuidantur. Idem Galgacus, dux Britannorum, in eodem Tacito: *Liberos suos cuique ac propinquos natura carissimos esse voluit: hunc dilectus ALIBI seruituri, auferuntur.* Atque eiusmodi auxiliorum, è variis gentibus, magna copia, quod & *Notitia Imperij* indicat, & Taciti hæc verba: *Nul valdum in exercitibus, nisi quod externum.* Iterumq;: *Prouinciarum sanguine prouincias vinci.* AVD. Artem video, & simul auxilia bello scripta, simul materiæ subductam rebellandi. Sed ista profectò translatio dura: & quo exemplo? LIPS. Haud facilè dixerim: nisi quòd similia iam olim noto. Romulus ipse populos vicinos in vrbem suam transtulit, Tullus Hostilius Albanos. Sed hæc leuia, & alio quodam fine. quid si totas gentes translatas doceam, eadem illâ non rebellandi, aut coëctendi, causâ? Fecit Augustus in Sugambrijs & Sueuis, quorum *quadringenta millia* (hoc verius censeo ex Eutropio, quàm quod in vulgatis Suetonij libris *quadragesima* editur)

tot inquam illa millia *traiecit in Galliam, iuxtaque ripam Rheni, sedibus assignatis, collocavit.* Ita & Galliam impleuit, & ex hoste socium auxiliaremque fecit. Sed iudicio & consilio in hac re opus, ne plures suscipiantur aut traducantur, quàm coercere possis: peccatumque à secutis Imperatoribus (maximè post Constantinum) qui Barbaris receptis, imperium & urbem prodiderunt. Alioqui multum commodi aut tutelæ translatio hæc habere possit. quâ Philippum Macedonem (callidum illum regnandi) vsu Iustinus prodidit: scribitque eum, *ut pecora pastores, nunc in hibernos, nunc in aestivos saltus traieciunt, ita populos & vrbes, ut illi vel replenda vel derelinquenda queque loca videbantur, ad libidinem suam transulisse.* Parabat & Alexander simile, firmando imperio, nisi mors interuenisset. Nam in Commentariis eius inuentum Diodorus tradit, *ut ciuitatum aliarum in alias migrationes fierent, itemque hominum traiectiones ex Asia in Europam, ex hac in illam: & causam addit, ut gentes connubio, commercio, & amicitia inter se iungeret:* quæ ipsa haud vana planè est, aliam tamen & intimam non expressit. Antipater, qui in partem potentia succcessit, in idem hoc consilium: & Atheniensium urbis potens, ipsam eiusque regimen ditioribus honestioribusque concessit, tenues, & quidquid inopiâ turbidum, eduxit, & ad xx. eorum in Thraciâ, agris datis, collocauit. Lego & Tigranem regem, cui bellum Pompeius fecit, *trecenta millia* è Ciliciâ & Cappadociâ in Armeniam & Mesopotamiam traduxisse, ad ea loca frequentanda & meliori genere implenda. Et ut vicina magis temporibus locisque tangam, Carolum Magnum satis scitum est, Saxones sæpe rebelles translatione domuisse, & in Belgicæ nostræ oris posuisse. Ludouicus etiam xi. Galliarum rex, Attebatium fidei infensus, & quia à vitâ diuelli quàm à Burgundiaci imperio malebant, sparsit eos per Galliarum vrbes aliquot, & suos in locum introduxit. Quid in nouo illo orbe etiam video? Reges Periani tractus, quos *Ingas* ipsi appellant, pro firmamento status habebant, populos victos statim, cum totâ sobole, transferre ad interiora loca, & in illa limitanea alios suos fidosque supponere. Hoc genus *Mitimaes* patriâ linguâ vocabant. Habes de multitudine, & eius causis. Ac quædam his inesse magnis Regibus imitanda ego scio: qui si
exhau-

exhauriunt semper (vt sit in militibus aut colonis emitendis)
nec addunt : quid nisi fontem ipsum exhaurient & siccabunt?
Seriò, seriò prouidendum est. Tu abi nunc, & cetera cras, si
Deus uolet, dabo. AVD. Haud libens, sed tamen parco, & val-
tudini tuæ tenui parco. Vale, & firmare.

I. L I P S I
DE MAGNITVDINE
R O M A N A
LIBER II.

C A P V T I.

*De Priscis populis Romani uel ligalibus, Decumis, Quintis,
Scripturâ, Portoriis.*



IPS. Mature sanè ades. AVD. Si pro meo voto,
maturiùs, & vel conuiuia in prandio tibi fuisset.
LIPS. Licuit, & delectarer sanè vel assiduo hoc so-
daliu, si Romanæ aliquæ mihi OPES. Ad quas ser-
mo nos nunc duxit, & de iis videamus. Eas *Publicas* & *Primatas*
considerabo: & in *Publicis*, *Uel ligalia* siue *Tributa*, tum &
Triumphales manubias, denique *Liberalitates* aut *Erogationes*. Insi-
stamus ordine, & primùm in *Uel ligalibus*: quæ olim triplicia
ferè, è *Decumis*, è *Passione*, è *Portoriis*. Quod ad priores duas, ita
de iis & origine earum Appianus: *Romani nunc hos, nunc illos Ita-*
lie populos superando ac subiyciendo, partem agri iis auferabant, atque
opida & colonos condebant, aut si opida opportunè iam condita, hos in-
ducebant. Agri igitur quod cultum erat, coloniis ferè assignabant, quod
incultum (ut multa per bellum) id aliis cupientibus elocabant, PARTE
DECIMA fructuum sibi retentâ in agris satinis, in plantariis aut arbo-
retis, QUINTA, in passionibus autem, certum pretium definiebant in ca-
pita minoris pecoris maiorisque. Puteher & distinctus in eam rem
locus: & quanquam de Italiâ dicir, tamen & producere ad pro-
uincias licet, quas multas ita habitas, ex aliis scriptorum locis

1. Civil.

F

liquet.

liquet. Et si quædam arctius pressiusque habitæ, & præter hæc, Tributa etiam sua capitis pendebant. Sed quod ad hæc tria, etiam in Asiâ ea sic & in Siciliâ fuisse, Cicero alibi ostendit, & in his vectigalium summam ponit. Notabiliter in laudatione Pompeij: *Publicani familias maximas, quas in Salinis habent, quas in Agris, quas in Portibus*. Nam quod ad Salinas, viri docti iamdiu emendarunt *Siluis*, ut ad Paltiones referatur: et si *Saltibus* ego malletm, viciniore litterarum lapsu. In eâdem oratione enim aliquoties hæc tria repetit, & iungit: et si vectigal è Salinis quoque fuisse, sed non inter prima & magna, scimus. Et quod ad frumenti omnis *Decumas*, idem Cicero in Verrinis satis dixerit, quid in eâ re fuerit: nec obscurum est vel ex moribus hodiernis. De fructuum *Quintâ* in Appiano, id obscurius, imò incertius: quoniam idem Cicero in Verrem discretè nominat, *Vini & Olei decumas*, ostenditq; Siculos ita dedisse. Quomodo igitur *Quintas*? nam ego ex vite, olcâ, ficu, pomo, nuce, intellegi & redigi Appiani vectigal velim, nec aliunde video posse. Nisi tamen de siluâ carduâ intellegit: quod in medio relinquo. Sed in priore sententiâ si perseverare lubet, dicendum est, mitius leniusq; habitos Siculos, & peculiare id ibi fuisse. E *Paltionibus* genus alterum est, quod propriè & vulgò *Scripturam* appellabant. Exempli obuia, & iam aliis notata: caussam vocis Festus explicat: *Scripturarius ager*, inquit, *publicus appellatur, in quo ut pecora pascantur, certum es est, quia publicanus SCRIBENDO conficit rationem cum pastore*. Cicero igitur de hoc vectigali capiendus: *Ita neque ex Portu, neque ex Decumis, neque ex Scripturâ vectigal conservari potest*. Tertium est *Portorium*: quod scilicet in euehendo aut inuehendo (*ἐκμαρτυροῦν καὶ εἰσμαρτυροῦν*) pendebant. Res nota est: an & illa, quòd *Portarium* etiam fuerit antiquis? In Glossis lego, cum discrimine: *Portorium*, τὸ ἐν λιμένι, id est, VECTIGAL IN PORTU: *Portarium*, τὸ ἐν πύλῃ, id est, VECTIGAL IN PORTA. Et verò hoc quoque fuisse videtur, ævo præsertim inferiore, & sub Principatu: ut & in pontibus, & in viis, & portis adèd opidorum dederint, pro transgressu aut ingressu. Italia hodie, sed & Belgica, hæc non ignorat: & apud Senecam lego: *Nec indignabitur sapiens aliquid impendere, ut lumen transeat, cogitans & in pontibus quibusdam pro transitu dari*. Herodianus quoque ostendit exactio-

exactiones fuisse, ὅτι τὸ ὄχλος ποταμῶν, καὶ λιμένων πόλιν, ἢ τὸ ὄχλος πο-
 τῶν: in ripis fluminum, portibus opidorum, & viarum transgressibus:
 sed inter tyrannica habet, quia noua aut grandia, opinor; & à
 Perrinace salubriter sublata.

CAP. II.

De Tributis & Capitatione. cum inquisitum in Modum Vestiga-
 lium, & quid videantur reddidisse.

HÆC illa vetera sunt, & Vestigalia propriè dicta: quibus
 dies, & sagacitas, addo & necessitas, aliquid semper ad-
 diderunt. AVD. Hæcne propriè Vestigalia? atqui plura in id no-
 men video includi. LIPS. Plura, sed hæc primò: aut ne mentiar,
 solum ipsum Portorium primò, quia id scilicet è *vestura*: vnde
 Vestigal. Græcis etiam hîc discrimen aliquod, quibus *Vesti-*
gal propriè est τὴν, *Tributum* φόρον. Sed & in re ipsâ diffe-
 runt, quòd illud res & fundos magis spectat & ligat, hoc capi-
 ta ac mobiles opes. Sed quorsum ego ista? semel & seriò tibi
 dico, verba nunc non lultro, nec obsita aut tritosa antiquita-
 tum quæro, satis, in luce aliquâ tibi ponere Romanam œco-
 nomiam, circa publicas has exactiones. Ergo Tributa, vt dixi,
 caput ferè tangebant: atque ita pessima conditio eorum, qui
Stipendiarij, ipsi atque agri, vt Cicero alibi loquitur, essent. Tales
 Pœni, Hispani, & plures, qui per vim vltimam & bello pertina-
 ce victi essent. Appianus hoc ita expressit, vbi Scipio eû decem
 Legatis leges dant Carthagini victis: *Hos, inquit, premiis afficiunt*, In Lybæis
 socios nepe populos aut reges, τοῖς δὲ ἄλλοις φόρον ὁρίσας ὅτι τῇ γῇ καὶ ὅτι τοῖς
 σώμασιν: aliis (hostibus scilicet) tributum definierunt in agros, & in
 corpora eorum. Duo manifestò dicit, & Corpora siue *Capita* (vt
 Latini magis loquuntur) onusta, & terram ipsam. Tertullianus
 quoque ea iungit: *Agri tributo onusti, viliores, & hominum capi-*
ta stipendio censa, ignobiliora. nam hæc sunt NOTAE CAPTIVITATIS.
 Adiungit eruditissimus scriptor, hoc non nisi in verè victos, &
 vi subditos, vsurpatum: olim quidem, sed Imperatores, & ipse
 Augustus produxerunt, & valdè hæc Tributa dilatarunt.
 Ac *Capitum* vel *Capitationis* satis frequens mentio in poste-
 riorum scriptorum, sed & Iuris libris: vbi non *Hominum* solum

In Pörio.

capita, sed & *Animalum* leges: & quædam, quæ fateor in subnubilo mihi esse. Attu vniuersè hæc nunc noueris: videamus, quod nos quærimus, ecquid *Opes* ex his annuas liceat vestigiis odorari. Quæ vestigia tenuiter impressa fateor, tamen persequar & indagabo. Ac primùm de antiquis, & liberæ reip. opibus, locum esse volunt in Plutarcho istum. De Pompeij triumpho è Syriâ & Asiâ agit: dicitque, *Prelatum titulum, qui litteris indicaret anteà quidem Vestigialia reddidisse ad bis milles Hs. ex iis autem quæ ipse acquisisset, redire ad ter milles quadringenties*. Prior summa, nobis efficiat *quinque miliones* (iuuat his compendiis, vulgariter magis quàm eleganter vti) altera, *octo miliones cum semisse*. Viri docti iam, & inter hos verè primus Budæus, existimant scripto hoc indicasse Pompeium: quod ante id tempus, vniuersi reditus è vectigalibus non pluris essent, ab ipso autem iidem aucti plus triente, & facti vt in extremo scriptum. Enimverò libido, an ratio, mihi est dissentienti? sed dissentio, & nego Plutarchum vel Pompeium de *vniuersis* sensisse. Nullum tale in Græco Plutarcho verbum est: quod moneo, ne temerè interpretibus, qui addunt, hoc accedas. Quæ ergo nostrâ mente scripti illius mens? nempe pro re subiectâ, & cùm de transmarinis illis triumpharet Pompeius, nec nisi ibi tunc res gessisset, verba eòdem referenda, & de Asiâ saltem finitimisque capienda. Quomodo? aliter etiam, quàm viri docti, in clausulâ. Duo enim dicit, & Asiam illam minorem, quæ sola ibi ante Pompeium prouincia, aut præcipua, illam, inquam, è vectigalibus *bis milles* dedisse: at verò eas prouincias, quas ipse super eam quæsisset, solas reddere *ter milles & quadringenties*. Puto me rem tangere, si quis iudicio inspicit: & do rationes. Primò, credetne quisquam è tot, tamque ditibus populi Romani tunc prouinciis, non plus *quinque millionibus* redisse? Quod vna Hispania hodie, vna Gallia, vel duplum donet. Amplius, *Decumas* vnus Sicilia Cicero, atque eas tenuiter *assimatas*, fuisse dicit *nonagies* Hs: quod nobis est, *ccxxv. millium* Philippicùm. *Decumas* dico frumenti: & *hordei* non computat, & *leguminum*: quid iam *Vini*, *Olei*? quid *Portoria*, & *Pastiones*? Valdè tenui ore atque animo est, qui non ausit concipere hæc vniuersa ex proportionem, suprà *quadringenties*, siue vnum millionem. Atqui Sicilia, quan-

ta pars

ta pars fuit Romani illius orbis? profectò nec centesima qui-
 dem fuit: & valdè hoc valet ad ingentes illas Romanas opes.
 Amplius de ipsâ Asiâ nostrâ, Appianus scribit, Corn. Sullam,
 per bella Mithridatica, imperasse illi *quinque annorum vectigalia*,
sed statim danda. Quantum igitur imperauit? ecce in Plutarcho
 hoc expressum, *viginti millia talentum*: ij sunt *duodecim miliones*
 nostri. Age iam, diuide in quinque partes, nōne paullo minùs
millies Hs. annuo habemus? Atqui duplum oportuit, inquires.
 Ita, pro me & Plutarcho: sed hoc ipso tamen firmiter illos re-
 futo, qui ex toto orbe *bià milles* colligunt, cùm ego dimidium
 ex Asiâ iam solâ. Res clara est. Sed quomodo igitur plus Pom-
 peij xuo? nec id difficile dictu: siue quia ratio colligendi iam
 melior firmiorque, siue quia bella resederant, & ipsa Asia cul-
 tior feraciorque facta. Produci hæc alia semper solere, præser-
 tim in pace, nechodie est nouum. Docebo hoc clariùs: ex ipso
 iterum Appiano. apud quem M. Antonius triumphauit, post pu-
 gnam Philippensem, in Asiâ missus ad pecunias colligendas,
 in concione sic eas affatur: *Ne vrbibus agrisque pellamini, pecunia*
danda est in usum militum: nec eam maxima, sed quâ audiat libenter ac-
quiescatis. Deditis hostibus nostris, Cassio & Bruto, in duobus annis
tributa decem annorum: ea suffecerint & nobis, nisi quòd danda sunt
in vno anno. Quid hinc efficiamus? necitimus iterum Plutarchi
 verba, qui *ducenta millia talentum* ab Asiâ tunc data scripsit. At-
 qui diuide in decem annos: quid trepidas? *viginti millia annua*
surgunt, id est duodecim miliones. Et profectò, noli ambigere,
 præpotens & diues illa Asia dedit. In quâ tamen obiter moneo,
 res sæpe mutatas: & primò, cum testamento Attali Romanis
 relicta esset, Vectigalia imposita, id est *Decumae, Portoria, Scri-*
pturam, solenni more. Sed cùm publicani iniuriij, pro more suo
 essent, & sine publico bono, sibi attererent ac tonderent, C. Iu-
 lius Cæsar, & iniurias, & iniurias ipsos sustulit, ac permisit ipsis fru-
 ctus colligere ab agricolis, ac Tributa induxit. Hæc ita fecit (et si ipsa
 verba, quia pluscula, omisi) in eadem oratione Antonius apud
 Appianum dixit. Quando autem à Iulio id factum, & de re
 ipsâ, apertiùs sic Dio Cassius: *A victo Pompeio, cùm Asiâ obiter*
lustraret, τῶν τελώνων πλεότατα σφίσι χρομένους ἀπαλλάξας, ἐς φόρον συνέ-
λεγε τὸ συμβαῖνον ἐν τῇ τελῶν κατεσχότατο: Publicanos, qui acerbißimi in

v. Cuius.

Lib. xci.

Asiaticos fuerant, remouit, & in Tributi collationem, id quod ex Vectigalibus redibat, mutauit. Pulchra nota: & re ipsâ quidem melius leuiusque erat Decumas & talia dare: quare? quia pro anni prouentibus dabant, plus aut minus, ut ipsi acceperissent, nec ultra grauabantur: at eo tamen rem redegerat Publicanorum iniquitas (quos nulli Præfides aut leges satis domabant) ut omnes præoptarent magnum & certum aliquid dare in Tributo.

1. Annal. Similis mens, ut addam, in Taciti loco: *Achaïam ac Macedoniam onera deprecantes, leuari Proconsulari imperio, tradique Cæsari placuit. Videntur enim Publicani tunc, pro veteri more, in populi prouinciis fuisse, & cum iis rapinæ, in Cæsaris non fuisse. Et iam in Plutarchi loco satis tibi factum, aut dictum? A v d. In priore membro satis, in altero quid adfers? Firmamentum ab ipso Pompeio, qui eodem illo tempore in Senatu gloriatus, Asiam se, quam vltimam Prouinciarum acceperisset, mediam reddidisse. Ergo plurimum adiecit: & nominatim Syriam totam, illam diuitem, item Phœnicen, Palestinam, Iudæam, Ciliciam, Pamphyliam, Phrygiæ partem, Bithyniam, Pontum, Propontidem. Hæc tanta, mirabimur tanto plus quam Asiam dedisse? Hæc de Plutarchi loco. sed ex Portoriis etiam liquere in parte potest magnitudo istorum Vectigalium. Cicero in Verrem scribit, Socios (id est Publicanos) ex Verris exportationibus perdidisse sexaginta HS. idque ex Vicesimâ portus tantum Syracusani, & in pauculis mensibus. Sunt valde notanda. Si vnus ille portus, si in vno homine, & in solâ euectione, & in paucis mensibus, tantum adferre potuit: quid reliqui portus, in omni euectione, inuectione, & in totum annum? Sunt autem illa sexaginta, more nostro, circiter mille quingenti Philippæi. Et Cicero quidem non nisi Vicesimam disertè ibi in Portorio agnoscit: tamen Octaua, & qui eam accipiunt Octauarij, in Codice Iustiniano memorantur. At in Quinctiliano & Symmacho, Quadragesima. Sed opinandum est, pro locis, aut mercibus, sed & temporibus variasse: maximè tamen pro mercibus, & ut grauius vectigal peregrinæ soluerent, ad delicias magis aut pompas, quam vsum inuectæ. C. Cæsar eius rei auctor, ex Suetonio: Portoria peregrinarum mercium instituit. Quæ haud dubiè ipsa Italia etiam pependit; etsi reliqua portoria, lege Metelli, in eâ sublata essent: quod Cicero malo publico*

publico factum notat, & recitat item Dio. Hæc sanè magna fuisse, quis potest ambigere, ex pretio & copiâ rerum? Nam gemmæ, lapides, veltes, ebur, mancipia, aromata, vnguenta, & plura eiusmodi exotica inferebantur: quibus si *Ostauam* imponis, quanti ea sint? Argumento aliquo è Plinij hisce verbis: *Arabia felicius mare est. margaritas enim mittit: MINIMA* Lib. xii.
QVE COMPUTATIONE millies Hs. annis omnibus India, & *Seres*,
Peninsulaque illa, imperio nostro adiungunt. Si * millies Hs. emptæ,
 ex merces, pluris mox æstimatæ & venditæ, ergo & Portorium ex iis grande. *AVD.* Sed commemini alterius Pliniani loci, qui minuit, & à summâ illâ abicit. Nam ubi de Indiâ sermo,
Indignares, nullo anno imperiis nostris minus quingenties Hs. exhauriente Indiâ & merces remittente, que CENTVPLICATO vancant. * Duo mil-
limes, &
sum.
 Ecce hîc *Quingenties* modò, id est dimidium habes. *LIPS.* Sed nempe ex Indiâ solâ: at alter ille locus Arabiam & Seres item iungit, & ex iis quidni alterum dimidium? Sed nota inibi quod ait, *centuplicato venisse:* quod rei nostræ facit. Cur enim tanti? cur mercatorum tam improbum lucrum esset? non fuit: sed duo sunt, quæ Pretium sic accenderunt, Itinerum difficultas, & Portoria. Quod ad illa, Plinius eodem illo loco describit, & addit *quotannis nauigari, sagittariorum cohortibus impositis.* Ea res & tutela, mercatoribus ad impendia accedebat. Iam Portoria iis grandia. quod Strabo impressè notat in rebus Aegypti: scribitque, *olim quidem pauculas naues ausas extra Sinum* Lib. iiii.
Arabicum ire, at nunc maximas classes nauigare in ipsam vsque Indiam, & ad vlcima Æthiopia: unde pretij maximi merces aduchant,
& rursus aliò exportent. Ita fieri, ut *DVPLEX PORTORIVM* pendant, *Inuectionis & Euectionis:* atque ipsum portorium æstimatarum istarum mercium grande item esse. Hæc ita Strabo. & mirum igitur non sit, à duplici illo aspectu, Itineris & Portorii, pretia sic creuisse: maximè cum & in Italiam aut aliò inuchen-

Inquisitum item in Capitationis modum, & pensum vniuersorum Tributorum.

In Syriac.

DE Vectigalibus priscis hoc nunc satis : ad Tributa venio, siqua ea possim extricare. Metuo, & hæreo statim in eo *Capitationis*, quod vel maximum certissimumque fuisse arbitror: sed in modo, tenebras & nubes suas habet, nunc à me non pellendas. Fuitne indiscretim vniforme in omnia capita? an potius ex censu? Nam si illud, iniustitia manifesta adhæret. vt si quis pauper, liberos & familiam multam habeat, contrà diues, & cælebs sit & orbis. In Appiano strictura aliqua lucis affulgere videbatur, sed fortasse fallax. nam ait, *Iudæos sæpius rebellasse, eoque tributum capitis grauius iis impositum, quàm reliquarum facultatum.* Esse autem & Syris & Cilicibus annuam *Centesimam*, pro modo census vnicuique. Verba Græca sunt, si fortè examinare tecum velis: *Καὶ ὅτι ταῦτ' ἐστὶν Ἰουδαίους ἀπαιτῶν ὁ φόρος ὅτι σπουδαίον βασιλεὺς τῆς ἀλλοτρίας ἐλευθερίας ἢ τοῦ σῶσαι καὶ κτερεῖν, ἐνίοτε ἰκανοὶ τῷ τιμῶναι ἐκ δόλου.* Ego ad verbum tibi pænè reddidi : & efficiatur ex sermonis nexu, *Iudæos Centesimam* dare, sicut & Syros ac Cilices, pro Capitis tributo. Quo sensu? inquires. vt magis capias: soluere quidem illos & pro Agris, & pro Opibus, sed æstimatione omnium factâ, etiam *Centesimam* pro ipso capite dare. Hoc tale est. vt, si decem millia aureorum in censu habeam, soluam ex iis annua centena. Hoc placeat ob æqualitatem, & quia pauperes aut tenues sic non pressi: sed alia sunt quæ resellunt, aut certè morantur. Quid enim tum seruis fiet? quid filiis familias grandioribus? Dico grandiotibus. nam vt & hoc addam, Vlpianus notauit, *In Syriis à Quattuordecim annis masculos, à Duodecim feminas, vsque ad Sexagesimum quintum tributo Capitis obligari.* Atqui Serui & Filij tales, peculium suum nullum habent. Sed de seruis responderi potest, Dominum dependisse in suo capite, cum eorum æstimatio Censibus eius accedit. Et serui alioqui in iure, *caput non habere*, scribuntur. Quod ad filios, certum est parentes pro iis exsoluisse: sed quâ taxatione, an non & eâ aliquâ pro parentum censu, hoc ignoro. Velleſſem, & res facta eſſet. Sed soluisse, in Panegyrico ita scribitur: *Tunc certè parentes*

Ad Constantinianum.

rentes ADVLTORVM non pœnitet filiorum, quorum onera remissa sibi latantur. Vides filios parentes suos onerare, sed adultos iam & grandiores, ex Vlpiano suprâ. Imò alibi, non ante Vigefimum annum capite obligatos, lego. Caussam autem opinor huius remissionis in ætate vel Puerili vel Senili: quòd etiam Romani olim Impuberes non censebant, & immunes à Tributo habebant. Addi potest, quòd hæc Capitatio, non aliud quàm quasi redemptio munerum & operarum seruilium fuit, quas populi scilicet victi, & serui facti, Romanis iam debebant. At pueri ad eas operas, aut senes, non idonei: ergo nec pro iis soluant. Hæc sunt, si pro Censu Tributū hoc datum. Sed aliquis mallet, vni forme aliquid, & in omnia capita æquale. Nam sic Iudei leguntur *Didrachmum* pependisse: & Christus ipse in Euangelio soluit. Matth. cap. XVII. Quod Hieronymus quidem & Beda istuc retulisse videntur: sed alij tamen veriùs (inter hos Hilarius) ad Tributum, quod templo Iudæi debebant, in eo modo à lege diuinâ definitum. Exodum vide. Et Iosephus sanè ac Zonaras, sed & Xiphilinus, Cap. XXX. discretè scribunt *Vespasianum demum hoc insiuisse, vt omnes vbique Iudei duas drachmas Ioui Capitolino Romæ penderent, quas antea TEMPIO Hierosolymitano solebant.* Nihil clarius: & Christi ipsa responsio (si quis examinat) à Tributo Cæsariano nos abducit. Sed aliquis etiam opponat Lampridij hæc in Alexandro: *Vetigalia publica ita contraxit, vt qui decem aureos sub Heliogabalo præstiterant, tertiam partem aurei præstarent. tuncque primum Semisses aureorum formati sunt, & Tremisses.* dicente Alexandro, etiam *Quartarios futuros, quòd minus non posset.* quos etiam *formatos in monetâ detinuit, exspectans, vt si vetigal contrahere potuisset, eos ederet.* Hæc euincere videntur, certum genus nummi cūsum ad Tributa: & nisi fallor, Capitatis, quæ sola certitudinem & vnitatem poterant habere. Nam in agris, animalibus, aut opibus, id planè variabat. Faciat aliquid Helychius, qui scribit: *Κίρο* ☉, *εἰς* ☉ *πομίσματ* ☉, *ἢ τραπεζαίων*: Censūs, genus numismatis, capitatio. Sed & in Sacris legitur, *Numisma census.* Tamen ob multa hæreo, nec temerè in hanc partem eo. Quid? decem igitur aurei in Lampridio, Capitatio fuisset? & postea Triens? In ipso Euangelio, vbi *numisma* Matth. cap. XXIII. census quæritur: mox subiicitur, *Denarium obtulisse.* An ergo ille tantum æqualiter in capita? ridiculum, nisi si Denarius aureus

fuit. Quid firmiter definiam nescio, res tenebras, vt dixi, habet, nec nostrâ nunc curâ illustrandas. Plurcula cogitavi aut collegi, fateor: sed intricatis, aut merè litterariis, non nunc locus. Dico igitur breuiter, Lampridij locum hoc tantum efficere, *Contracta omnia veltigalia: adeo vt qui* (pro exemplo) *decem antea daret, nunc Semissem aut Tremissem:* & quia imminuta illatio erat, in eius rei memoriam voluisse & nummos minores Alexandrum cudi. Sententia autem tota & vera, *contraxisse eum Tributa pleraque ad Trientem, conatum est ad Quadrantem: nec infra potuisse.* Quod si quis pertendit, nummos pro modo Tributi ita cufos: vbi igitur illi sunt? cur prægrandes aliqui non exstant? Denique statim infinitos cufos oportuit, ad pensiones totius orbis. Nihil est: & Hefychij aut Christi verba hoc modò volunt, ipsum illud quod ex censu in Tributum darent, *Censum* appellatum, atque adeo pecuniam, siue grandis ea siue pauca esset. Quin hoc totum pro priore sententiâ magis sit, quod Capitatio fuerit ex censu. Cur enim *Numisma census* dicatur, si ipsius census nulla habita ratio? Plura sunt: sed differo, & nunc inquirō, quod cœperam, in Capitationis fructum. Multum rediisse ex eâ, multitudo capitum dicet, quæ in Romano orbe. Iosephus de solâ Ægypto scripsit, *habere eam septingentas & quinquaginta myriadas hominum: idque liquere ex tributo quod in capita singuli pendunt.* Postrema hæc ita palam Græcè habent: etsi interpretes leuiter aliò deflexit. Sed argumentatur & colligit de Capitem numero, ex ipsâ Capitatione, & tabulis scilicet Censualibus, quas inspexit, aut ab iis qui inspexere, hausit. Nam etsi non Pueri aut Senes conferrent, vt prædixi: tamen & eorum nomina scripta probabile est, contra fraudes, & pro ceterâ diligentiam aut curiositate Romanorum. Si igitur talis ille Ægyptiorum numerus (& *Alexandrie incolæ* etiam excipir, qui ipsi ad centena aliquot millia:) facile intellectu est, in quantum creuerit capitarium hoc veltigal. Adde enim alias prouincias in partem: quarum omnium in populis numerum sub Augusto voluit Suidas exprimere, atque utinam is locus rectè haberet! *Augustus*, inquit, *omnes subditos viri- tim adnumerare voluit, vt sciret quanta multitudo esset.* Καὶ δὲ τότε οὐκ οὐδὲν παρὰ τὸν οἰκονομὸν οὐκ ἔμελλεν ἔχοντες Ἰ. ἀσπίες: & reperti sunt Romanam ditionem incolentes quadringenta & decem myriades, mille & se-

Septem mil-
liones cum
dimidio.

In verbo
Augustus.

¶ Septemdecim viri. Falsi planè numeri, & perexigui: cùm sola Ægyptus vltra donet. Emendare tamen, non nisi eius est, qui diuinandi artem certò tenet. Vt Capitationem igitur omittam, de vnuerſis Tributis aliquid, dum ſiluas & luſtra excutio, videror indagaffe: & ponam. Velleius, vbi de auctis finibus imperij, & prouinciis adiectis, ita ait: *Diuis Augustus, præter Hispanias aliasque gentes: quarum titulis Forum eius prænitet, pæne idem, factâ Ægypto ſtipendiariâ, quod pater eius Galliâ, in ærarium redditus contulit.* Verba ea tollo & appendo, pæne idem ſoluiſſe Ægyptum, quod Galliâ: ergo iſta plus etiam dedit. Quid ſi inueniam Tributi igitur Ægyptiaci modum? propemodum in Strabone, qui ſic tradit: *Ciceronem in oratione quapiam ſcriptum reliquiſſe, tributa ex Ægypto reduſſe Ptolomæo illi qui Cleopatra pater fuit, talenta annua duodecim millia & quingenta.* Vbi hoc Cicero, neſcio: hodie non exſtat, & puto tamen fuiſſe in eâ pro Rabirio Poſtumo, quia argumentum eius tale aliquid vel admittit, vel petit. Sed parum hoc ad rem: illud maximè, quod Strabo adnectit, his verbis: *Si igitur ille rex negligenter & ignauè imperans, tantum redegit: quid nunc cenſendum eſt, cùm omnia tantâ diligentia & ordine adminiſtrantur, itemque Troglodyticâ & Indicâ negotiatione ſic auctâ?* Satis præit nobis & adſerit, multo plus in Tributis Ægypti ſuo, id eſt Auguſti vel Tiberii, xuo fuiſſe: quàm olim ſub Ptolomæis. Arqui ſi tunc tot illa dicta talenta (ea faciunt ſeptem milliones & ſemiſſem:) quidni ad decem aut duodecim milliones producamus in ſequenti xuo? nec nimium cenſeo me dixiſſe. Avd. Cenſeo te dixiſſe Lipſi, cenſeo. Nam primùm Strabonis illud Diodorus refellit, qui luſtraſſe ſub id tempus Ægyptum ſcribit, & accepiſſe ab iis qui res rationesque Regias trahebant, illum accipere ſupra ſex millia talentum annua. Iam de Galliâ etiam habeo quod dicam: ſed tu de iſto priùs. Lipſ. Semper mihi res cum Diodoriſ? amo ſcilicet hoc nomen, ob vnum illum virum. Sed tu ſcito breuiter, Diodorum ſi ab Ægyptiis hoc accepit, Ægyptiaca igitur talenta etiam intellexiſſe, quæ maiora Atticis, & habent minas ſiue libras octoginta: quod Plinius ex Varrone ſcripſit. Ita igitur ſi conſideras, haud nimis ea ſex millium ſumma à Duodecim abit, etſi tamè abit. Sed addit Diodorus, plus etiâ accepiſſe: quod ipſum nos iuuet: & deniq; Ciceroni ac

** Vide Notam.*

Lib. xvii.

Lib. xviii.

11, Excid.

Straboni lubet meritò, præ Diodoro, credere atque adhærere. Enimuerò opes Ægypti magnæ, reditusque: & Iosephi verba tu hæc audi. *Tributorum*, inquit, *multo amplius Romanis per singulos menses pendit, quàm vos, ô Iudei, toto anno: & præter pecuniam, annonam frumentumque quattuor mensum vrbi Romæ.* Ita Agrippa rex in concione Iudæos alloquitur: & duo ex iis discas, grande aliquod Ægyptios intulisse, & Iudæos vix duodecimam eorum partem. Sed vt cœperam dicere, si tantum istud Ægyptus: quid iam Gallia, quæ plus, ex Velleio, & ratione (nam multo grandior laxiorque est) plus, inquam, longè dedit? An minus igitur, quàm xv. aut xx. *milliones?* AVD. Et hîc erat Lipsi, in quo volebam te non reprehensum fortasse, sed repressum. Quid clamas de Galliâ? os tibi claudit Suetonius, vel te restituyente: *C. Caesar Gallia cccc. Ms. in annos singulos, Tributi nomine, imposuit.* Hoc tu ita ex libris veteribus: hoc & Eutropius idem dicit. Atqui *quadringenties* illud, quid nisi *vnus millio* est? vt videas corruiere tot illos à te superstructos. LIPS. Ego tamen firmiter satis struxi: nec in machina hæc tua deiicit, aut quatit. Nam restitui ita, fateor, libros secutus: sed quid si in numeris aberrantes? non insolens est: & hîc, cùm inquirò & penetror, planè est factum. Dic sodes tu aut alius, illa ampla, illa diues Gallia (sic enim semper habita & laudata) non nisi *millionem* annuum in tributo dederit? O clementiam imperij Romani! ô illos benè meritos de vrbe, quam ceperant; de populo, quem ad extremum armis prouocarant! Non sunt ista profectò: & audeo adfirmare Suetonium atque Eutropium scripsisse $\infty \infty \infty \infty$, id est, *quater millies*. Ea summa *decem milliones* reddit: minus inquires, quàm Ægyptus: ita est, sed addo, & ratio comprobât, aucta hæc Tributa largiter, & vel in duplum, ab Augusto esse. Nam ille census per Gallias *instituit, opus nouum & inadsuetum Gallis* (vt Claudius in Oratione apud Senatum loquitur) & cæ ratione immensum auxit. Quod fecit idem in aliis prouinciis, & in Syriâ etiam, vt ex Euangelistâ notum: itemque in Hispaniâ, sed temporibus diuersis. At iam, mi Auditor, si solæ Ægyptus & Gallia ad xxx. aut circiter *milliones* pependerunt: quid totus orbis reliquus? An non Syria & Asia tantum? Africa & Hispania? Græcia & Illyricum? Insulæ omnes simul? & multa

multa omitto: & concipere summas vereor, sed suprà ^{cen-} ^{Vide No-}
tum quinquaginta milliones fuisse, animo hoc sentio, & ore etiam ^{ta.}
promo.

CAP. IIII.

*De Ærario militari, & Vigesima, Vigesimaquinta, Centesima ad
id explendum.*

O I G I T V R opes immensas cùm considero! & maximè
in diligentia eâ quam Strabo commemorat, cuius exem-
plum etiam iocosum, lubet dare. Scribit idem alibi, *Gyarum se
venisse* (non insulam, sed scopulum) à pauculis piscatoribus habi-
tatam. atque eos ipso illo tempore quo adfuit, Legatum ad Cæsarem mi-
sisse, deprecatum grauatatem tributi. Nam impositos sibi centum quin-
quaginta denarios, cùm agrè centum possent pèndere. Tu rides? licet:
sed vides quàm nihil eos fugerit, & saxa & rupes etiam habue-
rint sub tributo. Nec de magnis sanè prouinciis hoc Senecæ ac-
ceperim: *Caium Caligulam centies Hs. absumpsisse, vt prouinciarum
eributum vna cena fieret.* Mediocrium dico aut tenuium prouin-
ciarum: nam ampliores, quanto amplius? Et finem ego hîc pu-
tabam: sed tamen alia etiam se obiciunt & occurrunt, sine
fraude inagnâ Ærarij non omittenda. Nam Augustus ille, qui
valdè rem Romanam auxit, etiam onera, & hîc quoque pro no-
mine suo fuit. Nam is Ærarium militare seorsim instituit, & ad
id explendum redditus novos & certos. Suetonius ita: *Quidquid* Cap. XCII
*vbique militum esset, ad certam STIPENDIORVM PRAEMIORVM-
QUE formulam adstrinxit: definitis, pro gradu cuiusque, & tempori-
bus militie, & commodis missionum; ne aut etate, aut inopiâ, sollicitari
ad res novas possent. Vtque perpetuò, ac sine difficultate, sumptus ad
TVENDOS eos PROSEQUENDOSQUE suppeteret, Ærarium militare
cum VECTIGALIBVS NOVIS instituit.* Notandum est, duplici pe-
cuniâ opus fuisse, ad *Stipendia* & ad *Premia*: quod seorsim Sue-
tonius dixit, addiditq; ad *Tuendos*, in militiâ scilicet, & ad *Pro-
sequendos*, nempe post militiam, & à missione. Quid autem? in-
quies, an tot igitur illa tributa non sufficiebant alendo & or-
nando milici? Suffecissent omnino, nisi & alia publica onera,
eaque immensa fuissent, in populo pascendo, in ludis dandis, in
operibus, in magistratibus & officiis: & quæ distinctè aut ac-

curatè dicere, non sit huius loci. Vtinam Appiani liber exstaret, qui hæc omnia fuit complexus! Ita enim ipse, initio operis, ubi id diuidit & disponit: *Ultimus liber*, inquit, *habebit COPIAM MILITAREM, quam & quantam Romani habeant, tum & PROVENTVS PECVNIASQUE, quas per singulas gentes capiunt, item quid in CLASSES impendant, & si quid erit huiusmodi.* O pulchrum, ô desiderabilem illum librum! sed perit: scire tamen Appianus illa potuit, tum quia & ipse in Republicâ fuit, tum quia moris rationes illas imperij in publico edi. Suetonius de Caligulâ: *Rationes imperij ab Augusto proponi solitas, sed à Tiberio intermissas, PVBLICAVIT.* Rationarium, siue & Breuiarium imperij, hoc idem Suetonius alibi appellat: & Tacitus explicat describitque, cum *prolatum à Tiberio libellum* scribit, quo *OPES PVBLICAE continebantur, quantum ciuium sociorumque in armis, quot classes, regna, prouinciae, tributa aut vectigalia, & largitiones ac necessitates.* O hunc quoque laudabilem morem! cum Princeps rationes quasi cum Republicâ ponit, & ostendit nihil sibi quæri propriè, aut infummi. Sed ab eo à meâ re, admiratione talium: & semel dicenda fuerunt. Nos igitur iterû suspensio gradu quæramus quæ perierunt, aut in obliuionis aquis latent. Dixi *Ærarium militare* institutum nouiter ab Augusto, & ad id implendû quæsitos fontes. Tres repperit, *Vicesimam, Vicesimam quintam, Centesimam. Vicesima* fuit *hereditarium*: de quâ in hunc finem institutâ apertè ita Dio, in actis anni DCCLIX. *Postquàm multa pecuniaria rationes propositæ, & spectæ fuissent, ad Ærarium militare: placuit tandem seditque, ut Vicesima esset hereditatum & legatorum, quæ cuique obuenissent testamento: exceptis tamen aut sanguine valdè iunctis, aut admodum pauperibus, quos hoc onere liberarunt.* Duo venisse in hanc vicesimam vides, *Hereditates & Legata*: Deus bone, quanta & quàm crebra ea, vel in Româ tantum? Quot illi diuitiæ, & quoties, per capturas & aucupia, ad externos translata? Soluebât igitur sæpè Vicesimam: & nemo ambigat fuisse incredibile Vectigal. Excipiuntur tamen hîc *Proximi*, vel *Pauperes*: & Nerua ac Traianus etiam, postea mitigarunt, quod in Plinij Panegyrico diffusè est videre. Atque ut vnum fatear, hoc Tributigenus imirabile videatur, nec graue etiam pendentibus: cum lætitia magni & inopinati sæpe proventus obruat vel minuat sensum

sensum inferendi. Sed fons alter, *Vicesimaquinta mancipiorum* de
 quâ Tacitus: *Vestigal Quinta & vicesima venalium mancipiorum*
 (à Netone) remissum: specie magis, quàm vi; quia cùm venditor pên-
 dere cogeretur, in pretium emptoribus accrescebat. Id autem Aetatio
 militari accessisse, Dio item scribit, anno post *Vicesimam* institu-
 tam. Cùm etiam pecuniâ, inquit, opus esset, & maxime ad *Vigilum* co-
 hortis iam institutas, Augustus *vestigal Quinquagesima*, in venditio-
 ne mancipiorum, induxit. Dico *Quinquagesima*: & sic in Græco
 est, τὸ πέντῃ πεντηκότης: an non tamen πεντηκότης rescribendum,
 leui mutatione, id est *Vigesimaquinta*, pro verbis claris Taciti,
 sit considerandum. Magis est, vt putem sic fuisse, & Romano
 scriptori accedam. Quanti hoc vestigal fuerit, is agnosceret, qui
 crebra mancipia in Romano orbe, crebram mutationem, &
 maxima deinde eorum pretia cogitabit. De crebritate, alibi di-
 cemus: de pretiis, quis nescit *Daphnidē* vānisse (in Plinio) tre-
 centis millibus & septingentis sestertijs? id est, septem millibus quin-
 gentis septemdecim Philippæis cum dimidio: grande pretium in
 vno fluxu & mortali homine, & quem solus *Grammatici* titu-
 lus commendabat. Ab eâdem classe & arte *Lælius Præconinus*
 (in Suetonio) emptus ducentis millibus nummum: quæ sunt quin-
 que Philippæorum millia. Iam Calvisius ille Sabinus (in Senecâ)
 plures anagnoscas habuit, & singulos centum millibus emptos. Quot
 aurei igitur prodeunt è talibus singulis? quot ex millenis ali-
 quot, qui, cottidie dixerim, vāniebant? Et Iurisconsulti qui-
 dem pretia seruorum definiunt: in communi aliquo viginti aureos,
 in artifice, medico, notario, eunucho, triginta, quinquaginta, sexaginta:
 & quanquam Romani aurei sunt (id est duplices nostri) tamen
 modica illa æstimatio, nec in venditione locum habet, quæ ni-
 mis sæpe excessit. Alio fine à Iurisconsultis ea sunt scripta: &
 fortasse ad Portoria aliquis etiam trahet. Sed tertius fons, *Cente-
 sima*, quæ rerum venalium fuit: de quâ Tacitus, in Tiberij rebus,
*Centesimam rerum venalium deprecante populo, edixit Ærarium mili-
 tare eo subsidio niti*. Si omnium autem venalium, quæ & quàm
 infinita summa fuit? Si in auctione tantum, minor, sed & sic
 grandis. Suetonius quidem sic restringere videtur, qui in Cali-
 gulâ *Centesimam auctiorum* appellat, & remissam *Italie* ab eo Prin-
 cipe notat. Finiui de *Ærario militari*: quod propriè quidem ad
 ipsum

Lib. xiii.
Annal.

Lib. vii.

ipsum facit. Aliàs non nescio, & pœnas siue multas legum, item damnatorum confiscationes sæpe in hoc ærarium relatas. de quibus Plinius in Panegyrico: *Locupletabant & fiscum & ærarium, non tam Voconia & Iulie leges* (Papias intellegit, de maritand.) *quàm Maiestatis, singulare & vnicum crimen eorum, qui crimine vacarent.* Et magna quidem hæc ratio fuit: sed illa Maiestatis rarò, nisi à deterioribus, vsurpata. Tetigisse hæc satis sit: nos nunc ad alia imus.

CAPVT V.

De Metallis, & argenti, auri, aliarumque rerum fodinib.

AVD. An & aliud igitur restat? LIPS. Aliud, aliaque potius, vt dixi. AVD. Hem, quousque accumulabimus? & vide ne patientiam omnem illis excutias tot onera ferendi: imò & mihi pænè fidem. LIPS. Confide, benè & firmiter imponam, & testimoniorum suis vinculis ligabo. In istâ re pecuniariâ, an ipsam eius materiem, id est *Metalla* omittam? nefas. magni ex iis reditus, & in variis locis: & reditus quidem innoxij, iusti, & sine onere subditorum. Terra, benigna illa mater, hæc quoque nobis donat. Cassiodorus pulchrè: *Metallarij sine furto diuitias rapiunt, optatis thesauris sine inuidiâ perfruuntur, & soli sunt hominum, qui absque vllâ nundinatione, pretia videantur acquirere.* Iterumque mox addit: *Aurum per bella querere, nefas est; per maria, periculum; per falsitates, opprobrium; in suâ verò naturâ, iustitia.* Nescio tamen, ô bone Cassiodore, nescio de *Iustitiâ*: & an non Scuitia aliqua admixta? certè, vt illi tunc quærebant. Nam multa millia hominum huc adigebant, quosdam mercede conductos, plerosque damnatos ad metalla: quos in subterraneo illo carcere, fames, labor, vapor, & ruina sæpe etiam necabat. Ipse Cassiodorus non dissimulat: *Intrant homines caligines profundas, viuunt sine superiis, exsulant à sole: & dum sub terris compendia quarunt, nonnumquam lucis gaudia derelinquunt.* Ægyptiorum hoc inuentum fuit. *quorum reges* (ait Diodorus) *omnes criminis damnatos, item ex hostibus captos, sine quâ regem offenderet, ipsum & totam cognationem interdum, auro effodiendo deputabant: simul & facinororum pœnam sumentes, simul & questum vberem ex eorum labore capientes.*

pientes. Atque hi tali interdum numero, vt Polybius ad Carthaginem Nouam, fodinis in Hispaniâ, non minus XL millia hominum scribat assidue in opere versari. Plinius etiam notat, Censuriam legem fuisse lētīmulorum aurisodine in agro Vercellensi, quâ cautabatur, ne plus quinque millia hominum in opere Publicani haberent. Nec id credito miseratione aut curâ pereuntium factum: sed cautione, & dispensatione operis, vt ne in vnâ conductione Publicani totum aurum exhaurirent. Itaque lex in elocatione dicta fuit, de numero operarum. Strabonis locus est, qui abdicare à Rep. aut Principe Argenti omnes fodinas videtur, relinquere tantum Auri. Verba: Εστὶ δὲ καὶ τὰ ἀργυρεῖα, ὅ μόντοι δημόσια, οὗτι δὲ ἐπὶ αἰῶνα, οὗτι ἐν τοῖς ἀλλοῖς τόποις, ἀλλ' εἰς ἰδίωτικὰς μεταδόσεις ἐκτίσας. τὰ δὲ χρυσεῖα δημοσίου εἰσὶν τὰ πλεον: Sunt autem & nunc Argentarie in Hispaniis, non tamen publicæ, neque ILLIC neque in ALIIS LOCIS, sed ad priuatas redempturas sunt redactæ. Aurarie autem pleraque publicè exercentur. Ambigua mihi hîc sententia est, velîne venditas Argentarias priuatis, certâ pensione aut illatione, an dumtaxat elocatas, vt olim solet. At in Aurariis aliter, quas ob lucri magnitudinem ipsi Principes exercent. Ex hac quoque metallariâ parte igitur, magnum vberemque factum quæstum, & nostra ætas doceat: maximè cùm pulcherrimas fecundissimasque Fodinas viderè haberent, vt in Hispaniis, Gallis, Norico, Salassis, Illyrico, Pannoniâ, Thraciâ, Macedoniâ, Proconneso: quarum singulatim testimonia dare possim, sed fidei meæ nunc hoc credes. Habuit & Italia, putatque Plinius aliam nullam fecundiorum metallorum quoque tellurem esse: sed interdicto Patrum cautum, vt ei, velut parenti, parceretur. Præter hæc, fuerunt & Cretarie, & Picarie, & Salinaria, Æraria, Ferrarie: & nullum genus quæstus è terrâ omissum.

Lib. v. c. xij.
cap. 1111.

Lib. 1111.

CAPVT VI.

De Vrinario vel Ægiali & Chrysargyro, item de Meretrice.

IAM & alia video. AVD. Bonâ veniâ Lipsi, etsi auidè audio, tamen tædere incipit tot illationum. Quid faciemus his opibus, & quin potius erogamus? LIRS. Alia, alia: & ab Augusto & priscis ad nouiores, atque adeò auidiores, veniamus. Exordium à Vespasiano (nam Caligulam consulo omitto, qui multa &

H

infana

insana instituit, sed mortua cum ipso) à Vespasiano, dico: qui, vt communiter de illo Suetonius, *AVXIT tributa provinciis, nonnullis & DVPLICAVIT*. In paucis verbis quanta accessio rerum, attritio subditorum? Et quidni ille solita augeter, vel duplicaret, qui instituit & excogitauit etiam pudenda? Nam *Vrina Vestigal* commentus est, quod idem scriptor tradidit: & notus, cum filio pecuniam ad nares admouisset, in eâ re eius iocus. Origo huic Vestigali & caussa, quod in publico amphoræ aut dolia stabant ad Vrinam reddendam: quam Fullones, opinor, vertebant deinde in suum vsum. Tunc rides? *AVD.* Largiter. & vah Vespasiane, non alia tua sagacitas in excogitando? *LIPS.* Sed Principes etiam secuti tenuerunt, siue auxerunt: & videtur hoc fuisse triste illud *Chrysargyrum*, historiis decantatum. Georgius Cedrenus quidem eò trahit aperte. *Chrysargyri pensio fuit*, inquit, *talis, vt quisque mendiculus aut pauper, meretrix siue iam emerita, omnis seruus itemque libertus, inferrent in ararium pro VRINA & STERCORE, iumentorum etiam & canum: siue in agris, siue in opidis habitarent. Et homines quidem vtriusvis sexus, Nomisma argenteum; equus, mulus, bos tantumdem; asinus & canis, folles sex* Cum Cedreno Constantinus Manasses facit: *Chrysargyrum sustulit Anastasius Imperator. quod erat, vt omnes viri, femina, pueri, serui, liberi, nummum argenteum, nomine STERCORIS ET VRINAE fisco darent. Idem muli, equi, boues. Proh sancta fides! quanta hæc pecunia fuisse debuit, ex omni genere pæne viuentium? & quæ vnquam Capitatio accessit? Miror, & simul indignor, hæc tam fœda & tristitia à Constantino nostro Magno instituta: si tamen ille. Nam Zosimus asserit, & cum culpat: * Euagrius ex professo negat, & hunc vt hostem optimi Principis inuadit. Sane videtur à Vespasiano exemplum, quicumque auxit & produxit. *AVD.* Phui, phui hæc talia! & odor mihi nares spurcat. *LIPS.* Quid tu auertisti? viri procetes & reip. primi hoc munus colligendi ambibant, non aliter (Euagrii verba) *quàm militarem aliquam Præfecturam, aut Ciuilem magistratum*. O indignitas! sed Princeps dignitatem addebat, qui & in *Sacrum ararium hanc pecuniam recipiebat*. Idem ille Euagrius notat: nec miremur Iuuenalem iam olim scripsisse, de iis quos fortuna amaret:*

Conducunt foricas. & cur non omnia? cum sint

Quales

* Vide lib.
113. Ecd.
Hist. cap.
XIX.

*Quales ex humili magna ad fastigiarerum
Extollit, quoties voluit Fortuna iocari.*

Atque isti pudendarum sordium lucrique exercitores aut conductores sunt, quos *Foricarios* Iurisperiti appellant. *AvD.* Mihi ridere hîc lubet res humanas, *Lips.* Quid ita? *AvD.* Nam qui pulchriores ludi sunt, quàm vel institui tributum in hæc talia: vel collectores eis honestissimos admouere? An istud non est illudere & insultare, non dicam dignitati, sed libertati? *Lips.* Tibi sic videtur, & nobis hodie: & tamen, ut nunc quoque mores aut cupidines, aliquis seueriorum fortasse fuisset inter illos *Foricæ* candidatos. Sed aliquid occurrit, quid? turpe & pudendum item, & dignum suo auctore. *Caligula ex capturis Prostitutarum vectigal instituit, quantum quæque vno concubitu mereret.* Ita *Suetonius*: sed quod credo cum illo periisse: etsi postea quoque sub *Heliogabalo Lenonum vectigal, & meretricum, & exoletorum* fuit. Ista scæda, & Romano nomine indigna: nec sustulit tamen optimus Imp. *Alexander Seuerus*, sed dumtaxat in *Sacrum ærarium* vetuit inferri, & ad instaurationem *Theatri, Amphitheatri, Circi* deputari. *Lamprid.* Ex quo verè dixeris, magnum & hoc *Vectigal* fuisse, cum ad tantorum operum restitutionem conferret. Sed mittamus, & finiamus. Nam ad posteros Imperatores & Græcanicos, non lubet ire: etsi multa & ij inuenerunt aut collegerunt, & quidam eorum diuitias mirandas.

CAP. VII.

De opibus Byzantini imperij: & clausula ac finis Tributorum.

AVD. Etiàmne Græcanici? quî verò id potest, imperio iam tenui, diuiso, & sic minuto? *Lips.* Potest: nec in rationes aut vias omnes pecuniæ lubet inquirere, ipsam tibi dabo. *Basilius Imp.* (vixit sub annum Christianum octingentesimum) à *Zonarâ* scribitur, implese totum *Ærarium*, & ipsos aditus viasque, pecuniis confertim stipatis. Habiuit, inquit, in thesauris *DVCENTA MILLIA* talentum auri. Nam alterius pecunie *NEC NUMERVS* iniri poterat, adeò ut terra eam infoderet, ærariis aut repositoriis vbique repletis. Quin & *ARCVLAS* habuit lapillis gemmisque pretiosis plenas, cum aliis, tum illis quæ cadent,

*Et quas Margaritas propriè appellamus. In quibus verbis ducenta illa millia talentum auri, quid reddunt? ipsos mille & ducentos milliones. Vbi nunc argentum illud infinitum & innumerum? ego non arbitror infra, imò supra, aurum fuisse. Vbi gemmæ & lapilli in arculis? itidem æquasse. O mira, ô reicienda, nisi è dictis & dicendis fidem caperent, & mutuò sibi attestarentur! Enimuerò hoc grande in Græcanicis, Iudæus etiam scriptor longè pòst, affirmat: cuius Itinerarium, Beniamini nominat, Arias Montanus edidit, vir plurifariam doctus, & nobis peramicus. Is ante annos circiter cccc Europam, atque alia, peragruit, & scribit se Constantinopolim quoque venisse. In eâ vrbe, inquit, vidi res atque opes inenarrabiles. Deferuntur enim in Principis palatium quotannis Tributa, quibus turres implentur coccineæ purpureæque veste, & auro: ita ut nullubi terrarum par congesta pecunia exemplum reperiri possit. Affirmatur etiam ipsius solius vrbe vestigal, ex Foris vanalium, & Portu ac mercatorum pensionibus collectum, ad viginti millia aureorum in singulos dies accedere. Quid tu facis? quò abis? Avd. Fugio. Lips. Sanè bellus comisq; es: postquam benè te sermone saturavi & excepi, abis, nec vel salutas. Avd. Salus te amet Lipsi, sed magis Veritas. Ego ut hæc tam vana, tam monstrosa, stans patiensq; audiam? Fugio. nam in ostibi resistere aut refellere, pudor me arceat. Lips. Exsoluo te hoc vinculo, fac si potes. Avd. Nam satis attendisti Lipsi (ut Turres auri, & Gemmarum arculas omittam:) vnâ vrbein, in vnumqueinque diem, dare vicena millia? Lips. Attendi. Avd. Aureorum etiam? Lips. Aureorum, & fortasse veterum, qui duplices fuere ad hos nostros. Avd. Proh Deus, vbi terrarum sum? & tu etiam auges? Lips. Es hîc in meo solo. Sed age, gratiam augmenti fecero: sint menstrua sexcenta millia aureorum nostrorum, sint annui septem milliones, & pænè quadrans. Quid hoc te percutit? maiora diximus. Avd. Sed non in vnâ vrbe. Prouinciarum, & quidem grandium, hoc tributum sit: atque hodie, regnorum. Lips. Non abnuo. sed nempe Byzantium, id est Noua Roma hoc dedit: & tunc quidem in suo flore. quid autem censes (ut obiter addam) illam veterem olim dedisse? Sed ego sanè hoc non nimis miror: illud magis, quæ opes esse potuerint, in tam exiguis tunc finibus, ad
pompan*

pompam & apparatus illum Principalem. Lege Cuiropalatem, si vis, *De officio aule Constantinopolitane*, & adiunge Græcos alios: videbis Persas, & Medos omnes, vinci ab his Byzantinis. At ego tamen assensum tibi non impero: auctores meos deditu aut alius, huc aut aliò ite. AVD. Sed vnum etiam, Lipsi, querere liceat. Cùm sic vrges tanta eos olim dedisse: quì potuerunt miseri, & fuerunt oneri ferundo? Nam nos sanè hodie non possumus. LIPS. Non possumus? dico ego nos facere. AVD. Nugaris, vt liberè loquat. nam vbi hodie Principum etiam magnorum istæ opes, aut ætarij vbertas? LIPS. Non est, fateor: & causæ aliæ etiam sunt, sed & illa quam, pro meâ nunc mente, dicam. Non vni Regi aut Principi, quisque in suâ prouinciâ, datus, vt olim: sed variè magis & diuisim, ita vt summa magna ad vnum non redeat, magna tamen contribuantur. Quomodo? in exemplo nostro vide. Conferimus hodie Principi quædam, post eum, Ordinibus, post hos, Magistratibus opidanis, post istos, Toparchis municipiorum aut pagorum. Denique Ecclesiæ etiam & Ecclesiastici, quàm multa à nobis habent? & iustissimè quidem, atque ex lege diuinâ, sed tamen habent. Hæc igitur omnia si conferas, & in acervum iungas: asserino tibi nos patia, aut plura dare. Quid, quòd concussiones & raptus militares omitto? quæ maxima ratio est, & misera nostra Belgica satis sentit. Negabis in vnam cænam militarem, rusticum aliquem plus imputasse, quàm in annuum tributum? Atque hæc non semel eueniunt, & quando tollenda? quando securitas & pax erit, aut saltem disciplina militibus? quando æconomia & ordo in acceptis expensisque? Ista sint; fortiter & audacter dicam. tondeant accidantque nostri Principes, renascemur

CAP. VIII.

Pecunia è Triumphis, & aliquot eorum inspecti, æstimati que.

AT satis in totâ re *Tributariâ* iam dixi: alia via se ostendit & aperit (quoniam de militibus tetigi) *Militariâ*. Quæ ea est? lata, trita, & per quam cumuli atque acervi pecuniarum inuecti. Pecuniarum? imò vaforum, coronarum, vestium, gem-

marum, & quidquid dici appetendum, aut æstimandum potest. Ne teneam te, intellego *Opes* quæ è Prædâ & manubiis, per *Triumphos* inferebantur. Quot autem isti fuerunt? quàm multi, supra modum & fidem, vberes diuitesque? *Liuius* distinctè ple-rosque eorum recenset, & describit: mihi quid opus est? satis sit, opinor, tangere, & specimen eorum aliquod, perætates, dare. Fuêre igitur *Triumph*i à *Romulo*, vsque ad extrema *Augusti*, circiter *trecenti duodecim*: & ex his primi nō nimis vberes, tamen modici, & magis magisque creuerunt. Vt ecce sub *Regibus* *L. Tarquinij Superbi* triumphū reperio, qui viclâ *Suesâ* *Pometiâ* & captâ, tantum prædæ restitit, (notante *Dionysio*) vt sacratæ diis decimæ explerent quædringentorum talentorum numerum. Ergo fuit in cumulo, quater mille talentum: id est, vicies quater cetera millia *Philippicorum*. Magnæ sanè ab vno bello & victoriâ, si consideras, opes. Post eiectos deinde *Reges*, insignis *L. Papirij Cursoris*, de *Samnitibus*, habetur ab ipso *Liui*o: qui sic describit. *Triumphauit in magistratu, insigni, vt illorum temporum habitus erat, triumpho. Nobiles aliquos captiui, clari suis patrumque factis ducti. Aëris grauis magna vis transuecta, vicies centum milia, & quingenta triginta tria milia. Id æs redactum ex captiuis dicebatur. Argenti quod captum ex vrbibus erat, pondo mille trecenta triginta. Omne æs argentumque in ararium reconditum, militibus nihil datum ex prædâ est. Verba pluscula dedi, vt videas vnde etiam ea prædâ manubiæque parari solent: & ferè è Captiuis, quos ingenti numero sub coronâ vænumdabant, aut è Spoliis opidorum publicis priuatisque. Summa autem illa Aëris efficit, viginti quinque milia trecentos triginta *Philippæos*: Argenti, tredecim mille trecentos. Ac tales ferè, aut minores, omnes illi vsque ad *Tarentinū*, triumphi: qui incidit in annum *Vrbis* CCCCLXXIIIX. De quo ita *Florus*: Nec enim vllus pvlchrior aut speciosior in urbem triumphus intrauit. cum ante hunc diem nil nisi pecora *Volscorum*, greges *Sabinorum*, carpenta *Gallorum*, fracta *Samnitium* arma vidisset. Tum, si pompas aspiceres, aurum, purpura, signa, tabula, *Tarentinæque* delitiae. Et valdè ipse quidem aut nimis (vt est ille scriptor affectuum aut excessuum) nimis, inquam, veteres illos abiicit: & hunc tamen non immeritò attollit. In eâ vrbe & parte *Italiæ*, gustauit *Romanus* *Græc*anicas delicias & diuitias,*

Lib. x.

Lib. i. cap.
xviii.

diuitias, quas affatim postea hausit. Sed nota in iisdem Flori, *purpurâ, signa, tabulas* illata: quod verum fuit, & deinceps etiam solenne. Atque adeo (digna obseruatu res) quidquid notabile aut optabile orbis, aut in eo vrbs aliqua haberet, per hanc viam portamque Triumphalem id Romam ferè inuectum: etsi quædam etiam extra bellum, vi aut persuasione magistratuum. Iam verò, postquam copiæ & arma extra Italiam missâ, in grandes illas, & priscis opibus, aut victoriis quoque, inclitas regiones: quid auri, argenti, spoliis non relatum? P. Scipio ecce ex Hispaniâ (in Liui) *argenti præ se in erarium tulit xxiij. millia pondo, trecenta, quadraginta duo: & signati argenti magnum numerum.* Ea pondo faciunt, *centum quadraginta tria millia, quadringentos, viginti Philippæos.* Etsi ille tamen Triumphus non fuit (nam sine magistratu eas res gesserat Scipio) sed pecunia dumtaxat Triumphalis. Idem iterum, victâ Carthagine (pariter in Liui) *intulit in erarium argenti pondo centum millia triginta tria.* Si ita accipis, ut sint *triginta tria millia* etiâ, voce *τριάκοντα* repetitâ (ut equidem opinor) tum erunt nobis *ter decies centena triginta millia* Philippum. At alter Scipio, victâ & dirutâ eadem Carthagine, rettulit (ut Plinius adnotauit) *quater milles cccc lxx. M. pondo.* & addit: *Hoc argenti tota Carthago habuit, illa terrarum imperij amula, quod nunc in mensarum est apparatus.* Qui numeri tamen parum fortasse probi sunt: & si tot illa millia legas, quâ potest verum esse, mensæ alicuius priuatæ ministerium tanti fuisse? Quin exiguas opes Plinius indicare voluit, scripsitque meâ sententiâ: *quattuor millia, quadringenta, septuaginta pondo.* Ea efficiunt *quadraginta quattuor millia* Philippicum, & *septingentos.* Neque miremur minùs quàm antea relatû, quia pleraque vrbs, dum capitur, incensa & diruta fuit. Ita opes perditæ, aut ruinis oppressæ. Quod autem inibi etiam sequitur, in pari mendâ videtur: *Postea victâ Numantiâ, idem Africanus in triumpho militibus xvij. millia pondo dedit.* O viros illo Imperatore dignos, quibus hoc satis fuit! Nam quomodo laudet vel parcimoniam Scipionis, vel modestiam militum, si maior summa diuisa, quàm tota Carthago habuit? Et essent ea pondo, *centum septuaginta millia* Philippæorum: quæ redderent in *viginti millia* militum (ut ponamustot fuisse) circiter octo Philippicos cum dimidio

Lib. xxvj.

Lib. xix.

Lib. xxviij. cap. xi.

*dimidio viritum. Nimis magna hæc largitio in illo æuo restricto sit: nec sanè pro Plinij mente. Sint septem millia pondo: & plus satis erit. Sed quid facio? per Triumphos omnes ibo? finis non sit: & Liuius distinctè ac descriptè in plerisque temporum horum fecit. Lustra si voles: iuuabit videre, & magis, si quis in summam & acruum colligat triumphales omnes opes. Fac vel in Asiâ solâ, vel magis Hispaniâ: nō admiratio solùm in animo tuo gignetur, sed stupor. Fortasse ego * alibi: nunc, vt institui, per ætates aut sæcula quosdam tangam. Vt hunc L. Æmilij de Macedonibus: qui (vt Velleij verba dem) tantum PRIORES EXCESSIT, vel magnitudine regis Persei, vel specie simulacrorum, vel modo pecunie, vt bis millies Hs. ærario contulerit, & OMNIUM ANTEACTORVM comparationem amplitudine vicerit. Simulacra ibi fuisse super ceteros vult: & quid mirum? cùm priusci illi Macedones, quidquid hoc elegantiarum esset, ex Græciâ totâ & Asiâ iam diu collegissent? Pecuniæ etiam modum producit ad bis millies: id est, quinquagies centena millia Philippum. Avd. Magna summa est, & ex vno triumpho: sed quod fugere te non puto Lipsi (si fugit, suggero) Liuius eam atterit, & ad millies reducit. Ita enim legitur: Summam omnem captiui auri argentiq̃ue translati, Hs. millies ducenties fuisse Valerius Antias tradit. Magis etiam Plinio minuitur, in quo ista: Intulit & Æmilius Paulus, Perseorege deuictò, prædam pondo trium millium, à quo tempore populus Romanus tributum pendere desit. LIES. Hæc reiicimus, & Critico naso damnamus. Meritissimò. tu putas Valerium illum Antiatem, qui omnia augere solet, & supra verum sæpe euehere (in Liuiò non semel notatur) hîc ita parcum & oris modicum fuisse? Non arbitror, & minimum bis millies ducenties scripisse: etsi ipse Liuius addat, maiorem etiam summam, ex numero plaustrorum, ponderibusq̃ue auri & argenti generatim ab ipso scriptis, effici. Quod ad Plinium: is verò numerus rideri magis, quàm carpi meretur. Et itane tria millia pondo auri (vt ponamus vel id solùm fuisse) nec amplius, Macedonia dedit? Hoc erat, cur populus Romanus Tributo liberaretur? cur iste, super omnes priores triumphos, censeretur? Atqui tria millia pondo auri, faciunt trecenta millia sola aureorum. Quin tu, me arbitro, cum libris quibusdam priusci lege, è Macedonicâ prædâ sestertium ter millies. Est veritas.*

* In alterâ
parte A. D.
MIRAN-
DORVM.

L. b. XLV.

L. b. VIIII.
cap. III.

nec mouet, quòd minus in Velleio sit: fortasse & ille augendus: in Suidâ quidem lego, *reperita in thesauris Regis Persei, in guro argentoque, sex millia talentum*: id est, *triciessexies centena millia Philippum*. Quod si in solis thesauris & ætario peculiari Regis, quid in reliquâ prædâ publicâ opidorum, aut priuatâ hominum fuit? At verò Cornelius Sulla, etsi splendido triumpho, minus intulit: scriptumque in Plinio, *transulisse auri pondo xv. millia, argenti pondo centum quindecim millia*: si tamen & hîc numeri incorrupti. Excessit omnes deinde Cn. Pompeius, in illo quem de rege Mithridate & Oriente duxit. Velleius de eodem: *Magnificentissimum de tot regibus, per biduum, egit triumphum: longèque maiorem omni ante se illatâ pecuniâ, præterquam à Paulo, ex manubis intulit*. Quid tamen istud, vicisse omnes, præter Paullum, in modo pecuniâ? Ille verò & Paullum vicit: si verè Plutarchus, *viginti millia talentum in ætarium intulisse*. Nam ea sint, *centies vices centena millia Philippum*. Et verè Plutarchus: & in Velleio emendandum, *præterquam Capitolio*: vt mox dicam. Vicit ergo Paullum: non tamen iterum sine nodo, quem ipse Plutarchus ligat & nobis iniicit, dum in Catone minore scribit: *Gloriatum eum, quòd tantum argenti ex Cypro, cum nec vnum militem haberet, reip. contulisset, quantum nec Pompeius è tot bellis, & concusso orbe terrarum, rettulisset*. At enim Cato rettulit, non nisi *septem talentorum millia*, in eodem Plutarcho: quid ergo dicemus? Illud in Catonis illatione, minutum & corruptum esse, ad *vigintiseptem millia* aut circiter reformandum. Enimverò deprædicatæ illæ Cypriæ gazæ haud maximè sint, nec sic per inuidiam querendæ, si non vltra *septem talentorum millia* producuntur. Sed de Pompeij quidem grandibus manubiis quis dubitet, cum & in solos milites largitum, donatiui triumphalis nomine, * *xvi. millia talentum* Appianus scribat? Magna hæc omnia sunt, & verè illo *Magno* digna: sed hunc hîc quoque C. Cæsar, vtî acie, vicit & superauit. Appianus ait *quater eum triumphasse* (nam quintum differt:) & *intulisse sexagintaquinque millia talentorum*. Scis tu quid hoc efficiat? *trigintaonem nobis milliones*: plus triplo eius, quod Pompeius intulisset. Tu me respicis, & vultu arguis: quid est? *Avd.* Ex fide Latini scriptoris, hæc non sic esse: tu Græco magis accedis? Nam Velleius de omnibus Cæsaris

Lib. xxiij.
= 1300000.
antist.
= 1300000.
Phil.

In Pom-
peio.

* 9600000.
Phil.

triumphis, id est quinto illo Hispaniensi etiam addito: *Pecuniam ex manubijs latam, paullo amplius sexies millies* Hs. disertè scribit: qui sunt dumtaxat *milliones quindecim*. Et sanè, meo animo sufficiunt. LIPS. Credo equidem tuo animo, & arcæ etiam tuæ, si quis inferat: sed non sufficiunt, pro magnitudine tunc vel Romanâ, vel Iulianâ. Imò tu rescribe meo animo, *deciessexies millies*: convenientissimè ad Appianum. Nam ista sint *quadraginta milliones*: atque aliquid scilicet accesserit ex prædâ Hispaniensi. Ex paucis his vides, immensas opes in Ærario cumulatæ è Triumphis: quos non omnès, imò nec decimam partem dedi. Ergone Plinij libris fides aut puritas sit, dum scribitur C. Cæsar iste, initio ciuilis belli, Ærarium compilasse, & protulisse ex eo laterum aureorum XVI. millia, & in numerato pondo *trecenta*? Profectò non sit: & perexigua ista, & quasi furtives aut folia, pro totâ illâ masâ, & tam vetustâ, auri argentiq̃ue. In veteribus legitur: *Laterum aureorum XY. argenteorum XXXV millia, & in numerato Hs. quadringenties*. Sed nec ea lumina pro tot triumphis: etiam si in laterculo quoque *decem pondo* imputes, quod Budæus fecit. Sed diuinare tamen omitto, cum fulcrum non est cui innirar. Lucanum, si vis, lege furtum hoc Iulianum valdè exaggerantem.

CAPVT IX.

De Auro Coronario, & Coronis dictum.

TRIVMPHALIA habes: mentior. largiter etiam restat. Quid illud? *Aurum Coronarium*, quod specie triumphorum vel oblatum fuit, vel exactum. Origo eius, ut socij & amici, victori Imperatori *Coronas aureas* offerrent, quasi gratulantes, & meritum ei caput cingentes. Itaque primò quidem *Coronæ* ipsæ datæ, aut missæ: postea inualuit, ut pro iis Pecunia offerretur. Hæc accepta à Sociis, aut Subditis: & sicut manubias ab hostibus legebant, sic spolia ista occulta ab amicis. Mos planè vetus, & à Græcis, nisi erro, ad Romanos imitatione translatus. Lib. XII. Apud Athenæum quidem Chares, in rebus Alexandri magni, ait, post victum Darium, missas CORONAS partim à Legatis gentium, aliisq̃ue, æstimatas decem milibus ac quingentis talentis. Atque alibi talia

taliam legas. Iam apud Romanos, crebrum, ut in Liuius, cum Cn. Manlius Gallogræcos vicisset, eoque terrore Asiam liberasset; *Lib. xxvii*
missa undique legationes non gratulatum modo venerunt, sed CORO-
NAS etiam AVREAS, pro suis quæque facultatibus, attulerunt. Itaque
idem Manlius in triumpho tulit (apud eundem Liuium) *Lib. xxxix.*
coronas aureas ducentas duodecim, pondo: id est, ut singulæ fuerint li-
brales. In triumpho, inquam: & ita obtinuerat, ut eæ coronæ
ante ipsum victorem latæ, populo ostenderentur. De eo Festus:
Triumphales coronæ sunt, quæ Imperatori victori aurea PRAEFERVN-
TVR, quæ antiquis temporibus propter paupertatem laurea fuerunt.
Iamantem etiam in Quintij Flaminij triumpho Liuius: *Lib. xxxij*
coronæ aureæ, DONA civitatum, translata centum quattuordecim. Item
que in Scipionis Asiatici, numerat aureas coronas ducentas trigin-
ta quattuor. At verò Appianus in Cæsaris, *his mille octingentas vi-*
ginti duas, easque pondo viginti millium quadringentorum quattuor-
decim: ita ut decem pondo, aut circiter, plerasque necessum sit
fuisse. Neque equidem pro magno aut vero habeo, quod
Plinius quasi inter raræ magnificentiae exempla scripsit: *Lib. xxxij, cap. 111.*
Claudius cum de Britannia triumpharet, inter Coronas aureas, unam vili-
pondo habuit, quam contulisset Hispania citerior, alteram IX. quam
Gallia comata, sicut titulus indicavit. Minuta, minuta hæc sunt;
nec vel Claudio, vel tam ditibus provinciis, ad ostentandum,
digna. Ut minimum, fuit DCC. pondo, iterumque DCCC. vel
potius ∞. Etsi non ad usum tales, sed pompam modò fuisse
sciamus. Ideoque & de his Tertullianus capiendus, libello de
Coronâ: *Sunt & provinciales aureæ, imaginum iam, non virorum,*
capita MAIORA querentes. Benè Provinciales, quia ab iis datæ.
Nec coronæ solum ipsæ, sed aurum ac pecunia ad coronas: at-
que id propriè *Aurum coronarium*, de quo & titulus est in Codice
Iustiniano. Seruius ad hoc Virgilij: *Dona recognoscis populorum,*
notat: Aurum coronarium dicit, quod hodie à victis gentibus datur.
Imponebant autem hoc Imperatores propter concessam vitam. Non
rectè omnino, nec ab ipsis iam victis ob vitam datum, sed à so-
ciis amicisque, ut dixi, datum tamen in pecuniâ, titulo corona-
rio. Ut apud Polybium (in Fragmentis) *οἱ μέγιστοι ἐκαστοὶ τῶν δι-*
τόχων τῶν βασιλέων πηγάσους ἀργυρίων ἑκατάτοις: *Geras coronarunt Antio-*
chum regem quingentis argenti talentis. Ut apud Liuium *populus*

I 2

quidam

quidam Asiæ, Manlio ingredienti fines vt cobiberet à populatione militem, in coronam auream xv. talenta offerunt. Et hoc prætextu rapinas extorsionesque vsurpatas, quis non colliger? Cicero Pisoni obiicit: Mitto aurum coronarium, quod lex & decerni & accipi vetat, nisi Imperatoribus ex provinciâ decedentibus, ad decorandum triumphum. Sed istas leges spernebant. & Dio Cassius quosdam notat, cum res leuiculas gessissent, triumphum sibi, vel à Cæsare vel ab

Lib. XLIX. Antonio, impetrasse: καὶ ἐν τῇ ἀποφύξει ταύτῃ, inquit, χρυσίον πολὺ πᾶσι τοῖς ἀνιόντις τοὺς σφαλοὺς ἰσχυροῦσθαι: & isto hoc prætextu, multum auri à populis, quasi ad coronas, colligebant. Imò verò & ab ipsiſ Italis,

Lib. XLII. quitamen immunes talium videbantur esse. Cæsar quidem ita fecit. de quo idem Dio, cum ex Asiâ, victo Pharnace, rediisset: Ibi quoque (Romæ) magnâ pecuniâ coactâ, quam partim titulo DONI, vt erant CORONAE, statuae, & talia, collegit; partim mutui nomine accepit. Decretis enim coronis statuisque, pecuniam ipsam dari sibi curabant. Ideò miretur fortasse aliquis, ipsum illum Græ-

Lib. XLVII. cum postea scribere, de L. Antonio M. fratre: quod is, cum triumphasset Kalendis Ianuariis, in quibusdam Mario se comparabat, aut & præponebat. in eo maximè, quod is Marius aut nullam, aut vnicam omnino coronam accepisset; sibi verò cum alijs, tum populus tributim (quod ante ipsum nemini) coronas dedissent. Ait nemini id contigisse: atqui, nonne ipso narrante, iamante Cæsari? Sed obseruetur, tributim: in eo nouitas, & est hoc quod Cicero irridet, Patronum quinque & triginta tribuum fuisse. Ideò igitur & tributim dede-runt, nouo more. Sanè Italos dedisse, vel ex eo liqueat, quod Augustus de se in lapide Ancyrano dicit: MVNICIPVS. ET. COLONIS. ITALIAE. CONFERENTIBVS. AD. TRIUMPHOS. MEOS. QVINTVM. CONSVL. REMISI. ET. POSTEA. QVOTIESCVMQVE. IMPERATOR sum appellatus, AVRI. CORONARIVM. NON. ACCEPI. Gloriatur verè. & consonat in illo ipso quinto consulatu Dio Cassius, qui notat, eum tunc benè audisse vulgè, ἐν ᾧ & ἡ πόλις, ἥ ἐς τῇ ἰταλίᾳ, τὸ χρυσίον τὸ τοῖς σφαλοῖς ἀποστέλλεται, & id est, quod ab opidiſ Italiae, aurum, ad coronas conferri solitū, non accepisset. Cuius exemplo Hadrianus (in Spartiano) aurum coronarium Italia remisit, in provinciis minuit. Sed & Ammianus, inter testimonia liberalitatis Iuliani ponit, tributorū indicta admodum leuia, & coronarium remissum. Eo enim paullatim iam ventum erat, vt hoc Corona-

rium non minus tributis ferè attereret, nec in triumphis modò, sed in lætitiâ quacumque, & primordiis imperij, daretur. In Ammiano scriptum, Tripolitanos misisse legatos, Victoriarum aurea simulacra Valentiniano, ob imperij primitias, oblaturos. De ipsis coronis Synesius, qui se quoque Legatum à Cyrenensibus ad Arcadium missum ait, στεφανώσαστα χρυσῶν δὲ τῷ κεφαλῷ, φιλοσοφία δὲ τῷ θυμῷ: coronaturum auro quidem caput Imperatoris, philosophiâ verò eius mentem. Apertissimè item Capitolinus in Antonino Pio: Aurum coronarium, quod adoptionis sue causâ oblatum fuerat, Italicis totum, medium provincialibus reddidit. Atque ex hoc licet intelligere, quæ sit & quanti Oblatio: cùm inter Tributi genera recensent, Canonem, Oblationem, Indictionem: etsi, alio quoque titulo & specie, Oblationes. Sed de hoc nostro, Suidas: στεφανὸν τέλεισμα τοῦ ῥοδίου οὕτως ἐκαλεῖτο. ἵπεν δὲ αὐτόνομοι ἦσαν οἱ ῥόδιοι, βραχὺ δὲ τι μέγεθος ἔχοντες ὅτι τιμὴν πᾶσι ποιεῖν ἐτίμοιοι, οἷς οὐ φέρεται ἡ γὰρ οὐκ ἔστιν οὐδὲν φίλοις διδόντες: Coronarium velut apud Rhodios ita dicitur, quoniam liberi sunt Rhodij, exiguum autem aliquid Romam quotannis mittunt, non ut tributum dominis, sed quasi coronam amicis dantes. Notetur illud quotannis: nam & hoc ita factum, ac velut honorarium tributi genus exactum. Procopius de Theodato notat, rege Gothorum: pactum cum Petro, Iustiniani Imperatoris Duce, decedere Sicilia totâ, & quotannis coronam auream mittere Iustiniano trecentarum librarum. Quid, quòd lego ciuitates in aliâ occasione, atque etiam tristi, coronas has misisse? Appianus in Sullæ funere suprâ bis mille coronas aureas, magna celeritate confectas, prælatas scribit, atque addit expressè, dona ciuitatum, aut legionum quibus præfuerat. Habes & intellegis, opinor, de Coronis & Coronario. AVD. Satis. sed quid iis post prælationem factum, aucto equidem scire. LIRS. In templis, & Capitolio maximè, videntur dicatæ. Plinium eò traxerim, de Coronis: Inde natum, ut etiam triumphaturis conferrentur, in templis dicandæ. Nam etsi de aliis ibi coronis, tamen in occasione tangit hunc morem. Liuius, de legatis Saguntinorum: Non grates tantum agere iussi sumus, sed donum hoc etiam, si vos permitteretis, coronam auream, in Capitolium, victoriae igitur ferre. Quod itaque suprâ, in Velleio erat: Præterquam Capitolio intulit: huc referri potest, ut non venerint in rationes illas Corona, & alia dona siue aurum, quæ Ioui

Orat. de Regno.

Lib. i. de Goth.

Lib. xxviij.

Lib. xxiiij.
cap. 1.

Capitolino Pompeius intulit aut dedit. Mos enim ita fuisse videtur: vel ex Suetonij de Augusto notâ. quem ait sedecim *millia pondo auri, vna donatione, in cellam Iouis Capitolini consulisse*: quod fecit statim ab Ægyptiaco triumpho. Imò & Triumphale ipsum aurum interdum, aut parseius, ibi condita. ex Plinio, qui *duo millia pondo auri perisse, Pompeij tercio Consulatu, è Capitolini Iouis folio, à Camillo ibi condita*, scribit: fortasse vt religio magis seruaret. Atque ad hoc etiam tale aurum referendum videatur, quod Suetonius in Cæsare notat: *Eum primo consulatu tria millia pondo auri furatum è CAPITOLIO, & tantundem inaurati aris reposuisse*. Planè hoc est. nam de Ærario compilato, ad alterum Consulatum facit, nec id quoque in Capitolio. Solent tamen & alia templa Auro coronatio exornate. vt Augustus de se, in lapide Ancyrano: *In Capitolio, & in aede Diui Iulij, & in aede Apollinis, & in aede Vestæ, & in templo Martis Vltoris consecraui, quæ mihi constiterunt circiter millenis AVRI CORONARI pondo, triginta quinque millibus*. At prior Cæsar, Coronas suas in triumpho ductas vendidit, & ex earum pretio militibus promissa persoluit, quod ita Appianus.

C A P. X.

Impense publicæ in Militem, Magistratus, Populum: & de Frumentatione.

PERAGRAVI & emensus sum *Triumphalem* viam: tempus definere, nec addere vltra, sed erogare. Nónne videtur Auditor? A V D. Certè videtur, nam ego censeo, nisi expendimus largiter, omnem Romam iam illationibus tot auri non suffecturam. LIPS. Ego verò exhauriam, & expendam non loculis, sed totis faccis: vt ipsum iterum miraturus sis, vnde ad tot Expensas vllæ Opes. Oceanus si Ærarium fuisset, dixisses deficiendum. Impendia igitur sub Principibus (vltiora omittam) Duplicia fuere, *Necessaria, & Arbitraria*: ex quibus sanè colligas immensas & verè ADMIRANDAS quasdam opes. Nam Necessaria illa impendia, ferè trium generum: in *Militem*, in *Magistratus*, in *Populum*. De militibus res clara est; Stipendiis alendos, Emeritis prosequendos: & id perpetuè, in legionibus & præsi-

diis

diis perpetuis iam factis. Hæc partitè non exsequor, satis à me in *Romanâ Militiâ*, & alibi, factum. De Magistratibus, intellego duplices fuisse, in quos largiter & statim expendendum: *Urbanos & Prouinciales*. Urbanis quidem Augustus instituit, ad onera subleuanda, ad ludos præbendos, & talia, aliquid dare: præsertim Prætoribus, quasi ex lege. *Prouinciales* autem, vel plurimum auferabant, ut ipsi plures, & per prouincias dispersi. Nam ita Suetonius: *Auctor & aliarum rerum Senatui fuit, inquis, ut PROCONSVLIBVS ad mulos & tabernacula, quæ publicè locari solebant, CERTA PECVNIA constitueretur.* Et quanquam *Proconsules* modò nominat, tamen longiùs spectauit, & *Præsidibus* communiter, aut & *Procuratoribus*, aliisque *Officiis* datum. Quanta ea expansio fuit? immentia, vel hoc argumento: quòd Cicero L. Pisoni obicit, eunti in Macedoniam, ut *Proconsul*, *sestertium centies otologies, quasi Vasarij nomine, datum.* Ad sola Vasa, inquam, id est ornatum & instructum, tot illa sestertia data scribit; & obicit, non quia contra morem fuerit, sed quia supra modum. Nimum adsignificat, collusione quadam, ad tributum. Quid igitur esto vel *Centies* tantum summa ordinaria: esto vel *Quinquagies*: in tot illis talibus, nonne immensum accrescet? Et plura accedunt huic generi, ut *Curatores* variorum munerum alendi, vel ornandi; ut *Legati* exterarum gentium admittendi, & munerandi: & quæ scimus in omni Republicâ esse. Iam de *Populo*, perpetui etiam & certi in eum sumptus: & præsertim ad *Alimenta*. Nam iam antè institutù, *Principes* tenuerunt, ut plebem egenam aut tenuem perpetuâ frumentatione pascere; atque eâ magno labore & sumptu parandâ, aduehendâ, & tum gratis distribuendâ. Mira hæc res sit, si quis consideret: & planè inter omnis æui, omniumque gentium, ADMIRANDA. Sed tractaui olim in *Electis*, quid nunc retractem? AVO. Imò obsecro Lipsi, hîc ei suus locus est: & quid si aliquid firmitus aut plenius tibi obseruatù? LIPS. Obseruatum, non nego: ut in talibus dies dici est doctor. Breuiter dicam, quæ pro nostro argumento. Frumentatio igitur vetus Romæ, & ab ipso etiam Senatu. Ille in rebus & annonâ arctâ, quasi benignus pater, miseritus plebis, frumentum aliquando diuisit, non tamen nullo, sed modico ære. Accellere Tribuni statim, & hoc

* *Vide Notam.*
* *Com. 1.*
ad Ann.
Vac.

Cap. XXIV.

* *Et selet Suetonius largiter ad Vasa &c.*

* 250000.
21000.
Phil.

ram populare sibi vindicarunt, variis Frumentariis legibus la-
tis. Vltimus in hac re Clodius, *Annonariam legem tulit, vt fru-
mentum, quod antea à populo semisse aris ac trientibus in singulos modios
dabatur, GRATIS daretur.* Ita Asconius: atque hæc origo deinde
& continuatio gratuiti frumenti fuit. Senatus quidem, statim
à coniuratione Catilinæ, largitione hac tali vsus erat, auctore
i. so Catone: sed nescio, an sine vlllo pretio. In Plutarcho hoc sic
narratum, sed verbis quæ pensitanda sunt. Ait, *C. Cæsarem in
Præturâ res nouas tentasse, populo suspenso & mobili, ob Catiliniarias
illas turbas. Cato igitur, vt præueniret, ἵππευσεν τὴν βουλὴν αἰαλαβῆεν τὸν
ἀπορεῖν καὶ ἀνέμικτον ὄχλον εἰς τὸ σιτηρῆσιον. ἀπαλώματ' ὅτι μὴ ὅτι ἐνιαυτοῦ
χιλίων καὶ δεξαοσίαν καὶ πενήτην ταλάτων:* *suasit Senatui assumere ege-
num & infinitum populum ad frumentationem, etsi sumptus esset mille
ducentorum quinquaginta talentorum. Id sit trecenties Hs. more Ro-
mano, nostro, septingenta quinquaginta millia Philippicorum. Vi-
des igitur impendium in hanc rem, quod illo æuo fuit: etsi al-
ter Plutarchi locus (in Cæsare) minuit nonnihil, & vbi de hac
ipsâ reagit, numerat sumptus non nisi septingentas quinquaginta
myriadas drachmarum: quod sit Latinis, ducenties vicies Hs: nobis,
quingenta quinquaginta millia Philippæorum. Sed verius est, hunc
locum rescribendum, augendumque ad illum priorem. Opi-
nor autem & creuisse postea impendium, latâ lege Clodij, quæ
totum frumentum gratificaretur, de quâ dixi. Quin & sub
Impp. largiter creuisse, cum plures adscripti, & clasies etiam in-
stitutæ (haud dubiè magno impendio) ad transfuehendum.
Quis tamen numerus accipientium fuit? reperio aliquando ad
trecenta viginti millia cepisse: sed Iulius Cæsar minuit, de quo ita
Suetonius: *Ex viginti trecentisque millibus accipientium frumen-
tum è publico, ad centum quinquaginta retraxit:* aut si Dionem au-
dis, *ad centum sexaginta:* quia dicit *ad mediam partem redactos.* Par-
uum discrimen: sed Augustus deinde auxit, & *ducenta millia* fe-
cit. an & Tiberius? etsi ille minimè popularis: tamen recen-
set in Senatu (apud Tacitum) *quibus è prouinciis, & quanto
MAIOREM quàm Augustus, res frumentaria copiam aduectaret.* Ergo
& in plures, nisi fallor, distribuendam. AvD. Mehercules Lipsi,
grandis hic numerus: & tot illi Romæ pauperes? Lips. Paupe-
res, aut saltem qui subleuari gauderent: inter quos liberti, & id
genus,*

genus, maximè fuere. Dionysij locus notabilis, admonentis multos ideo manumitti, *ἵνα τὸ δημοσίαις διδόντων οἷον λαμβανόντες κατὰ* Lib. 1111.
μύηα, καὶ ἐπὶ ἀλλή τῶνδε τῶν ἡγουμένων γίγνεται τοῖς ὑπὲρ τοῦ πολλοῦ φι-
λανθρωπία, φέρονσι τοῖς ἀδικούσι τὴν ἐλπίδα. *ut frumentum, quod pu-*
blicè datur, accipiētes in menses singulos, & si qua alia liberalitas Prin-
cipum in pauperes fiat, id totum Dominis ferant à quibus facti sunt li-
beri. Vides fraudes, quæ etiam factæ: aut saltem, quomodo, quos pnderet ipsos è publico pasci, id fecerint succidancâ liber-
 torum personâ. AVD. Aliquoties iam audio de *menstruo frumen-*
to: ergo nec ea distributio? LIPS. Illa ipsa, & in cuiusque mensis
 initio (siue *Nonis*, ut Suidæ visum, vnde & *Annonas* ridiculè de-
 riuat) accipiebant. Quomodo? per *Tesseras*: quique eas habe-
 bat, ad *Curatores frumenti diuidendi* bat, munus institutum ab
 Augusto. Quattuorviri enim erant, iiq̃ue ex honestioribus, &
 qui ante quinquennium *Prætura* functi essent: quod Dio no-
 tauit. Et si *Præfetus* etiam *annonæ* proprius, illustri honore: sed Lib. 11111.
 qui de aduehendo & adseruando in horreis satagaret, non pro-
 priè de diuidendo. Multa circa hanc rem: sed minuta quid
 opus exsequi? de numero iterum aliquid videamus: in quem
 videtur Seneca tenuiores omnes ciues inclusisse. *Frumentum,*
inquit, publicum tam sur, quàm periurus, & adulter accipiunt, & si-
ne discrimine motum QVISQVIS CIVIS EST. Sed ita tamen accipio,
 ut admitti debuerint & inscribi; neque id factum nisi certo nu-
 mero, & alij deinde assidue in demortuorum locum alle&ti. De
 quo numero iterum sub Principibus fluctuo. Dixi de Augusti
ducentis millibus: sed P. Victoris tamen, quem Schottus noster
 vulgavit, scriptio videatur augere. Nam ait disertè: *Huius (Au-*
gusti) tempore, ex Ægypto vrbi annua ducenties centena millia fru-
menti inferebantur. Modios sanè intellegit: sed quanta ea sum-
 ma sit ex solâ Ægypto? Atqui Africa iam addenda est, quæ
 duplum ad Ægyptum dedit. Hoc enim ita palàm & adfirmatè
 Iosephus scripsit, in oratione Agrippæ regis ad Iudæos: *Africam*
oëto mensibus populum Romanum pascere, Ægyptum autem quaternis.
 Valdè notabilis locus: & idem est in Hegeſippo, qui transcrip-
 sit. Ex hac igitur ratiocinatione, frumentum vrbi illatum an-
 nuum fuerit *sexcenties centena millia modiorum*. Sint in dies circi-
 ter, *centum sexagintaquattuor millia oëtogintatria*. Heu, ingentem

copiam? & quæ sufficiat, si inspicis, vel *vicies centenis* hominum *millibus* alendis. Nam Modius paullo plus minúsve Romanis pendit xxvi. libras: sed Romanas tamen libras, id est duodecim vnciarum. AvD. Hem Lipsi, & tu credis hæc vera esse? quî possunt? nam antè dumtaxat de *ducentis millibus*, aut largissimè, *trecentis viginti* frumentantium est dictum. Lips. Dictum. sed nempe et si non plures caperent, plures tamen fruebantur & alebantur. Nam censendum est, plerosque istorum qui caperent, Patresfamilias fuisse, uxorem, liberos, seruos habuisse. Itaque largius valdè quàm in vnum caput capiebant: & videtur testera siue donatio ordinaria fuisse in singulos, *decem modiorum*, quod in Electis notavi. Iam & hoc cogitandum, plures etiam in consortium huius frumenti venisse. An non probabiliter Urbanos illos omnes milites? sanè in Herodiano lego, *Seuerum, præter alia quæ indulxit, militibus etiam rō creuprior siue frumenti modum auxisse*. Quid ipsam deinde Aulam & Palatinos? nōnne item probabile annonas suas hinc accepisse? An non & Classarios ipsos in Italiâ milites? Hæc considerari & colligi pro Victoris scriptione possint: quæ mihi tamen, vt rem dicam, parum est certa. Ingens frumenti copia sit, & ex duabus provinciis tantum. An igitur placeat in eo corrigi, ad *centies centena millia*? Ita vniuersa illatio fuerit, cum illo Africano, *trecentis centena millia*: larga profectò satis & laxa, cum hæc in diem toleret ad *millia hominum circiter septingenta*. Facit pro emendatione, quod Spartianus de Seuero scribit: curiosè prospexisse rei frumentariæ, *et cum moreretur reliquisse septem annorum Canonem, ita vt COTTIDIANA LXXV. millia modiorum expendi possent*. Magna providentia eius Principis, solliciti in septem annos: sed & Canon ille diurnus opportunè expressus, qui proximè ad nostra *trecentis centena millia* (tecum computa, si voles) proximè, inquam, accedit. Minuisse tamen paullatim hic Canon videtur: siue quia Principes in alia distribuerent; an & quia minus, provinciis iam effætis, inferretur? Sanè Constantinus egregiè inuinit, qui sedem & affectum suum Byzantium transferens, vt in aliis Nouam hanc Romam cum illâ Veteri, sic & Frumentatione voluit in parte æquare. Nam classem Aegyptiacam Byzantio destinauit, relictâ Romæ dumtaxat illâ Africanâ. Hæc diuisio

diuisio deinceps mansit: nisi quòd Byzantisi frumenti modum tamen minuit filius eius Constantius, offensus plebi ob seditionem temerè & asperè motam. De eâ re Ecclesiastici nostri scriptores: qui & numerum exprimunt frumenti. In Nicephoro Callisto est: *Ὁλο myriadas medimnorum frumenti quotannis à Constantino data plebi fuerant, cuius dimidiam partem Constantius diminuit. Atque iste totum Frumenti modum annum facit, non nisi οὐλογinta millium medimnorum: quæ sint Romanis circiter quadringenta οὐλογinta modiorum.* Haud magna, nec pro prijs opibus, largitio: quam tamen & Socrates ita firmat. *Ἐξημίαι δὲ τῶν πόλεων ἀναλὼν τὴν σπορίσιν, τὸ ὡς ἀρχαῖος ὡς δὲ τὸ παλαιὸν αὐτὴν ἡμεῖς, ὑπὲρ τίσσας μυριάδας. ὡς τὸ δὲ ἐν τῇ μυριάδι ἐχορηγῆτο πρότερον τὸ σίτου, ἐκ τῆς ἀλλοτρίου κομιζομένου πόλεως: Multauit urbem, auferens frumenti quod pater eius in dies assignauerat, super quattuor myriadas.* *Ὁλο enim myriades circiter antea dabantur, inuehebantur quæ ex urbi Alexandriæ.* Dicit quidem ille *σπορίσιν ἡμῶσιν*, diurnum frumentum: sed exuberat ille modus in dies singulos, nec aliter sentit quàm de diuisione dumtaxat diurnâ. At annua ipsa illatio, tanta: id est, mille trecenti in diem circiter modij, vix quattuordecim aut quindecim millibus hominum pascendis. Heu, quomodo minuius: atque idem in ipsâ Româ veteri factum, Olympiodori locus (apud Photium, in Bibliothecâ) attendenti ostendit. Excerptum ibi legitur: *Ὅτι μετὰ τὴν ὑπὸ γόθων ἀλωσιν τῆς πόλεως, Ἀλέξ. ὁ τῆς πόλεως ὑπαρχ, ἥδη τῶν πόλεων ὑπερκαταμύνης, ἔγραψεν, μὴ ἔξαρχεῖν τὸ χορηγούμενον μίαι τῶν δυνάμεων, εἰς πένθ' ἥδη τῆς πόλεως ὑπερκαταμύνης. ἔγραψεν δὲ καὶ ἐν μία ἡμέρᾳ τεταχθεὶς ἀριθμὸν χιλιάδων δεκατὸς ἄρτον: Post Gothorum inuasionem & direptionem Romanam, Albinus Praefectus urbis, iterum nunc eâ instauratâ, scripsit, Non sufficere populo modum qui inferretur, cum urbs iam in multitudinem largiter creuisset. Scripsit autem, & in vnam diem statutum numerum quattuordecim millium.* Verba, quæ expressim de Frumento non habent, sed eò referenda esse, mecum censebit, qui examinabit. Ergo diurnus tunc modus (sub Honorio) quattuordecim mille modij: qui & ipse minuit aut periit cum imperio ipso Romano. Theodoricus tamen rex Gothorum (sanè, vt in illâ gente, laudandus) specimen aliquod veteris moris restituit: & in Ricobaldo quodam scriptum: *A Romanis cum gaudio susceptus est,*

Lib. ix.
cap. vii.

Modiorū
opinor.

quibus ille ad subsidium, critici singulis annis CXX. millia modiorum concessit. Sed quid ad ista eo? ADMIRANDA mea non horum temporum: quin priorum etiam Principum æuo (circa Flauiorum imperium) panis distribui, non ipsum frumentum, cœpit: credo, quia lucrum aliquod ex eo fiscus captaret; & quo minore modo in plures largitio spargeretur. Is Panis gradilis dictus, quia in gradibus diuideretur, idem Fiscalis, quia è publico & fisco. Commentarius Persij verus, ad illud — *populi cribro decussa farina. Panem non delitiosius cribro discussum, sed plebeum de populi annonâ, id est, Fiscalem dicit.* Eos panes bilibres fuisse, ex Vopisei Aureliano dicam. Nam Aurelianus, inquit, eo tempore quo proficisceretur ad Orientem, bilibres coronas populo promisit, si victor rediret. Et cum aureas populus speraret, neque Aurelianus aut posset, aut vellet, coronas eum fecisse de Panibus, qui NVNC Siliginei appellantur, & singulis quibusque donasse. ita vt Siligineum suum COTTIDIE toto æuo suo vnusquisque reciperet, & POSTERIS SVIS dimitteret. E quibus inspectis planè affirmaueris, Bilibres, & in Capita sic datos fuisse. AVD. Quomodocunque Lipsi, tamen magna illa, & in magno modo (Seueri canon dicit) largitio, & mihi semper stupenda. LIPS. Quid si accumules, & obsonium etiam addo? Nam idem Aurelianus (Vopisei item verba) & porcinam carnem populo Romano distribuit, quæ HODIEQVE diuiditur. Quando hodieque? ad tempora vsque Constantini. Simile in Oleo fuit, quod perpetuum populo dedit & instituit Imp. Seuerus. Vinum etiam, vt nequid deesset, Aurelianus statuerat, sed morte præreptus non fecit. Satis hæc mi Auditor, cetera in Electis meis vide.

CAPVT XI.

Impense in Ludos carptim offense.

TRANSIMVS ad Arbitraria impendia: quæ trium iterà generum maximè fuerunt. In Ludos, Opera, Dona. In Ludos singulatim si persequar, aut exempla accumulem; seorsim Theatrum mihi struendum sit, & noui aliquot sermones. Capita impendiorum dicam. de quibus vniuersè sic Laetantius: *Quid dicendum est de iis, qui populari lenitate ducti, vel MAGNIS VR-*

BIBVS suffecturas opes, exhibendis MVNERIBVS impendunt? Item Ambrosius: Magistratus in theatris, mimis, & athletis, gladiatoribus, aliisque huiusmodi generibus hominum TOTVM PATRIMONIUM suum largitur & prodigit, ut vnius horum fauorem vulgi acquirat. Merito damnant Patres damnosam hanc insaniam, & quæ priuatos homines bonis per ludum exuit; Principes ipsos attenuat & delibat. Atque id discere cùm ex frequentia eorum potes, tum ex apparatu. Vnus Augustus fecisse ludos se dicit, suo nomine quater & vices, pro aliis magistratibus, qui aut abessent, aut non sufficerent, ter & vices. Ego vix arbitror, vllos ex istis Principalibus ludis minoris quingentis, aut & millies sestertio stetitisse: quod Apparatus & Pompa facile persuadebunt. Nam ecce in ipso Theatro, Amphitheatro, aut Circo adornando qui sæpe sumptus? cùm semper gratia aliqua & illicium nouitatis in ipsâ formâ quæreretur: & Nero (pro exemplo) Theatrum totum, non Scenam eius tantum, auro illeuit & obtexit. Sed & quidquid illatum fuit, & omne instrumentum ac choragium, aureum: itemque vela que supernè cõtra solem obumbrabant, purpurea tota, & aureis stellis interstincta. Ex quo & dies ille Aureus appellatus. Dio Cassius hoc in Nerone. & Plinius id ipsum adsignificauit: Nero Pompeij theatrum operuit auro, in vnum diem, quod Teridati regi Armenie ostenderet. Quid Iulius Cæsar, ante Neronem, & nondum Princeps? Is primus in Ædilitate, munere patris funebri, OMNI APPARATV arene ARGENTEO usus est: ferasque argenteis hastis lacessere, tum primum visum. Mox, quod etiam in MUNICIPIIS emulantur, C. Antonius ludos scenæ argenteæ fecit. Cæsar igitur hoc primus: sed non vltimus. & quod Plinius addidit, passim & in Coloniis ac Municipiis Argenteæ iam scenæ. Ideo non possum, ut rarioris operæ aut magnificentiæ admirari, quod Plinius, ut tale, scripsit eodem isto loco: Item L. Murena, & C. Princeps, in Circo pegma duxit, in quo fuere argenti pondo CXXIIII. Tu hoc Plini notabile duxisti? centum vigintiquattuor pondo argenti, quis ex equite, & pænè dixerim plebe, tunc non insumpserit? Lege CXXIII: id est, centum vigintiquattuor milia: nec id pro Caio aliquo sit magnum, imò nec pro priuato nimium, quia argentum recipiebant, nec totum peribat: si tamen vellent. Plura eiusmodi ornamenta aut instructus erant, &

Scen. lxxxi

Sueton.

Lib. xxiij.
cap. lxxi.

Plin. ibid.

* Faciunt
1740000.
Plin.

quædam in libello nostro Amphitheatrali diximus: & vis nunc vnum & extremum furorem? Heliogabalus Imp. (ait Lampri-
dus) fertur in Euripis vino plenis nauales Circenses exhibuisse. Tu cogita quantum vini profusum, fossis illis & Euripis in Circo ita eo plenis, vt naues inter se concurrere, ac certare de veloci-
tate possent. Quid iam dicam tot *Gladiatorum* millia, tot *Fera-
rum* ex toto orbe quæsiturum? tot equorum nobilium? in vitâ actisque Principum assidua hæc legis. Addo huc *Missilia* & *Sparfiones* in populum, id est Tesseras ligneas cum notis rerum, aut interdum res ipsas, magno certamine diripiendas. Quæ item velut legitima iam erant in omnibus ludis, ad populum illi-
ciendum. Horum pretia & sumptus, ex Neronianis istis colligantur, apud Suetonium: *Sparsa & populo missilia omnium rerum per OMNES DIES, singula cottidie millia anuum, cuiusque generis multiplex penus, tessera frumentaria, vestis, aurum, argentum, gemma, margareta, tabula picta, mancipia, iumenta, atque etiam mansuetæ feræ: nouissimè, NAVES, INSVLAE, AGRI.* Notetur hæc iactatio, quanti ea, & quantarum rerum? Præter aurum, gemmas, margaretas, *Insulas* & totos *Agros* dedit: *Insulas* nempe vrbanas, & habitabiles domos. O res vix Suetonio fidissimo testi creden-
das! Sed accedit & Dio similia asserere: *Omnia, inquit, delicatissima qua homines comedunt (ad Penum Suetonii pertinet:) omnia pretiosissima, equos, mancipia, esseda, aurum, argentum, variam vestem, hæc dabat per symbola quædam & tesseras. Globulos enim paruos inscriptos, vt quæque eorum erant, hos iaciebat in populum, & res ipsas mox dabantur, quod quisque eorum in tessera haberet. Neque Nero hæc solus: de more fiebat, etsi alius largius parciusque præberet. Titus sanè Vespasianus filius, item profusissimè, in ludis quos per centum dies, dedicatione Amphitheatrisui, fecit. Dio Cassius de eo: παρά τι δὲ πᾶσι καὶ ἐς ἀφίλειαν εἰσέρχεται αὐτοῖς. σφαίρια γὰρ ἐξ ὕλης μικρᾶ αὐθιγῆς ἐς τὸ διατερεῖν ἱερῶν αὐτῶν σὺμβολον ἔχοντα, τὸ μὲν ἰδιωτῶν πᾶσι, τὸ δὲ ἐνδοκίμοις, τὸ δὲ ἀργυρῶ σκηνίου, ἄλλο χρυσῶ, ἱππῶν, ὑποζυγίων βοσκυμμάτων, ἀνδραπόδων, ἃ ἀπὸ δούλων αὐτοῦ ἰδίᾳ πρὸς τοὺς δοτιῆρας αὐτοῦ ἀπονεμῶν, καὶ λαβεῖν τὸ ἐπηγερεμῶσι: Dedit & quædam, utilita-
tem, non solum voluptatem, spectantibus præbentia. Nam globulos li-
gneos quosdam de loco superiore in theatrum iaciebat, qui symbolum ha-
berent, hic alicuius esculenti, ille vestis, alius argentei vasi, alius aurei,
equorum,*

pondo auri præstari per singulos consulatus decernit. Atque id in imminutionem, & pro beneficio. si igitur sola Sparſio (id est, missilia in populum) tanti; quid reliqui omnes ludi, & eorum apparatus? Et de Ludis hæc quoque sufficiant in specimen: de Operibus, in proximum sermonem differo & protollo.

Lib. III.
toto.

CAP. XII.

Dona Principum effusa, & primò Iulij Cæsaris.

DONA sequuntur, magnitudine suâ & frequentia non iam inter ADMIRANDA, sed STUPENDA. Siquis Midas fuisse fingatur, qui omnia tactu faciat aurea, defecerit inaurare, quantum isti sunt largiti. Per Principes aliquot lubet ire, & hoc ostendere: ordiarq; à capite ipſo CAESARE IVLIO. De illo vniuersè ita Suetonius: *Nullum LARGITIONIS aut officiorum genus in QVEM QVAM, PVBLICE PRIVATIM QVÆ omisit. Vis magis partitè? Idem scriptor: Militibus singula interdum MANCIPIA vel PRÆDIA viritum dedit. Ecce. vbi vos Curij aut Fabricij, qui ipsi Imperatores vix septena iugera habebatis? nunc miles aliquis capit ab isto donatore Prædia tota. Hæc & plura (mox dicenda) in militem: quid in Senatum & digniores? Idem iterum Suetonius: Partemagnâ Senatus gratuito, aut leui sœnore, obstrictis, ex RELIQUO quoque ordinum genere vel inuitatos, vel sponte ad se commeantes, VBERRIMO CONGIARIO proſequebatur. Nec hic finis: extra urbem quoque & Italiam ea largitas se diffudit. & non minore studio (idem Suetonius) Reges atque Prouincias per ORBEM TERRARVM illiciebat: aliis captiuorum MILLIA dono offerens; aliis quò vellent, & quoties vellent, Auxilia submittens. superq; Italia, Galliarumq; & Hispanie, Asia quoque & Græcia potentissimas (siue placet, potissimas) vrbes præcipuis OPERIBVS exornans. Quid tibi iste vir videtur? mihi, nil nisi nouus quidam Triptolemus, qui sublimi vectus curru, semina non frugum, sed liberalitatis suæ, per terrarum orbem spargit. Atque hæc, quò magis mirère, priuatus Cæsar fecit, & ille paullo antè ære alieno oppressus. AVD. Affatim miror: & vnde Cæsari, nondum Cæsari, opum ista vis? LIPS. Magis mireris, si accogites, iam ab adolescentiâ profusum hunc fuisse, & grandi alieno ære oppressum. Plurarchus*

chus apertè; *debuisset cum*, PRIVSQVAM VLLVM MAGISTRATVM CAPERET, (nota. de valdè igitur iuvene) *mille trecenta talenta*. Ea sunt nobis *septingenta octoginta millia* Philippùm. Quid verò iam in ipsīs magistratibus? materies & causā amplior largiendi. Itaque Appianus scribit, *euntem ex Praturā in Hispaniam, creditoribus retinentibus, dixisse ioco: Nullies sestertio sibi opus esse, VT NIHIL HABERET*. id est, vt solūm æs alienum solueret, in suo nihil haberet. Ea reddunt *vice sexquingies centena millia*: nec ambige, nec Budzum audi (nescio quā causā) minuentem. Græca palām sic volunt: *ὅτι δέοιτο διὰ τὴν ἀνὰ πρῶτον πρῶτον* & Drachmæ intellegendæ, ex Græcorum more. Ego verò amplius credo, auxisse etiam in Consulatu, & deinceps ad Principatum, vt hominis huius ingenium erat, tantūm vt daret quærentis. Sed vnde, aiebas, habuit & reposuit? Non longè te duxero. Gallias nostras vide: iste fons, e quo hausit. Diuites tunc herclè Prouincias, sed quas fulmen istud afflauit & ambussit. Nam quomodo se in iis gesserit, breuiter Suetonius: *In Galliā, fanatē plaquē Deūm, donis referta, expilauit, vrbes diripuit, sepius ob prædam quàm ob delictum*. Denique è tot præliis, accessit ingens captiuorum multitudo, è quā diuenditā pecuniam redegit. Iam postea in bello & victoriā, ah, quanta prædarum seges? omitto, tu cogita. Sed lubetne singulatim inspicere viri dona? Ecce, instante civili motu, in Galliā cūm esset, *L. Paullum Consulem designatum, mille quingentis talentis flexit, ne cōtra se staret: Curionem, qui cre alieno obrutus, maiore etiam summā, vt pro se staret*. Illa tot talenta reddunt, *nongenta millia* Philippicūm: id est pēnè millionem, in virum vnū. Quid iam in Curionem? amplius longè dedit, vt Appianus dixit (nam eius ea verba scito): & nisi fallor, ipsum æs alienum eius totum exsoluit. Nec fallor, & Dionem

Lib. xl.

L

quibus

quibus vnice se dedit: atque idipsum priuatus. Certè adhuc in Galliâ, cùm Pompeius duas legiones, colore belli Parthici reuocaret, ipse vt animos sibi pigneraret, singulis abeuntibus *ducentas quinquaginta drachmas* diuisit, quod Plutarchus, aliiq. prodiderunt: id est, *viginti quinque Philippicos* nostros. Cogita iam duplum in Centuriones, triplum quadruplumq. in Præfectos, & Tribunos: valdè ea largitio crescit. Sed quid in ipso iam bello ciuili? priuatim haud dubiè multa, communiter hæc largitio fuit, Suetonio expressa. *Veteranis legionibus, præde nomine, is pedites singulos, super bina sestertia, quæ initio ciuilis tumultus numerauerat, vicena millia nummum dedit.* Rectè ita locus habet, & in optimis libris: quid opus argutari, aut interpolare? Examinemus. *Veteranis legionibus*, inquit: non enim nouellis aliis: etsi & hæc, credo, aliquid habuerunt. Veteranæ autem illæ, *decem*. In *pedites singulos*, inquit: cur igitur equites omittit? quia non opus: sicut nec Centuriones adiecit, quos notum scilicet erat duplum accepisse, se more. Etsi de equitibus hoc æuo, dubito: & olim quidem triplum etiam soliti accipere: sed post Socios ciuitate donatos, palàm video nec honorem nec præmia tanta equitibus fuisse, qui plerique iam è Latinis. Pergit, *Super bina sestertia*. Ea sunt, de quibus Hirtius: *Milibus singulis ducentos sestertios, Centurionibus duo millia nummum, præde nomine, condonanda pollicetur.* Nam *bina* HS. idem quòd *ducenti* HS: siue Philippici. *quinque*: ac *duo millia nummum* (Suetonio omiſſa) *quinquaginta* istos reddunt. Super hæc igitur, dedit, inquit, *vicena millia nummum*. Ea sunt, ipsi Philippici *quingenti*: atque ij virium, & in gregarios milites diuisi, cùm duplum Centurionibus esset, Tribunis Præfectisque alarum quadruplum. Proh fidem! (nam sæpe exclamo, & cogor) quæ hæc, præter stipendia, & alia lucella aut raptus, largitio est? quanta in tam multos? Ne milites nostri audite, & exempla hæc aut cupite aut sperate. Vnde enim Iulius, vnde Romanæ opes? Avd. Vnde & tibi animus: sic ista credendi, & affirmandi? Nam alij viri docti trepidant, & in lectione commutant. Lips. Nihil est. incogitantia hoc facit (imperitiam nolo dicere) veterum & largitionum, & diuitiarum: quibus alia exempla mox attestabuntur. Etsi in hac re satis Græci scriptores, qui cum Tranquillo planissimè in summâ cōcordant. Nam

Dio breuiter, sed clarè, *militibus quinque millenas solidas Drachmas* datas scribit, Appianus fusiùs & distictissimè: *Militibus à triumpho, superans etiam ea quæ promiserat, legionariis drachmas Atticas quinque mille, Ordinum ductoribus duplum, Tribunis & Alarum præfectis iterum duplū dedit.* Vísne aliquid apertius? & cur huic consensui repugnemus? Nota autem nec Appianum aliquid seorsum de Equitibus, vt nec Tranquillum, dixisse. Sed quæ hæc *Promissa* sunt, quæ Appianus signāter scribit *eum superasse*? Opinor esse, quòd in pugna ad Pharsalum, *singulis millenas Drachmas* promiserat: iterumque, vt volentes in Africam sequerentur, *alteras millenas.* quod vtrumque in Appiano leges. Largiter igitur excessit, nisi quid in ipsâ Africâ aut alibi etiam promisit. AVD. Audésne in fasce dare has summas omnes, vt magis attendam? LIPS. Licet. Fuerunt legiones decem, sed veteranæ, & idèò parum plenæ. Sunt igitur *triginta millia militum:* & singulis *quingenti Philippici:* faciunt, *quindecim nostros miliones.* Vbi nunc Centuriones, Tribuni, Præfecti, atque ipsi Equites? Regū opes expensas dices in donatione hac vnâ. Atqui an finis est? imò sub ipsum idem tempus, largitionem ad Populum extendit. & vt Suetonij verbis hoc quoque dicam, *Populo, præter frumenti denos modios, ac totidem olei libras, trecenos quoque nummos, quos pollicitus olim eras, viritim diuisit, ac centenos pro morâ.* AVD. Hic mihi vocem opus tollere, nec comprimo. Viritim toti populo tantum frumenti, olei, pecuniæ? LIPS. Moderor, ne clama: toti populo frumentanti, nec vltra. Dio Cassius ita restrinxit: *τῷ ὅλῳ τῷ σιτοδοτούµενῳ:* id est, *Populo, qui frumentum acciperet.* Ergo tenuiorem populum intellegit: & semel nota, Suetonium hic atque aliàs *populi* voce (præter morem antiquum) plebæculam istam ieiunam, & hirudinem ærarij designare. Qui tamen ipse numerus grandis, & sub hoc tempus *trecenta viginti millia* erant, qui è publico pascerentur: quod antè dixi. Totus ergo ille populus accèpit *quadringentos* nummos viritim: id est, *Minam*, vt Appianus expressit. Sunt Philippici *decem:* ergo in summam, *tres miliones ducenta millia.* Vbi olei deinde modus, vbi frumenti? Mi Auditor, ad Ouidium eundem nobis est vt transformemur, & animos veteres, pro veteri æuo, capiamus. Nostri homulli hodie, dicant mera mendacia me flare.

Augusti Principis dona.

SED vnura etiam Iulium vidimus, quid tot Cæsares qui secuti? & vt aliis minimè, tamen in liberalitate consecuti, aut prægressi. AVD. Difficile crediri est. nam hic homo mihi videtur de se, quod olim Liuius Drusus posse dicere: *Nihil se cuiquam ad largiendum, præter calum & cænum, reliquisse*. LIPS. Non ita est: opes istæ Vestigialium, & quas diximus, inexhaustæ erant, & vt perennes quidam fontes fluebant. Itaque ad AVGVSTVM veniamus, qui non diuturnitate solùm imperij, sed vereor vt liberalitate patrem superarit. Dona eius quædam ante imperium, alia in ipso sunt: & illa magis miranda. Primùm *militibus & Euocatis*, quos contraxit metu Antonij, aditâ hereditate Iulianâ, dedit singulis quingenas Drachmas. Ita ipse Appianus: interpres eius parum prouidè sesterios vertit. Is numerus Euocatorum, ad dena millia fuit: ergo quingenta hîc Philippæorum millia. Amplius. eodem pænè tempore, cùm legiones Quarta & Martia ad se transissent ab Antonio, dedit singulis totidem illas Drachmas: iterumque cùm in armis decurrissent, & speciem prælij peritè assimilassent, alteras totidem: quæ certè fuerunt ad dictam faciliè summam; & longè suprâ, si Equites & Centuriones (quod nec antè feci) suo more computentur. Iam verò in ipso primo Consulatu, cum signis à Mutinâ motis urbem intrauit, dedit qui se deduxerant, singulis bis mille quingentas drachmas, siue ducentos quinquaginta Philippæos: atque ex octo legiones fuerunt. Minimâ legionum frequentiâ, surgent sex miliones, & Equites ac Ductores omittentur. Vbi autem prædæ quas egit, aut spolia quæ cepit? adhuc nulla. Quò magis in ADMIRANDIS hæ donationes tres, à priuato Octauiano, & solâ spe futuræ magnitudinis, susceptæ & perfectæ. Atque hîc notandum in vltimâ, transisse eam velut in legem, & solenne donatiuum hochabitum, quoties legiones poscè à Principem in urbem deduxissent. Certè Spartianus in Seuero tradit, *Milites per seditionem dena millia poposcisse à Senatu, exemplo eorum, qui Augustum Octavianum Romam deduxerant, tantumque acceperant*. Operitos historicos vel antiquarios, & in rem suam lecta aptantes! Sed
quarta

quarta etiam donatio à priuato, in quâ lingua mihi hæret. AVD. Quiâne obscœna aut turpis? LIPS. Non, sed quia immensa, aut certè immodica, & vereor refragatorem. AVD. Non me. vt ij qui de cælo tacti sunt, silent & stupent: sic iam pænè ego, perge. LIPS. In Philippenſi igitur prælio, vbi de Principatu actum vel Libertate, hic ipse Octauianus cum Antonio promiserunt viritum *quinque mille Drachmas*. AVD. Hoc illud erat? at Cæsar iamantè totidem, & docuisti. LIPS. Sed Cæsar *decem* legionibus tantum: isti *nouendecim*, quæ in pugnâ erant, & aliis *quadraginta*, quæ in præſidiis aut Italiâ sparsæ. Appianus quidem ita narrat, vel apud eum Antonius (oratione ad Asiaticos) sed addit: *attritas eas iam & minutas ad xxviii. rediisse, quæ* (inquit) *cum suis additamentis efficiunt virorum supra centum septuaginta millia: præter EQVITES, & item ALIVM militem*. Quis iste alius miles? opinor Auxilia, quæ haud longè infra legiones. Itaque qualis & quanta hæc summa conficiatur, ingenuè fateor, vix ego aſſim promere: & scito esse supra *centum quinquaginta milliones*. Vbi estis qui Nouum orbem, & nouas in eo diuitias repperistis? Huc ite, ostendent & effundent eas Duumviri isti vnicâ largitione. Atque hæc ille fecit ante Principatum: in ipso tenuit & cucurrit eundem liberalitatis cursum. AVD. At hîc mihi votum & cogitatio. LIPS. Prome. AVD. Si eo sæclo ego viuam, quid nisi miles sim? ita omnes ad eos opes adfluunt & concurrunt. LIPS. Vera narras. & scito ab hoc militum tunc seminario, Senatorias & diuites pleraſque familias ortas. Hæc præmia in ciuili bello iis sunt: cum homines vt ad imperium veniant, imperium pænè ipsum donant. Quid donant? perdunt certè: & quomodo tot isti pecuniarum cumuli, sine apertâ pernicio prouincialium ciuiumque, colligi potuère? Sanè id factum est: sed Pax postea, cum copiarum suo cornu, reposuit omnia & reparauit. Enimuerò Augustus, vt cœperam dicere, in Principatu quoque perliberalis. Lapidem Ancyrantum lubet proponere, in quo aliquot donationes eius ordine exſculptæ.

LIBRI ROMANI VIRITIM. CENOS. NVMERAVI. 1.
EX. TESTAMENTO. PATRIS. MEI.

ET. NOMINE. MEO DRINGENOS. EX. BELLO. 11.

RVM. MANVBIIS. CONSVL. QVINTVM. DEDI.

- III. ITERVM. AVTEM. IN. CONSVLATV. DECIMO. EX. PATRIMONIO. MEO. BIS. QVADRINGENOS. CONGIARI. VIRITIM.
- IV. ITERVM. ÆRE. MERV. ET. CONSVL. VNDECIMVM. DVODECIM. FRUMENTATIONES. FRUMENTO. PRIVATIM. COLVMEIO. EMENSVS. SVM.
- V. ET. TRIBVNITIA. POTESTATE. DVODECIMVM. QVADRINGENOS. NVMMOS. TERTIVM. VIRITIM. DEDI. QVALI. MEA. CONGIARIA. FRUMENTI ... NVM. NVM-QVAM. MINVS. QVINQVAGINTA. ET DVCENTA SIA.
- VI. DVODEVIGINTESIMVM. CONSVL. TRECENTIS. ET. VIGINTI. MILLIBVS. PLEBIS. VRBANÆ. SEXAGENOS. DENARIOS. VIRITIM. DEDI.
- VII. ET. QVINIS. MILITVM. MEORVM. CONSVL. QVINTVM. EX. MANVBIIS. VIRITIM. MILLIA. NVMMVM. SINGVLA. DEDI. ACCEPERVNT. ID. TRIVMPHALE. CONGIARIVM. IN. COLONIAS. HOMINVM. CIRCITER. CENTVM. ET. VIGINTI. MILLIA.
- VIII. CONSVL. TERTIVMDECIMVM. SEXAGENOS. DENARIOS. PLEBI. QVÆ. TVM. FRUMENTVM. PVBLICVM. ACCE DEDI. EA. MILLIA. HOMINVM. PAVLLO. PLVRA. QVAM. DVCENTA. FVERVNT.

Vides, siue audis lapidem, vtinam peritè satis aut fideliter descriptum! Insigne monumentum antiquitatis est, & hiltoriae Augustæ quasi summarium. Sed multa in eo corrupta, & quædam lacera: percurram lucis, & alibi medicinæ, causâ.

In primâ donatione est: LIBRI ROMANI. An id fuit, TRIB. P. ROMANI? id est, *Tribubus populi*. Res quidem eas tangit, & legauit Cæsar testamento viritim Romano populo, *trecentos sester-tios*, vt Suetonius scripsit, vt autem Dio, *centenos videnos*, & adducit ipsum Augustum eius rei testem. Et scripserat hoc Augustus fortasse in Commentariis rerum suarum: sed & hîc ita in Breuiario isto fuit. Explendum igitur, CENTENOS. VICENOS. Ij sunt,

sunt, *tres Philippici* in singulos: si in totum populum, immensum est; si in frumentantes, magnum.

In II. *Quadringeni nummi* viritum dati, item in populum: qui sunt *Philippici decem*. Id factum in *quinto Consulatu* eius, ut hîc scribitur: id est, statim post *Actiacam & Alexandrinam* victoriam, sub triumphum. Dio Cassius ipsum notat in hoc anno, & in summâ consentit: sed auget acceptores, & non viros *puberesq;* tantum, sed etiam *pueros, in gratiam Marcelli, sororis filij*, scribit *adiectos*. Hoc si fuit, ut fuit, quis non videt supra duplum ferè donationem crescere, & ut minimum fuisse ad *sexcenta milia* capientium? Fiunt in pecuniâ impensâ *sex milliones*.

In III. Consulatu decimo, scribit se item populo dedisse, *congiarium bis quadringenos*. An simul, ut *octingenos* dederit? an magis significat, bis se dedisse? sicut & paullo post, *tertium quadringenos*. Quæ iterationes valdè sunt liberalitati augendæ: & tu attendes.

In IV. Quid sit illud *AERE MERVI*. quæro. Vnum hoc assequor, in Vndecimo consulatu datas *duodecim Frumentationes*; quas ita appellat, quæ singulis mensibus dari solebant. In caritate igitur annonæ, has extra ordinem, & de suo, ut scribit, addidit. Nam legendum inibi *PRIVATIM. COEMPTO*. ut dudum monui, cum Lapidem hunc vulgavi.

In V. Tribunicia potestas duodecima, incidit in annum *vbis DCCXLI*. cum peregrè & è Galliâ rediit. Tunc igitur plebi refouendæ & conciliandæ, distribuit ter vno anno *quadringenos*; id est, *Philippicos ter denos*, siue in vniuersum *triginta*. Verba aliquot in vitio, an sic emendanda? *QUALI. MEO. CONGIARIO. FRUMENTI. MODIVM. NUMQVAM. MINVS. QVINQVAGINTA. ET. DVCENTA. MILLIA*. ut adsignificet, tantum frumenti se quoque dedisse. An verius, *FRUMENTANTIVM. NUM. NUMQVAM. MINVS. QVINQVAGINTA. ET. DVCENTA. MILLIA*? ut dicat *numerum* (id valet *NUM.*) qui frumentum acciperent, & ex consequenti congiarium, tantum tunc fuisse. Sed postea alius numerus, dices: haud moueor, quia sæpe id per recensum mutauit. Cogitetur tamen. Vir doctissimus & acutissimus legebat, *QVINQVAGINTA. ET. DVCENTA. SESTERTIA*. & referebat ad Suetonij hæc verba: *Congitaria populo sæpe*

ter dedit, sed diuerse ferè summa: modò quadringenos, modò trècenos, nonnumquam duenos quinquagenosque nummos. Sed refellit hoc ipse lapis statim, qui dicit bis datos sexagenos denarios: quos non nisi in duenos quadragenos nummos resoluas. Quomodo ergo numquam minus dederit, vt hîc sculptum? Sed & Dio in anno DCCXLVII. adnotat datos Denarios sexaginta.

* Sit cœ-
deus cen-
tesima M.

In VI. sunt sexageni denarij in trecenta viginti millia capita: quæ ad duos milliones, paulo minùs, se attollit.

In VII. tenebræ. videtur militaris donatio esse, sed iis qui in colonias missi, aut mittendi.

In VIII. notetur numerus frumentantium, qui tunc fuit. Ista de Augusto sufficiant: etsi liberalitates eius plures ex facili derim, vt ipse dare facilis, etiam per ludum & iocum. Cuiusmodi ista in Macrobio: *Omnibus qui secum pilâ lussissent, sestertia centena dari Caesar Augustus iusserat, soli Calio quinquagena. Hic ille, Quid ergo? inquit, ego vnâ manu ludo? locus lepidus: sed donatio magna in ludicrà istâ causâ, singulis bis mille quingenti Philippici. Iterum totidem Græculo cuidam, pro carmine, & audaculo dictorio, factoque: sed tu factum ipsum nosce, aut potiùs recognosce. Græculus fuit, qui Cæsari carmen obtulerat, atque ille acceperat, & nihil vltrâ. Græculo iterum paranti dare, præuenit, & carmen à se dedit, vt ostenderet talia & domi sibi nasci. Hic Græculus legere, mirari, & tandem manu in pauperem bulgam demissâ nummos, an denarios aliquot, Augusto offerre, cum dicto: *Si plus haberem Caesar, plus darem.* Exemplo ostendit & commonefecit, quid ille deberet: nec frustra. Nam statim Augustus delectatus libero & acuto facto, *sestertia centena* dari ei iussit.*

C A P. XIII.

Aliorum Principum dona.

NON sit modus, si omnia Augusti tollam: omitto, & aliorum carptim aut saluatim quædam tango. In TIBERIO pauca sunt, parcâ ille manu & restrictâ fuit: atque ita moriens in thesauris reliquit, * *viciessepties milles HS: quod Caligula, non toto versente anno absumpsit.* Ita enim hoc Suetonius: sed in

* id est, sex-
aginta sex
milliones, &
quingenta
in M. Phil.

Dione

Dione paullo aliter: & ait, *quosdam dicere ter & vicies millies re-*
luctum, alios autem ter & tricies. Sanè pro meo sensu, posteriori
 parti accedam, qui satis iam imbibi Romanas opes. Nec in
 tempore absumptæ à Caligulâ pecuniæ Dio dissentit à Sucto-
 nio, si sic legas: *ὅτι διὰ τὸ τεῖτον ἔτους μὴ πρὸς αὐτῶν τὴν ἰσχυρίαν: nec*
vel in tertiam anni partem quidquam Caligula ex his seruaui. Quod
 sanè cum Tranquillo & veritate conuenientius, quàm vt sit,
εἰς τὸ τεῖτον ἔτος, in tertium annum. Ille verò statim exhaustus &
 egens, atque ad rapinas se vertit. In CLAVDIO, notatur pri-
 ma liberalitas in auspiciis imperij, cùm militibus *quinadena* HS.
 promissit. Ea sunt *trecenti septuagintaquinque* Philippæi: si tamen
 Suetoniana illa scriptio (ex eo sumpsi) est certa. Nam Iosephus
 adauget, & *vicena* promissa ait, siue vt ipse numerat, *quina millia*
drachmarum: qui sunt *quingenti* Philippæi: & addit, *omnibus ubi-*
que militibus idem promissum. Quomodo hæc quidem donatio,
 superet omnes iam dictas, & fortasse dicendas. NERO se-
 quitur: quid de eo dicam? qui, vt Suetonius ait, *diuitiarum &*
pecuniæ non alium fructum putabat, quàm profusionem. Itaque nepo-
 tinos eius sumptus frustra colligam: In Suetonio atque aliis,
 parent: quædam addam quæ magni & laudabilis animi sunt
 visa. Militi Pratoriano (in Dionis compendio) *ob causam aliquam*
iusserat centies HS. numerari: id est, *ducenta quinquaginta millia* Phi-
 lippicùm. Et cùm Agrippina mater, mirata improuidam fortasse li-
 beralitatem, iussisset totam eam pecuniam, ipso coram, in mensâ exponi
 & expandi, vt sic vel aspectu pœnitentiam eliceret: ille magno animo,
 iussit alterum tantum addi, & Nesciebam, inquit, tam exiguum me de-
 disse. Egregia vox: quam cur tu rides? AVD. Non ipsam, sed
 meam cupidinem: & ô si quis hoc exiguum mihi? LIPS. Auidus
 ô homo es, nec accipies: hodie liberalitatis eius nec umbra ma-
 net. Hoc Nero in militem: sed quid in regij sanguinis Terida-
 tem? quod vix ipsi Suetonio credibile videatur, *octingenta nummo-*
rum millia diurna in eum erogauit, abeunti que super HS. millies contu-
lit. Vt hoc & capias, & ponderes, scito Teridatem per nouem
 menses continuos Romæ, aut in finibus Romanis, fuisse: & toto
 eo tempore immunem habitum ab omni sumptu. Decreta
 igitur ei in diem *octingenta millia:* quæ sunt *viginti millia* Philip-
 pæorum. Numera in mensem: quid ea nisi *sexcenta millia*? In

nouem menses: *quinque milliones quadringenta millia*. Iam abeunti datum, *millies* Hs. quasi in viaticum: quod iterum efficit *duos milliones & dimidium*. An potius in Suetonio, *bis millies* scribendum? augeatur altero tanto, & palam Dionis compendium (numeri autem in Græcis magis veri) hoc suadet. Atque ista conspicua & signata liberalitas Neronis est: quid minores alix & sparsæ, sed coalescentes in grandæ summam? De quibus Tacitus: *Bis & vicies millies* Hs. *donationibus Nero effuderat*: & addit, Patres censuisse, vt repeteretur ab iis qui cepissent. Ea sunt *quingagintaquinque milliones*, nisi calculus mefallit. quod & alibi vereor, & ignoscendū est in sermonis hoc cursu & calore. Adiungo NYMPHIDIUM, post Neronē, promissum: non Principis, sed pro Principe tamen factum. Ipse vt *Urbanum omnem militem & Pretorianum* Galba adiungeret, *promisit iis* *septem mille & quingentas drachmas virtutis*; reliquis *extra urbē*, *mille ducentas quinquaginta*. In Plutarcho hoc ita leges, ingentem donationem, & qualis antea in hoc genere nec fuit. Nam priores illa *Drachma* in *Urbanos*, faciunt nobis *septingentos quinquaginta Philippicos*: altera in *Legionarios*, *centum viginti quinque*. Quò hoc ascendat in plura quàm *viginti quinque millia Urbanorum*: in amplius *ducentena Exterorum*? vt *Classes*, & talia, omittam. Iure igitur Plutarchus exclamat & queritur, *plusquam Neronem hunc renatum*, nec potuisse eam pecunie molem exstrui, nisi vt *omne Romanum imperium attereretur aut euerteretur*: præsertim post tot & tam recentes à Nerone ictus. Infinitæ deinde sunt largitiones in militem, vel in populum: sed, nisi memoria imponit, infra iam dictas. Ideò nec pono, vnam *Seueri Imp.* tantum libo. Dionis compendium: *Celebrauit Decennalia imperij sui, & dedit populo qui frumentum solet accipere* (nota semper terè de Populo frumentario) itemque *Prætorianis decem aureos*. *Quam re se iactabat*. reuera enim *NEMO vnquam antea tantum SIMVL dederat, effusumque hac donatione* *bis millies* Hs. Decem istos Aureos, scito Romanos fuisse: id est nostros *viginti*, aut paullo amplius. Ita magna vis assurgit, & expressa est à Dione. summa: sed hæreo an satis ex vero additum, *numquam antea tantum datum*. Nam & *Commodi Imperatoris superfluens donatio fuit*, in *Lampridio* notata: *Congiarium dedit populo, singulis Denarios septin-*

* Latine
est, Tri-
ginta se-
stertia.

* Latine,
Quingaginta
sestertia.

* Quingaginta
milliones.

*septingentos vices quinos. Qui sunt Romani aurei vigintino-
uem: panè triplum eius, quod Seuerus postea dedit. Nam
quod vir doctus quidam hic rescribit septuagenosquinos, valde
est præter rem & Lampridij mentem. Sed scilicet Dionem
scribere, Simul nunquam tantum datum: id est, & Populo &
Militibus. Alioqui & superiores aliquot donationes militares
valde excedunt. De Donis peregi, & simul de Opibus publicis.*

CAP. XV.

De priuatorum aliquot opibus, & materie huius finis.

TRANSEO ad Priuatas opes, quæ & ipsæ magnæ fuerunt,
& per multos sparsæ. Quis nescit Senatores aut Senato-
rios plurimos fuisse, & plures longè Equites Romanos? Atqui
primis illis, census sub Augusto fuit *Decies HS: siue vigintiquin-
que millia Philippæorum. Istis, id est Equitibus, census Quadrim-
gentorum, quæ faciunt decem millia Philippæorum. Hic census,
quem necessariò haberent: quàm multos, & plerosque om-
nes, putas excessisse? Ac lubet paulisper recensere hos diui-
tes: inter quos quem priùs, quàm Crassum illum cognomen-
to Diuitem? Cicero aliique de eo, atque etiam in eum Cicero
ista: Multi audierunt ex te, cum diceres, Neminem diuitem esse,* In Para-
dox.
*nisi qui exercitum suis FRVCTIBVS alere posset. Ergo hoc pro-
posito, numquam eris diues, antequàm tibi ex tuis POSSESSIO-
NIBVS tantum reficiatur, vt ex eo tueri sex legiones, & magna
equitum ac peditum auxilia possis. Hæc vox Crassi fuit, opinor, ne-
gantis se Diuitem, etsi vulgò ita audiret: quia nemo sic dicen-
dus, nisi cui tales opes. In Plinio hoc paullo contractius:
M. Crassus negabat locupletem esse, nisi qui REDITV annuo tueri LE-
GIONEM posset. In agris suis HS. bis millies possedit, Quiritium post
Sullam ditissimus. Qui locus inspectione, fortasse & correctione
eget. Primùm de Legione vnâ ait: quod Cicero palàm de pluri-
bus (inò & sex nominat) & item Græci de exercitu tradūt. Itaque
in Plinio quoque verius censeam, Legiones. Iam quod addit, bis
millies in agris possedisse: quid ergo in aliis? in seruis, in pecuniâ, in
vasis ac supellectile, denique in domibus, quantum habuit? Sa-
nè alterum tantum dixerit aliquis, ex communi tunc ratione*

& proportione opum. Plutarchus scribit, solos architectos & fabro-
seum in seruis habuisse, ad quingentos, quorum operam eloca-
bat in vrbe ruinis vel incendiis obnoxia: quid deinde seruorum
ad reliquos vsus, domi vel in agris? Hæc eo deduco, vt solicitem
& quatiā lectionem Plinij receptam: & quia non arbitror in
solis agris sic habuisse. Argumento ex Plutarcho, quòd totus
census eius, post Decumas Herculidatas, & epulum frumentumque
plebi, non fuerit nisi septem millium & centum talentorum. Atqui
longè hoc ab illo bis millies abest in solis agris. Facit & ipse Plin-
ius, qui paullo post subiicit, Multos postea se cognouisse, seruitute
liberatos, opulentiores. Libertos autem intellegit, qui ad ter millies,
aut circa, peruenerunt. Non inlsto: dico, legendum mihi vide-
ri in Plinio, nisi qui legiones tueri posset ex agris suis. Sestertium bis
millies possedit. Vt vniuersæ opes eius fuerint bis millies, siue quin-
que millionum. Senecæ locus huc addatur: M. Cato possidebat ipse
quadragies Hs. minus sine dubio quàm Crassus, plus quàm Censorius
Cato. Maiore spatio, si comparetur, proauum vicerat, quàm à Crasso
vinceretur. Moneo primò legendum, quadringentes Hs. quod
certum est: deinde addo, ex hac comparatione elucere, quòd
haud multo vltra bis millies Crassus potuerit habere. Alioqui
nimium interuallum sit inter Catonem Vtiensem & ipsum:
quod Seneca negat. AVD. At enim Lipsi, vis tu igitur Crassum
ad reditum ex agris tantum respexisse? Lips. Videtur. nam &
Cicero scripsit, nisi tibi ex POSSESSIONIBVS tuis tantum reficiatur:
& antè, nisi qui exercitum FRUCTIBVS suis alere posset. Ea verò ad
agros spectant: & ipsa Plinij vox, Neminem LOCUPLETEM esse.
Et si haud nego, multos Romanorū magna latifundia habuisse:
sed summa hæc exorbitet. Alioqui L. Domitius ille, successor
in Galliam Cæsari destinatus, agris sanè abundare debuit, qui
(in ipso Cæsare) Corfinij obsessus, ad animandos milites, in con-
tione agros ex SVIS POSSESSIONIBVS pollicetur, quaterna in singulos
iugera, & prorata Centurionibus Euocatisque. Atenim triginta co-
hortes ibi militum, id est duodecim circiter millia. Ea sint igitur
quadraginta octo millia iugerum: quid iam in Centurionibus &
Euocatis, quibus duplum debebatur? Lego & in Plinio: Sex do-
minos semissem Africæ possedisse sub Nerone, quos ille interfecerit.
Quid Seneca, de Pompeio (an Poppæo) quodam, sub Caligulâ?

nam

Devisâ bea-
tâ cap. xxi.

i. Cuius.

Lib. xvi. 11.

De Tranq.
cap. xxi.

nam qui *Ptolomæum* restituant, ab ipso mox refelluntur. Quid igitur deco? *Panem & aquam defuisse, cum TOT FLVMINA possederet, in suo orientia, in suo cadentia.* Si hæc vera, oportuit totas regiones possedisse. uti C. Antonius ille, collega Ciceronis in Consulatu, totam *Cephaloniam insulam, velut proprium patrimonium habuit, atque ibi opidum etiam novum struxit:* quod traditum ita Straboni. Hi verè locupletes: & quorum fundos nec milui obertraverint, ut ait poeta. Sed redeo ad vniuersè Diuites, inter quos L. Cornelius Balbus meritò locandus. qui (ut Dio scripsit) *homines suæ ætatis Diuitiis & Magnitudine animi supergressus est, adeo ut moriens populo Romano virtutem legauerit denarios viginti-quinque, siue Aureum Romanum vnum.* Quid putemus nunc heredes, & legatarios habuisse? Seneca etiam noster, ille doctrinæ & sapientiæ, id est internorum bonorum, ita diues, quàm rarâ sorte, & externorum fuit? Eum *ter millies* Hs. possedisse, amicus illi Tacitus scripsit, & inimici cum multâ inuidiâ obiecerunt. AvD. Quidni Lipsi? & ille vir maximus, hoc vno titulo apud me minuit, quòd sic in opibus abundet. Philosophum hoc decuit? & quidem Romanum, qui facta sibi vindicant, magis quàm verba? LIPS. Miserum Senecam, ut video. quare? quòd non Virtus solùm ei, sed Fortuna fauerit: & in alio tamen aliquo hoc laudemus. Sed quia rara hæc coniunctio, præsertim in modesto & sapiente, & *bonæ mentis, ut ille inquit, soror est paupertas:* homines indignantur, liuent, Senecam equis & quadrigis incurrunt. At meo iudicio, ô virum hoc ipso magnum, quòd capere potuerit, quòd uti, quòd habere (ut vno verbo dicam) & non haberi? Quid, quòd nec eas suspexerit? inter media censuit, inter fluxa, & quæ si abirent, nihil auferrent, nisi semetipsas. Audi illum, ô Liur, & file. *Pone me, inquit, in opulentissimâ domo, ubi aurum argentumque in promiscuo vsus sit. Non suspiciam me ob ista, quæ etiamsi apud me, tamen extra me sunt. In Sublicium rursus pontem me transfer, & inter egentes abige: non ideo tamen me despiciam, quòd in illorum numero consideam, qui manum ad stipem porrigunt. Quid ergo est? domum illam splendidam malo, quàm pontem.* Hæc vera philosophia est: posse habere, posse carere, non cupere absentes, capere & præsentem: iisdem uti benè, & bonis subleuâdis. Sed quid euagor? diues Seneca, & nostro more *septuagies quinquies centena millia*

Apud Tac.
XIII. Ann.

XII. Ann.

Lib. XXII.
cap. 3.

* Decies
quingies
centena mil.
lia Philip.

Lib. VI.

possedit: plus meruit (audi & hoc Liur:) & multi nequaquam
eius artibus pares plus habuerunt, vt Nero ad eum dixit. Ecce *Cn.
Lentulus Augur* (ait ipse Seneca) diuitiarum MAXIMUM EXEM-
PLVM, antequâ illum liberti pauperem facerent, quater millies Hs. suum
vidit. Propriè dixi (inquit) nihil enim ampliùs, quàm vidit. Hic stu-
por igitur possedit ipsos decem milliones, Regum aut certè Regu-
lorum opes. Sed indicat Seneca, libertos & plus habuisse. Ac
sanè de Pallante Tacitus scribit, *sestertij ter millies possessorem* fuis-
se: quod quater millies, me volente, Dionis Breuiarium in Ne-
rone expressit. Et hoc ipsum de collibetto eius *Ælio Narcisso*,
idem Dio in Claudio narrauit. Sed aula hos beauit, inquires.
Vis igitur & homines, non è Senatu vel aulâ? ecce è mediâ ple-
be vnum, è Plinio: *C. Asinio Gallo, C. Marcio Censorino Coß.* (id fuit
sub Augusto) *C. Caecilius Claudius Isidorus* testamento suo edixit,
Quamuis multa ciuili bello perdidisset, tamen relinquere seruorum quot-
tuor milia centum sedecim, iuga bouum tria milia sexcenta, reliqui pec-
coris ducenta quinquaginta milia, in numero Hs. sexcenties. Fune-
rari se iussit Hs. *undecim milibus.* Vide tu tot seruos, boues, pecu-
des, tantum numeratæ pecuniæ: & miror agros non expressos,
quos tamen suspicor habuisse, itemque villas, & ædes. Sed vt ut
sit, familiam illam solam seruorum vide: quis Principum ha-
bet? Avd Valdè quidem isti copiosi in seruis, quod & in Craf-
so notaui. Lips. Valdè. & Petronius ex more, si non ex vero, de
Eumolpo suo facetissimâ narratiunculâ scripsit: *Familiam qui-*
dem tam magnam per agros Numidia sparsam habere, vt vel Carthagi-
nem posset capere. Certè aliquot milia esse debuerunt eorum, qui
armis apti: sicut & historicâ fide Vopiscus de Proculo tradit,
eo tempore quo sumpsit imperium, duo milia seruorum suorum armasse.
Quid Belisarius ille sub Iustiniano magnus? duodecim milia pue-
rorum (ita loquuntur) habuisse propria, Aimoinus, Regino, alii-
que testantur. Nam illud quod in Athenæo adfirmatè scribi-
tur, quale est? *Quosdam Romanorum ad DECEM aut VIGINTI*
milia seruorum habuisse, nec vt QVABSTVM exiis facerent, sed
vt affeclas aut subsequas eos modò haberent. Hoc de seruis, mihi
ipsi timidè tardeque credendum, & tamen credendum. De
aliis armentis, simile aliquid (etsi minùs est) in Vopisco item
lego, de villâ Valeriani priuatâ, in quâ quingenti serui, duo milia
vacca-

vaccarum, equæ mille, ovium decem millia, caprarum quindecim millia fuere. Quæ mea mens, cum ista cogito? ubi nostræ pauper-
tinæ villæ, nec millesimis horum instructæ? Et quàm pauca ta-
men talia aut scripta sunt, aut si scripta, ad nos perueniunt?
Casu factum est, quod Cæsar prodiderit (& mihi casu incidit)
T. Labienum Legatum suum in Galliis, opidum Cingulum consti-
tuisse in Piceno, & suâ pecuniâ exedificasse. Vide in homine priuato
opes & animum Principis, qui eas in tota opida struenda con-
uertit: quod & medici quidam apud Plinium fecere. Quid au-
tem, quod etiam inferiore ævo, rebus & imperio labentibus,
magne istæ opes? Olympiodori hæc excerpta audi: Ὅτι πολλοὶ οἰκοὶ
ῥωμαίων ἀποτόδους καὶ ἐν αὐτῶν ἐδίχοντο διὰ τῆς κτημάτων ὑπὸς, αἱ δὲ τρια-
κοντὰ χεῖροσ καὶ τριάκοντα, χεῖροσ τῶ σίτου καὶ τῶ ὀβίου, καὶ τῆς ἀλλοῦ ἀναλ-
τὴν ἐδίχον. αἱ εἰς* τελέων συνίσταντο, εἰ δὴν ἀποδοκίμο, τῶ ἐν τριετηρίῳ χεῖροσ.
τῶν δὲ μετὰ τοῦς ἀπώτους τῶς δὲ τριετηρίῳ ὀβίου τῆς ῥαίμης, ἀντεχέμενα, καὶ
δύνα καὶ τριάκοντα ἢ ἑξήκοντα. ὧ: Multæ Romanorum domus (id est,
earum domini) in annuo reditu accipiebant è possessionibus suis, ad
* quadraginta centenarios auri: idque absque frumento, vino, & aliis
speciebus, quæ si venderentur, facile trientem æquarent illati auri. Se-
cundarie autem domus, quindecim centenarios aut decem recipiebant.
Hæc ille, sub Honorij & Arcadij ævum: quàm deficiat iam Ro-
mâ, & per illam Novam imminurâ? Atqui tot illi Centenarij
(centum libræ auri in singulis) reddunt quadringenta nobis au-
reorum millia: & ubi frumentum, & reliqua? Atque etiam redi-
tus tantum computat, non seruos & alia multa, quæ sine fru-
ctu. Addam distinctè & vnum exemplum, in quo desino. Ca-
pitolinus de Gordiano, adhuc priuato: Ditissimus ac potentissimus,
in provinciis tantum terrarum habens, quantum nemo priuatus. Qua-
sturam magnificentissimè gessit. Adilitatis suæ tempore, duodecim popu-
lo Romano munera, id est per singulos menses singula DE SVO ex-
hibuit. ita ut gladiatorum nonnumquam quingena paria exhiberet,
numquam minus centenis quinquagenis. Feras Lybicas vnâ die
centum exhibuit, vrsos vnâ die mille: & plura deinde animalium
nominatim: quæ omnia POPULO RAPIENDA concessit. Am-
plius de eo, auctore Cordo: In OMNIBVS ciuitatibus Cam-
pania, Etruria, Vmbria, Flaminia, Piceni, DE PROPRIO il-
lum per QVATRIDVVM ludos scenicos & Iuuenalia edidisse.

1. Ciuil.

* Vero
Trientem:
an aliquis
Triplam
auct!

* 400000.
aureor.

Qui

Qui benè hæc tollit singula & pensitat, quicque scit quid sit ludos olim edere: nescio quam trutinam reperiet ad tot illa ponderanda aut æstimanda. Diducere mihi non placet, placet abiuungere: & *Opes Romanas* publicè priuatimque satis videor ostendisse. Tu abi, cæna, dormi.

I. L I P S I DE MAGNITVDINE R O M A N A L I B E R I I I.

C A P V T I.

Ad Opera Romana transitum, & primò de lignèis aut temporariis dictum.



V D. Malè mihi hac nocte fuit. **L I P S.** Quid ita? **AVD.** Quia herè nimium benè. Suaues illi sermones animo inhæserunt, & per cerebri huius spatium inerrantes, verè dico, ademèrunt mihi somnum. **L I P S.** Aliter ego dixeram: & meministi, vltimi mei, *Dormiè*. Atqui cautio erit ne sic in posterum: mittemus potiùs, aut suspendemus, hos sermones. **AVD.** Quin tu verbum hoc suspende: nam meruit. Itane sermones hos tollas, in quibus vnica mihi spes solatij? nam ne nescias, vt ij qui à scorpijs sunt icci, ab iisdem remedium habent: sic ego nunc affectus. Ad te propero, qui pupugisti. **L I P S.** Ad me? non ego Scorpius, sed Aspis: aurem claudio ad has cantilenas. **AVD.** Benè est, pungat me & hæc aspis, vt dormiam: & suauis veneno infundat somnum. **L I P S.** Age, age, medebor: sed non, vt censēs, suauiter mi homo: ego verò vt fastidientes quosdam ægros medici, ad exercitia & *OPERA* te ducam. Ecce enim ea ordine sequuntur. Duplicia autem Romana istæ Opera, *Temporaria* & *Diuturna*. Illa, quæ subito & in breue tempus aliquod excitabantur, è terrâ aut ligno plerumque: ista, quæ in longum, & mansura, è latere, lapide, & materia

teric firmiore. *Temporaria*, duplicia iterum video, *In Militiâ*, & *Extra eam*: atque vtraque meriti iustam admirationem. Nam siue militiam videas; quis *Fossas*, *Vallos*, *Aggeres*, & talia terrea; iterumque materialia, *Turres*, *Testudines*, *Musculos*, *Vineas*, legit, tam multa, tam crebra; & aut industriam; aut vires hęc patran-
tium, non æstimat & admiratur? Siue extra eam quædam, in voluptatem aut splendorem structa; quomodo idem affectus non insinuet animo vel irrumpat? Et *Militaria* quidem mitto, aliàs mihi explicata: pauca ex ciuilibus tangam. Quo in ge-
nere ludicra præcipuè fuere: vt *Theatra*, *Amphitheatra*, *Circi*, & magnæ eiusmodi moles, structæ sæpe in paucos dies, & pænè
vt deiicerentur. Duo exempla in *Plinio*, etiam cum eius, qui tam multa *ADMIRANDA* viderat aut legerat, nimis admiratione. *M. Scaurius*, inquit, *fecit in Ædilitate sudoripsum omnium MAXIMUM*, QUAE VMQVAM FVERE HVMANA MANV FACTA, non temporariâ morâ, verum etiam æternitatis destinatione. *Theatrum* hoc fuit. *Scenæ* triplex, in altitudinem CCCLX. columnarum. *Ima pars scenæ* è marmore fuit, *media* è vitro, inaudito etiam postea genere luxurie. *Summa tabulis inauratis columnæ*, vt diximus, *imæ duodequadragenium pedum*. *Signa ærea inter columnas*, vt indicauimus, fuerunt tria millia numero. *Cauea ipsa cepit hominum LXXX. millia*, cum *Pompeiani theatri*, toties multiplicata vrbe, tantoque maiore populo, sufficiat large XL. millibus. Sed & reliquus apparatus tantus, *Attalicæ vestis*, tabulis pictis, ceteroque choragio fuit, vt in *Tusculanam villam* reportatis quæ superfuerant cottidiani vsus deliciis, incensâ villâ ab iratis seruis, concremaretur ad HS. millies. Quid est? frigēs, nec excitaris? *AVD.* Nihil. ipse *Plinius* me tepefecit, cum scripsit, non temporariâ morâ, sed æternitatis destinatione factum. Me tepefecit, te refellit, qui inter *Temporaria* hoc refert. *LIPS.* Tène tam læuè *Plinium* capere? præuidebam, & metuebam. Sed hoc ille dictum voluit, istud *Temporarium* eminuisse etiam inter firma illa, & quæ æternitatis spe facta. Non aliud sanè dixit: & ecce alibi eius verba. *In M. Scauri ædilitate*, tria millia signorum in scenâ tantum fuere, temporario theatro. Audin, temporario? Iterumque alibi: *Trecentas sexaginta columnas M. Scauri ædilitate ad scenam theatri temporarij* & vix vno mense futuri in vsu, viderunt portari silentio legum. Quos locos libentiùs adfero, quia *Plinius* eosdem adspexit, cum hîc

o Teipsâ
Militiâ &
Mechani-
câ.

Lib. XXIII.
cap. VII.

Lib. XXIV.
cap. II.

icipit: vt diximus: & vt indicauimus: nempe hisipfis locis. Sed quod hîc etiam est: *Ima pars scena è marmore.*) explicat idem suprà, in cap. vi. *Marmoreos parietes habuit scena M. Scauri, non facile dixerim sectos, an solidis glebis politos, sicuti est hodie Iouis Tonantis aedes in Capitolio nondum enim secti marmoris vestigium erat in Italiâ.* Vltimis item verbis, *concremaretur ad HS. millies*: è manuscriptis aliquis inallet, *ad bis millies*: nec nimium sit pro reliquo luxu. Alias operis partes tu per te, & otiosè, si voles, inspicere & adstupesce: ego alterum exemplum, ex eodem Plinio, qui dictis iam subnectit. *Aufert animum, & à destinato itinere digredi cogit contemplatio tam prodiga mentis, aliamque conuelli insaniam è ligno.* C. Curio, qui bello ciuili in Casariensis partibus obiit, funebri patris munere, cum opibus apparatuque non posset superare Scaurum (vnde enim illi vitricus Sulla, & Metella mater, proscriptionum sectrix?) cum iam ne ipse quidem Scaurus sibi comparari posset, quando hoc certè incendiij illius premium habuit, conuectis ex orbe terrarum rebus, vt nemo postea pareffet insanie illi. Ingenio ergo vtendum fuit: opera pretium est scire quid inuenerit, & gaudere moribus nostris, ac nostro modo nos vocare maiores. Theatra duo iuxta fecit amplissima è ligno, cardinum singulorum versatili suspensa libramento: in quibus vtrisque antemeridiano ludorum spectaculo edito, inter sese auersis, ne inuicem obstreperent scena; & repente circumactis, vt contrà starent, postremo iam die, discedentibus tabulis, & cornibus inter se coeuntibus, faciebat Amphitheatrum, & gladiatorum spectacula edebat, ipsum magis auctoratum populum Romanum circumferens. Quid enim miretur quisque in hoc primum? inuentorem, an inuentum? artificem, an auctorem? ausum aliquem hoc excogitare, an suscipere? parere, an iubere? Super omnia erit populi furor, sedere ausi tam in fidâ stabili que sede. *Quæ vilitas animarum ista? aut quæ querela de Cannis? quantum mali potuit accidere?* Ecce populus Romanus vniuersus, velut duobus nauigijs impositus, binis cardinibus sustinetur, & seipsum depugnantem spectat, periturus momento aliquo, luxatis machinis. Dissertè ista Plinius, & culpans simul ac laudans. Quid autem nos? Legimus, intelligimus, vix credimus (de meo sensu hîc fateor) & qui quantique illi cardines singuli, qui tota theatra sustinerent, verterent, iungerent, disiungerentque? De me, parum

rum est: sed coëant ipsi artifices nostri & architectones, laborabunt in re non dicam conficiendâ, sed exputandâ. Plura huius generis passim: sed in circumfusâ rerum copiâ, excerpimus pauca & eligimus, cum iudicio, ut possum. AVD. Hic non adhibes, quod cum pace tuâ dicam. LIPS. Quid iam? AVD. Nam ars & ordo ita præcipit, in dicendo narrandoque ascendere, & ut ille ait, *ex fumo flammam, non ex flammâ dare fumum*. At tu culmina operum dixisti, & minora haud dubiè dabis. LIPS. Minora? aliter dices, cum illa *Perpetua* & firma audies: quid si & nunc aliter in his Temporariis? Caij Caligulæ pons nescio an ingenio, mole certè & magnitudine vincit, sed & insanâ illâ ambitione siue periculi, siue nouitatis. Struxit eum in ipso mari, nauibus impositum, magnitudinè *triummilliarium & quadrantis*: id est, toto illo spatio, quantum est à Puteolis ad Baulos. Per hunc, triumphantis ritu, cum Senatu militibusque incessit, spectante toto populo: in eodem epulatus, noctem etiam peruigilem egit, inter lasciuias & ludos. Addo autem *in paucis diebus* (nam & sic narrant) pontem hunc totum structum: vnde tam subito nauibus, armentis, trabibus, omni aliâ materiâ conuectâ? Immensum opus perpendenti, sed cui laudem vanitas detrahit. nam quo fine structum, nisi ut destrueretur? Simile in *Caracallâ*, quem alterum *Caligulam* licet dicere. Is autem non suis solùm, sed alienis opibus proteruè abusus. cum, ut Dio scribit, *adigeret homines Senatorij ordinis, quoties Româ egrederetur, domos & prætoria varia struere, item diversoria splendida: etsi in plerisque non solùm non acturus, sed furusve erat, sed nec ea visurus. Amplius, rubicumque biematurus erat, aut etiam putabatur biematurus, cogebantur amphitheatra & circos struere, nec in sumtum quicquam ab eo capientes: & eaisa mox deruenda*. Quis cum hæc legit, siue audit, non admiratur opes & splendorem Senatorum, qui patrare hæc poterant? non item detestatur illius insaniam, qui iubebat? Olim in populi totius voluptates, Theatra & Circi structi: nunc in vnius imaginarium vsum. Nam nec vidit hæc omnia sæpe, ut Dio dixit.

Diuturna opera, & caput omnium Roma. De situ eius, & in primis de magnitudine indagatum.

SED à damnosis istis & *Temporariis* ad stabilia & vtilia veniamus, & quæ *Perpetua* dixi. In hoc genere multa sunt Romanæ magnificentiæ, nec in vrbe solùm aut ipsâ Italiâ, sed per terrarum orbem sparsa. Licet dicere. diuino munere Romanos datos, ad quidquid rude, expoliendum, ad quidquid infectum, faciendum; & loca hominesque, elegantiam aut artibus, passim exornandos. Quot *Opida* noua structa? vetera ampliata, aut reparata? in iis *Templa*, *Basilica*, *Fora*, *Porticus*, *Aqueductus*, *Vie*, *Theatra*, *Circi*; & plura, quæ aut vsum haberent, aut amœnitatem. Quid iam *Priuate* structuræ, vt *Domus* aut *Ville*? omnia splendida, ab ingenio simul & pretio commendanda. Atque ego hinc hæreo. **AVD.** Quid tibi est? **LIPS.** Sine. **AVD.** Non pergis? **LIPS.** Mane inquam. **AVD.** In capite viæ sistimus? **LIPS.** In capite. immensa & vaga se aperit, nec satis scio quâ limitem eam aut stringam. Poëtæ animi causâ solent dicere,

Vnde tamen cepti iam surgat carminis ordo? ego ex vero: & incertus animi feror, vbi ordiar de sinamque. Nam si vel singulatia tantùm ostendenda sunt, per omnes prouincias, vrbes, agros eundum est: vbique enim tale fuit. Infinita, inquam, ista sunt, & cum poëtâ principe,

^a quos folia aut florat in vire vireſcunt, aut quos confusum densarum examina bombant.

— βασανιστὸν τὸν ποταμὸν καὶ τὴν πόλιν,

ὅλην πάλαν ἀνδρῶν ἵστα πόλιν.

Sed cogitanti hoc sedet, solam *Romam* tibi ostendere, omnium operum opus, vt sic appellem: & in quâ solâ fuit, quidquid vbi que fuit. Ipsam si in parte nosti, totam ne speres: etiam illa prouincialia noueris, quæ pleraque facta ad hoc exemplar. Nam & colonix *Capitolia* sua, *Fora*, *Basilicas*, *Theatra*, & talia, habebant ad vrbis dominæ & parentis suæ ritum. *Roma* igitur faue, & te ostende: & paulisper è ruinis tuis, si fas est, veterem vultum attolle. Situm tuum primum video, & laudo: aut potius pro me *Camillus* ille apud *Liuium*, qui re bis condidit, & dum *Gallis* eripuit, & dum tibi ciues retinuit & firmavit. Nam absque eo abibant, & *Veij* iam *Roma* erant. Ille igitur: *Non sine*

sine causâ Dîj hominesque hunc Urbî condendæ locum elegerunt. saluberrimos colles; flumen opportunum, quo ex mediterraneis locis fruges deuebantur, quo maritimi conuentus accipiantur; mare vicinum ad commoditates, nec expositum nimî propinquitate ad pericula classium externarum; regionum Italie medium. Videamus, Auditor, paulisper horum singula: & iuuabit me recitatio, & quasi in Româ iterum sistet. AVD. Bonâ veniâ, quot iam anni ex quo lustrasti? LIPS. Ipsi vigintiseptem, cûm discessi: sed animum non auelli, & antiquitas amabilis, sed & religio venerabilis sæpe eò vocant. Quod ergo dicebam, Cantilli ruminemur. *Saluberrimos colles.* (Hodie vix ita sunt: sed caussa, solitudo & desertio, tum & auræ è vicinis paludibus vel æstuariis, & quas alij indagent. *Flumen opportunum.*) Tiberis ille pater, qui urbem secat: *latus circa eam*, vt Dionysius monuit, *quattuor iugera*, (siue pedes CCC:) *profundus sic, vt maximas naues suscipiat, & portet.* Addit & *Mare vicinum.*) nam distat XVI. millibus passuum, vt Plinius & Antoninus metiuntur, siue, quod idem est, *centum viginti stadiis*, vt Dionysius. Non ergo Strabonem audies, qui *centum nonaginta* ea computat: sed numerorum & librarij sui errore. In Appiano an error talis, qui non nisi *centum stadia* computat? Nam verba Cenforini Consulis sunt, suadentis siue iubentis Carthaginienses, dirutâ vrbe suâ, à mari abire: *A mari iubemus non nisi LXXX. stadia vos recedere, cûm nos ipsi ab eo distemus stadiis centum.* Ego tamen hoc non mutem, & verè dictum censeam: sed aspectu latæ & magnæ illius Romæ, quæ extra prima mœnia (mox dicam) in orbem se diffundebat. Ab eâ ille computat: etsi fortasse parùm adhuc verè aut decorè in Cenforini personâ. Sed æuum suum, vt fit, aspexit. Claudit Camillus, *Italia medium esse.* Ita, in longitudine. nam latitudinem si spectas, finem tenet. Hoc verius, quàm quod Vitruuius etiam *mundi mediam Romam* fecit: nec hoc nobis persuadebit, nisi sui fortasse & Romani mundi. Hæc Camillus: sed Rutilius Gallicanus, cuius Itinerarium extat, ab infimo æuo non infimi carminis, hoc quoque in eâ miratur, quòd *munissimò loco sita*, nec Alpibus solùm ab omni vi subitâ, sed Apennino defensa.

*Sis factum certâ mundum ratione fatemur,
Consiliumque Dei machina tanta fuit;*

Excubitis Latius prætexuit Apenninum,
 Clausuraque montanis vix adenda viis.
 Invidiam timuit Natura, parumque putavit
 Arctoïis Alpes opposuisse minis:
 Sicut vallavit multus vitalia membra,
 Nec semel inclusit quæ pretiosa tulit:
 Iam tum multiplici meruit munimine cingi,
 Sollicitosque habuit Roma futura Deos.

Ista Rutilius pulchrè: sed nos à Situ Formam videamus. Nec veterem illam reuoco, *Quadratam*, & qualis sub Romulo fuit: perfectam & plenam considerasse sit satis. quæ rotunda prope modum fuit (etsi haud iustè tamen) & septem suos colles amplexa, grandem ambitum fecit. Quem vtinam firmiter metiri tibi possim/ah,ah. AVD. Quid suspiras? etiam iterum? LIPS. Iterumque, & ab imo pectore. Ah, cur non Romæ nunc paucos dies sum? cur non obambulo, video, metior? cur non cum viris doctis inibi confero? firmiùs fortasse certiusque definirem. Sed vel sic conabor. AVD. Ego in suspirio tuo rideo. Nam cur voues, quod potes, imò quò impelleris, aut inuitaris? nonne Itali, & ipsa Roma, hoc faciunt? LIPS. Faciunt, & gratiam pro iudicio vel affectu debeo: sed quid dicam? Fatum meum primò me tenuit: mox & Rex: illud occulto decreto, hic apertâ benignitate. Ad suminâ, video Belgæ mihi in Belgis moriendum: etsi de reuiscendâ eâ obiter non despero. Sed de nostro ambitu. scribunt veteres, Seruium Tullium regem, ad quinque colles iam inclusos vrbi, duos addidisse *Viminalem & Esquilinum*, & talem tantamque deinceps fuisse Romam. Dionysius in eâ re apertè: *Vlterius verò NEQVE NVNC processit vr-
bis ambitus, fato aut numine, vt aiunt, non permittente.* Neque nunc, inquit: quando? Augusti æuo, quo ipse scripsit. Sed ille ipse ambitus igitur quantus? idem ita docere voluit, dum subiicit: *Quod si quis metiri ambitum eius voluerit, conferat cum Athenarum vrbe, nec multo maior apparebit.* Quod idem & alibi iterauit. Voluit, inquam, docere: vix nos docuit, sed suos sanè Græcos, qui Athenas norant. Nos quid? & de huius ambitu quæramus. Lego quidem in Dione Chrysostomo, *Circuitum Athenarum, cum Pyraeo & Longi muris, fuisse ducentorum circiter stadiorum:* quæ

Lib. III.

Lib. VIII.

Orat. de
tyrannide.

quæ nobis sint *vigintiquinque milliaria*. Sed an Roma igitur tanta? non opinor, nec ausim dicere: & causâ est, quòd Dionysius diserte *Athenarû astu* siue urbem dixit, nec *Pyræum*, opinor, aut *Longos muros* inclusit. Itaque iterum hæremus. AVD. Vis ego te transferam? LIPS. Gratia erit. AVD. Nam hodie ipsa res docet, & muri illi antiqui ambitum habent *xiiii.* aut *xv.* milliarium, ut notant. Quid ergo ambigis? LIPS. Hos istos, veteres non fuisse. Multa sunt, quæ arguunt: sed ipsa maximè forma sic enormis, & alibi sinuans introrsus, alibi procurrens extrorsus: prorsus, ut non à prisca illâ accuratione & elegantia, sed à novitiâ aliquâ necessitate impositum & subitum opus videatur. Neque ambigendum est, ut mox dicam. Sed de veteri igitur ambitu, videamus ecquid Plinius iuvabit, qui ex professo describit: *MOENIA eius collegere AMBITV, Imperatoribus Censoribusque Vespasianus, passuum xiiii. millia ducenta. Complexa mōtes septem, ipsa diuiditur in Regiones xiiii. conpita earum cclxv. Eiusdem spatij mensurâ corrente à Milliario, in capite fori Romani statuto, ad singulas portas, efficit passuum per directum xxx. millia, dcc. lxx. Ad extrema verò telorum cum castris Prætorius, ab eodem Milliario, per vicos omnium viarum, mensura colligit paullo ampliùs lxx. millia passuum.* Rem totam hîc habeas, si verba hæc aut tenebras suas, aut & vitia, non haberent. Inspiciamus. *Mœnia ambitu colligere facit passuum xiiii. millia.* Sanè hoc sit pro hodiernæ Romæ modo, si modò lectio firma: quam & prisce libri sollicitant, *xxx. millia* scribentes; & Leander, atque alij superioris ætatis, qui *xx. millia* legerunt, & defenderunt. Pergit, *Eiusdem spatij mensurâ corrente à Milliario.* Intellego idem spatium, totum illum ambitum, & eo inclusum. Hoc, inquit, spatium si metiris: unde à Milliario: & intellegit *Columnam illam Auream in foro Romano statutam, in quam Italia omnes vie finiunt*, ut ait Plutarchus. Augusti hoc institutum fuit, qui & posuit *Columnam*, & ab eâ voluit currere mensuras. Pro hoc igitur more Plinius metitur, non à portâ ad portam (ut video quosdam suspicari) sed palâm à Milliario, quod quasi in urbe mediâ, ad singulas portas. Sed numericus manifestò falsi sunt. Si *xxx. millia* ad quamque portâ: ergo in totâ diametro *lxx.* sunt: ergo in ambitu, *cxix.* quo quid absurdius? Et simile erit, et si minus, si à portâ ad portâ *xxx.* sint, uti volunt. nam tunc certè triplicatâ diametro

* De quâ
Dio, Tacitus, & c.

metro, vt solet, exsurgent milliaria in ambitu *nonaginta*: an ipsis fatendum, aut nobis credendum? Iam in vltimâ mentione, *ad extrema testorum*, inquit, *ab eodem Milliaro*, LXX. millia passuum. Id quoque quâ potest? crescent supra modum hæc in ambitu, nec video excusanda. Vt mihi nunc videtur (meliora auidè semper audiam, capiam, vel potiùs arripiam): sed vt mihi nunc, Plinij numeri isti corrupti sunt, & sic reformandi. *Mænia collegere ambitu passuum xxiii. millia*. Hoc primum pono, tantam fuisse Romam: aut si placet, xxii. parum in vno alteroque milliario est. Vnde docco? ex Olympiodori quibusdam Excerptis Græcis: in quibus ad verbum est, *Romæ vrbis murus mensuratus ab Ammone geometrà, quo tempore Gothi primam inuasionem fecere, habebat spatium vnius & viginti miliarium*. Iste vno milliario minus, quod alius addit: & Martinus Polonus, qui Chronicon scripsit: *In circuitu*, inquit, *Romæ sunt milliaria viginti duo, præter Transiberim & Leoninam ciuitatem, cum quibus dicitur habere quadraginta duo milliaria*. Vnde hæc habes Martine? ex aliquo veterum: nam pro tuo æuo, vtrumque hoc planè est falsum. At pro veterum, & verbis Plinij, planissimè verum. Pro verbis, dico, Plinij corrigendis, & porrò videamus. Nam altera mensura erat, à Milliaro ad portas xxx. millia. Ego dico scribenda ∞ ∞ ∞: id est, *tria millia*. Et quis nescit ex ignorantia harum notarum sæpe, cum in Plinio, tum Livio, & alibi, peccatum? Nam putarunt *Denarias* notas esse: & inde nata illa *millia xxx*. Atqui aliter est, & sic si emendas, quanta proportio & consensus? Roma habet in ambitu xxiii. milliaria: à milliario ad portam, *tria millia & passus septingentos sexaginta quinque*: ergo in plenâ diametro, *septem millia quingentos triginta*: hanc triplica, nōne xxii. & semis in ambitu redduntur? At Plinius neglexit aut insuper habuit de dimidio, & rotundè xxii. aut xxiii. dixit. Simile in mensurâ vltimâ, quæ *ad extrema testorum colligit LXX. millia*. Tu verò fac *septem millia*: & rem factam habes. Dupliciter enim metitur. à milliario primum ad ipsos muros portasque: deinde ab eodem, ad extrema testâ. Quare hoc? liquet enim Romam quasi duplicem fuisse: & clausam muris; & alteram non clausam, quæ tamen in orbe circumiecta esset, & continentibus ædificiis instructa. Vtramque igitur dimensus, dicit hanc vlti-

ultimam in semidiametro *septem millia* habere: duplica, sunt *quattuordecim*: triplica, erit ambitus iustissimè, *quadragesimaduorum*. Et nonne hoc ipsum est igitur, quod Martinus dicebat? Adde probationem huic numero alteram, ex Vopisco. Is de Aureliano Principe: *Muros urbis Romæ sic ampliavit, ut quinquaginta prope millia murorum eius ambitus teneant*. Quod tamen Zosimus Probo Imperatori perfectum opus adscribit. Si igitur tunc *quinquaginta propemodum* (nam id notat:) ergo iam antè faciliè ambitus ille ædium extremarum, *quadragesimaduorum*: quia muri noui longiùs etiam paullò ab ædibus remoti. Ego in hac re nihil incerti vel infirmi video, nisi quòd libido quibusdam est dissentienti. Sed ò boni, an adeò tale nihil alibi? Ecce urbs Locrorum (nec ea inter has maximas) *duodecim millia* in ambitu habuit, quod Liuius scripsit. Capuam superasse, non mihi videtur ambigendum. Quid Carthaginem illam, Romæ æmulam? *xxii. millia passuum* circumdedit, ut manuscripti Orosiani codices præferunt; siue *xxiiii.* ut Epitoma Liuiana. Ipsa Constantinopolis olim *xxii.* ut hac quoque parte compar matri suæ esset. Denique ad Tataros & Sinenfes si abeunt, hodie reperient exempla. Desino, & satis firmasse videor: nisi quòd opponi nobis possunt (nihil enim dissimulabo, & ipse subiiciam) duo. Prius, quòd *Milliarium* non videtur iustè fuisse in urbe mediâ, atque ita mensuratio faller. Nam fuit in *capite*, ut Plinius ait, *fori Romani*: atqui ab eo ad Tiberim, non par reliquæ urbi spatium videtur, & maximè quòd ibi *Campus Martius*, omnium consensu, extra urbem. Respondeo, ut nunc quidem Roma est, non planè medium illic esse fortasse (metiar, si illic sim: nunc tabulis credo:) sed olim videtur fuisse. Sanè Victor, & Notitia Imperij, in foro ipso Romano, nec longè à *Milliario*, *Vmbilicum urbis* ponunt. Sed esto tamen non exactè in medio: quid refert? non sic *propter ex æq̃* omnia, & ad lineam regulamque veteres metiuntur. Non mouet me *de Campo Martio*, quem fateor extra pomerium habitum, & intra incenia tamen fuisse. Nonne idem in *Auentino*? qui vsque ad Claudij tempora, in pomerio habitus non fuit, & tamen à Regum tempore urbi inclusus. Et campus quidem Martius etsi olim non erat, tamen Iulius Cæsar (quod Cicero ad Atticum scribit) destina-

bat eum includere: qui scio an non Augustus fecerit? nam & is pomœrium protulit: an denique non Nero? quem ego præcipue puto in totâ Româ mutasse & iunouasse. Et ab eo sanè facies & forma est, quam Plinius descripsit. Alterum, quod obijci potest. Olympiodorum non nisi *viginti & unum* milliatia attribueret sub Honorio, cùm Roma capta fuit: vbi ergo illa *quadraginta duo* nostra, vel *Aureliani quinquaginta*? Respondeo, fuisse, & desuisse. Nam ecce cùm Constantinus sedem imperij transtulit, & vnâ secum tot nobiles familias abduxit, frumenti etiam trientē abstraxit, denique seipsum & Aulam: nōne probabile est, Romam iterum valdè minuisse: idque in extremis & longinquis maximè, vt solet: atque ita reditū, *collapsis aut disiectis Aureliani muris, ad veterem ambitum & modum*. Alioqui & alterum mihi argumentum non inualidum pro tanto ambitu est, ex ipso Victore & Rufo, qui *Regiones vrbis* singillatim dimetiuntur. Sunt igitur quædam, vt illa *Auentini*, quæ *habent in ambitu xxxiii. milia. cccc. lxxxviii. pedes*: nōne eā reddūt *sex miliaria* amplius & *semissem*? Quid in reliquis illis *xiiii*? in quibus vna item aliqua *xxx. milia pedum* habet, alia ferè *xvi. xv. xii*: & minima omnium *xi*. Profectò ex his iunctis ingens ambitus exsurgit, & (computa si lubet) propemodum ille noster. Sed terriò aliquis dixerit, quod tu antea, muros hodiernos contra nos esse. Sunt. tu veteres eos potes credere? & ita nescis toties dirutam, incensam, vastatam: iterumque instauratam & resectam esse? Noli arbitrari quòd in isdem vestigiis. nam quâ spe eiusdem frequentia, aut felicitatis? Imò Honorius contraxit, post Belisarius, Narses, denique & Pontifices Romani. è quibus *Hadrianus primus* (vt Blondus tradit) *muros eos, qui nunc exstant, centenis aureorum milibus è Tuscia contractis, exstruxit*. Sed hæc apud alios leges: ego sententiam meam sine furo liberè, & item sine pertinaciâ (quod profiteor) dixi. Hic autem sistit me & percutit miserans quædam cogitatio. Ego te Roma illa vetus, & speciosa super omnes vsquam aut vnquam vrbes, non solùm non video, sed etiam quæ fueris, quæro? Quæ fueris? imò & vbi fueris: & quâ scio, an non & aliquando, vtrum fueris quæretur? Non magis hoc mirum, si sæcla plura current, quàm nunc de Thebis Ægyptiis aut Troiâ dubitari. Nam ha-

bet hoc ætas, vt formam primò tollat, tum rem, tum famam & nomen. O spes & res humanæ, quid estis? quò itis? huc flectite. En potens & superba illa Roma, quæ VRBS AETERNA audiebat, quæ VICTVRA CVM SAECVLIS, quæ DEORVM OPVS ET CVRA, tota periit, condita in ruinis suis iacet, & labotamus cruere, & adstruere magnitudini eius fidem.

CAPVT III.

Magnitudo Suburbiorum Romæ, & hominum in totâ Româ multitudo.

SED philosophandi alibi sit locus: curramus nunc institutum cursum. Romam igitur duplicem habemus, veteri ambitu, & nouo: est & tertia quædam sine ambitu, & quæ in suburbiis procurrat. Ea quoque ingēs, & Plinij imagine ostendenda: qui ait, *exspatiantia tectamultas addidisse vrbes*. Plures, inquam, sunt vrbes, & tot quot suburbia ipsa. Quæ Tybr, Oriculum, Ariciam, atque aliò excurrerant, sed maximè Ostiam & mare versus. Illuc vel ad xv. aut citciter milliaria procedebant: & fidem huic assertioni Neronis consilium ac destinatio faciat. cui ab hac causâ visum, Ostiam tenui (ait Suetonius) mania promouere, atque inde fossâ mare veteri vrbi inducere: etsi non effecit. De hac magnitudine iam suo æuo Dionysius: *Omnia loca circa urbem habitata, sine mænibus esse. in quæ si quis intuens MAGNITVDINEM ROMÆ exquirere velit, frustrâ cum fore, & hasurum vbi desinat vrbs, vbi incipiat. Aded suburbana, inquit, ipsi vrbi adherent & innexa sunt, & speciem IMMENSÆ LONGITVDINIS exhibent spectanti*. At maior etiam maiorque post illum. & Aristides Rhetor (sub Hadriano vixit, cum vrbs in summo flore) comparat eam non ineptè cum Homericâ niue: *quæ excelsorum montium iuga operit, & agros item ac pingua virorum culta*. & addit: *Descendit etiam & porrigitur AD MARE ipsum, vbi commune est emporium, & omnium è terrâ gignentium distributio*. Atque idem haud vanâ *μυαλὴ ποταμὸς*: *Tantam Romam esse, vt in quacumque parte quis consiterit, nihil impediat & in mediâ eum esse*. Quem locum hæc talia habeant, nisi in magnitudine istâ aditructâ? At tu vultu renides, & fortasse animo dissentis.

AVD. Etiam verbis, si licet. LIPS. Licet verò, atque ad eò inuito. AVD. Nam quæ tu sic extollis & producis, Ostiam, Tybur, aliò; hæc omnia ego atque alius dixerit, non habitata ædificia, aut vrbs partes, sed Villas, Prætoria, & voluptarias eiusmodi domos fuisse. LIPS. Sanè alius hoc iam dixit: memini: sed quem reiecit, præter dicta, multitudo infinita hominum, quæ in vrbe hac tota fuit. Opportunè enim & hoc argumentum addam pro magnâ meâ Româ. Possumusne igitur satis certò eam multitudinem colligere & adfirmare? possumus è vestigiis scriptorum, quæ sagaciter ibo indagatum. Ex lapide Augusti, sæpe iam nominato, item quæ è Suetonio constat, *trecenta viginti millia* aliquando fuisse plebis vrbane: plebis dico tenuioris, & quæ è publico visitaret: imò suprâ. Considera, & institue ratiocinium: si tanta multitudo in opum istorum, quanta iam etiam diuitum? Quot illi Senatores aut Senatorij, quot equites, & ex ipsâ plebe honesti? Visne illos quoque *trecenta millia* fuisse? age, sunt o vel *ducenta* tantum: quid conficitur? pueros feminasque addendas: & quo numero? profectò duplo triploque (si non vltra) superarunt: & ita vbiq; gentium aut vrbium observamus. Si placet igitur, consumma: habemus iam nunc in nostrâ Româ (vix audeo dicere) *duos hominum miliones*. Quid tamen trepido? verum fortiter dicendum est, & plura etiam addenda. AVD. Plura? at vereor ne iam nunc extra veri metas iueris, certè opinionis. LIPS. Plura inquam, & vide. Nónne probabile est totidem seruos Romæ, quot liberos fuisse? AVD. Socratis instituto mecum agis, & interrogando inducis. Sed ego circumueniri metuo, tu tibi responde. LIPS. Fiat. dico totidem, dico plures. Nam tenuium quousquisque fuit (vt tunc mores) cui nō vnus altèrve seruulus? At diuites illi agmina eorum, * *agmina* dico (& sic Ammianus loquitur) *post se trahebant*. Vnus Pedanius Costa in Tacito, *quadringentos* seruos sub testamento suo & domi habuit, cum ab vno eorum est interfectus. Et etiam mihi nemo diuitum istorum aut lautorum fuit, cui minus centenis aut ducentis: qui in varia sua officia aut munia diuisi. Sed quid ambio, aut argumenta colligo? cape certum & fidei notum testem, Senecam. Is de suo æuo: *Dicta est aliquando sententia in Senatu, vt seruos à liberis cultus distingueret*. Deinde apparuit, quantum pericu-

* Vide supra lib. 11. cap. xv.

*periculum immineret, si serui nostri numerare nos cœpissent. Quid clari-
 rius dici potest, seruos plures libetis fuisse? Nec sic tamen om-
 nes habemus: adde. AVD. Ab eo. LIPS. Quid tibi est? AVD. Nam
 tres aut quattuor milliones mihi iam struis, quantum nec in
 prouinciis quibusdam aut regnis. Quis hæc ferat? LIPS. Si ferre
 non vis, deice: per me licet. Tamen rem tuam iam sum dictu-
 rus. AVD. Rem meam? LIPS. Tuam. peregrinos traduco Ro-
 mam. AVD. Hem, hem maneo. ô siste me illic. LIPS. Ecce. dico
 Peregrinos ex toto orbe Romam olim venisse, alios negotij sui
 causâ, alios publici, multos & mansionis. Ita semper ea vrbs
 referta iis, cùm hi inirent, alij exirent: atque ipsa, vt mare, ad-
 mitteret, emitteret, nec cresceret minueretve. Itaque Arillides
 Romam dicit esse, *velut COMMUNE TOTIVS TERRAE OPIDVM.*
 Item, *omnes gentes, quasi vicatim diuisas, ad hanc suam arcem conue-
 nire: quæ numquam ulli se negat, sed vt terre solum fert omnes, sic hæc*
 OMNES HOMINES capit. Athenæus quoque cum eo: apud quem
 ORBIS POPVLVS Romani dicuntur ab hac causâ: ipsa vrbs,
 ORBIS COMPENDIVM ET EPITOME: quæ Polemonis Sophistæ, Lib. 6.
 apud Galenum, vox & elogium fuit. Eadem vrbs *vrbiū*: quia
videre in eâ est omnes vrbes collocatas. deinde addit: *Deficias non*
vnus dies, sed quotquot habet annus, si quis adnumerare conetur OM-
 NES VRBES IN CAELESTI istâ vrbe positas: idque ob nimiam co-
 piam. Nam & TOTAE NATIONES illic simul & confertim habi-
 tant: vt Cappadocum, Scytharum, Ponticorum, & aliarum complures.
 At tu iterum renides. AVD. Et renitor quoque. an Græcis his
 credam, & sic oratoriè loquentibus? *Dies deficiat & annus nu-*
merantem: item, Tota nationes habitant: & ista, quæ tu scis dici in
speciem, in re non esse. LIPS. In re non esse? audi, audi: quoniam
 Græcis parum apud te est fidei (et si in hac re Romanâ & exterâ
 debebat) audi, inquam, Romanum igitur testem, & cum Ro-
 manâ fide ac candore. Is est Seneca noster. qui sic ad Heluiam
 matrem: *Astice hanc frequentiam, cui vix vrbs IMMENSA TECTA*
sufficiunt: MAXIMA PARS illius turbæ patriæ caret, ex municipiis,
ex coloniis suis, ex toto denique ORBE TERRARVM confluxerunt.
 Quid ea verba tibi videntur? *vrbs immensa tecta* vix capere in-
 colas: item, *maximam illorum partem, exteros esse: denique ex to-*
to orbe eò concurriri. Et ista mox iterat: ac postquàm causas re-*

cessit passim veniendi varias (lege, & iucunda sunt:) addit: NVLLVM non HOMINVM genus concurrat in Urbem, & virtutibus & vitiis magna premia ponentem. Iube hos omnes ad nomen citari, & Vnde domo quisque sit, quare: videbis MAIOREM PARTEM esse, quæ relictis sedibus suis venerit in MAXIMAM quidem ac PVLCHERRIMAM Urbem, non tamen suam. Quid Lucanus? nõnne Romanam asserit,

— populis, victisq̃ue frequentem

Gentibus, & GENERIS, coëat si turba, CAPACEM

HUMANI.

Totum orbem hîc includi potuisse ait: & quid potest clarius pro multitudine, siue & magnitudine nostrâ dici? Idem poëta — mundi facie repletam Roman scribit: ad tot scilicet illas nationes aspiciens (ex Athenæo audisti) quæ incolebant: totæ in certis partibus aut regionibus etiâ collocatæ. Ita Iudæi trans Tiberim, alij alibi: atque etiam cætus & concilia sua habuerunt. Suetonius indicat in Iulij funere: In summo publico luctu, exterarum gentium multitudo, suo quæque more, lamentata est. Vt iam igitur hoc claudam & definiam, putâsne & Seruos & Peregrinos minus duobus millionibus fecisse? Ita in vniuersum sint quattuor Romæ, & circa eam: nec initius aut contractius, vt scripta veterum sunt, ego possum. Suspensum te animi video: & ego ipse pænè fluctuo: sed validi illi venti Auctoritatum nauim nostram huc impellunt, sistamus & in anchoris firmemus. AVD. Non sanè id potest. nondum in tràquillo es, ne puta. Mihi quoque adspirant venti, & ecce ab Oriente. Alexâdria illa sic celebris, sic maxima, sic omnium confessione post Romam secunda, non nisi trecenta millia habuit liberorum capitum: quod Diodorus tamen quasi pro re magnâ posuit, & adfirmavit. Atquin ea nec multo Româ ipsâ minor. LIPS. Respondeo, Alexandriam longè Româ illâ triplici dictâ minorem esse: & cuius ambitus ex Plinij dimensione, non nisi quindecim milliarium esset. Nostra igitur maior: & ipsum hoc de Alexandriâ, contra vulgatam opinionem valeat, de Româ sic parâ. At verò de incolis, quòd paucos eos facere Diodorus videtur: videsis, & inquire. De liberis capitibus dumtaxat definiuit: vbi serui igitur? vbi etiam ex-teri & aduectores, qui in tali negotiosâ vrbe sanè multi? Hæc

atten-

attendenda sunt, sed istud maximè. quod Diodorus de suo quo scripsit, id est Ptolomæi penultimi, & Romanæ adhuc libertatis. Atqui tunc Alexandria nondum in flore illo & culmine, ad quod sub Principibus demum peruenit. Quid autem de *trecentis millibus* magnum sit, cum Cæsarea Cappadociæ (nec ea inter vrbes principes) *quadringenta millia* incolarum habuerit? Zonaræ hoc ita proditum, ut testem etiam aduocem: & hunc ipsum numerum, aut circà, Parisiorum nostra Lutecia in celsum deferrebat, ante vltimas istas turbas. Quid, quod Proprius adnotauit, à *Gothis, cum Mediolanum cepissent, trecenta virorum millia occisæ*? Nec omnes sanè occisos crediderim; & feminarum puerorumque quàm magna etiam copia fuit? Plura eiusmodi exempla sunt: & hodie nōne *Quinzai* illud famosum *sedecies centena millia familiarum* traditur continere? Præ quo nostra illa frequens Roma decreseat; & dum fidem adstruo, perdam admirationem. AVD. Non apud me, stupeo. & ecce hodierna Roma, quàm relinquitur & abest? LIPS. Nulla comparatio: si frons est, omitte. Paullus Iouius pro magno scripsit, *Leonis Decimi temporibus, cum omnia infelici vbertate & pace, censa Romæ octogintaquinque millia ciuium & inquilinorum: at verò, post cladem sub Clemente Septimo acceptam, iterum censu inito, vix ad triginta duo millia peruentum*. Quid verbis hîc opus est? vnus pænè veteris Romæ vicus sit tam frequens. Nec mirum est. nam ista hodierna, præcipuos illos colles & valles etiam, vacua habet & deserta. AVD. Optimè. is sponte, quò ducebam. Nam nōne & tua vetus *compluria habet illa vacua*? Vbique obuia templa, porticus, basilicæ, theatra, circi, fora, balneæ, thermæ, cetera publica: quæ vel magnam partem, si non maximam, vrbis occuparunt. Descede aut resiste, si potes, huic etiam vento. LIPS. Resisto, plenis velis, prorâ obuersâ. Nam ista quæ tu vacua perperam putas, ego aio plenissima fuisse. Balneas & Thermas nominasti: quid? an non in iis multitudo ministrantiû, ad obseruandum, purgandum, aquam aggerendâ, lauandum etiam, fricandum, vngendum, si quis seruum non habuisset? Templa autem, Basilicæ, Fora, suos custodes & ædificios habebât, satis grandi sanè numero, ob sacrificia, ob ornatum, & tutelâ. Sed duo etiam ego omisi, valdè ad frequentiam vrbis, Milites, & Palatinos.

Milites

Milites tot illi, in præsidio Principis aut vrbis erant: iis sui calones, & honestioribus serui plures: scito ceterò vel ad centena millia excreuisse. At Palatinos dico, totam Principis aulam: in quâ quot officia aut ministeria fuisse dicemus? Lapidés antiquos inspicere dicent in parte, & suggerent materiem tibi cogitandi. Est & tertium, sed verecundè vix dico. Meretrices & scorta vtriusque sexus (pro pudor! sed res ita fuit) ingentem numerum reddiderunt, ut in vrbe quam multicalibes, multi exteri sine vxoribus, inhabitarent aut frequentarent. Ad summam, mi Auditor, desine reflare amplius & opponere, aut, vides, longius longiusque res hæc ibit. AVD. Quiesco tuâ causâ, & credo (ut sic dicam) nec credēs. Tamen vnum etiam quaeririm: si tot illic millena millia, vnde iis cibis? LIPS. Hoc metitò & quaeris, & ego decidâ, sed paucis Senecæ verbis. *Cogitate, inquit, hanc ciuitatem, in quâ turba per latissima itinera, sine intermissione defluens, eliditur, in quâ consumitur, QUID QUID TERRIS OMNIBVS aratur. Orbis, inquam, pænè totus hanc suam metropolim adibat, & alebat: quid ambigis alimenta suffecisse? Imò repete quæ suprà dixi, de Frumētatione: & nunc Aristidishæc audi. Mare per medium vestrum imperiū porripitur, cui vndique ample regiones adiacent, necessaria pleraque vobis subministrâtes. Nam ex OMNI TERRA MARIQUE, quidquid vel anni tempora gignunt, vel regiones singula, flumini, lacus; artesque item & ingenia tum Græcorum tum Barbarorum proferunt, ID OMNE ad vos deferitur. Itaque si quis talia omnia videre desiderat, is vel per totum orbem peregrinetur necesse est, vel in vestra istâ vrbe versetur. Quidquid enim apud alios vel creuit, vel conficitur, hic affluit & abundat. Tot autem & tantæ onerariæ naues singulis anni temporibus appellantur, ut vrbs COMMVNIS QUÆDAM ORBIS OFFICINA videatur. Ecce, metces vndique habes, copias vndique, frumenta, fructus. Nec plura opus de alimentis: addâmne duo argumenta etiam multitudinis, atque vnum ex iis iocosum? Lampridius scribit, Heliogabalum seruis imperasse ut omnes araneas colligerent in vrbe: atque eos collegisse ad decena millia pondo. additque Heliogabalum subiecisse, Vel hinc intelligendum QUAM MAGNA ROMA esset. Vetum est: & quot domotum angulos excuti oportuit, ad hoc pondus? & domotum per omnes angulos ferè habitatarum? Alterum argumentum triste,*

triste, & à peste. In Eusebij Chthonico traditur, *Ingentem Romæ luem factam, ita vt PER MVLTOS DIES in ephemeridem decem milia mortuorum referrentur.* Exhausta fuisset in diebus aliquot Roma, si non Alexandriam, & quidquid dici potest, longè superasset. Concludo, & moneo, per hanc frequentiam Romæ factum, vt paulatim Italia pænè deserta esset, cum plerique eò confluere, ob frumentationes, ludos, & alios vsus aut voluptates. Varro iam suo æuo conqueritur, plerosque ex agris in urbem correpsisse, & *maluisse manus in theatrum mouere, quàm in aratro.* Quod maximè fuit, post Frumentationes sic largiter & firmiter institutas: etsi Lucanus causam in ciuile bellum conijcit: quasi ab eo stirps Italix sic accisa. Sed de solitudine quidem eadem canit:

— videmus

*Tot vacuæ vrbes, generis quò turba redacta est
Humani? toto populi qui nascimur orbe,
Nec muros implere viris, nec possumus agros:*

VRBS NOS VNA CAPIT.

Quòd postremum epiphonema sanè eximium, pro exiniâ nostrâ Româ.

CAPVT IIII.

De edificiis vrbis Romæ communiter, & eorum altitudo.

ET Roma quidem tanta & tam frequens fuit: inimus nunc ipsam, & perambulamus, & lustramus? AV D. O si quis Deus olim hoc mihi dedisset / ô si quis nunc quoque vel per somnium in eâ sistat! Lips. Ego is ero, confide. somnia dicam, & umbras, præut ipsa res & pulchritudo fuit Periti viri est, mihi crede, non dicam describere, sed capere & credere qualis & quanta ea Roma fuit. Conabor, & minutula dicam: & vel sic fidem fortasse non inueniam quid refert? aëri & herbis meis hæc sum locutus. Tria in vrbe miranda canit Claudianus:

*Quâ nubilum terris completitur ALTIVS aër,
Cuius nec SPATIVM visus, nec corda DECOREM,
Nec laudem vox vlla capit.*

Altitudinem ecce laudat, Spatium, & Decorem. De Spatio dictum,

P

duo

duo alia exsequamur. Quæ est *altitudo* siue in collibus ipsis ædificatio, pulchrâ specie, siue singillatim in operibus ipsis. Quod ad colles, quomodo non bellum, videre eos publicis priuatîsq; ædibus infessos, gradatim declinantes; & velut superas quâdam vrbes, vrbi inferæ imminentes? Omnino fuit ea facies: & pulchrè expressit Aristides. Nec verò, inquit, *superficiem solum soli occupat, sed longè supra exemplum in aëra altissimè ascendit*. Et sicut vir aliquis, qui robore & magnitudine excelsit, alios quoque in se sublatos ferre gaudet: ita & hæc non quiescit, nisi & alias æquales sibi superimpositas vrbes, alteram super alteram ferat: quod nominis eius fert ratio, totumque hoc quod hîc videmus, robur & valentia est. Adde ut si quis eam diligenter vellet euoluere & diducere, & quæ nunc in sublimi sunt vrbes, aliam iuxta aliam humi collocare, quidquid Italie reliquum est, id impletum mihi iri videtur: imò futura vna aliqua vrbs ad Ionium vsque sinum. Bellè & romane, non nego, attollit: sed hæc figura originem à re habent, nec quisquam putet elationes istas, nisi cū causâ & basi esse. Itaque & Plinius, verus & severus talium, cū de magnitudine dixisset: quò, inquit, si quis ALTITVDINEM tectorum addat, dignam profectò estimationem concipiat, fatear que NULLIUS VRBIS MAGNITVDINEM IN TOTO ORBE potuisse ei comparari. Quæ altitudo tamen in templis, aut publicis, fateor, maximè: ut in Rutilio, ad Romam:

Exaudi genetrix hominum, genetrixque deorum,

Non procul à calo per tua templa sumus.

Significat altissimè in aërem ea surrexisse: & quidni, cū collibus etiam sæpe imposita? Ceteræ ædes, non communiter sic altæ, nec humiles tamen fuerunt. Nam Augustus Princeps, cū ambitionem in ædificando videret atque aliè attollendo, eamque cum discrimine & periculo ruinæ, siue etiam, quia aërem interciperent, & nimis inumbrarent: coërcuit, ut in Strabone scriptum est, & *septuaginta pedes* definiuit in modo edificiiorum: Nero hoc ipsum postea secutus, cū ab incendio Romam instauraret, *cohibuit* (ut Tacitus ait) *altitudinem ædificiorum*. Sed modum non expressit noster: fueritque vel ille Augulti, quem oblitteratum, ut solet, iam reuocauit, siue is qui Traiano postea adscribitur à Victore, *pedum sexaginta*. Sed de priore ego malim. Dices, ergone tam miranda hæc altitudo? & nonne hodie ma-

gis educimus? Interdum, non nego: sed nec sic communiter: & hoc quoque cogita multas ædes, & imprimis omnes publicas, extra legem hanc fuisse. Quid si autem & diuites illi nobilesque neglexerint deo arbitror, tunc gratiâ impetratâ, siue & eâ neglectâ. Et titulus sanè fuit. quia lex in futuras nouas ædes cauebat, structas non diruebat, & fas easdem sic reparare. Quidquid tamen sit, si vulgò ædes omnes septuagenium pedum, satis conspicua ea altitudo: præsertim vbi recta compluuiata, aut testudinata, quod sæpe. Nostra hæc pectinata, & in angustum surgentia, aliquid de dignitate minuunt, sed & capacitatem tollunt. In tali autem illâ altitudine, quid minus quàm quaternæ aut quinquæ cænacula? quorum frequentia studebant. Vitruuius: In eâ autem maiestate vrbis, & ciuium infinita frequentia, in- Lib. III.
numerabiles habitationes opus fuit explicare. Ergo cum recipere non posset arca plana tantam multitudinem ad habitandum in vrbe, ad auxilium ALTITVDINIS adificiorum res ipsa cõggit deuenire. Itaque pilis lapideis, structuris testaceis, parietibus cementsciis, altitudines exstructæ, conignationibus crebris coaxatæ, & cænaculorum summas utilitates perficiunt, & despectationes. Sed hæc de ædificiis, nunc non exsequor: & satis de Altitudine libasse.

CAP. V.

Decor & ornatus adificiorum. Excerpta quadam, & primò de templo Capitolino exactius dictum.

AD Decorem transeo, qui varius, in mole, in materiâ, in artificio, in symmetriâ, & siquid aliud elegantia aut peritia amat. In hac quoque parte, quin vrbs omnes orbis vrbes superauerit, nemo dubitet: fidi auctores dicunt, & opes atque ambitio Romana facillè persuadent. Quidquid artificum, insigniorum Græcia aut Asia habuit, Romam euocabantur, aut vltro veniebant quippe hinc præmia: & quidam ex iis, quibus (vt Taciti verba vsurpem) ingenium & audacia erat, etiam quæ natura denegauisset, per artem tentare. Sed primus aut præcipuus Decoris huius auctor Augustus, qui *urbem*, vt Suetonius ait, neque pro maiestate imperij ornata, & inundationibus incendiis que obnoxiam, excoluit ad id, vt iure sit gloriatus, Marmoream se relinquere,

quam laterisiam acceperat. Alter ab eo, Nero Imperator. qui ambitione impulsus urbem incendit, ut nouam melioremq; repararet. Videbatur enim, ait Tacitus, condende urbis noua, & cognomento suo appellandæ, gloriam querere. Itaque eius iussu, urbs domus, non ut post Gallica incendia, nullâ distinctione, nec passim erecta, sed DIMENSIS VICORVM ORDINIBVS ET LATIS VIARVM SPATIIS, cohibita adificiorum altitudine, ac patefactis aris, additisque PORTICIBVS quæ frontem insularum tegerent. Easque porticus Nero sua pecuniâ exstructurum pollicitus est. Vides ibi quædam præclara & optanda in urbe, Ordines vicorum, Latitudines viarum, Porticus protegentes. Ut non temerè idem Tacitus TANTAM resurgentis urbis PVLCHRITVDINEM miretur, & scripto confignet. Quod tunc quidem publicè, sed & priuatim in omni incendio factum Seneca adnotauit: *Timagenes, felicitati urbis imitatus aiebat, Romæ sibi incendia ob hoc vnum dolori esse, quod sciret meliora resurrectura quàm arsisent.* Et sanè ita fuit, præsentim ad Traianum vsque; cum ab illo, & à Deo, culmen fuisse videtur pulchritudini urbanæ. AVD. Ain, tu, à Traiano? Constantino hanc laudem Nazarius tribuit, in Oratione ad ipsum: *Celeberrima quæque urbis nouis operibus enitescunt, nec obsoleta modò per vetustatem rediuiuo cultu insigniuntur, sed illa ipsa quæ ANTE HAC MAGNIFICENTISSIMA putabantur, NUNC AVRI LVCE fulgentia, INDECORAM MAIORVM PARCIMONIAM prodiderunt.* Vides quanto anteferat hæc noua, aut nouata, omnibus antiquis. LIPS. Ita, sed nempe apud Constantinum. Fidem autem laudationibus istis qui fideliter constare putat, ignarus est oratorij moris. Struxisse & instaurasse quædam illum Principem, lubens credo; ad veterem artem aut splendorem, da veniam, hodie non credam. Sed nos Decorem nostrum videamus, quem Plinius communiter sic dilaudat: *Ad urbis nostræ miracula transire conuenit, & sic quoque TERRARVM ORBEM VICTVM ostendere, quod accidisse toties panè, quos referentur miracula, apparebis. Vniuersitate vord acervata, & in quendam vnum cumulum collecta, non alia MAGNITUDO exsurges, quàm si MVNDVS ALIVS QVIDAM in vno loco narretur.* Notentur ea & ad Decorem, & ad Magnitudinem malè controuersam. Sed & Cassiodorus vero & magno ore, de istâ urbe: *Ferunt prisca seculi narratores, fabricarum septem*

Lib. XXV.

Lib. VII.

septem tantum terris attributa miracula. Ephesi Diane templum, regis Mausoli pulcherrimum monumentum, Rhodi Solis aneum signum, quod Colossus vocatur, Iouis Olympici simulacrum, quod Phidias formavit, Cyri Medorum regis domum, quam Memnon fabricavit, Babylonia muros, quos Semiramis construxit, Pyramides in Aegypto. Sed quis illa plerius praeputa putabit, cum in una urbe tot stupenda conspexerit? Habuerunt honores, quia praeceperunt tempore: & in rudi saeculo quidquid emerisset novum, per ora hominum iure ferebatur exitium. Nunc autem potest esse veridicum, si VNIVERSA ROMA dicatur esse MIRACVLVM. Ecce consona utriusque iudicia, sed & voces: & Romam totam, ac per partes, Miraculum esse, & inter prima mundi spectacula, iure censent. Vis autem paullo distinctius membra pulcherrimi huius corporis videamus? AVD. Te hoc querere? non volo, sed auco, sed ardeo, ut vero verbo dicam. LIPS. Atqui ne nimis ardesce. nam ego non flumine te perfundam, sed leuiter aliquid aspergam è summis aquis. Tu te ingurgitabis, si voles, postea: viam designabo & praebere. Ego autem? an ducem potius alium queram ex ipsa antiquitate, qui ostendat? Esto Ammianus, qui Constantij ingressum in urbem Romanam describens, ipsum intuentem & mirantem praecipua operum facit, atque ait: Proinde Romam ingressus, imperij virtutumque omnium laudem, cum venisset ad ROSTRA, per speciosissimum prisca potentiae FORVM obstupuit: perque omne latus, quod se oculi contulissent, MIRACVLORVM DENSITATE praestrictus, allocutus nobilitatem in CYRIA, populumque pro tribunali, in PALATIVM receptus saure multiplici, letitia fruebatur optata. Deinde intra septem montium culmina, per accliuas planiciemque posita urbis membra collustrans, & suburbana, quidquid erat primum, id eminere inter alia cuncta sperabat: IOVIS TARPEII delubra, quantum terrena diuinis praeclunt, LAVACRA in modum prouinciarum exstructa, AMPHITHEATRI molem solidatam Lapis Tyburtini compage, PANTHEON velut regionem tere-tem spacioua celsitudine fornicatam, elatosque vertice scanfili SVGGESTVS consulum, & priorum Principum imitamenta portantes, & VRBIS templum, FORVMQUE PACIS, & POMPEII THEATRV, & ODAEV, & STADIVM, aliaque inter haec DECORA urbi aeternae. En habes, qui digitum intendant, & ducat: tu sequere, & ardorem (ita loquebaris) restingue. AVD. Iam risui & ioco me

Lib. xv.

habes palam Lips. Egone? Avd. Tu, tu, & si noctua sim, sæpius cantem. Nam nomenclatorem mihi das locorum, & paucorum quidem: vbi designator, enarrator, interpres? Lips. Adest: ego pro copiâ & scientiâ aliquid dicam, sed nec ordine quidem Ammiani. Nam etsi præcipua ille tetigit, non placet tamen ordini à Foro aut Rostriis, sed potiùs à Templis. Diuina, à quibus rerum hominumque ortus, præcant, & totum hoc pulchritudinis agmen ipsa ducant. Nominat ille quattuor templa, *Iouis Tarpeij, Panthéon, Urbis, Pacis*. Quàm pauca è multis? nam primum hoc moneo, *quadringenta viginti quattuor templa Romæ fuisse, quod in Notitiâ imperij proditum leges*. Noli ambigere, quin pleraque ex his magnifica, & aliter atque aliter structa, vel instructa: sed Ammianus satis habuit, dignitate vel opere primæcorum dare. Itaque à Tarpeio exorsus est, siue *Capitolino*: non quia pulcherrimum fortasse, sed quia primarium, & Dei principis; itemque quia multâ substructionum mole, & opibus ac tempore pleraque præibat. Alioqui Plinius, vbi magnifica operum recenset, hoc omittit: imò idem quasi irridet veteres, quòd

Lib. xxxj. *Aggeris vastum spatium, & Capitolij insanas substructiones mirabantur*. Sed id non eâ mente dictum, quâ videri possit, non, inquam, deminuit aut abiicit Capitolij ipsum opus, sed substructiones tangit, quas L. Tarquinius Priscus magnas, & *insanas*, vt ipse loquitur, circum collem fecit: dum prærupta eius adæquat, ab imo solo ingentibus lapidibus muro educto suffulcit, complanat denique in vertice, & fundamenta iacit. Hæc Plinius tangit, & Dionysius clarè exsequitur: quem vide. Alioqui ipsum opus & ædificium non miratur mirabile visum: quid id possit? cum semper inter eximia fuerit, & urbis prima. Præter Ammianum in verbis dictis, etiam Cassiodorus sic attollit: *Capitolus celsa conscendere, hoc est INGENIA HVMANA SUPERATA vidisse*. Et res sanè dicit & facies, quam etsi tenuiter, lineis aliquot adumbrabo. Mons *Saturnius* primò dictus fuit, in quo hæc ædes, tum *Tarpeius*, & mox *Capitolinus*, à capite hominis (cui viuo *Toli* nomen fuisse Arnobius tradidit) inueto, dum fundamenta moliantur. Sed hæc nota: non vulgo nimis illud, duplex *Capitolium* fuisse, *Vetus & Nouum*. Illud in Regione sextâ Circi *Flaminij Victor* & *Notitia Imperij* locant, istud in Regione octauâ *Fori Romani*

424
Templi
in Roma

Romani. Valerius illud intellexit certò, cùm inter sacerrima & vetustissima loca, adiurans nominat: *Per Romulicam, perque VETERIS Capitoli humilia tellus, & aternos Vestes ignes*. Ait *Vetus*,^{Lib. 1111. cap. 1111.} ait *humili tellus*: quod vltimum nullo modo in *Nouum* & sublimè illud conuenire potest. Puto & *Martialem* hæc distinguere, cùm in hominem ludit plurifariam habitantem:

Esquilis domus est, domus est tibi colle Dianæ,

Et tua Patricius culmina vicus habet.

Hinc vidue Cybeles, illinc sacraria Vestæ,

Inde NOVVM, VETEREM prospicis inde Iouem.

Cerni ab eo vtrumque Capitoliū vult: *Vetus* è colle Auentino siue Dianæ, *Nouum* ex Esquilis & Vico patricio. Etsi fortasse *Nouum* Iouem Domitianum suum vocat, eiusque Palatium intellegit. Sed Varro de vtroque apertius: *Capitolium Vetus, quod ibi Sacellum Iouis, Iunonis, Mineræ: & id antiquius, quàm ædis quæ in Capitolio facta*. Ecce, dicit illud *Vetus*, æuo prius esse quàm hoc *Nouum*, & ostendit in alio item loco fuisse. Sed dices, si prius, si alibi: *vnde Capitolium?* nam vox ea non conuenit, cùm nec mons tunc nomē istud habuerit, nec ipsum illud templum in monte. Respondeo, Varro nem hoc occupasse & soluisse lectori vigilanti. Nam idcò, inquit, *Capitolium* non auctor aut conditor, sed posteritas dixit; quia vt in nouo & nobili illo Capitolio, tres illi dij Præsides item colebantur. A similitudine igitur & hoc *Capitolium* est dictum, sed cum discrimine, *Vetus*. Quæras amplius, quis autem condidit? & hoc dicam, suggerente Cassiodoro. Nam ille in Chronico, Numæ rebus: *Capitolium quoque à fundamentis construxit*. Ignato lectori tenebræ sint, & falsi Cassiodorum arguat. quis enim vnquam prodidit Numam auctorem Capitolij? Et sanè distinguere debebat, & addere, *Vetus*. Ita enim est: ille auctor illius, vnde unde hoc hauserit Cassiodorus, sicut *Novi*, Tarquinius Priscus. Is complanato, vt dixi, monte, struere cœpit, ex voto quod voverat bello Sabino: idq; opido Apolis capto, vt Plinius ex Antiate refert, è manubiis & prædâ. Sed fato præuentus, absolendum nepoti L. Tarquinio Superbo reliquit, regum vltimo: etsi Seruium quoque Tullium aliquid addidisse, sociorum studio adiutum, Tacitus (sed solus, opinor) dixit. Præcipuus tamen auctor

Et operis Superbus, qui, ut Liuius inquit, Sueſſâ Pomeſiâ è Vol-
 ſeis captâ, diuendiſq; prædâ, cùm quadraginta talenta argenti auriq;ue
 recepiſſet; concepit animo eam **AMPLITVDINEM** Iouis templi, quæ di-
 gna deûm hominumq;ue rege, quæ Romano imperio, quæ ipſius etiam loci
 maiestate eſſet. Scribit quadraginta talenta: quæ nobis **xxiiii. mil-**
 lia Philippæorum eſſent: ſed an non quadringenta reſcriben-
 dum, aliquis ex Dionyſio iure controuertat. Nam ille, ut in re
 non dubiâ: *tantum prædæ*, inquit, *repperit, ut quinque mina argenti*
obuenerint ſingulâ militibus, decimæ autem diis ſacratae fuerint non
minus quadringenta talenta. Ea eſſent, ducenta quadraginta millia
 Philippæorum: pecunia, haud nego, ſatis grandis, præſertim
 è ſolis decimis: ſed res Italiæ & Latij tunc vberes & florentes
 (quod & alibi videre eſt) hoc perſuadent; tum & ipſum opus
 eâ amplitudine inſtitutum, quam Liuius deprædicat, & quam
 exiguâ ſummâ nemo fabricetur. Nec tamen vel Tarquinius
 ſupremam manum impoſuit: & gloria operis (ait Tacitus) liber-
 tati reſeruata. Pulſis regibus, Horatius Puluiſſus Conſul dedicauit, eâ
MAGNIFICENTIA, quam immenſe poſteâ populi Romani opes orna-
 rent potiùs, quàm augerent. Vides & à Tacito laudari, & conſum-
 matum hoc opus Puluiſſo adſcribi. Quid igitur eſt, quod in Li-
 uio, multis annis poſt lego, in Tribunorum militarium impe-
 rio? Eodem anno, ne priuatorum tantùm operibus vrbs creſceret, Ca-
 pitolium quoque ſaxo quadrato ſubſtructum eſt, opus **VEL IN HAC**
MAGNIFICENTIA VRBIS CONSPICIENDVM. Hoc narrat, poſt
 Romam à Gallis captam, & cùm ea inſtaurata à ciuib; fuit.
 Ergo tunc denique Capitolium ſaxo quadrato ſtructum? ne-
 go de ipſo ædificio, fateor de monte. Itaque attende, *ſubſtructum*
 dicit, non *exſtructum*. Eſt illud ipſum opus, de quo prædixi,
 L. Tarquinij: quod tamen rudi lapide factum, nunc mutarunt,
 & ſectò quadratoq;ue ſplendidius confecerunt. Igitur Pliniana
 illa, de quibus item antea, magis fuerit ad hoc poſterius opus
 referri: & iſtæ ſunt *infane illæ ſubſtructiones*, è quarum ruinis
 vaſtos lapides erutos patrum etiam ætas vidit. Sed ipſum Tar-
 quinij Capitolium quale fuit? Deſcribit his ferè verbis Diony-
 ſius: *Situm eſt in altâ crepidine, habetq;ue in ambitu octo iugera: ſic ut*
latera ſingula ducentorum ferè pedum ſint, exiguâ latitudinis & longi-
tudinis differentiâ, niſi quòd iſta illam vincit vix pedibus quindenis.

Quâ

In Pla-
 tarcho; ſu-
 macadem.

Hist.

Lib. vi.

Quâ parte frons eius meridiem spectat, triplici columnarum ordine circumcingitur, ab aliis lateribus, duplici. In ipso sunt tres cellæ, ex ordine, à lateribus cõmunione parietum clausæ. Media est Iouis, utrimque altera Iunonis, altera Minervæ, sub eodem laqueari eodemq; templo. Ita Dionysius: & verba, si placet, examinemus. Octo iugerum ambitu fuisse dicit: id est pedum octingentorū: sed sic ut quadrum esset, imò pæne quadratum, nisi quod longitudo quindecim pedibus superaret. Fuit egregia capacitas, si consideras, & apud proportionem. Ait, frontem ad meridiem spectasse: id est, Forum Romanū & Palatium versus, frequentissimam vrbis partem. Ergo ab eâ quoque parte centum gradus, quibus (ut Tacitus, atque alij) superbè adibat. Quos tamen continuos fuisse non arbitror, & retractiones suas habuisse, ut Vitruvius appellat: id est, arcolas, ubi fessi pedem figerent, & respirarent. quas post singulos septem aut novem graduum ordines solere interponi, architecti notarunt. Gradus autem isti haud dubiè ad maiestatem: eoq; & in aliis templis, etsi pauciores, soliti usurpari. Sed ibi ratio, hinc necessitas & locus editior voluerunt. Addit columnarum triplicem ordinem: quas L. Sullam Athenis aduexisse, è templo Iouis Olympij, Plinius nos docet. Atque eas Dionysij tempore ipsas existisse, facile arbitror: post incendium, à Vespasiano mutatas, verbum Plinij dat suspicari. Quàm multæ eæ fuerint, haud dixerim: quia varia proportio in collocandis, de quâ Vitruvius videndus. Antamen eiusdem locus non huc facit? Lib. III, cap. III. Format Pycnostylos, Systylos, Diastylos, Araostylos, Eustylos ædium species: iis enim Græcis vocibus vtuntur: & in Araostylos, inquit, nec marmoreis nec lapideis epistylis uti datur, sed imponenda sunt trabes de materiâ perpetua: & ipsarum ædium species sunt baryce, barycephale, humiles, latæ, ornantq; signis fictilibus, aut æreis inauratis fastigia earum, Tuscanico more. uti est ad Circum maximum Cereris, & Herculis, Pompeiani item Capitolij. Sanè Pompeianum Capitolium nemo legit, opinor; nec ipse Pompeius manum adinovit, aut potuit: nisi quis accipit de Capitolio, quod Pompeiis fuerit Campaniæ opido. Nam & coloniæ, uti scimus, Capitolia sua habebant. Sed tamen, quia vitur hinc Romanis exemplis (vide alia:) non displiceat distingui, Herculis Pompeiani, item Capitolij. Itaque Capitolium fuerit inter Araostyla, id est raris

Lib. XVII.
cap. VI.

Q

colum-

* Hefych.
 Eadem indi-
 catione vi-
 uentū ingū.

columnis distincta. Pergit Dionysius, *tres in ipso cellas esse*, siue ut ipse appellat * *omnes*. Ea res nota est, & versus Aufonij,
Trina in Tarpeio fulgent consortia templo.

Quod imitabantur item in coloniis: eoque Arnobius scripsit:
*Nonne vides in Capitolio omnibus virginales esse species Minerua-
 rum?* duos alios deos ibi omittit. An autem non alij dii in Ca-
 pitolio? non quidem in isto templo; excipio Iuuentutem, &
 Terminum: qui cedere scilicet noluerunt exaugurantibus. Ita-
 que eorum ara (ait alibi Dionysius) continentur templi ambitu, atque
 una in vestibulo celle Minerue est, altera in ipsa celli iuxta puluinar.

Lib. III.

De Spectac.

Quod igitur in Tertulliano legitur: *Capitolium omnium demonum
 templum est.* itemque in P. Victore: *Capitolium, ubi omnium Deo-
 rum simulacra celebrantur.* in Cicrone: *Deorum domicilium:* ea in-
 quam omnia, de ipso monte capienda sunt, qui passim & præne
 totus deorum aris, statuis, templis infestus: quod facile tibi in-
 ter legendum obseruare. Sed dixerat etiam Dionysius, *cellas
 istas à lateribus communi pariete clausas.* Quid hoc est? ut nullum
 discrimen aut interpositio parietum fuerit? imò opinor fuisse,
 aut certè columnarum, & sacelli atque ædiculæ speciem singu-
 las habuisse. Nam ita ipse Dionysius, *vestibulum adis Minerue* (in ver-
 bis, quæ iam verti) *vestibulum adis Minerue*, & ut sic dicam
pro templum. Ita & Liuius: *Quadrige inaurate posite in Capitolio,
 in cella Iouis, supra fastigium ædiculæ.* Plinius verò & *Delubrum di-
 xit: Proserpine tabula fuit in Capitolio, in Minerue delubro, supra ædi-
 culam Iuuentutis.* Distinctio igitur: sed mens Dionysij, tres ipsas
 tamen cellas communi totius templi pariete clausas. Nisi
 quis etiam censer, *Ædículas* istas fuisse non nisi caua quædam
 in ipso pariete, ad statuas illocandas: quod in Panthéo videmus:
 quibus non accedam. Ista ex Dionysio: an & a me aliquid ad-
 do? faciam, si prius distinxero inter Capitola, quæ quattuor in
 hoc ipso loco, ex ordine, fuere. Nam primum illud Tarquinio-
 rum, bello ciuili Sullano, incendio periit, negligentia custo-
 dium. Alterum ipse Sulla instruxit, sed non dedicauit: quod vnum
 Felicitati suæ defuisse, ipse apud Plinium fatetur, & Tacitus adno-
 tauit. *Lutatij Catuli nomen*, ait Tacitus, *inter tanta Cesarum opera,
 usque ad Vitellium mansit.* Et si Dio tamē scribit, *Cæsari Iulio, in-
 ter alia honorum, decretum à Senatu: ut nomen eius Capitolio in-
 scriberetur,*

scriberetur, deleto Catuli: idque eum admisisse. Sed Taciti assertio firmior, mihi quidem, fideliorque. Tertium fuit à Vespasiano, nam illud Catuli arsit civili iterum bello Vitelliano: atque iste reparavit iisdem vestigiis, sed & dedicavit. Dedicavit inquam, & Plutarcho scribenti hoc accredo: magis quàm Victori, qui Domitiano tribuit: *Multa, inquit, opera inchoata per patrem, vel fratris studio, atque in primis Capitolium, absoluit.* Non vinces hoc, ô Victor. Vespasianus absoluit, dedicavit: sed à morte eius, sub Tito, statim arsit (Suetonius, & Dio in Tito:) atque ita quartum Domitianus instauravit. Habes igitur quaterna Capitolia, sed in eodem loco reposita semper, & innouata. Tacitus & Dionysius quoque, id notarunt: sed verba illius: *Iisdem rursus vestigiis situm est, postquam interiecto CCCCXV. annorum spatio, L. Scipione, C. Norbano Cos. flagrauerat.* Hoc de Sullano: de Vespasiani, idem: *Passim iniectione fundamentis argenti auriq; stipes, & metallorum primitie nullis fornacibus victa. Prædixere haruspices, ne temeraretur opus saxo aurove in aliud destinato.* ALTITUDO adibus adiecta. id solum religio annuere, & prioris templi magnificentie desuisse creditum, quo tanta vis hominum retinenda erat. Noto obiter religionem Romanorum, qui liberaliter contulerunt ad opus faciendum, stipibus coniectis. Ille enim finis. sicut & in Cicerone scriptum de illo Sullano: *id Capitolium publicè coactis fabris, operisque imperatū, GRATIS exedificatum atque effectum esse, ita ut ex ærario nihil darent.* Quod equidem miror satis, sed quinto in Verrem ita scripsit. AvD. Religiosum sæculum, præ nostro. sed quæ aut quanta illa multitudo hominum est, quam Tacitus retineri vult? LIPS. Haud difficilis collectu. Si enim latera pedum ducentorum, reddentur fientque in aræ pedes quadraginta millia. Da singulis insistentibus pedes quaternos (sufficiunt, cum militi in acie locato & armato Polybius det non nisi senos) da inquam quaternos: nōne vides decē millia potuisse retineri? Sed tolle aliquid, si vis, in columnas & alium apparatū: largiter tamē supererit pro octo millibus. AvD. Hem! magna capacitas, & rara talia nostra templa. LIPS. Semel omitte de nostris: vincimur, si comparemur. Et tamen de mole aut magnitudine, tale aliquid esse potest, aut & excedere: de arte, materie, ornatu quæ potest? Sed Tacitus *Altitudinem* adiectā, super priorem, disertè scribit: quæ

fuit? haud diuino: pro symmetriâ latitudinis oportet ingentem fuisse. Et Silius ita indicat, apud quem Iupiter prædicit de illo Domitiani:

Aurea Tarpeia ponet Capitolia rupe,

Et iunget nostro templorum CULMINA CAELO.

In cælum educit: sicut & Tertullianus, Apologetico: *Nam etsi à Numâ concepta religio est, nondum tamen aut simulacris aut templis res diuina apud Romanos constabat: & nulla CAPITOLIA CAELO CERTANTIA, sed temeraria de cespite altaria, & vasa adhuc Samia, & Deus ipse nusquam.* AVD. Et tu hæc recitas Lipsi? LIPS. Quid ni recitem? AVD. Et attendis? LIPS. Quidni? AVD. Atqui euerunt paulloantè à te dicta, de Capitolio Numæ. Nam quomodo illud sit, & cum tribus suis diis, si tunc nulla templa, si nullæ statux? LIPS. Benè obseruasti, & de industriâ plura illa verba (vide quàm fallere voluerim) adduxi. Adduxi, vt expedirem: & ecce. Non negat vlla Capitolia fuisse, sed illa alta & *cælo certantia*: nostra humilia cur destruat? Nam vt dem statuas nondum fuisse (quod alibi & Varro tradidit:) tamen de templis idem dicere anceps sit, & Livius, Dionysius, Plutarchus resellant. qui disertè *Termino, Fidei, Vesta* templa à Numâ posita adfirmant. Et verò si priuatæ domus, si curiæ publicæ, cur non & ea diis essent? ratio videtur velle, præsertim apud homines cultui deorum sic addictos. Sed de altitudine certiora non habeo: quæ minima esse potuit, fuit *pedum ducentorum*: sicut in Panthéo Agrippæ, par item latitudo & altitudo. AVD. Heus tu, in loco Taciti etiam me tenuit, quòd ait *altitudinem adiectam*: & debuisse, quòd *tanta vis hominum retineretur*. Quid ergo altitudo facit ad laxandum locum? non intellego, nisi si porticus aut inædificationes superiores aliquæ, vt hodie in quibusdâ templis. LIPS. Apage, nihil disforme in vniformi isto opere: sed Taciti mens, iuuille & decuisse altitudinem vbi multitudo, vt aer laxior ac liberior, ad respirandum, ad refrigerandum. Alioqui, vbi arctatio & compressio, scimus quàm subito animo malè fiat. Quod tamen ad Porticus, non in ipso templo, sed circà fuisse, pro communi structurâ, facilè credam: & Tacitus indicium facit. Sed ab ædificiis iam ad Ornatum pergo: qui tamen varius in vario isto opere. Quis in Tarquinij? aliquid è Livio haurire

haurire est sparsim. vt libro X. *Fœneratores aliquot mulctati, & ex eo quod in publicum redactum est, ÆNĒA in Capitolio LIMINA, & trium MENSARVM ARGENTEA VASA in cellâ Iouis, Iouemque in CVLMINE cum QVADRIGIS Ædiles posuerunt.* Iterum libro XXIX. *Quadrige AVREAE eo anno in Capitolio posite ab Ædilibus.* Et libro XXXV. *Ædiles multos pecuarios damnarunt. ex eâ pecuniâ clypea inaurata in fastigio Iouis ædis posuerunt.* Denique libro XXXVIII. *Seiuges in Capitolio AVRATI ab Cn. Cornelio positi: Consulē dedisse, inscriptum est. Et duodecim clypea arata (lego aurata) ab Ædilibus sunt posita ex pecunia quâ frumentarios damnarunt ob annonam compressam. & duo item signa aurata.* Hæc ex Liuius: istud è Plinio, post *Carthaginem euersam, laquearia in Capitolio inaurata esse: id est, totum illud internum caelum & camerationem.* Nec plura, dici quidem digna, notaui. Quid verò in Catulo? omnia haud dubiè, in istis iam opibus, opulentiora: illud notabile reperio, quòd *sua ætas* (Plinij verba) *variè de Catulo existimaueris, quòd TEGVLAS Capitolij AEREAS INAVRASSET primus.* De quibus & in Senecâ patre: *Fastigiatis suprà tectis, auro puro fulgens, præluce Capitolium.* Sanè hoc magnificum & verè splendidum fuit: & quis ille fulgor, Sole irradiante? Fuit & ad firmitatem aptum æs, & contra gruginem aut rubiginem inductum aurum. Cetera donorum & ornamentorum varia, *Coronæ aureæ, Victoriæ aureæ, Candelabra, Vasa, & quæ tu tibi subiicias: sed quod ex Dione omnino obseruandum, omnibus his detractis, ex Egyptiâ prædâ alia victor Augustus reposuit: detractis ex Sc.* & *vs tam multis his nouis & melioribus locus fieret.* Etsi quædam veterum retenta, non ambigo: sed ordine & iudicio Augusti disposita, vt apta & concors tota facies esset. Id verò ipsum tempus fuit, quo *vnâ donatione in cellam Iouis Capitolini contulit* *XVI. millia pondo auri, & *quingentis HS. in gemmis: quod in Suetonio leges. In cellam dico Iouis, quid censēs in duas alias? nam & eas dona sua accepisse Dio disertim dicit. Et vel ex eo discēs opes & ornatū Capitolinum: qui quàm ingens & ADMIRANDVS fuit, si vnus modò Principis, & vno tempore, tot dona? Pleraque tamen horum periēre incendiis, vt opinor: & videamus vltimum Domitiani. In eo columnas *Pentelicas* fuisse, quæ Athenis adiectæ item essent (vt & illæ Sullanæ) Plutarchus in Poplicolâ scribit: cum hoc iudicio, quòd

Lib. XXXIIJ.

Lib. II.

*1600000
Philip.
*1200000,
Phal.

pulchriores Athenis videri sibi essent, quoniam Roma dum nimis secant & poliant, nitorem addidissent, symmetriam detraxissent. Cetera quæ & quanta, ex eiusdem Plutarchi verbis suspicemur: qui ait in solam inaurationem, priuatum omnem modum excedentes opes impensas, nempe supra duodecim milia talentorum. Ea sunt nobis septuagies his centena milia Philippæorum; siue septem miliones, & quod excedit. AVD. Huius verbera me. LIPS. Semper tironum mitum te viuere. AVD. Quid iam? LIPS. Nam assidue vulnera accipis, & oportebat iam confectum. AVD. Tua hasta Pelias est, & vulnerat & sanat: perge. LIPS. Tanti igitur inauratio: quæ fuit non in Lacunaribus solum, sed in Tegulis æreis, ut illo Catuli. de quibus Epigramma Græcum in Anthologiâ, ubi *Eream domum in Palatio Byzantino* laudat:

Εἴς τε ἀρειοτέριστι χάλεις κατωπλίδι Σοῦ ἱουλῆς,

Εἰ καὶ χαλκίαν δέσπον ἀμαυῦματα πύκνους:

Cede etiam melioribus ò Tarpeia rupes,

Et si ex æratis iacis aurea fulmina tellis.

Et Procopius a Innotauit, Gizerichum regem Vandalorum, cum alia decora Romana secum in Africam vexisse, tum *et* partem secularium Iouis Capitolini inauratarum dimidiam. Nec testis modò inaurata, sed ipsæ Fores auratæ, & crassis laminis obductæ: quæ mansere ad Honorij Imp. æuum. Tunc in pecuniæ inopiâ, Stilicho mandasse perhibetur (scribit Zosimus) *ut fores in Capitolio Romano, quæ auro MAGNI PONDERIS erant obductæ, laminis iis spoliarentur. Cum autem qui hoc facere iussi erant, id agerent; in parte forium scriptum reppererunt, INFELICI REGI SERVANTVR. Quod euentus docuit. nam Stilicho paullo post infelicer perit.* Ita Zosimus: nec velim nimis se, ut singularia, hæc mirari: puto in pluribus templis fuisse. Poëtæ sanè aurea templa non semel appellant: & auctor libelli De causis corruptæ eloquentiæ: *Quid enim si infirmiora horum temporum templa credas, quia non rudi cemento, et informibus tegulis exstruuntur, sed marmore nitent, et auro radiantur?* Marmore in parietibus, auro in tectis. Ideò Micantia Rutilianus dixit:

Confunduntque vagos delubra micantia visus,

Ipsos crediderim sic habitare deos.

Et de Templis in eâ laudatiunculâ concludam.

CAPVT VI.

Item de templo Panthei, Urbis, & Pacis.

A V D. Ego aperiam, & laxabo. Nam quid me tam fluxâ memoriâ censes, vt oblitus sim Ammianum plura laudasse? & nominatim *Panthéon, Urbis, Pacis*. Dic de singulis, nec excide tuâ lineâ, quam ipse duxisti. Lips. Sed ex vno illo specimine, facile de aliis iudicare. Tamen fidei meæ causâ, cape. *Panthéon* ab Agrippâ genero Augusti structum fuit, & opus notum est, hodieque (etli ornamentis omnibus spoliatum) ipsum corpus exstat. Struxit in tertio Consulatu suo, quod inscriptio frontis indicat: sed perfecit biennio post & dedicauit, anno urbis DCCXXIX. vt est in Dione. Quæ causâ nominis, ipse Dio dubitat, & scribit: *Panthéon sic fortasse dicitur, quia plures deorum imagines in simulacris Veneris & Martis complecteretur; vel vt ego censeo, à formâ illâ deuexæ rotunditatis, & quia celum referret.* Prior explicatio pluribus placita, etli non ipsi Dioni: & lego in Glossis illis prisceis, *πανθεον, omnium deorum.* Sed & Athenis, atque alibi, *το πανθεν θεων θεον* legi fuisse, *commune Deorum templum*, ex Pausaniâ disco. Cui & origo esse apud Romanos potuit, ex communi deorum sacro: de quo Festus. *Pandicularis*, inquit, *dies dicebatur, idem & Communarius, in quo omnibus diis communiter sacrificabatur.* Sed Dio tamen aliter: & mouit eum, credo, quod pauca & certæ in eo statutz essent, neque diis communiter positæ. Fuit enim *Martis, Veneris, & Caesaris Iulij*: ipsius *Augusti* in vestibulo cum suâ posuit Agrippa. Ita Dio, quem miror *Iouis* omisisse: cum Plinius scribat, *Panthéon Ioui Vltori ab Agrippâ factum.* Itaque ille præcipuus, & præses ibi Deus, fuisse videtur: sed & plures alij, eoque nomine haud malè *Panthéon*, etli Dio à cæli formâ magis petit; quoniam id scilicet receptaculum & sedes Deorum. Lego autem & *Pantheus* & *Panthea*, pro ipsis Diis: sed altâ significatione, itemq; scripturâ, nec aliud est, quàm *omnino-Deus*, aut *Dea*. Idem Dio scribit, sororē Caligulæ *Drusillam consecratam ab eo, & ab omnibus Pantheam dictam.* In lapide item veteri exstat: *DIVO. PANTHEO. EX. V.* Sed de nomine satis: in re ipsâ etiam quid me diffundâ? nisi si lingua potest in istis, quod non oculus: atque ecce Romæ exstat, & imagines circūferuntur.

AV D.

* Tu cuius
antibus se-
tus fano.
fui ille omis
Cleopatra.
Plin. lib.
xv.

* Fern.

AVD. Ita est. sed de ornatu qui periit, ecquid habes? LIPS. Pauca. sed tamen hoc inter *pulcherrima operum* Plinius recensuit: quid mirum vel ab ipso isto corpore, sic spoliato & nudo? Nam artificium & symmetria per omnes partes maximas, minimas, in eo mirabilis; decor, ordo, deuinatio singularis; vt Sebastianus Serlius, vir peritissimus talium, habendum censeat hoc velut vnicum exemplar consummatæ Architecturæ. Latitudo atque altitudo par est, pedum CXLIIII. Amisit de specie, quod rudera locum sustulerunt, & gradibus in templum nunc descenditur: atqui antea ascendebatur. Tectum & ipsa æreis tegulis, quæ prægrandes aliquot in fornice reperiæ: nec dubitandum & has auratas fuisse. Plura haud dixerim; & omnia membra eius descripsit & mensus est Serlius, quem fas videre. Admoneo exustum fuisse, magno illo incendio sub Tito, cum & Capitolium tertio arsit. Id ita in Dionis compendio scriptum: & refecit Domitianus. de quo Cassiodorus capiendus in Consulatu eius IX. *Insignissima Roma facta sunt, Forum Traiani, Therma Traiani, Meta sudans, & Panthéon.* Sed nec diu post, Traiani anno XLIII. (quod in Eusebij Chronico est) fulmine ictum conflagrauit: & ab Hadriano restitutum, Spartianus dixit in eius vitâ. Itaque non soli ij restituerunt, qui in fronte operis hodieque insculpti leguntur, *L. Septimius Severus, & M. Aurelius Antoninus*: sed iam dicti. Mutauit & transiit in melioris templi vsum, & à Venere ad nostram Virginem, faciente Bonifacio quarto Pontifice, sub annum Christi DCVII. Is petuit Phocam, ait Regino, vt in veteri fano, quod Panthéon vocabatur, & à Domitiano fuerat exstructum, Ecclesiam sibi facere liceret; quod annuit Imperator. Ista de Romano Panthéo. sed reperio & in prouinciis alibi, ad hoc exemplum. Sozomenus certè in pago Betheliâ (vnde ipse oriundus) diuisionis Gazensium, Panthéon fuisse ait, antiquum & apparatus templum, quod in cliuo manufacto, velut in arce situm, totum pagum despectabat: atque addit arbitrari se Syriacâ voce Betheliam inde dictam, quod Græcè *Βεθελ* sonat, siue *Βεθελ* ciuitatis, deorum domicilium. Ita ille scriptor Eccles. Hist. lib. v. cap. XLIII. Sed transeo iam & lustro obiter templum VRBIS. Quod istud est? inquires. nempe Domine vrbis, illius *Eternæ, & Celestis*. O insaniam! ædificiis & inanimato corpori non vitam solum attribuere, sed nomen!

Atqui

Atqui fecerunt, & vrbs hæc, in quâ sedes tanti imperij, tanquam in eâ potentia & diuinitas, sic culta. Prudentius meritis irridet:

— colitur nam sanguine & ipsa

More Deæ, NOMENQUE loci, cum NVMEN, adorant.

Inuentio & adulatio à Græcis Asiaticis est: apud quos Smyrnei (quod ipsi gloriantur, & Romanis imputant, apud Tacitum)

111. Hist.

primi templum VRBIS ROMÆ statuerunt. Nec defuerunt alij *• Circa an-*
sequi exemplum: statimque Alabandenses in suâ vrbe struxê-
re. Quo fine? ut propitiâ sibi non Vrbem, sed Vrbis incolas

DLVII.

& rectores haberent. Itaque nolunt eos hoc nescire, & in Liuiio, apud Senatum *Alabandenses templum ROMÆ se fecisse commemo-*
rant, & ludæ anniuersarios instituisse ei Dixæ. Etiamne ludos? ita sanè, & isti sunt pulcherrimi, quos vel nunc in Senatu edunt. Quàm credis risisse quosdam Patrum, in his ineptis & verè Græcanicis adulationibus? ego haud minùs censeo, quàm cùm Prusias rex ab illâ Asiâ, veniret ad curiam raso capite, & pilleatus, limen curiæ oscularetur, adoraret Senatum, & Libertum se clamaret *populi Romani.* Ita igitur initium, sed in prouinciis. imò nec sub Principibus statim *Romæ*, in ipsâ Româ, templum. Lego in Hadriani rebus: *Ædem Bonæ deæ transtulit, & Colossum stantem atque suspensum, per Demetrianum architectum, de eo loco in quo NVNC templum VRBIS est, ingenti molimine, ita ut operi XXIIII. elephantes exhiberet.* Ait, Colossus stetisse in loco ubi nunc Vrbis templum: non ergo tunc adhuc erat. Sed ille ipse tamen Princeps fecit: imò hanc causam arbitramur translati Colossi. In Dionis Compendio est: *Hadrianum struxisse Veneris & Romæ templum, atque eius designationem & diagramma missum ab eo ad Apollodorum insignem architectum (cui tunc offensior erat) ut ostenderet & absque eo INSIGNE OPVS posse perfici. quâsinitque ecquid placeret structura? Ille verò libere respondit, & de Templo, quod sublimius & magis cauum capaxque fieri debuisset: uti & in viam Sacram conspectius ex alto emineret, & in cauum Machinas acciperes, quæ in occulto ibi compactæ, subito & ex improviso in Theatrum induci possent.* Hæc ita in Græco. nam interpres, quod mirere, solum Veneris templum posuit, Romæ omisit. Atqui iunctæ deæ fuere: & sic Notitia imperij, *Templum Veneris & Romæ* nominat. Prudentius:

R

Atque

*Atque Urbis Veneris quæ pari se culmine tollunt
Templa, simul geminis adolentur thura deabus.*

Nec ineptè Venus iuncta, Æneadum mater, cum suâ prole.
Vbi fuerit, ex Dione licet conicere, qui *Vie Sacra* adiungit: &
Notitia in *Regione templi Pacis* ponit. Claudianus in *monte Pala-*
tino. Nam de illo capiendum est, cum in laudibus Stiliconis fa-
cit Prouincias venisse, & adisse supplices ipsam Romam:

Lib. II.

*Conueniunt ad testæ Deæ, quæ candida lucent
Monte Palatino.*

Crederem igitur ad tadices montis fuisse, circâ aut in Comitio:
& in diuisione tamen urbis accensitum *Regioni Pacis*. De *Ma-*
chinis autem, quod in Dione est, ad *Pegmata* pertinet: de quibus
in Amphitheatro olim scripsimus: & videntur in templis op-
portunis disposita, composita occultè (quò admirabiliora ex
inopinato essent) & sub tempus educa. Sed sequitur nunc
Templum ipsum PACIS. AVD. Paulisper mane. & nonne *Genij*
publici templum etiam lego? LIPS. Legis, sed distinctum ab isto
urbis: & hoc verecundiùs paullò & minùs insolenter excogita-
tum. Nam *Genium* locis, regionibus, ciuitatibus tribui, satis est
frequens & notum. Itaque in Dione *inde, tunc quòd tu dixeris, templum*
Genij populi, aliquoties nominatur: sed diu antè *Urbis*, & qui-
dem ab anno DCCXXI. ante Principatum Augusti. Sed & An-
tiochiæ, Alexandriæ, atque alibi *Templum Genij* leges. AVD. Am-
plius etiam, ruminor Spartiani verba de Hadriano > qui *Bonæ*
deæ ædem transtulit, & Colossum. Sed quæ ista ædis translatio? si
communis, vt alibi dirutam poneret, quid miri aut narrâdi est?
siquid ab arte aut nouum latet, me doce. LIPS. Nescio. sed ædes
totas transferri, mihi nouum non est, & in Batavis vidi fa-
ctum. Quid, quod Tiberij æuo architectus fuit, qui *maximam*
porticum iacentem & inclinatam, tanâ & centonibus circumdatam
(credo, ne videri artificium posset) *funibus & machinis*, multo-
rumque hominum manibus admotis, in pristinum restituit, firmam &
restitam? Quod Tiberius aliique nimis mirati sunt: etsi ille inui-
diâ motus, nec nomē quidem eius Actis inferi sit passus. Quod
ad *Colossum* autem, nonne Roma nuper in *Obeliscis* simile vi-
dit? Sed hoc hîc notabile, quòd iste architectus, nec inclinauit
eum quidem, sed *stantem*, vt ait, transtulit & *suspensum*. At tu ex-

tra oleas me ducis: *Pacem* autem ego iam afferrebam, tu distulisti. *Avd.* Egone illam? ô vbi es, non Dea quidem, sed summum à Deo bonum! Veni, veni, reuise miseros Belgas, tot iam lustra ciuilibus exterisque bellis iactatos. *Lips.* Iam venit, confide: sed Iuno aliqua eam ducit aut præit. Hanc *Vespasianus* Romæ consecrauit, magnâ spe & animo mansuram, post ciuilia tunc quoque bella. Id à Claudio incohâtû aliqui tradunt: sed abnuît *Suetonius*, & *Fecit NOVA opera Vespasianus*, inquit, *templum Pacis, foro proximum.* Habes & locum: ac nunc vestigia existant, & ex iis operis ipsius forma. Grande fuit, & longitudo trecentos pedes attingit, latitudo ducentos: igitur supra Capitolium ipsum. Hac causâ meritò *Herodianus* id appellat *μεγιστον καὶ καλλιστον ἔργον ἐν τῇ πόλει ἔργον*: MAXIMUM & pulcherrimum omnium in vrbe operum. Additque: ditissimum item fuisse, ornamentis auri & argenti exultum. Ecce id sub initia imperij, & post triumphum, ex *Iosepho* discas: cuius verba lubet dare, ad vniuersam eius notificationem. Libro vii. Excidij ait: *Post triumphos, & firmam imperij constitutionem, statuit templum facere Pacis: fecitque citò admodum, & pulchrius meliusque omni opinione perfecit.* Magnis enim opibus in hanc rem usus, & priscorum etiam præclara omnia adhibens, picturis & statuis pulcherrimis adornauit. OMNIA enim in hoc templum collata & disposita sunt, ob qua homines, videndi cupiditate, antea per TOTVM ORBEM vagabantur. Posuit & hic è *Iudeorum templo vasa aurea*, in iis sibi placens: etsi *Legem ipsorum, & vela tabernaculi aurea*, in *Regiâ suâ posuerit, ibi custodienda.* Hæc *Iosephus*, & *Plinius* consonat, qui passim pulcherrima aut rarissima operum adnotat fuisse in templo Pacis. Vno etiam loco scribit: *Ex omnibus que rettuli, clarissima queque in Vrbe iam sunt, dicata Vespasiano Principe in templo Pacis, aliisque eius operibus, violentiâ Neronis in urbem conuecta, & in sellariis domus aureæ disposita.* Quod magis impressiusque refero, vt tristius damnum cognoscatur, quod factum est templi huius incendio sub *Commodo*. Tunc enim, vt *Herodianus* refert, leuiteriæ motu præuio, siue ictu fulminis, siue igne è terrâ expirante, subito & improvisò totum conflagrauit, itemque *Porticus*, & totus eius ambitus: malo sanè augurio, vt tunc *Romani* haud vanè interpretabantur, periisse sibi *Pacem*. Inter adiecta autem vel circumiecta,

perit & Bibliotheca quæ in ambitu eius templi erat: cuius in A. Gellio memoria exstat.

CAPVT VII.

Fora Romana descripta, & distinctè Romanum, Iulium, Augustum, Transitorium, Vlpium.

Lib. v. ca. 1.

DE Templis peregrinus: ex eodem Ammiano *Fora* nunc D excerpo. Quid opus est? inquires. aut quid magni operis in apertâ planicie? Hoc enim, pro nostris moribus hodie, tu aut alius dixerit: quia hæc *Fora* parum, aut nihil, ornati profectò habent. Area tantùm est, & ædificia cingunt, alta, humilia, splendida, vilia; denique vt priuatorum solent. Quàm aliud in Romanis *Foris*, sed & Græcis? de quibus Vitruuium licet audire: *Græci in quadrato AMPLISSIMIS & DVPLICIBVS PORTICIBVS fora constituunt, CREBRISQVE COLUMNIS, & lapideis aut marmoreis epistylis adornant, & suprà AMBVLATIONES in con- signationibus faciunt.* Atque hæc ipsa, vt addit, Romanis, nisi quòd non quadrata equaliter, sed oblonga magis faciunt, nec nisi ter- tiâ latitudinis parte. Sed nec columnas tam crebras interpo- nunt: & (vt ego hoc addam) Romæ etiam magnis circumposi- tis ædificiis, vt *Templis, Basilicis, Chalcidicis*, magis ornabant. Vt tamen formam aliquam capias, ambitus ipse *Fori* porticibus claudebatur, viis relictis & spatiis ad intrandum: exterius deinde, *Templa*, & quæ dixi circumponebantur, & latè super *Porticus* illas eminebant. In paruo exemplo, nonne *Bursam*, vt vo- cant, Antuerpiensium vidisti? fac maiorem, & oblongam esse: habes (quod ad *Porticus* attinet) imaginem prisce alicuius *Fori*. Sed membra singula iam videamus. Ait Vitruuius, *duplices Porticus* fuisse: in altitudinem, aut latitudinem? vtrumque po- tuit: sed credo magis in latitudinem fuisse, vt latiùs inambula- retur. Tamen nec de illâ nego, cum satis clarè addat, & præci- piat: vt superiores columnæ, quartâ parte minores, quàm inferiores constituantur: propterea, quòd oneri ferundo, quæ sunt inferiora, firmitiora debent esse, quàm superiora. Ergo & duplex columnatio in altum solita vsurpari: sed in latum sæpissimè, atque adeò triplex, qua- druplex, quintuplex quæ: quàm pulchrâ tot columnarum serie, & super-

& superbâ facie? Capitolinus in Galieno scribit: quod is Porticum Flamviam, usque ad Pontem Mulvium parauerat ducere, ut *trastibche* fieret, aut etiam *pentastibche*. Intellegit quaternos aut quinos istos ordines: qui tamen rari haud dubiè erant. Iam super istas Porticus, Ambulationes erant: quod ipsum in Antuerpiensi Bursâ. At reliqua iam, quam imaginem hodiernam admittunt, *Basilice* & *Templa*: nullam. Quid *Statue*, & interior ille ornatus? nullam. Talia igitur Fora, ut communiter hoc præmiserim: veniamus ad ea magis singillatim. Fora duorum generum Romæ: & in vniuersum xvii. numerant descriptores Urbis. Erant *Ciuiia*, erant *Venalia*: illa, in quibus res & lites agebantur; hæc, in quibus merces aut species certæ venales: ut *Suarium Forum*, *Piscatorium*, *Pistorium*, *Boarium*, *Holitorium*, & talia. In vtrisque & cœtus, ac circuli, ac sermones hominum erant, ut solet in vacuis: sed magis in Ciuilibus illis. quæ scito olim fuisse tria, *Romanum*, *Iulium*, *Augustum*. Seneca ad hunc numerum: *Infitiationes*, *furta*, *fraudes*, quibus *trina* non sufficiunt fora. *Martialis*:

Atque erit in triplici par mihi nemo foro.

Et si idem *Martialis* quartum etiam vidit. Nam *Domitianus* Imp. incolauit *Forum*, quod *Transitorium* vocabant, & postea *Nerva* absoluit, ab eo *Nervæ* etiam dictum. Quintum denique addidit *Traianus*, ab ipso sic appellatum. Labet breuiter lustrare singula, & quædam in iis, leui oculorum iniectu, præcipua obseruare. ROMANVM igitur est, quod *Vetus* appellant, ad spectu ad hæc posteriora; itemque *Magnum*, quia, ut videtur, spatio superauit. Id à *Romulo* institutum, inter *Capitolinum* & *Palatinum* montes, ad huius finem: sic ut *templa* *Capitolina* ei imminerent, *Palatij* variæ structuræ, & varia in ambitu *templa*. Sed hæc postea fuere: *Romuli* æuo, simplex planities; *L. Tarquinius Priscus* postea exornauit, & *Tabernis* ac *Porticibus* cinxit. Alij deinde tam multa & varia (quia quisque opus suum in conspicuâ maximè & celebri parte exstare cupiebat) addiderunt: ut multæ & curiosæ curæ sit singillatim recensere. & iam *Antiquarij* nostri in parte maximâ fecere. *Strabonis* hoc audi, qui ubi *Campum Martium* vâlde laudasset, addidit, *Quæ omnia si quis viderit, dicat censeatque reliquam urbem, non nisi additamentum campi huius esse.* At idem si in *FORVM VETVS* deinde progressus, alia aliis

herentia & consequentia videat, Basilicas, Porticus, Tempia; tum Capitolium ipsum, & in eo templa; tum Palatium, & Luiae Ambulacra: is facillè priorum obliuiscatur, & omnium quæ viderat extra urbem. Sed & Statius quædam recensuit, in Equo Domitiani. Ille enim ex ære colossæum illum, & se in se totum constituit in hoc Foro, narratque & laudat poëta in primo suo carmine:

Quæ super imposito moles gemmata colosso

Stat Latium complexa forum?

Nam Latium Forum, hoc nostrum Romanum est: sed quæ moles gemmata? nam gemmas & lapides in ære isto fuisse, nugæ. An igitur, nitida & splendens? ut idem alibi, — *nitidis gemmansia saxis Balnea*: & alij, *gemmantes alas pavonis*. Etsi alia in his causa & aspectus, & quod olim diuinaui, in libro scripto etiam reperi, *geminata*. Omnino geminata & duplex illa moles, ipsa crepido sine basis altior, tum vir cum equo impositus super eam. Verba qui pensitatè examinat, assentietur. Sed reliqua etiam carmina poëta notanda antiquariis, ad sedem certam aliquos hinc ædificiorum. Nam ait:

Par operi sedes. hinc obuia limina pandis,

Qui sessus bellis, assertæ munere proles,

Primus iter nostris ostendit in æthera Divus.

At laterum passus, hinc Iulia templa tuentur,

Illinc belligeri sublimis Regia Pauli,

Terga pater, blandoque videt Concordia vultu.

A fronte facit fuisse Limina Iulia. nam de Iulio Cæsare hæc capienda quis ambiget, cum à prole adoptivâ consecratum, primum Cæsarium, dicat? Et est ipsum templum Iulij, nisi fallor. A latere deinde Basilica Iulia, quam Festus ad Servilium lacum ponit. Nam quod vulgò legitur, & ego recitavi, *Iulia templa* in Statio: ex meo scripto codice, omnino verius, *Iulia teëta*. Enimverò hæc *Ædes Iulij* in medio circiter Foro fuit: quod etiam factum in aliis Foris, & ut medium aliquod templum decorè esset, mox disces. Adiungo IULIVM FORVM, quod C. Cæsar, etiam priuatus, & Proconsul adhuc Galliarum concepit, atque adeò cepit. Nam locum & aream emit, ac purgavit. magno sanè, & Suetonius dignum notari putavit ipsum pretium: *Forum*, inquit, *de manubiis incohatum, cuius area super HS. millies consti-*
tisset.

tisset. Ea summa est nobis (repeto, etsi meminisse te æstimationes iam oportuit) *vicies quinquiescentenarum millium*. Tantumne in solam aream? inquires. Tantum. nec mouet, quod viri docti, sed trepidi in talibus, diffidunt & mutare aut minuire vellent: falluntur. Quid? Plinio non erit etiam fides, in eadem re sic numeranti? *Pyramides regum miramur opera, cum solum tantum foro extruendo HS. millies Cæsar Dictator emerit*. Nonne ipsâ narratione & comparatione ostendit ingentem aliquam, nec in simili re titram summam? ostendit. nec mirum, cum ædes plures in vrbe inrimâ emerit, disiecerit, ad aream purgandam. Ne diffidamus igitur, sed faueamus magno huic Cæsari, qui & antequam tantus, concipit hæc magna. Imò verò *Dictator* tunc erat, dices: ergo iam Princeps. Nego fuisse. nec Plinij ea mens est, qui addidit quidem illū titulum, sed ut hominem designaret & discerneret, non ut emptionis tēpus. Credamus Suetonio, palam hoc inter Gallicanæ liberalitatis exempla referenti. Tunc igitur emit, sed bellis impeditus aut tardatus, non nisi post bellū Africum perfecit. Appianus: *Cæsar post triūphos, Veneri Genetrici templū struxit, quod vouerat in prælio Pharsalico: & aream circum templum addidit, ibiq; voluit Romanis Forum esse. non id quidē rerum vanalium, sed ad LITES aut negotia conuenientium, sicut & Persis forum erat quoddam vel iuris petendi dicendiq; causâ, vel & discendi*. Dio Cassius de eodem sub idem tempus narrat: *Cæsar forum, quod ab ipso dictum est, extruxit. quod PULCHRIUS ROMANO est, etsi dignitas illius auxit ex isto, factumq; ut MAGNUM diceretur. Atque hoc Forum, vñ cum æde Veneris Genetricis, auctoris sui generis, dedicauit*. Nota in eius verbis, *pulchrius Romano* fuisse: quod equidē credo, vel quia à Cæsare, vel quia posteriora opera prioribus ferè antecellunt. Quod tamen ex Ammiano vix dixeris: qui *Iulium* hoc silet, *Romanū* extollit: & *prisce potentie forū* appellauit, & *Cōstantij oculos* in eo, *miraculorum densitate, præstritos*. Fuit autē hoc *Iulium* haud longè nimis à Romano, post tēpla *Pacis & Faustine*. Transeo ad *AVGVSTI FORVM*: quod nominatim Plinius inter maxima operū collocauit. Profectò gradatim scādimus, & meliora ac maiora in his damus. De isto Suetonius: *Forū cū æde Martis Vltoris struxit. Causâ extruendâ, hominū & iudiciorum multitudo, quæ videbatur, nō sufficiens duobus, etiam tertio indigere*. Ergo *Mars hīc Vltor* in medio,

11. C. 104.

Lib. XLIII.

Aug. cap. 111.

vt antè *Iulius*, aut *Venus*. *Ouidius Bisultorem* cognominat: quia & ob vindicatam patris necem hoc cognomen Augustus imposuit, & ob Crassianam cladem, signis à Partho receptis. Porticus in eo, de more, ad latera: sed hoc in iis singulare, & ab Augusti inuento. quòd in alterâ, ordine omnes Latini reges à capite & principe *Æneâ* essent, in alterâ, Romani Reges, aut Duces clari, à Romulo ipso. *Ouidius* de Marte illo:

v. Fall.

Hinc videt ÆNEAN oneratum pondere caro,

Et tot LVLABÆ nobilitatis auos.

Hinc videt ILIADEN, humero Ducis arma ferentem,

Clarâque dispositis ACTA subesse viris.

* Trepas-
phor. ßo-
lin Acro-
ni anuſſi.

Aug. cap.
1111.

In Arcad.

Ille ab utroque igitur latere hæc videbat: & de hac re *Suetonius*. Proximum à Diis immortalibus honorem memorie Ducum præstitit, qui imperium populi Romani ex minimo maximum reddidissent: & STATVAS OMNIUM, triumphali effigie, in VTRAQUE fori sui PORTICV dedicauit. Nam etli Romanos Duces modò nominat, sanè & illos intellegi Latinos par est, & poëta iubet: Inter eos & ipse Augustus locum habuit, atque eius *Tituli* & *Acta*. *Velleius*: *Diuis Augustus*, præter Hispanias aliasque gentes, quarum TITVLIS FORVM EIVS præmitet. Ergo illuc sub quoque viro aut statuâ, suæ res gestæ breuiter & *Index*; quod *Acta* poëta dixit. Atque istæ noxæ statux: quot deinde veteres, & præcæ raræque artis? *Pausanias* prodidit, *Minervæ Alexæ* signum, ex ebore totum, in aditu Fori Augusti stetisse: additque in eâ occasione, & ipsum, & reliquos Principes, pleraque ornamentorum talium vndique auxisse, & ad opera sua ornanda traduxisse. Situm autem hoc forum, supra ipsum Romanum, ad latus Capitolij, post eodem hodie *Diue Martine*. Quattum iam est, *Nervæ*. quod *Domitianus* incohauit, iste perfecit & agnominauit. *Suetonius* in *Domitiano*: *No-uam adem in Capitolio excitauit Ioui custodi*; & Forum, quod nunc *Nervæ* vocatur. Quomodo igitur tunc? *Transitorium*, vt opinor. Nam sic *Lampridius*, in *Alexandro*: *Statuas colossas, vel pedestres nudas, velequestres, Diuis Imperatoribus in Foro Diui Nervæ, quod TRANSITORIVM dicitur, locauit: omnibus cum Titulus & Columnis AEREIS, quæ gestorum ordinem continerent. exemplo Augusti, qui summorum virorum statuas, in foro suo, è MARMORE collocauit, additis GESTIS. Locus & ad ista, & priora, notabilis. videsque imitari*

Augu.

Augustum in ornando hoc Foro Alexandrum voluisse: quid imitari? vincere volui dicere. & cùm ille statuas non nisi è marmore fecisset, iste ex ære, cum titulis etiam & columnis. Quæ autem istæ columnæ? an quibus, loco basium, insisterent, & Acta inscripta essent? an & alias intellegit, quæ seorsum Porticus sustinerent? Non de nihilo ambigo, quoniam in Pausaniâ lego, de quibusdam ædificiis ex ære solido, disserente: lego, inquam, fuisse talia, vt Mineræ templum Spartæ, quod Chalcidæcon ideò dicitur, atque item alibi. Sed tum addit in fidem, præsentaneum & sui æui exemplum, καὶ πομπαίου, inquit, ἡ ἀγορὴ μετέθετο ἑνὲς καὶ καὶ αὐτοῦ τῆς ἀνδρὸς, ταῦτα οὕτως παρίχεται τὸν δεσφον χαλκῶν: Romanis Forum, quod & magnitudine & alio apparatu omni instar miraculi est, exhibet tectum & camerationem æream. Quod istud Forum tectū æreo, vellem nominasset. nunc suspicari tamen fas est, de isto Neræ capiendum: nisi de alio ædificio, quod Chalcidicum appellabant, quodq; Foris solet adiungi. Nam de tectō suspicari, æreis sultem regulis, nihil est: nec hoc inter rara aut suspicienda. Istud porro fuit situm, inter Capitolinum & Quirinalem colles: dictumque ideò Transitorium, quòd per id in alia opportunè velut transitus esset. An & quia Iani in eo templum? quod quatuor portarum ibi fuisse Seruius tradidit: & Martialis libro x. de eo capiendus:

FERVIVS exiguos habitabas antè penates,
Plurima quàm medium Romaterebat iter:
Nunc tua Casareis cinguntur limina donis,
Et fora tot numeras Iane quot ora geris.

Dicit in angusto olim, quadrifariam peruium, hūc Ianum fuisse, nunc in foro Neræ, cingi porticibus, & quæ alia ipse struxit: sed & ab eo iter & ad spectus ad alia fora esse. A v d. Vide Lipsi. non enim Iani in medio foro templum, sed Mineræ fuit. Nam ita Victor clarè: Nerua imperio se abdicavit, dedicato prius Foro, quod appellatur Peruium: quo ædes Mineræ eminentior consurgit, & magnificentior. Lips. Sistis, & pænè retroāgis me profectò. An igitur ad latus alibi Iani illud templum? an hoc Mineræ non in ipso medio? tale dicendum sit. sed pergamus ad Quintum Forum, VLPIVM siue Traiani. Quis fecit? ipse Traianus: nec dabo hoc Cassiodoro, Domitianum vel cœpisse. Nam is quidem

* Id est,
omnes annos,
aut totum an-
nos.

dem in Domitiani IX. consulatu, facit eum *excitasse opera, Forum Traiani, & Thermas Traiani*, voluit *Nerva* dicere: & iam à nobis demonstratum. Quale autem hoc fuit? Ammianus paucis verbis dixerit, clamitans SINGVLAREM *sub omni caelo* STRVCTVRAM. Quid ampliùs? *etiam* NYMINVM ASSENSIONE MIRABILEM. Deus bone! an & cælites terrestria hæc mirentur? etiam timeant fortasse. nam addit, GYGANTAEOS *contextus fuisse, nec relatu effabiles, nec rursus mortalibus* appetendos. Satis ostendit victa hoc opere, omnia illa quæ inuicta antea habebamus. Quid autem Cassiodorus? consentit. *& Traiani forum*, inquit, *vel sub* ASSIDVITATE *videre, miraculum est*. Nihil potest efficacius dici aut concipi ad elegantiam, & raritatem: quæ rara scilicet & elegans esset, etiam in assiduo aspectu. Hæc communiter adferre possum: quid per partes? *Apollodorum architectum* fuisse, summum in arte virum, & quem Hadrianus postea, luore quodam ductus, occidit. Porticus & columnas fuisse, satis scitum est: & puto in altum plures. vnde enim alioqui *gyganteos contextus* Ammianus diceret? Et sanè altitudo *Columnæ*, quæ in medio sita fuit, hodieque apparet, est pedum CXXVIII: cum inscriptione, TANTAE. ALTITVDINIS. MONTEM. ET. LOCVM. TANTIS. OPERIBVS. ESSE. EGESTVM. Credo aut tam altas igitur, aut non longè infrà, Porticus ipsas fuisse. In quarum fastigiis simulacra equorum, & signorum militarium. de quibus Agellius: *In fastigiis fori Traiani SIMVLACRA sunt sita, CIRCVM VNDIQUE, INAVRATA equorum, ac signorum militarium: subscriptumque est, Ex manubius.* Nota hæc omnia inaurata fuisse: & probabiliter etiam Statuas quæ subter Porticus collocatæ. Quas M. Antoninus numero auxit: *qui nobilibus viris (in Capitolino) bello Germanico defunctis, statuas in Foro Vlpio collocauit.* Ibidem & Templum, & Equum æneum fuisse, Victor ostendit, & circum Bibliothecam, alij. Sed de Equo etiam Ammianus, cum scribit attonitum Constantium habuisse, *omni spe huiusmodi quidquam conandi depulsa: Traiani tamen EQVVM solum, in atrij medio locatum, qui ipsum Principem vehebat, imitari se velle dicebat.* Cui propè astantis regalis Hormisdas, respondit gestu gentili, ANTE, inquit, IMPERATOR STABVLVM TALE CONDI IVBETO, SI VALES. Libere hoc Hormisdas, & verè. quid autem posteri manibus tale

Lib. XI. c. 11.
cap. XIII.

aulo
gelio =

tale aliquid conderent? vereor ut nos, & nostri architecti, vix mente.

CAP. VIII.

De Balneis Thermisq̃ue, & breuiter de Rostris.

AVD. Profectò, Lipsi, oculos mihi aperis ad hæc suspicient-
da: quæ ego non in magno antea habebam. LIPS. Fortas-
se nec ea quæ de *Lauacris*, id est Balneis aut Thermis Ammia-
nus adiunxit. AVD. Haud nego. magna fuisse, hoc ruinæ me
docent; ornata valdè aut magnifica, nodum agnosco. LIPS. Licet
per me breuiter. Et de magnitudine quidem, nōne ea ipsa mi-
randa in tot patium ædificio & membrorum? Ammianus ad-
eam, puto, respicit, cū scribit *Lauacra in modum prouinciarum*
exstructa: & quasi quæ, non vrbes, sed regiones totas æmularen-
tur. Satis audax elatumq̃; dictum, fateor: sed causam habuit. &
Cassiodorus item signatè laudat & suggerit MIRABILEM MA-
GNITVDINEM THERMARVM. Et vidisti illas parietinas hodie
Antonini Thermarum, aut magis Diocletiani? mira laxitas;
& hæc Olympiodori dicent. Ἦσαν δὲ, inquit, λαμπρὰ θεῖα παμμε-
γέθη. αἱ δὲ Ἀντωνιανὰ ἔπευ κλοῦμαι, εἰς χρεῖαν ᾗ δὲ λουόμεναι καὶ δόρας εἶχον
ὡς χειμῆνας χιλίας ἑκατοσίας, ἐν μαρμαρενὶ κατασκευασμένας ἔτις ὤ, αἱ δὲ Διο-
κλητιανὰ, ἐγγὺς δὲ πηλιδίαις: *Erant lauacra publica INGENTIA. sicut An-*
toniniana Therma dicta, in vsum Lauantium SELLAS habebant mille
sexcentas, è polito marmore factas. Diocletiani autem, circiter BIS TAN-
TVM. Audin' tu? Diocletiani habuerint Sellas (aliq̃ Solia malue- * Vide No.
runt reddete) ter mille ducentas: quid nisi igitur tot personæ inibi 100.
simul lauati potuêre? Vbi iam reliquum Thetmatum corpus?
Cellæ, Solia, Piscinæ? Vbi capaces & longæ illæ Porticus, Xysti,
Nemora, Sphæristeria, & reliquæ partes? Certè Ammianum
iam capio & admitto, in tot ædificiis & varietatibus, cum Pro-
uinciis comparantem. Ipsum etiam Flauium Blondum, qui
fortiter asseruit, nec QUATTVOR MAXIMA ITALIAE PALATIA,
simul iuncta, posse illas vnas Diocletiani adæquare. Ecce igitur ma-
gnitudinem: & distinctè in partibus quædam, Sidonij episto- * Lib. 11.
la tibi dicet (lege, si lubido est) & Hieronymi Mercurialis, eru- ep. 11.
di amici nostri, scripta, Gymastica artis. De splendore porrò
S 2 & pa-

& paraturâ earum, audi hæc Senecæ: *Pauper sibi videtur ac sordidus, nisi parietes magnis ac pretiosis ORBIBVS resulserint: nisi ALEXANDRINA marmora NUMIDICIS crustis distincta sint: nisi illis vndique, & in PICTURAE modum variata CIRCVMLITIO prætexatur: nisi VITRO condatur camera: nisi PARIVS & THASIVS lapis, quondam rarum in aliquo templo spectaculum, Piscinas nostras circumdederit: nisi aquam ARGENTEA epitonia fuderint. Et adhuc plebeias fistulas loquor: quid cum ad balnea libertinorum peruenero? quantum STATVARVM, quantum COLUMNARVM est, nihil sustentium, sed in ornamentum positarum, & impensa causâ? quantum AQVARVM per gradus cum fragore labentium? Eò deliciarum venimus, ut nisi GEMMAS calcare nolumus. Ea verò Senecæ increpatio aut delineatio, quàm clarè sub oculos dat & ponit, non Balneas aliquas, sed Principum dixeris Aulas? Et quædam existis Statius, in Balneo Etrusci:*

*Nisi plebeium, nusquam Temesæa notabis
Æra, sed ARGENTO felix propellitur vnda,
ARGENTOQ. cadit, Labrisque nitentibus instat
Delicias mirata suas.*

Significat fistulas & canales argenteos fuisse, ipsa etiam Labra. Idem de Vitro:

*Effulgent camera, vario fastigia vitro
In species animosque nitent.*

Lib. XXXIIJ.
cap. XII.
o Fibulas
intelliget.

Quid autem Plinius? narrat & culpat cum Senecâ: *Iam verò pedagogia ad transitum virilitatis custodiantur argento; semine lau-
tur, & nisi ARGENTEA solia fastidiant, eademque materia & probis
seruiat, & cibis. Videret hæc Fabricius, & STRATAS ARGENTO mu-
lierum balneas, ita ut vestigio locus non sit cum viris lauantium. Sed de
argento parum est: nonne & de gemmis substratis Seneca di-
xit? Quod si igitur Priuata hæc ita culta: credo equidem &
Principes in suis, quæ publicabant, parcos aut sordidos non fuisse. Eiusmodi Publica & Gratuita balnea, duodecim P. Victor ag-
noscit Romæ fuisse: omisso alia Publica, quæ Meritoria licet ag-
nominare. Nam paruo ære, & Quadrante, ad ea lautum ibant.
Quid, quod Plinius scribit M. Agrippam in Ædilitate suâ, gratuita
præbuisse balnea centum septuaginta? atque addit Plinius: quæ nunc
Roma ad INFINITVM auxere numerum. AVD. Hem! tot igitur &
Priuata*

Lib. XXXV.

*Privata & Publica balnea? & quo fine? LIPS. Quæris? ad equitandum scilicet. & quis nescit, quòd ad lauandum? AVD. Ne sic increpa. ego hoc rogatum volebam, cur tam multa, & an tam assidua lautio? LIPS. Assidua. & cottidie, de more, lauabant ituri iam ad cœnam. Artemidorus scripsit, *Balneum nihil aliud suo ævo fuisse, quàm TRANSITVM ad cœnam.* Itaque qui sæpius etiam cibum capiebant, sæpius lauabant. Commodus Imp. notatur *septies aut octies in die lauasse.* Etiam inter Christianos, Sisinnius quidam Episcopus *bis in die*: non sine suspitione intemperantiæ & voluptatum. Sed ille diæterio culpantes illudit, rogatusque *Cur Episcopus cum esset, bis lauaret? Quia ter, inquit, non possum.* Significabat bis se comedere, bis igitur lauare; tertio non ferre valetudinem. AVD. Noua hæc nobis. LIPS. Noua, qui desimus hunc morem: nescio an rectè, quòd totum. Credam valetudini & vitæ profuturum, si in parte seruassemus, & cum modo: quem ingestum vetus Epigramma voluit, alibi in lapide sculptum.*

* *B. V. V. corrumpunt corpora nostra,
Conseruant eadem B. V. V.*

o Balnea,
Vina, Ve-
num.

Tria intellegit, quæ modicè habenda; aut cum damno habenda, vel non habenda. Sed Ammiano duce satis vidimus: abeamus. AVD. Maneamus. quid tu nescis, aut dissimulas, de *Theatro, Amphitheatro, Odéo, Stadio, Suggestu consulari?* LIPS. Scio, & meminini: sed hæc per te satis te opinor scire. De *Amphitheatro* quidem scorsim libellum ego olim scripsi: idem in *Theatro & Circo* sit, si coner. Libri, inquam, res: quæso nunc omitte. Nec in *Odéo* aut *Stadio* multa dicenda: atque illud Plutarchus in *Pericle* tibi describet, ad *Musica certamina spectanda structum fuisse, interiore formâ sedilibus instructâ, & multis columnis: tecto declui, & ad imaginem atque instar tabernaculi regis Persarum.* AVD. Non ausim vltà te ducere. LIPS. Nec debes, fatigor. AVD. Tamen de *Suggestu* tria verba. LIPS. *Rostra* intellegi arbitror; sed ea quæ *Iulii* dicebant, siue *Noua*. Nam *Vetera* illa non in tanto nunc honore, vel vsu. Sed cur *Suggestum* ea dicit à formâ, quam ostendit per gradus surrexisse cum dicit *vertice scansili fuisse.* Dicit & *imitamenta priorum Principum portasse*: id est vultus & statuas eorum. quas equidem arbitror in gradibus, ad extrema latera,

Lib. vi.

dispositas in ordine fuisse. Eorum basim, siue ima, *ornata rostris navium, ex Aethiacâ victoriâ*, Dio Cassius me docuit: & inde igitur *Rostrorum* nomen. AvD. Sed *Consulum suggestum* cur appellat Ammianus? Lips. Quia initio magistratus eò conscendere solent, & populum salutare: eòdem iterum, cum deponerent magistratum. Mos ab antiquo mansit: qui & adire, & orare illuc ac gratias agere populo solent, pro honore. Sed inferiori & Principum ævo, nihil factum, nisi vt conscenderent, salutarerent, itemque iurarent, aut eiurarent. Plinius de Traiano: *Iam toties procedere in Rostra, hic suscipere, hic ponere magistratus, quàm dignum te fuit?* Præiuit etiam: *In Rostris, simili religione, legibus te subiecisti; iurasti in legem, attendentibus Diis.* Denique Claudianus de Stilicone Consule, inter sollemnia ponit:

Circumsusa tuæ conscendant Rostra curules.

Ergo & sedisse illic in Sellâ curuli videntur, & sic se ostendisse, quasi auspicij causâ.

CAPVT IX.

De Statuis, & earum custodiâ.

Lib. vii.

AvD. Ah, quàm iuuant me hi aspectus! quàm doleo ab Ammiano ductore, aut te doctore, deserui! Lips. Vide benignitatem, da manum, porro vel solus ego ducam. AvD. O hominem & verba mellea! non voluptatem meam te dicam, sed salutem. perge sic iuuare. Lips. Vnum etiam in his omnibus operibus locisque monendum, de *Statuis*: quarum incredibilis multitudo, pretium, speciesque. Nullum publicum opus, quodcumque nomines; nullus adeò locus publicus aut vacuus, vbi non hæc ornamenta. Et credo equidem nihil magis in totâ vrbe ADMIRANDVM elegantioribus ingeniis fuisse. Earum originem & augmentum breuiter in Cassiodoro habes: *Statuas primum Thuscis in Italiâ inuenisse referuntur, quas amplexa posteritas, panè PAREM POPVLVM vrbi dedit, quàm Natura procreauit.* Ludit in verbo eleganter: nec minore copiâ factos ab arte illos homines in vrbe fuisse vult, quàm istos à naturâ. Ludit in verbo, in referiò dicit. & P. Victor in fine Descriptionis suæ claudit, TABVLAE ET SIGNA SINE NUMERO. Planè sine numero. atque

atque ego tibi de *Tabulis* etiam oblitus eram dicere, sed hic monitor suggestit: quas scito magnorum illorum artificum fuisse, & ob quarum vnam alteramque, vel Romam philocali & elegantes illi venirent. Iam de *Pretio* statuarum, quod tetigi, quis non vel è materie cernat? Omitto marmoreas illas & æreas infinitas: dico *Argenteas*, *Aureas*, *Eburneas* fuisse. Et argenteæ quidem sub Augusto maximè increbuerunt, Plin- Cap. 13.
nio & Suetonio notatum: sed ille moderatus est, & suas conflavit: non ita alij Principes, & nominatim Domitianus, qui superbo arbitrio (Suetonius scripsit) *statuas sibi in Capitolio, non nisi aureas argenteasque poni permisit, ac ponderis certi*. Nota materiem, nota pondus: & ex solido utroque igitur metallo fuisse. Fortasse autem pondus in his Statianis versibus expressum:

Da CAPITOLINIS æternum sedibus aurum,

Quo niseant sacri CENTENO pondere vultus.

Statuam Domitiani consecrari poni que vult in *Capitolio*, & eam non minus *centum pondo*. In *Capitolio*, inquam. nam & hunc locum sacerrimum profanus Princeps statuis suis sedem eligebat. Plinius in Laudatione Traiani: *Itaque tuam statuam in vestibulo Iouis Opt. Max. vnam alteramve, & hanc æream, cernimus: at paullo antè ADITVS omnes, omnes GRADVS, totaque AREA, hinc AVRO, hinc ARGENTO relucebat, seu potius polluebatur, cum incesti Principis statuis permixta Deorum simulacra sorderent*. Quod autem ad illud pondus, alix etiam grauiores, ne dubita. atque aded Commodus Imp. statuam millelibrarum auream habuit, cum tauro & vaccâ, quasi urbis conditor: quod in Dionis compendio est scriptum. Itaque nec pro magno aut vero satis habeam, quod est in Trebellij Claudio: *Populus Romanus, sumptu suo, in Capitolio ante Iouis Opt. Max. templum, statuam auream decem pondo collocavit*. Quid? Principi suo totus populus, & in tali loco, tantillam statuam ponat? Scribe, scribe, ∞. pondo: id est mille, & hinc quoque nota, millenariam notam in Denariam mutasse. Eidem Principi (idem Trebellius notat) *in Rostris posita columna est, & palmata statua superfixa, librarum argenti mille quingentarum*. Disce & hinc pondus grande in utroque meliore metallo: quod crebrum omnino fuit, & crebrius etiam misceri, & æs vel argentum inaurari. Ammianus de vulgo Romanorum Lib. xvi.
nobi-

nobilium: *Ex his quidam æternitati se commendari posse per Statuas æstimantes, eas ardentèr adflectant, atque AVRO curant IMBRACTEARI. quod Acilio Glabrioni delatum est primò.* Inauratas intellegit, quod aliquoties in lapidum titulis expressum legi, SVB. AVRO. STATVAM. PONI. In eodem Ammiano, vides studium in eâ re Romanorum. quod & ante illum Dio aperuit, & simul repressum ostendit. *Urbs, inquit, statuis implebatur. quia licebat cuique passim in Tabulâ, Ære, Marmore, se publicare. quod Claudius Imp. vœtuit, & plerasque iam positas loco movit, & aliò transtulit, edixitq; ne quis in posterum PRIVATVS poneret, nisi Senatus permissu: excepto, si quod OPVS PVBLICVM faceret, resciceret ve.* Coercere igitur Princeps ille voluit, quia nimia iam copia: & vr̄em, vias, vicos, non ornabant, sed stipabant & arctabant. Atqui exceptio quam ponit, & permissio item à Senatu, fræna iterùm laxant: & in vr̄be qui non potuit, is se in villis aut agris publicabat. Ad summam, mi Auditor, hæc vna res ad Opes item est Romanas ostendendas: & maximè si varias species Statuarum cogitas, Colossæas quasdam, Curules, Equestres, Pedestres, & habitu variante & diuerso. Quid quod equorum, leonum, sphyn gum, & variorum animalium? vt Obeliscos, & hæc talia omit tam. AVD. At enim mihi hîc cogitatio, & panè cupiditas. LIPS. Quæ? AVD. Improbula. nam cur non fas è statuis illis aureis argenteisque Deorum vel Principum, aliquid transeuntem abraderè, vel rescicare? LIPS. Nefas homo, nefas. Tu è statuis Principum? capite luisse violata illa sacra. Sed nec Priuatorum licuit. AVD. Nam quis sciuisse, aut dixisset? de nocte. LIPS. Disce, imperitus es, custodiam & cautelam antiquam. Miles in vr̄be excubabat, *Urbanus ille & Vigilum* ad templa, ad loca item publica: sed præterea certus etiam Præfectus huic Statuarum custodiæ, & qui militem haberet. Vocarunt id officij, *Comitiuam*

Lib. vii.

Lib. vii.

Officium

Officium tuum, & MILITES consuetos, noctibus potiùs inuigilare compelle: in die autem ciuitas seipsa custodit. Atque hic est qui Comes Romanus appellatus, quia Romam, & eius opera, seruabat.

CAP. X.

De Viarum magnis operibus, & nominatim de Appiâ.

AN & longiùs etiam eo? nec Romam solùm, sed quãdam circa eam, ostendo: faciã, vt inter tantas Opeſ & animos, me quoque largum fieri videas & benignum. Tria occurrunt, præter Ammiano dicta, vel maximè ADMIRANDA, *Via, Aqueductus, Cloaca.* AVD. Nō sustineo me, nec reprimo: tu *Cloacas* nobis inter magnifica, & sordes has inter illos splendores? Hoc verè est, quod poëta dixit: *stellis nebulam spargere cãdidis.* LIPS. Non sic dices, vide & audi: imò & sub terrã thesauros tibi ostẽdam, & latentium quorũdam operum moles. Sed ordine videamus: & primò iudicium de his tribus Dionysij. Scriptor ille sub Augusto Romæ fuit, & per viginti annos circiter vixit: ergo benè eã vidit, nouit, & (vt viri ingenium) diiudicauit. Profert & eloquitur: *Ego sanè in tribus MAGNIFICENTISSIMIS operibus* Lib. 111.
Romæ, & è quibus MAXIME APPARENT illius imperij OPEs, pono
AQVAEDVCTVS, VIARVM munitiones, CLOACARVM structuras.
Neque id solùm ad VTILITATEM eiusmodi operum respiciens, sed etiam ad IMPENDII sumptuumque modum. Ecce, hæc tria vult velut specimen & argumentum esse Romanæ opulentia & potentia: siue ab vsu consideres, siue ab impendiis & sumptu. Quod ille censuit, tu accensebis, cùm singula dispicies & intentè lustrabis. Primæ sunt *Via*, quas illi non in Vrbe solùm, sed extra eam, ad longissima spatia, plurimas, & plurimo opere, munierunt. Stupor me habet, cùm vel vnã *Appiam* considero: de quã Procopium, non me, audi. *Belisarius*, inquit, *viã Latinã exercitum duxit, Appiã ad laeuam dimissã.* Hanc *Appius Romanorum Censor* ante annos nongentos struxerat, & à se dederat nomen. *Longitudinem eius quinque dierum spatium vir expeditus possit emetiri.* Ab vrbe Romã Capuam pertinet, eã latitudine, vt duo currus ex aduerso obuij, liberè queant peruadere & commeare. Est est sanè hæc via, præter ceteras, spectabilis. siquidem *Appius* ex aliã & longinquã tunc,

Lib. 1. de bello Goth.

vt reor, regione excisos lapides, & hos quidem siliceos, ac suopte ingenio durissimos, in hanc viam vehendos curauit. Quos planos deinde ac laues redditos, & quadratos incisione factos, iunxit & in ordine locauit, metalli nihil vel alterius rei inferendo. Sunt tamen ita connexi, & validè inter se harent, vt speciem visentibus prabeant, non coniunctos ita, sed congenitos esse. Et quamuis tot iam sæculis atterantur, assiduus plaustris iumentisque: tamen neque serie suâ vel minimum excunt & dimouentur, neque franguntur, aut leuiorem suum amittunt. Hæc Græcus ille scriptor, & oculatus arbiter, extra argumentum historiæ suæ accuratè inseruit, admiratione inductus, quæ stylum cò traxit. Examinemus, & libremus. Ait, *Appium ante annos nongentos struxisse.*] Imò oblingentos quinquaginta circiter, quod Falti dicent. Si autem strauit lapidibus Appius: quid est, quod in Liuiο legimus, *Q. Fuluium Flaccum & A. Postumium Albinum Censores, vias sternendas silice in vrbe, & extra urbem glarea substruendas, marginandasque, PRIMOS OMNIUM locauisse.* Quomodo enim primi omnium, cùm hi fuerint Censores anno Urbis DLXXX: at Appius aliquot ætatibus præcessit? Quid, quod *Flaminia* via diu antè strata, & sub bellum Punicum secundum? An hoc Liuius sensit, *glarea* tunc primùm stratas? an potius, primos ipsos locauisse? an denique ad *Censores* iunctim refert? per otium examinandum sit. Obserua autem in Liuij verbis, duplicem rationem sternendi, vel *Glarea*, vel *Silice*. Quæ vtraque & Tibullo notata, ad Messallam:

Namque opibus congesta tuis hæc GLAREA dura

Sternitur, hic aptâ iungitur arte SILEX.

Obserua amplius, *marginari* solere: quod caput sanè erat, & Agger ille viæ cùm altiusculus, & instar puluilli esset (ita soler:) firmiter arctari & stringi lapidibus grandioribus ad oras debebat, ne diffunderet & spargeretur. Hoc *marginari*: & ibidem etiam alij lapides duplices, & ad vsum duplicem. Priores, Cippi quidam eminentes, in quibus insidere fessis, onera reclinare, aut & ascendere ex iis in equum fas esset. Ij crebriores dispositi per totam viam: alteri autem rariores, qui vt Columellæ exstabant, & notis numerorum incisi, milliaria notabant. Vtrumque hoc G. Gracchus instituit, Plutarcho notante: & gratum in vulgus fuit. Cur non esset? experti nos peregrinantes sumus, nihil magis

gis ad tedium, & fatigationem esse, quàm ignaros spatiorum oberrare: & cōtrā, refici animum ac vires eā signatione. Quintilianus benè: *Partitio reficit audientem, non aliter, quàm facientibus iter, multum detrahunt fatigationis* NOTATA INSCRIPTIS LAPIDIBVS *spatia*. Rutilius eodē pertinet:

Intervalla via fessis prestare videtur,

Qui notat inscriptus MILLIA multa Lapis.

Hinc ille mos per *Lapides* computandi: quos Græci ab hac notatione milliarium, *Συνέια* vocant: id est *Signa*, siue *Notas*. Sed pergit Procopius, *Longitudinem via Appie, quinque dierum esse.* Quid? vniuersæ eius Brundisium vsque? non opinor, nec res est: sed Capuam dumtaxat, quò & Appius produxit: & verba Procopij ita dicunt. *Notavit & Frontinus: Appia aqua inducta est ab Appio Claudio Censore, qui & viam Appiam, a portâ Capenâ vsque ad urbem Capuam muniendam curavit.* Neque verò vltcrius ille potuit, cū nec vltcriores tūc Romani fines. Quis autem longius, & Brundisium vsque muniuerit, in obscuro est: munitam tamen id constat. Ecce Strabo, *Viam Appiam Terracinæ facit mare* Lib. v. *primum attingere, & Brundisium vsque stratam esse.* Tacitus Libo-
nem consulta uille: *verum habiturus esset opes, quis viam Appiam* Lib. III.
Brundisium vsque pecuniâ operiret. Denique & Horatius: Ann.

Brundisium melius Numici via ducat, an Appi?

Producta igitur: an à Iulio Cæsare, quem Plutarchus scripsit, *Appie Curatorem factum, plurimum pecuniæ in eam impendisse?* an ab Augusto, qui plerasque omnes vias per Italiâ ipse, aut per alios, inunivit? Nam Plinio accedere, siue is Nepos est, *de Viris illustribus*, non possum: qui *Appium viam Brundisium vsque lapidibus strauisse scribit, vnde illa Appia dicta.* Nam hoc sanè certum, loca ea id xui, hostilia aut aliena Romanis fuisse. Tota autem hæc longitudo est, *milliarium circiter CCCL*: nequis de quinque diebus Procopio dictum, huc trahat. AVD. Atqui nec Capuam vsque tanti sunt, nisi ignauo & parum accincto viatori. LIPS. Fateor, sed flexus etiā suos & declinationes scito viam habuisse. Addit de latitudine, *ut duo currus peruaderent.* Nescio, neque dimensus sum (alibi tamen potest, & exstat:) sed opinor igitur haud minus viginti quinque pedes patuisse. Ampliùs, de materie, *ex longinquâ regione lapides aduectos, eosque siliceos.* Silicem

intellegit, durum asperumque lapidem, & è rupibus: non illum minutum & tenuem, quem vulgò vocamus, & qui in *Gla-ream* potiùs vènit. Illo modo Plinius, Liuius, atque alij locuti. Sed è quâ regione petiti? in viciniâ tales non esse, hoc Procopius indicauit. Onufrius Panuinus hoc ampliùs, *montes ostendit duos, ad Sinuessam vnum, alterum inter Puteolos & Neapolim, è quibus saxa ea, colore & duritie FERRVM referentia, videantur excisa.* Fides penes illum sit, rerum veterum tamen curiosum, & satis peritum. AVD. Quid, quod apud nos simile? LIPS. Vbi? cupio audire. AVD. In *Hannoniâ*, vt nos vocamus (nam patres *Hannoniam* dicebant) ad opidum *Bauacum*. Columna illic milliaria in Foro medio est, vt illa Romæ, ad quam viæ istæ finiunt, siue ordiuntur. Sunt autem *glareâ* & minutis silicibus strata, & ducunt in præcipuas Galliæ partes. Vestigia & reliquiæ multis locis comparent. Quod autem dictum volebam simile, est non nihil dissimile: sed tamen & simile. Nâm *glarea* & lapilli vnde aduecta, difficilis indagatio est: cum in vicinis agris nò gignantur. adeò vt Bouillus quidam, qn̄ vidit & inquisiuit, censeat *vel ab humo ebullisse silices, vel ab alto æthere depluisse, vel deniq; non humanâ manu aduectos.* Quod postremum & vulgus censeat, feruntque *magicum opus*, & à reginâ *Brunechilde* exstructas: cuius & nomen ferunt. LIPS. Ah, ignaros & incredulos Romanorum operum! qui hæc talia militari manu, & prouincialium item subsidio, supra omnem fidem patrabant. At in Procopio pergamus, qui addit, *Lapides planos quadratosque fuisse.*) Conspiciuntur hodie tales, diuersâ magnitudine, *trium, quattuor, quinque* etiam pedum quaquauerfus. Cetera de *iuncturâ & firmitate*, vtque *vnum corpus* appareant: sunt miranda magis, quàm explicanda. AVD. Certè mirifica hæc Via: sed tu nempe vnâ & eximiam eligis, de quâ poëta,

* vocantur
Chausées
de Brune-
hault.

Appia LONGARVM teritur REGINA viarum.

aliæ non ad istam. LIPS. Mihi crede, ad istam. etsi hæc celebritate, & longitudine eminuit: quia à Româ in Græciam, Asiam, & trans mare ducebat. Sed quid *Flaminia* via, an breuior? quæ Româ Ariminum vsque, & inde porrò Aquileiam ducebat? Nam quod ad munitionem, pleræque similes: nec in Italiâ solum plurimæ, sed in prouinciis ipsis, Isidorus scripsit: *Panos primos lapidibus*

*lapidibus vias strauisse, quas postea Romani panè per TOTVM ORBEM disposuerunt. Et quomodo? excisis sæpe montibus, complanatis vallibus, vt æquabiles, & faciliores ita viæ essent. Strabo: Εστρα-
 σαν δὲ καὶ τὰς ὁδοὺς, περὶ διήσεις εὐκοπῶς τε λῶσαν, καὶ ἐν χαώσεσι κοιλᾶσαν,
 ὥς τὰς ἀρµαµάχας διέχιδαι πορθημένων φορτία: Strauerunt & Vias, ex-
 cisiss montibus, vallibus repletis, vt currus vehere possint & suscipere
 nauium onera. Habes vias, & ornatum: mentior, & itane præci-
 puum me fugiat? præcipuum dico, si non in vsu, at splendore
 & voluptate. Id fuit, quòd monumenta & sepulchra passim ad
 viam assita, & latus vtrumque prætexebant. Quàm pulcher il-
 le aspectus vianibus: quanta & seniorum, & iocorū, materies?
 Illic illustrium ingeniorum, aut clarorum virorum memoria
 & inscriptio: alibi libertorum, scruatorum, scortorum superba
 monumenta. Mirari, dolere, illudere, etiam detestari occasio
 erat: & quid in tot titulis & inscriptionibus pasci? Quædam
 enim à meliore ingenio, & scitæ; quædam aliquâ notâ aut in-
 uentiunculâ spectabiles, & istæ quæ hodie exstant, dicent. AVD.
 Ita me Deus, iuundum aspectum! & ego si in tali viâ, remo-
 rer, subsistam, indormiam. LIPS. An non & hoc sapienter cogi-
 tes, omnium illorum qui disparibus monumentis teguntur,
 parem in exitu sortem fuisse? *Æquat omnes cinis. impares nasci-
 mur, pares morimur.**

CAPVT XI.

Aqueductuum mira.

SED *Aqueductus* iam nostros videamus, & puluerem for-
 desque, si quas è Viâ contraximus, abluamus. Quid in iis
 tamen hæream? Iulius Frontinus est in manibus, qui olim
Aquarum Curator, pulcherrimos libellos duos de totâ te scripsit,
 & ad nos venetunt. Ex illo, aut aliis, quædam libabo. Diu igitur
 Roma sine *Aquæductibus*, & Tiberis, ac si qui fontes natiui
 etant, sufficiebant populo, sed nondum sic aucto. Vrbe dein
 magnâ, plenâ, & cum in collibus, procul à flumine, degerent;
Optimum rerum aqua, vt poëta canebat, quæ sita, & per tubos ac
 canales, in fornicibus lateritiis, Romani aduecta. Id factum pri-
 mò, anno Urbis ccccxli. cum Ap. Claudius Censor, idem qui

Pind.

Vias sternere instituit, hoc quoque bonum inuenit. Ab eo est *Aqua Appia*, per milliaria circiter *vndecim* deducta. Hoc initium: sed Deus bone, quæ mox incrementa? Nam egebat sanè ille populus aquis, non solum ad potum, sed ad balnea, ad fullonicas, ad Naumachias & Circos. Atque ita vbertim inducta fuit, ut quisque domi, aut in vicino, haberet copiam: scribitq; Strabo, FLUMINA per urbem & Cloacas videri fluere, atque VNAM QVAMQVE DOMVM propemodum habere fistulas & canales, quibus aquam inducat. De eadem re Plinius: Siquis diligentius aestimauerit AQUARVM ABVNDANTIAM in publico, Balneis, Piscinis, Domibus, Euri-
 pis, Hortis, Suburbanis villis, spatioque aduenientium exstructos ARCVS, montes perfoscos, conualles equatas, fatebitur NIHIL MAGIS MIRANDVM fuisse in TOTO ORBE terrarum. Copiam habes, molem in adducendo habes, miraculum super omnia mira orbis, Plinio quidem iudice, habes. Quid Cassiodorus de istis? *Formas* ipse appellat hos Ductus, quod & Iurisperiti, atque inferior ætas fecit. De iis igitur: In Formis Romanis utrumque præcipuum est, ut & FABRICA sit mirabilis, & aquarum SALVBRITAS singularis. Quot enim illic FLUMINA quasi constructis MONTIBVS perducuntur? naturales credas alueos, soliditates saxorum: quando tantus impetus fluminis tot sæculis potuit sustineri. Credamus hoc ergo iam Frontino, paucis fideisque verbis effanti: MAGNITVDINIS Romani imperij, id PRAECIPVVM esse indicium. Benè & verè, quia non Romæ tantum, sed in coloniis plerisque, & maioribus opidis, hæc fuere. Sed norimus Romanos, & alios, ab his exemplis. Ij fuere in urbem perducti quattuordecim (ut Procopius eos numerat) coctili laterculo per præcos illos edificati, eâ LATITVDINE ac simul ALTITVDINE, ut vir eques commodè per eos possit incedere. Vide an non verè aluci quidam fluminum dicatur, cum tam magnis amplisque canalibus aquas vehant. Sed hæc altitudo, de ipsis modè est: quid Arcus & Fornices arbitraris? quos in quibusdam locis subleuatos centum nouem pedes, Iulius Frontinus affirmat. O rem stupendam! & magis, quod à tot milliaribus continuo opere (et si non vbique sic alto) perducebant. Reperies quosdam à QVADRAGESIMO milliari perductos esse: & nèpe per valles, per montes, per tot inæqualia, supra, infra terram: ô iterum rem stupendam! & Rutilium audi:

Quid

Quid loquar AERIO pendentes fornice riuos?

Quævis IMBRIFERAS TOLLERET IRIS AQVAS.

Hos potiùs dicas creuisse in sidera MONTES.

Tale GYGANTAEVM Græcialaudat opus.

Sunt certè, aut videantur, opera Gygantum, an Geniorum aliquis dicat? & mens obnubilat Architectis nostris, cùm vel reliquias paucas & ruinas vident. Exstant iuxta Sublaqueum *Aquæductus Claudiani* fornices, & ingentes pilæ sustentantes: quas Albertus Leander sedulò vidit & scrutatus est. erumpit deinde in hæc verba: *Fieri profectò non posse scio, quin omnino incredibilis sit, nisi oculis vsurpetur, operis huius ratio ADMIRANDA. Nec enim MAIUS QUIDQVAM excogitari posse HVMANO INGENIO arbitror, quàm quod hic Romani, effossis tanto spatio MONTIVM intimis visceribus, fecerunt. Ad quæ opera patranda NUNC TOTVS ORBIS infirmus futurus videatur.* Siquis veterum hæc dixisset, blanditus scilicet ævo suo aut suis fuisse: quid iste vir nouitius? quid in talibus & curiosus vnicè, & peritus? loquitur autem, ut dixi, de Claudij Aquæductu, de quo & Plinius: *Vicit antecedentes aquarum ductus nouissimum impendium operis, incohatus à Caio Cesare (Caligulam intellegit) & peracti à Claudio. Quippe à quadragesimo lapide, ad eam EXCELSITATEM, ut in OMNES VRBIS MONTES leuarentur, influxère Curtius atque Cæruleus fontes. Erogatum in id opus HS. ter millies. Notabile valdè, & vtile, quòd in summos Urbis colles aqua inde & deriuari, & dispensari posset: adeò in altum educta erat.* Hoc ipsum Cassiodorus notat, *Claudiam, per tantam fastigij molem, sic ad Auenticæ caput esse perductam, ut cùm ibi ex alto lassa ceciderit, cacumen illud excelsum, quasi unam vallem, irrigare videatur.* De pecuniâ autem in id opus imputatâ (fuerunt, ex Plinio, septem nostri miliones, & semis) valdè miror Budæum nutare, & pænè mutare. Per fidem, quæ causâ est? imò augendi causâ, si quis benè examinet: & planè, nisi aliqua militaris, aut & sètuilis manus ad opera damnatorum (ut Romani mos) accessisset. Iure igitur, ut claudam, exclamat Frontinus: *Tot aquarum, tam multis NECESSARIIS molibus, Pyramides videlicet otiosas comparem, aut cetera inertia sed famâ celebrata opera?* Non compares Frontine, minimè: hæc sunt, ut Plinius appellat, *verâ estimatione INVICTA MIRACVLA*, & quibus alius orbis

orbis tam æquo animo victum se à Romanis, quàm armis, fateri debet. Dixi autem ex Procopio suprâ, Aquæductus istos *xiiii.* fuisse: sed auget P. Victor, & *xx.* numerauit. Plinius quædam de *Lacubus* aliisque additamentis Aquæductuum scripsit, non sine miraculo etiam audienda. *Agrippa in Ædilitate suâ, adiecit Virgine aquâ, ceteris corruatis atque emendatis, LACVS septingentos fecit, præterea SALIENTES centum quinque, CASTELLA centum triginta: complura etiam CVLTV magnifica. Operibus iis SIGNA trecenta ærea aut marmorea imposuit, COLUMNAS ex marmore quadringentas: eaque omnia ANNO SPATIO. Hæc vnus Agrippa, & vno anno. O virum Augusto Principe dignum! ô virum vel Principatu dignum! & non credo benignius & publicè utilius ingenium, nō item modestius & Principi aptius, exstitisse. Tales, tales sint vobis ô magni Reges consiliarij & ministri: qui opibus per vos aucti, eas in publicum refundant, & gratiam gloriamque simul, operibus suis, apud posteros, imperij vestri propagent. At scripsit Plinius Lacus septingentos ab eo factos: rectè, ab eo: sed plures longè fuere in vniuersum, & mille trecentos quinquaginta duos Notitia imperij collegit. Isti non aliud, quàm aquarum in publico receptacula: è quibus petere omnibus fas esset, etsi gravior æstimatorque è *Salientibus* ipsis sumpta. Nota autem in Plinio, tot *Signa*, tot *Columnas*, ad ornatum Lacuum, *Salientium, Castellorum*: atque ea ab vno Agrippâ: quid arbitraris ab aliis prioribus & secutis fuisse? Atque alia etiam assidua multa impendia circa has aquas: quarum *Curatores* ab Augusto instituti, cum *lectoribus, seruis, scribis, librariis, accensis, præconibus*: vt Frontinus scripsit, ipse inter Curatores. Sed præcipuum, quod familiæ & homines certi ad tuenda hæc opera, sumptu publico tolerati. Quod idem Frontinus ita prodidit, & Agrippam primò, *per seruos priuatos suos hæc fecisse, eamque familiam Augusto morientem legasse. Augustum deinde publicasse, & deinceps mansisse: atque habuisse homines circiter CCXL.* Erat autem & altera, inquit, *Familia Caesaris dicta, & numerus eius CCCLX. quam Claudius, cum aquas in urbem perduceret, instituit.* Addit, in utrâque varia ministeria fuisse, *Villicos, Castellarios, Curatores, Sulicarios, Tectores, aliosque opifices.* Habes igitur perpetuos homines sexcentos, ad Aquarum tuitionem.*

CAPVT XII.

Cloacarum mira.

QUAS Aquas nunc dimitto, & ad *Cloacas* te duco. Eas scito à Tarquinio Prisco rege structas, quo nemo Regum plura aut meliora. Structæ autem ad munditiam, quod clarum est, sordesque omnes vel ablundas, vel euehendas: sed & ad sanitatem, quæ illam amat. De magnitudine huius operis, quia mirabaris nos mirati, Plinij & Cassiodori verba danda sunt: qui uterque satis firmiter dicet, quid magni rarique in opere isto fuit. Ille igitur: *Cloaca*, inquit, OPERVM OMNIVM MAXIMUM, *suffossis montibus, atque vrbe pensili, subterque NAVIGATA. Fecit id Agrippa in Edilitate, per meatus corruatis VII. annibus, cursuque præcipiti, TORRENTIVM modo, rapere omnia atque auferre coactis. Qui insuper mole imbrium concitati, vada ac latera quatunt, aliquando Tiberis retrò infusi recipiunt fluctus, pugnantque diuersi aquarum impetus intus: & tamen OBNIXA FIRMITAS resistit. Trahuntur moles interne tantæ, non succumbentibus caussis operis, pulsant ruine sponte præcipientes, aut impactæ incendiis; quatitur solum terre motibus: durant tamen à Tarquinio Prisco annis propè octingentis INEXPVGNABILES. Initio audis, operum omnium maximum fuisse: atque ego ac tu fortasse ridemus. AVD. Non audeo, etsi gestio: sed vereor turbare. LIPS. At aliâ atque aliâ causâ etiam rideamus. Tu, quia res vilis attolli videtur: ego, quia toties iam audio, operum omnium maximum, aut maximè admirandum. Quid? semper ista maxima? & tamen res sic habet: ut quidque in manus sumis & examinas, super omnia admiraris: & causas iudicii eius dones. Vno verbo, omnia miraculum: nostrum nunc videamus, & Plinij verba pensitemus. Ait, aut indicat, *navigatas has Cloacas.*] Quid magni, si tam magnæ ut vehem sœni onustam largè transmitterent? Idenim non Plinius solum ita scripsit, sed & Strabo. cùm Romanos ait trium maximè operum curam gessisse, que neglecta videbantur à Græcis: *Viarum, Aquæductuum, Cloacarum.* Additque: *Cloacas istas, LAPIDIBVS SECTIS ET AD NORMAM POSITIS suffultas, spatium etiam currui sœno onusto ad transitum præbuisse.* Enimuero Marlianus, qui dimensus est, prodidit, *pedum XVI. latitudinem se repperisse: de altitudine vellem etiam addi-**

disset. nec minor sanè fuit. Dixit ampliùs Plinius, *Corrinatos VII. annes.*) Intellegi opinor, ipsas septem Cloacas præcipuas, tot quot sunt montes. Nam ex iis defluebant & deriuabantur aquæ ac sordes, & in magnam vnâ confluebant. Quin enim plures minutæ fuerint, non ambigendum est: sed istæ tot fuere quasi flumina, & aluo grandiore, atque ex per plana vrbis ferebantur. **Lib. I.** Liuium sic interpretor, de Tarquinio Prisco: *INFIMA vrbis loca circa Forum, ALIASQUE interiectas collibus CONVALLES, quia ex planis locis haud facile euehebant aquas, Cloacis è fastigio in Tiberim ductis, siccant.* Has olim per publicum ductas idem Liuius **Lib. V.** alibi scripsit: *sed vrbe inquit, incensâ à Gallis, festinatio curam exemit vicos dirigendi, atque ita CLOACAE passim priuata etiam subeunt tecta.* Pergit deinde Plinius firmitatem commendare. & causas concutientes quattuor commemorat: quarum vel singulæ firmissima opera euertant, at non labefactant istud. Sunt, Pugna aquarum & copia intus; Moles & columnæ vastæ, quæ per vias, & super illas, trahuntur; Ruinæ variæ & pondera incidentium ædificiorum; denique validi aliquot Terræmotus. Quidni igitur firmum & rarâ duritiæ opus, quod omnibus resistit? & id per tot sæcula? Et si tamè repararunt, aut fulserunt interim, quod **Lib. XXII.** omnino necesse fuit. notatque Liuius, *Censores detergendas Cloacas, & in Auentino atque aliis partibus, quâ nondum essent, faciendas locauisse.* Quàm sumptuosa illa, aut similis reparatio, dicit apud **Lib. LIIII.** Dionysium C. Aquillius. qui scripsit, *neglectis aliquando cloacis, & non defluentibus, Censores in earum instauracionem mille talenta impendisse in redemptores.* Ea sunt sexcenta millia Philippæorum: quid igitur & quanti paratio vniuersa, si tanti in partibus reparatio? Sed audiamus & Cassiodorum de istis, ac finiamus. **SPLENDIDAE** Romanæ ciuitatis **CLOACAE**, tantum visentibus conferunt **STV-POREM**, vt aliarum **CIVITATVM** possint **MIRACVLA** superare. Videas illic **FLVVIOS**, quasi montibus concauis clausos, per ingentia stagna decurrere. Videas **struētis NAVIBVS** per aquas rapidas, non minimâ sollicitudine, nauigari, ne precipitato torrenti, marinâ possint naufragia sustinere. Hinc ô **ROMA SINGVLARIS**, quanta in te sit potest colligi **MAGNITVDO**. quæ enim vrbium audeas tuis culminibus contendere, quando nec **IMA** tua possunt similitudinem reperire? Pulchra conclusio, & in scito eo dicto conquiesco.

CAP. XIII.

Traiani Pons in Danubio.

AV D. Non patiar, & te excito. Quid enim? tu & ego destituamur in his Cloacis? quæ ut sint, magnæ, operosæ, mirabiles; tamen Cloacæ sunt, & oletum suum habent. Exime nos, & mundiùs alibi pone. LIPS. Hem! bona monitio. sequere me ad Danubium, & illîc in eius aquis lauemur. AV D. ATiberi ad Danubium? bonus saltus, quis Pegasus nos vehet? LIPS. Ille Mentis: quæ momento summa, ima, propinqua, dislita, permeat & peruadit. Nec ad Barbaros tamen imus, ne metue. AV D. Ego verò metuo, & iam cor meum vasa colligatarque abit. Nescis tu pugnas illîc cùm maximè nunc pugnari? & in quibus vita, libertas, religio aguntur? LIPS. Scio, securus esto. Romanus imperator, atque is Traianus, aderit, cum legionibus suis copiisque. Vrinam nunc tales ibi decem, tali disciplinâ? ô quàm Victoria mox applaudat & circumuolet purpureis suis penhis? Sed ecce in Danubio *Pontem* libet memorare, quem dictus ille Imperator struxit: operum omnium fortasse, arte & difficultate maximum, si non sumptu. Describit graphicè Dio Cassius, & gratia sectori eius Xiphilino esto, quòd hanc partem non recîdit. O quàm pulchras valentesque ille alias? nihil penè nos fugeret in rebus Romanis (tanta diligentia & accuratio fuit) si scriptor ille totus exstaret. Sed de Ponte, sunt verba è Compendio Dionis: *Traianus Imperator pontem lapideum super Istrum statuit, quem EGO NEC DIGNE QUIDEM HABEO ADMIRARI. Nam etsi alia pulcherrima Principis eius opera exstant, tamen hoc est. SVPER OMNIA. Pile igitur eius sunt viginti, è lapide scilicet & quadrato, quæ altitudinem habent CL. pedum, latitudinem LX. Distant inter se CLXX. pedes, fornicibus decemque. Quomodo autem non aliquis SVMP TVM in istas admiretur? quomodo non & destituendi firmandique modum? idque in flumine MAGNO ET VORTICOSO, & fundo ipso infido & limoso. nam nec auertere quidem cursum fluminis licuit vlllo modo. Nec verò de magnitudine fluminis idèd dixi, tanquam ibi maximum sit (imò verò alibi duplo maius est aut triplo, atque in istar pelagi se diffundit:) sed quia locus ille artifissimus ibi locorum, & aptissimus ponte iungi, est tantus. Quo autem*

magis in arctum illud ex lato contrahitur, & rursum in latum se effundit, tanto nimirum & rapidius fluit, & profundius existit. Vt hoc quoque difficultatem atque arduum operis valde auxerit. Magnitudo igitur animi Traiani ex eo quidem constat, non tan en vsu nobis nunc præbet: sed pila duratæ sunt, quasi in eum finem modo structæ, vt documento sint NIHIL ESSE QVOD INGENIO HVMANO NON POSSIT EFFIC1. Additque deinde, Hadrianum Imp. metu ne Barbari eâ transirent, an æmulatione in Optimum Principem, iussisse superiora Pontis dirui: atque ita Pilas solas mansisse. Quid autem ego aut tu hîc dignè miremur? negat ab illo ævo Dio, se id posse. Atqui plura magna & magnifica viderat, quàm nos mente concipere aut deformare possimus. Putat tamen & censeret, omnia ab hoc opere superata: quod leuiter adlîstamus, & inspectemus. Air, *Pilas viginti* fuisse: atqui Paulus Iouius, florentis ingenij & stili scriptor, dicit etiam nunc *triginta sex* extare & conspici, in confinio Valachix & Transiluanix, ad opidum *Seuerinum*. Vtri credam? sanè si oculi nunc conuincunt ita esse, manus & herbam do, videant modò & dicant, qui adsident & possunt arbitrari. Sin rationem & scriptionem Dionis sequor; adferam audacter de *viginti*: quia signanter notat, fluuium ibi arctissimum (vt in iis locis) esse. Atqui descriptio ista *viginti* *Pilarum*, quæ *sexaginta pedes* latæ sint, quarum fornices, *centum septuaginta*: quid efficit & colligit, nisi fluuij latitudinem *quatuor mille septingentorum septuaginta* fuisse: id est, paullò minus, *vnus miliaris*. Si aliter, aut si grandius, videbunt ij qui accolunt & docebunt: tum nobis opus rescribere & reformare ipsum Dionem. Nam quod aliquis dicat eum nescisse, aut de opinione ista scripsisse, ipse opinetur & erret. cùm vir ille insignis peritîa rerum & honoribus, in ipsis iis locis Præses fuerit Dalmatix, Pannonixque. Itaque scire omnino potuit, & debuit, in cuius istâ rerum scribendarum. Vereor vt Iouius sit, quod etiam alibi, auditionum facilis, & parum diligens examinis aut veri. Sed vt dixi, vicini aut inspectores arbitrantor. Ait Dio amplius: *Pilarum interuallum fuisse centum septuaginta pedum*. Ita me Deus (nam exclamo) grande hoc concamerationis spatium, nec efficiendum, nisi altitudo illa Pilarum accessisset, & tardè ac lentâ inclinatione fornix surrexisset. Præterea, mirari se quomodo in tali
profun-

profundo flumine ex verticibus Pile firmatae.) Ego tecum, ô Dio, miror: & maximè, cum neges auerti flumen potuisse aut derivatione exhauriri. Difficile omnino opus, & fundamentorum molitio talis è lapide: si sublicarum & materiæ res esset, aliud esset. Sed heus tu Hadriane! si citare Imperatorem fas, dica & lis tibi apud me sit, fortasse & punitio: quòd talem pontem vix benè structum destruxisti. Dicam tibi verum vel mortuo: Invidisti optimo maximoque Principi, & habere super omnes gloriam voluisti magis, quàm meruisti. Valete *Opera publica*: quin tu etiam, mi Auditor, in crastinum vale aut salue.

CAP. XIII.

Priuatorum hominum Urbana aut Rustica aedes.

AV D. Ego verè nec valeo nec saluo (da veniam immo-
deltiæ:) nec amoliris me, nisi nomine plenè persoluto.
An non, post *Publica opera*, pollicebaris *Priuata*? & certè ita
disponebas; nec tam madidâ memoriâ sum, vt hoc effluerit.
Lips. Disposui, haud nego: sed fatigor, nisi quòd in extremâ ta-
men calce, vt cursores, spiritus & vires excitabo ad spectu ipso
metæ. *Priuatis* igitur *Operibus* duo nunc considero, *Domos* &
Villas. Illæ fuerunt in tam splendidâ & nitenti vrbe, pro ip:â vr-
be, & vt pulchri corporis apta ac decora membra. Domus dico
magnificæ, ornata, instructæ, columnis, in marmore, auro, sta-
tuis: & quidquid excogitare ambitio aut luxuria poterat. Sed
eædem etiam laxæ, patentes: quod docuerint satis Valerij hæc
verba, de Cincinnato, cui quattuor sola iugera aranti non solum (vt Lib. 111.
inquit) dignitas patrisfamilia constitit, sed etiam Dictatura delata est. cap. 111.)
Et tum comparatione quadam & indignatione addit: *Angustè*
se habitare nunc putat, cuius domus tantum patet, quantum Cincinnati
rura patuerunt. Nec est in sermone supergressio: reuera amplæ
domus, & præsertim magnatium virorum procerumque. Quas
& P. Victor ac Notitia imperij propriè *Domos* appellant, & ab
Insulis distinguunt. Itaque computant, *Insulas totâ vrbe quadra-*
ginta sex millia sexcentas duas, Domos mille septingentas octoginta
fuisse: harum longè minore numero, vt quæ tanto grandiores,
instructioresque essent. Enimuerò grandes instructæque: &

De Deo So.
crat.

Apulcij hæc attende. Igitur illas ædificiorum species, in quas PATRIMONIA SVA profuderunt, amœnissimas & exstructissimas deprehendas: aulas AEMVLAS VRBIVM conditas, domos VICE TEMPLO-
RVM exornatas. Sed clariùs Olympiodorus (in Bibliotheca Photij:) Ο'τι ἕκαστος τῶν μεγάλων οἰκων τῆς πόλεως, ἅπαντα εἶχε ἐν ἑαυτῷ, ὁπόσα πόλις σύμμετρεῖ. Ἡ δὲ ταῦτα ἔχων ἱππόδρομον καὶ φόρου καὶ ναοὺς καὶ πηγάς, καὶ λυτερά δῶρα. διὰ καὶ ὁ συγγραφεὺς ἀπεφθέκετο.

Εἰς δὲ οὗτοι ἄνθρωποι πόλιν ἅσια μετὰ τῶν χειρῶν.

Quaque magnarum domuum omnia in se ipsa habet, quæcumque MEDIOCRIS VRBS possit continere: nempe Circum, Fora, Tempa, Fontes, Balnea diuersa. Ideò & poeta dixit,

Vna domus VRBS est. vrbs OPIDA PLVRIA claudit.

Lib. xii.

Examina & nota, mira sunt: sed Martiali etiam paucis versibus comprehensa, In habentem amœnas ades:

Daphnonas, platanonas, & aërias cyparissos,
Et non vnus Balnea solus habes.

Et tua centenis stat Porticus alta columnis,
Calcatusque tuo sub pede lucet onyx.

Pulcreumque fugax Hippodromon ungula plaudit,
Et percutis aquæ fluitus ubique sonat.

Sunt ipsa, quæ Olympiodorus dixit, exceptis Foris: quæ intellegas fuisse hypæthra quædam & subdualia, inter illas Porticus, & statuis aliisque ornatu, in Fori faciem. Plinius: Mox Forum & in domibus priuatis factum, atque in atriis. Honos cliētium instituit sic colere patronos. Hoc ille, vbi de Statuis, in priuato ita dispositis. Sed vt in re maneam, talis igitur laxitas: quid Apparatus & in-
structio? Communiter ita Seneca: Quid inter pueros & nos interest? nisi quod nos circa Tabulas & Statuas insanimus, cariùs inepti. Illos reperti in litore calculi læues & aliquid habentes varietatis delectant, nos ingentium macule COLUMNARVM, siue ex Ægyptiis arenis, siue ex Africa solitudinibus aduectæ, porticum aliquam vel CAPACEM POPVLI canationem ferunt. Miramur parietes tenui MARMORE inductos, cum sciamus quale sit quod absconditur: oculis nostris imponimus. Et cum AVRO tecta perfundimus, quid aliud quàm mendacio gaudemus? scimus enim sub illo auro fæda ligna latitare. Primum in ipsâ domo est, Columnarum dispositio, & è lōginquis petitarum: de quibus Plinij obiurgationes, si quis volet, legito, & de generibus

Epist. xcv.

ribus pretiisque earum totus liber eius existit. Et quidem notat in vnâ Cœnatione *Callisti*, Claudiani liberti, *triginta* se vidisse, easque è Sudine lapide Germanico, cui ingens tunc pretium & nouitas. Idem, in atrio *Scauri* collocatas maximas, atque ad cœ duodequadragenum pedum, *Lucullæ* marmoris. Vide hanc altitudinem in vno atrio, quam multæ domus totæ vix æquant. Alterum in Senecâ, *Parietes marmore indueli*: quod genus *Incrustationes* Latini, Græci *Μαρμαρώσεις* dicunt. Primum autem Roma *parietes crustâ marmoris operuisse totius domus sue*, in *Calio monte*, *Mamurram* equitem Rom. *Præfectum fabrum Caesaris*, Plinius tradidit auctore Nepote. Id non aliud fuit, quam marmor in tenues crustas sectum parieti imponere scitè, & pro tectorio eicare.

Lib. xxxv.

Lib. xxxvi.

Lucanus: *Nec summis crustata domus scelisque nitebat
Marmoribus.*

Declamator apud Senecam patrem: *In hos ergo exitus varius ille secatur lapis, vt tenui fronte parietem tegat.* Secundi autem ratio (in Plinio, & Isidoro) *arenâ, & ferrâ, in prætenui lineâ versante arenas, tractuque secante.* Et nos in Italiâ hodie vidimus fieri. Tertium, *Auro testâ perfundi.* Significat laquearia inaurari tota solere, quod passim scriptores & tradunt & damnant. Musonius apud Stobæum: *τί δ' αἰ χρυσούλοι ἀνδρά, τί δ' αἰ ποικίλων χρίσεις, τί δ' αἰ χρυσοποιήσεις;* Quod pertinent hæc atria Columnata? quod variæ istæ colorationes? quod aurata lacunaria? In secundo enim membro (vt in ea versio est) *χρυσέας* legi cupiam, & ad marmora variegata parietibus imposita referam, vel etiam ad Musium opus. Nam ita & Mamertinus, ad Iulianû: *Neque ei comparande sunt PICTVRATÆ marmorum crustæ, & SOLIDO AVRO testâ laquearia, qui maiorem anni partem in nudâ humo cubat.* Ibidem & *solidum aurum* in Lacunariis notes: quod passim in poëtis, vt in Statio:

*Et nondum CRASSO laquearia fulua METALLO,
Montibus aut altè Graijs effulta nitebant
Atria.*

Qui montes etiam *Graios* poëticè nominat, grandes illas sublimēs quæcolumnas. Idem de vtroque:

*Pendent innumeris fastigia nixa columnis,
Robora Dalmatico lucent sociata metallo.*

Sed & Lucanus, de Cleopatrar reginâ:

* Vultu
satiata.

Ipse

*Ipse locus, templi (quod vix corruptior aetas
Exstruat) instar erat, laqueataque tecta ferebant
Diuitias, crassumque trabes absconderat aurum.*

Quibus versibus tamen plusculum etiam latet, & trabes quidem auratas fuisse vult: sed cameram gemmatam, eboraram. Vtrumque enim & horum fiebat, ad splendorem & varietatem: praesertim in templis (cum templo autem Lucanus comparat) ut quasi caelum imitarentur. Arnobius de templis ipsis differens: *Sint ergo haec licet aut ex molibus marmoreis structa, laquearibus aut remideant aureis, splendeant hic gemmae, & sidereos euomant variata interstitione fulgores: terra sunt haec omnia, & ex face vilioris materia concreta.* Et tu, mi Auditor, obiter & hoc adde ad teinplotum supra ornatum. De ebone autem, in Ciceronis Paradoxis: *Tecta ebone & auro fulgentia.* In Propertio:

*Quod non Tanais domus est mihi sulta columnis,
Nec camera auratas intereburna trabes.*

Non leues potro inductiones, aut ut poeta loquitur, sputa fuisse, Panegyricus ostendit: qui SOLIDO AVRO tecta laquearia commemorat, & poetae supra, *Crassum aurum* dixerunt. Hieronymus autem in Epistolâ quadam, longius etiam hoc producit, & ad parietes ac columnas. *Viuimus quasi alterâ domo morituri, & aedificamus quasi semper in hoc seculo victuri. Auro parietes, auro laquearia, auro fulgent capita columnarum.* Sed alia hinc etiam & ingeniosa luxuria. nam lacunaria ista versatilia faciebant, & aliâ atque aliâ

Ad Gau-
dent.

Epist. xxi.

subinde facie conuiuas delectabant. Seneca alibi: *Versatilia canationum laquearia ita coagmentant, ut subinde alia atque alia facies succedat, & toties tecta, quoties fercula, mutantur.* En, priuata ingenia & luxuriam: quid existimas Principes tētas se & fecisse? Nero Caesar in vestibulo ædium suarum Colossus centum viginti pedum posuit. Hoc principiū: deinde porticus triplices milliariae, item stagnum, maris instar, circumseptum aedificiis ad urbium speciem. Rura insuper, aruis, atque vinetis, & pascuis, siluisq; varia, cum multitudine omnis generis pecudum ac ferarum. In ceteris partibus, cuncta auro lita, distincta gemmis, vnionumque conchis erant. Canationes laqueata tabulis eburneis versatilibus, * ut flores, & fistulatis, ut vnguentis de super spargerentur. Praecipua canationum rotunda, quae perpetuò, diebus ac noctibus, vicem mundi circumageretur. Ita verbatim ista Suetonius:

* Ita impendē publicè legidum docuimus.

nus: multa ADMIRANDA, si tu singillatim explicas & in rem ducis. Sed vnum in hac Principum insaniâ (ita appellanda est) Plutarchi testimonium suffecerit, qui de Capitolij magnificâ & impendiosâ structurâ cum disseruisset, addidit. *Quod si quis hunc Capitolij magnificum instructum miretur, idem si Domitiani in aulâ vnam Porticum, vel Basilicam, vel Balneum, vel pellicum Dietam viderit; exclamet cum Epicharmo,*

Non liberalis aut benignus tu clues,

Profusione gaudes.

Dicit satis clarè, omnia illa Capitolina (quæ & quanta, antè diximus) nugas & quisiuillas videri, præ vno membro aliquo Palatinæ domus. Quod mihi quidem stuporem incutit, non dissimulo: & iam lingua hæret. AVD. Soluam eam quæstiunculâ. Dixti auro distincta vel ebore laquearia, an non & siluis? id est, an non ibi tales species, & intermixtæ veræ aues? Nam Rutilius Gallicanus hoc dicere videatur, in Romæ laudibus.

Quid loquar INCLVSAS inter laquearia SILVAS,

Vernula quâ vario carmine ludit auis?

LIPS. Poëtæ, aut poëtarum potius, vulgatam phrasim non attendis: nec inter laquearia propriè, sed *omnes domos* inter recta & domos includit eas silvas. Lucienim & arbuta in magnis istis ædibus erant: imò & super ædes, quod mireris, erant. Senecam auctorem do, qui, ut solet, castigans & increpans suum æuum: *Pomaria, inquit, in summis turribus serunt, quorum silvæ in* Epist.
CLXXXV. *teclis ac domorum fastigiis nutant, inde ortus radicibus, quò improbè cacumina egressent.* Atque ego Bruxellæ meæ (quam ut alteram patriam colo) hoc vidisse memini, sponcione ita factû, sed in breue aliquod tempus, & cum domus oneri illi non diu esset. Satis de *Domibus*: ad *Villas* eamus. utinam, utinam! sed hæc pericula & latrocinia, domo & vrbe nos claudunt. O Iscanum meum, cur non liberè te fruor & interuiso? cur natali illo aëre & aquis non me recreo? Da deus hoc ante obitum, & pedem atque animum vagum per rura & hortos illos ferre. Sed *Villas* tamen Romanas animo & memoriâ lustremus, ut vel disposui antea, vel promissi. De iis hoc vniuersè Strabo pronunciat, ubi de Pisis & Liguriâ scribit: *Esse ibi lapicidas & materiem ad ædificia vberem, sed quam Romani ad ædificia ferè sua in vrbe aut & Villis consumunt:*

Villis, inquit, *in quibus velut more Persarum REGIAS QVASDAM struunt*. En, Prætoria aut Villæ totæ eorum, *Regias*, & quidem *Persarum*, referunt: quid maius ampliusq; in hanc rem dicam? Vis specimen tamen aliquod in vnâ Villâ? Capitolinum audi: *Exstat Gordianorum villa viâ Prænestinâ, DVCENTAS COLUMNAS vno peristylo habens, quarum quinquaginta Carystea Claudiana, quinquaginta Siemitides, quinquaginta Numidica, pari mensurâ sunt. In quâ BASILICAE CENTENARIAE tres: cetera HVIC OPERI CONVENIENTIA & THERMAE, quales, præter urbem, nusquam in orbe terrarum*. Tu si lubet, per te singillatim lustra: ductorem me vltra non habes. Sed nec Hadriani Villam in Tiburtino ingero, cuius superbæ reliquæ exstant: quid tot aliarum in solo Latio, & circa Romam? Vidimus ipsi apud Ostiam & Ardeam rudera: & per silvas illas aut vepreta, quot Columnæ, aut earum fragmina, cryptæ, porticus, & disiecta ædium membra? O Deus, quæ mutatio? quàm hæc cogitatio me ad te trahit, infirma & incerta hæc omnia humana spectantem, & spernentem? Sed definimus de *Operibus & Româ*: quam decoramus Constantij Imp. elogio, apud Aminianum. *Is enim visis plerisque cum STVPORE HORRENDO, de Famâ querebatur ut inualidâ vel malignâ, quod augens omnia semper in maius, ERGA HAEC EXPLICANDA, QVAE ROMAE SVNT, OBSOLESCIT*. Si fama non potuit adæquare, multiplici suo ore & linguâ: quid ego meo sermone tenui, sine sensuum subsidio, per tenues coniecturas eunte? Sed tu, aliiq; nec dicta suspicamini: & quidquid in maximum conceperitis, fortasse nec id par erit. Philosophemur autem breuiter, duce Hormisdâ: qui regij Persarum sanguinis, à Constantio interrogatus in re præsentî, *Quid de Româ sentiret? Id tantum sibi placuisse dicebat, quod didicisset IBI QVOQVE HOMINES MORI*. Mori mi Auditor, mori: & vbi hæc omnia præclara, ampla, ADMIRANDA? quæri vides, vbi qui fecerunt ea, aut moliti sunt? periiisse vides. Cogita, & tibi applica, nos ipsi, qui hæc meditamur aut loquimur, post aliquot annos, dies, horas, puluis, vmbra, nihil. Nunc vale, & abi.

I. L I P S I
 DE M A G N I T V D I N E
 R O M A N A
 L I B E R I I I I .

C A P V T I .

Transitum ad Virtutem Romanorum, & ea in genere predicata.



V D. Meridies abiit, ego me tibi sisto. LIPS. Video, sed quid ita tristiore vultu? AVD. Nec læta adfero. LIPS. Quæ? AVD. Tibi. LIPS. Quæ inquam? AVD. Vereor dicere. LIPS. Aude. nec ego ex his fatuis, qui ignorare mala, mederi censent. AVD. Obiit tibi ex amicis tuis. LIPS. Hem! ex amicis? effare. AVD. In Galliâ. LIPS. Quis ibi? AVD. Vir doctus. LIPS. Ede nomen. AVD. Et probus quoque. LIPS. Enecas. etsi ab his. notis propemodum iam scio *Petrum Pythæum* esse. AVD. Divinasti. obiit. LIPS. At tu me vulnerasti. sed quo fato? AVD. Suo, & illâ quam Augustus optabat, *ἡ δαυσία* ^{* morte scilicet}. LIPS. Virum magnum Gallia amisit, & inter publicas clades aut iacturas hanc quoque licet ponas. Sed ab exemplo discas, quàm non temerè heri clauseram & monuerim de morte. AVD. Profectò præsagium fuit: sed tu perge ad nostra. LIPS. Inter hæc tristitia, ad illa amœna? durus es. AVD. Quid ergo? dum vivo, non vis me vivere? Et ego Pythæo nostro benè esse spero, & gaudere ac ridere in beatis illis locis: cur doleam? Theodosius Imperator, qui variè in imperio iactatus, cum mors instaret, inscribi sepulchro suo hoc vnum verbum iussit, *ΥΓΕΙΑ*: id est, *Sanitas*. Profectò illa medicina morborum, refugium & asyllum malorum est: & in mundi his fluctibus portus, quem sapiens nunquam fugiat, imò (Deo vocante) totis velis in eum feratur. Tu autem hoc magis perge, quòd iam non amœna, vt aiebas, sed potiùs vtilia aut sapientia dices, & vt partitio erat, de *Viris ac Virtutibus* Romanorum. LIPS. Ita est, quartus hic noster limes: & libentiùs insistam ac decurram, quia tali argumento.

Cur apud te dissimulem? finis & fructus præcipuus mihi studiorum aut lectionum, hæc talia excerpere, & exempla aut dicta enotare ad sapientiam ac virtutem. Fabulemur autem, si placet, ambulantes. Amat valetudo, & lingua hæc magis soluitur in motu. Cōmuniter igitur primū (nec ordo hoc abnuit) laudemus *Romanos*: tum & distinctiūs quædam addamus. Plinij enunciatio est: *Gentium in toto orbe præstantissima vna, & in omni virtute, haud dubiè Romana existit*. Appellas ab hoc iudice, & suspectum de Romanis Romanum habes? Accipe Græcum, & Ammianus prodeat, qui breuibus & grauib. verbis, *Romam imperij virtutūque omnium larem* dixit. Quid homo Gothici sanguinis, Cassiodorus? *Roma virtutū omnium latissimum templum*. Profectò sedes suas per aliquot sæcula ibi habuere, nec iniuriâ ipsi Romani templum struxere *HONORI* pariter ac *VIRTUTI*. Vtramque colebant: sed & *Fortunam* etiam: id est (vt rectè interpretemur) Prouidentiam & Fata ab alto, quæ incredibile est, quàm presso nec tardanti pede secuta sint Virtutem. His duobus incrementa sua Roma debuit, his duobus statum suum & firmitatem. Nullum imperium mihi dabis, & tam magnum simul, & tam diuturnum. Iure igitur Ammianus: *Roma vt augetur sublimibus incrementis, sedere pacis æternæ virtus convenit atque fortuna, quarum si altera defuisset, ad perfectam non venerat summitatem*. Conuenerunt autem ita, vt vtraque suum opus facere niteretur, & pænè dissidium esset in euehendo. Plutarchus alibi hoc vbertim edisseruit: & breuiter ac neruose Annæus Florus extulit, *Ad constituendum Romanum imperium, virtutem ac fortunam contendisse videri*. Sed amica contentio fuit: in quâ tamen vicit, si Rutilium iudicem capis, ipsa Virtus. Nam ille sic Romam adfatur:

*Quot regnas, minus est, quàm quod regnare mereris,
Excedis factis grandia fata tuis.*

Pulchrè. & habuit igitur Fortunam, siue cælitum illum fauorem; sed habuit à caussis, quas iidem cælitæ, per virtutū gradus nexusque, præstruxerunt. Vt id liqueat, videamus primū vniuersè qui *Viri* in imperio illo fuerint, & tum quæ *Virtutes*.

CAP. II.

Triplex ordo in populo ostensus, & quisque in sua parte laudabilis.

Viros confidero dupliciter, & eos qui in Magistratu, Imperiis, Consiliis fuerunt, id est *Capita republicæ*: & parte alterâ, *minora etiam membra*, id est Populum & eos qui paruerunt. Dico utrosque egregios fuisse, nec quibus alia gens facile aut ex vero (de Religione, hæc non est sermo aut quisitio) comparatur. Primores igitur illi in duplici discrimine sunt, *Senatores Equesque*. Illos si inspicias, qui propriè sedebant ad clauum: proh Deus, quanta grauitas, sapientia, maiestas? Ut qui ordinem eum *Ex REGIBVS constare dixit, vnus veram eius speciem cepisse*, Liuius videatur. Is fuit Cyneas legatus Pyrrhi regis: vir nec mentis nec oris egens, qui cum urbem lustrasset, atque etiam blandiloquentiâ & munificentiâ variè tentasset, vndique repulsus, ad Regem rediit: & interroganti *Quid de hostium sede sentiret? Urbem* TEMPLVM sibi visum, Senatvm REGVM esse confessum Lib. ix. Flor. lib. 1. fatebatur. Profectò talis fuit, & nec sub Principum imperio nimis degenerauit. Cassiodorus de suo æuo: *Vrbs ornata tot EXIMIIS SENATORIBVS, beata tam nobilibus populis*: etsi tunc quidem fateor discessisse ab illâ præstantiâ, & ut grande ædificium, paullatim mole suâ defedisce, & mox ruisse. Erant autem in illo Senatu, ut cum Lucretio hoc dicam,

Ductores Danaum dilecti, PRIMA VIRORVM:

eximij, inquam, ciuium, genere, censu, virtute. Nam hæc spectabant: nec temerè viles aut sordidos (etsi plebeios interdum, quos magna virtus eueheret) inopes numquam, & improbos rarò admittebant, aut si tales, non tenebant. Censores enim (ô laudabile & diuinum institutum!) legebant hunc Senatum: arque iidem per singula lustra examinabant, ac relegebant: & si quis loco eo indignus, aut si quid in priuatâ etiam virâ turpe aut maculosum, notabant & emouebant. Quomodo id fiebat? silentio, & sine accusatione vllâ, aut causâ apud iudices dictione Dumtaxat in recitando Senatu, quod publicè & sollemniter fiebat, nomen eius præteribant, quem motum Senatu vellent. Ita cum in albo illo non esset, nec in Senatu censebatur. Causa

quidem iis mouendi semper erat, & hanc subsignabant, & volentibus edebant: sed certare de cā lite, nihil opus erat. iudicium sufficiebat: quod à tam grauibz viris (nam primores ferè Senatus erant) bonum meruisse, laus & approbatio habebatur, culpa & damnatio, trille. AvD. Pulchrum, bis pulchrum: sed cum eā lege, si viri illi boni essent. quid si per affectum iudicassent? LIPS. Rarenter, aut vix euenisse legimus. Nam voces statim omnium damnaissent, & exagitassent: & fac tamen semel iterumq. euenisse, quid magni mali, præ magno illo bono, erit? Non enim alia pœna, quàm Ignominia: facile aut contemnenda, aut eluenda, qui publica iudicia aut testimonia pro se haberet. Denique alij Censores mox reponebant. Nam & hoc scire debes, non in grauibz & grādibz peccatis hanc Censuram interuenisse: ea enim legibus & iudiciis seruabantur: sed minoribus delictis, aut domesticis flagitiis. à quibus vacare & castos esse primos illos Ordines maximè volebāt, & quorum vita erat in exemplum. AvD. Iterum exclamo, Pulchrum/Sed dic sodes, multi igitur isti tam electi in Senatu? LIPS. Initio à Romulo *centum* facti, & *Patres*, iidemq. *Senatores*, vel à curā, vel ab ætate dicti. Postea ad *trecentos* creuère, & in liberā Republicā sic mansère, vsque ad Liuium Drusum. Is in Tribunatu, cum opes Senatus vellet extollere, eosdem iudiciis etiā præponere, numerum auxit, & ad *sexcentos* fecit. Mansisse ita ad Cæsarem opinor, qui per bella ciuilia non opes solùm, sed honores multis largiturus, amplificauit, & vel ad *mille* allegit. Displicuit Augusto, & magnā curā, atque iteratā aliquoties recensioe, purgauit: & denique ad modum veterem, id est *sexcentos*, redegit. Qui sanè satis amplus numerus, etsi in amplo illo imperio: atque ex his plerique, non solùm consiliis publicis semper adhibebātur, sed etiam in prouincias, ad imperia, aut exercitus mittebantur. Itaque curia hæc velut promptuarium erat, è quo statim Princeps caperet viros, ad omnia ciuilia aut militaria munia aptos, & succeduros. Et hoc aspectu tenuerunt Senatum, grande vel vnicum fulcrum illius Principatus. Otho Imperator ipse, apud Tacitum: *Quid? vos pulcherrimam hanc urbem, domibus & tectis, & congestu lapidum, stare creditis? Muta istæ & inanimata interciderè, ac reparari possunt: AETERNITAS RERVM, & PAX*

GENTIVM

GENTIVM, & MEA CVM VESTRA SALVS, incolumitate SENATVS firmatur. Et elogia ista de Senatu, res & veritas multis dictauit. In Cicerone leges: *Senatum PRINCIPEM SALVTIS, PUBLICAEQVE MENTIS*. In Ammiano, *ASYLVM mundi socius*. In Cassiodoro, *Gloriosum Senatum, MORVM QVE LUMINA*. In Petronio, *RECTI BONIQUE PRAECEPTOREM*. Iam in Tacito etiam dicitur, *CAPVT IMPERII, & DECORA omnium PROVINCIARVM*. Cur nominatim de *Prouinciis*? quia iam sub Principibus, ex omni regione capiebantur Senatores. Et ut ditissimi honestissimique Prouincialium ciuitate donabantur, Equites fiebant, ita & mox Senatores. Vtile inuentum, & ad populos sub vnum imperium firmiter colligandos. Symmachus eâ causâ scripsit: *Pars melior HVMANI GENERIS Senatus*. Cassiodorus: *Quidquid HVMANI GENERIS floris est, habere Curiam*. Et Panegyricus scriptor: *Setsisti Roma te tandem arcem omnium gentium, & terrarum esse reginam, cum ex OMNIBVS PROVINCIIS, Optimates viros Curia tua pigneraueris, ut Senatus dignitas, non nomine quàm re esset illustrior, cum ex TOTIVS ORBIS flore constaret*. Alter autem ab hoc ordo est *Equitum*: qui & ipsi ab illis notis tribus probati, aut probandi. Nam de Genere, multi erant è Senatoribus & Patribus orti: & certè liberti aut libertini, nec si Censum haberent (nisi beneficio Imperatorum) in hunc ordinem veniebant. Quod inferiore etiam æuo Alexander Imp. seruauit, de quo Lampridius: *Numquam libertinos in equestrem locum redegit, asserens SENATORVM SEMINARIVM equestrem locum esse*. Erant tamen ex ingenuis multi, & ferè omnes qui Censum equestrem haberent. Is fuit *Quadringentorum*: id est, decies mille Philippicorum. Igitur latus hic ordo & amplus, ut tunc opes plerisque amplæ erant: & idè quod ad Vitam, coërcendus aut recidendus. Apud veteres id quoque Censores fecère, siue in *Transuersione* (quæ tamen eorum modò erat, qui *Equum publicum* habebant) siue per lustra singula, cum ordines digerebant & recognoscebant. Nam hîc quoque Album erat, siue tabulæ, & recitabant: quicquid primus ex iis nominatus, *Princeps iuuentutis* dicebatur. planè, ut qui in Senatu primus recitatus, *Princeps item Senatus*, augusto titulo, dicebatur. Sed cur *Iuuentutis*? an omnes iuuenes? imò viri plures & senes

senes erant: sed causa & origo, quòd olim & primâ republicâ, pauci Equites, nec ferè nisi filij Senatorum. Creuit paulatim largiter numerus, & magnam ciuitatis aut ciuium partem comprehendit: sed nomen tamen *Iuuenum* mansit. Sed & iuuenes antiquis dicti ad annum XLV. AvD. Iam semel iterumque de Senatorum filiis: non ergo ij Senatorij, aut Senatores? LIPS. Caue erres: distinctione hoc dicam. Aliud *Senatus*, si Principum tempora adspicias, aliud *Senatorius ordo*. Ille certo numero stetit, vt diximus, & intrâ *sexcentos*, sub Augusto quidem: at ille, latius patuit, & iuuenes quoque ac Senatorum filij, sed & alij equites in eum cooptati. Censebantur enim Senatorij, qui ius lati clauis à Principe impetrassent: id est, insigne ipsum Senatorum. & in Senatum quidem ij veniebant, sed sententiæ ius fuisse non putabis. Institutum enim Augusti fuit, quod ipsis Suetonij verbis dicam: *Liberis Senatorum, quòd celerius reip. assuescerent, procius à virili togâ latum clauum induere, & Curie interesse permissi.* Hoc ita Augustus, sed restrictè, in *Senatorum liberis*: postea Caligula etiam aliis quibusdam equitibus permisit. Permisit dico, alique Principes: sed sic vt ab ipsis peteretur. Talis est ille Iulius Montanus apud Tacitum, *Senatorij ordinis, sed qui nondum honorem capeisset.* Hos ipsos Senatores interdum dici reperio, vt in

Tacito: vbi Togonius Gallus censet, *Principem diligere Senatores viginti, sorte ductos, ad custodiam sui: & Tiberius custodes oblatos hos amolens, Nam quos omitti posse, quos eligi? bonoribus perfunctos, an iuuenes?* Intellegit hos nostros Iuuenes, qui nondum propriè Senatores, sed, vt ita dicam, Senatoriebant. Hi sunt, qui *Illustres equites* à Tacito eodem, atque aliis, ad discrimen dicuntur: & palàm ipse Tacitus cum Senatoribus iungit, aut coæquat. *Augustus*, inquit, *inter alia dominationis arcana, seposuit Ægyptum; vetuit ingredi, nisi permissu, Senatoribus, aut illustribus equitibus Romanis.* Sed ne abducamur à nostris Equitibus: genus igitur diffusum, & in vario discrimine: erant qui *Equo publico*, erant qui *Iudices*, erant communinomine *Equites* dicti. Illi qui *Equo publico*, tempore Dionysij Halicarnassæi, id est Augusti, ad *quinque millia* erant, aut supra, vt ipse vidit ac numerauit. Qui in Iudiciis, haud pauciores: imò plures ex Plinio scribente, *Iudicum non nisi quattuor Decurias fuisse primò, vixque singula millia*

in Decuriis, nondum provinciis ad hoc munus admissis. Quâ adiectiunculâ notat, largiter plures suo ævo fuisse: cum & Caligula *Quintam Decuriam* addidisset. Quid iam dicemus in reliquâ classe eorum, qui immunes, fuisse? Atque isti Equites, quos Perseus rex apud Liuium ita laudat & insignit: *Equites enim illis, PRINCIPES iuuentutis, equites SEMINARIVM Senatus, inde lectos in Patrum numerum, Consules, inde Imperatores creant.* Quæ omnia satis clara tibi, ex iis quæ dixi. Superest tertius ordo *Plebis*, de quo quid singulariter dicam, nisi triplici discrimine fuisse, Ingenuos, Libertinos, Libertos? Et in militiâ discrimen erat ab hoc Genere; itemque à Censu, sicut & in aliis muniis, siqua publicè subirent. Vita etiam Censuræ permissa: quam tamen neglexisse postea (malo sanè publico) Imperatores video, contentos duplicem illum priorem ordinem recognosse. AVD. Satis decora & utilis tota hæc Ordinum distinctio: sed vulgò & in occurso poterântne agnosci? LIPS. Poterant, & statim quidem, ab habitu. Nam etsi toga communis omnium ciuium vestis esset: tamen discrimina alia, ab aliis notis. Vt solis Senatoribus, aut istis quasi Senatoribus, ius *Lati clauis* gestandi erat: quod non aliud, quàm velut bullæ è purpurâ, & capita clauorum in-texta aut inserta. Equitibus autem Aurei annuli, qui hunc ordinem, vt Plinius ait, à plebe distinguebant. Qui his duabus notis carebant, Plebs erant.

CAP. III.

Iustitia & Clementia in bellis.

VIROS igitur communiter iam vidisti, & in classes suas distinctos: ire per Magistratus & officia Ciuilia aut Militaria, longum sit, nec nostri nunc sermonis. Etsi omnia ea optimè & prudentissimè instituta, siquâ vnquam in Republicâ: sed omittantur, & quod propositum, de *Virtutibus* addamus. Nam viros illos laudabiles, vel potius ADMIRABILES fuisse dico, idque à duplici virtute, *Militari* vel *Ciuili*. Illam in imperio & republicâ iure considero, vt tutelam eius, imò augmentum: sine quâ frustra aliquis status aut commune se iacet. Præmitto igitur, & duo hîc in Romanis, *Iustitiam ac Fortitudinem*, miror.

Y

Quod

Quod ad illam, nescio an alia gens consideratiùs, & caussis in Rationis trutinâ libratis, bellû suscepit, quàm ista. Nam plerique, aut Regum suorum arbitrio arma induerunt, aut primorum aliquot in Republicâ, qui decernebant. Hic aliter, & nec Senatui, nec populo toti, plenum hoc ius, nisi cognitio & iudicatio sacerdotum publicorum interuenisset, quos *Fetiales* dicebant. Eorum arbitrio sumpta arma, posita arma: & religio, non solùm iustitia, ea tempetabat. Laudat & probat hoc vnice Dionysius: & *Gracos suos caruisse* eo dicit: & *se se idè obiter expositurum, quid muneris & iuris habuerint: ut, inquit, quibus ignota habetenus fuit Romanorum in bellis religio, mirari desinant felices euentus plerumque habuisse. Nam omnium bellorum initia & causas, apparebit iustas fuisse: atque idè Deos meritis propitios sensisse & fauentes.* AVD. Prudēs & pia scriptio Dionysij, fateor: sed an vera Lipsi? Itane omnia bella iusta, & à talibus caussis? Mirum sanè. cùm video tot regna aut regiones bello petitas, & subiectas, atque adeò in paucis annis, cùm extra Italiâ pugnare cœperunt, domitum pænè vniuersum orbem. Singularis hæc occasio vel opportunitas, si omnes sic ordine læserunt aut lacerarunt: & planè ponenda inter tua ADMIRANDA. Quin, quod res est, dicimus? Bella quædam iusta, non nego: plura à duobus malorum stirpibus nata, Ambitione & Auaritiâ. quod nec ipsi Romani scriptores negent. Vis Sallustium audire? *Romani arma in OMNES habet, in eos acerrima, quibus victis spolia maxima sunt.* Et iterum: *Romanis cum nationibus, populis, regibus cunctis, vna & vetus bellandi causa est, CUPIDO profunda IMPERII & DIVITIARVM.* Quid Tacitus tuus, ille iudicij consideratus simul & liber? *RAPTORES ORBIS, postquam cuncta vastantibus defuere terre, & mare scrutantur. Si locuples est hostis, AVARI; si pauper, AMBITIOSI. quos non ORIENS, non OCCIDENS satiauerit.* Audis, Lipsi, præclara hæc elogia? & ab ipsis quidem Romanis: nec tu veste aut colore aliquo sermonis facillè hæc teges. LIPS. Suauiter rideo. AVD. Ita video, cur autem in re seriâ? LIPS. Nam tuam hanc inlicitam (imperitiam dicere non possum) quâ non rideam? qui verbatedare mihi censes, in his quasi Romanorum verbis, quæ reuera hostium esse non ignoro. Nōne priora illa Mithridates apud Sallustium profert, altera Galgacus apud Tacitum?

Mirum

Mirum autem, si ij benè honesteque de Romanis loquantur aut sentiant, qui viris & equis expugnatum eos eunt & euersum. O tuam dissimulationem! quasi nescias decorè hæc historiis inseri, non quia probè aut verè, sed quia probabiliter ab iis dicta. Nam talia non desunt, nec vnquam deerunt, magnis imperiis obiectari. Miserabiles enim ferè victi sunt, & fauemus imbecillis, & passi injuriam videntur, quia non fecerunt. Atqui terras eorum inuasērunt, & ceperunt. Quid ergo? liberè & impunè læsisse vis? incipere bella, in alienâ manu est: non pōnere cūm lubet, & vt lubet. Amittere sua non iniuste incipit, qui aliena aut alios iniuste læsit. Sed enim ordo iste mirificus, & inter mea ADMIRANDA referendus, vt aiebas. Ego tecum hoc sentio, & arripio: & admirabilem planè hîc habeo Prouidentiam diuinam. Itâne serie quadam bella ex bellis nata, prouinciæ ex prouinciis subactæ? Illa causas dedit, aut permisit: & semper duplici hoc titulo Romani vsi, vt aut pro *Salute* arma caperent, aut pro *Fide*. Pro illâ, vbi res eorum ageretur, pro istâ, vbi Sociorum. Et hoc de Sociis latè paruit, & est illa catena, quæ bella & terras coniunxit aut subiunxit. Cicero verè & liberè: *Noster populus, sociis defendendus*, TERRARVM OMNIVM *potitus est*. Verè inquam: & vis pauca exempla? Ecce Carthaginenses validi sunt, imò æmuli virium Romanarum. obstant crescentibus: quid fit? remouendus ille obex, & causam ipsi præbebunt. Siciliam inuadunt, & Mamertinos: isti ad Romanos appellant, vt Socios. Veniunt, subueniunt, pellunt eos, & quæ sita iam ipsis ad se trahunt. Fit pax, & Sardinia etiam Sicilia adiicitur, concessu ipsorum. Vides augmentum? Sed enim iam sistimus, & illi manent ac florent? non. in Hispaniam malâ cupidine transcendant, arma etiam Saguntinis inferant, & amicum sociumq; Romanis opidum evertant. Bellum ergo iterum iustum: quo fine, & fructu? Victi illi, & in Africam compulsi, Hispaniâ aucti Romani. At enim Græcia & Macedonia iam desunt. Vis iustè dari? Philippus Macedo fœdus cum Annibale coibit, Romanos & Græcos simul laceffet: atque isti eos aduocabunt, & sibi primum, mox & Macedonibus, imponent. Talia in Antiocho, Iugurthâ, ipso Mithridate. qui sceleratissimus non regum,

sed mortalium, quid de fraude vel iniustitiâ Romanorum queritur? vt volet, ipse ab illis & nobis audiet, *Væ victis*. Non dicam pereant, sed tamen pareant, qui vincere aut quiescere non potuerunt. AVD. Hem! acriter tu pro Romanis: sed ex animi tui sententiâ? LIPS. Ex sententiâ: saltem de antiquis illis Romanis, & ante Sullam ciuili bello nondum infectis &, vt sic loquar, decoloratis. Pleraque omnia tunc pura & iusta: & liceat cum Rutilio, verè de Româ dicere,

IVSTIS BELLORVM *caussis*, nec PACE *superbâ*,
Nobilis ad SVMMAS gloria venit OPES.

At postea degenerarunt, Avaritia & Ambitio quædam dictarunt, ad hoc Rationis examen non dirigenda. AVD. Iam remissius, & laudo. quid tamen in Rutilio audio, nec *Pacem superbè* dedisse? Imò rarò dedit, aut impotenter & superbè dedit. LIPS. Neque id tibi dabo. Quosdam populos puniuit, fateor; sed non nisi imperio suo, & stipendiario illo iugo. Quàm multis autem & pacem indulsit, si vti eâ potuissent, aut voluissent? Ipsi Carthaginensibus bis: Philippo etiam, & Antiocho, & Tigrani: atque hos omnes cum pellere, terris in eorum manu esset; contenti fuerunt restringere, & vt imagine hac vtar, pennas incidere, ne temerè & lasciue sic euolarent. Sed satis super iustitiâ.

CAPVT IIII.

Fortitudo Romanorum militaris.

Fortitudinem in militiâ nunc consideremus. Quid tamen hîc diffundat? nonne satis in ROMANA MILITIA meâ feci? Opinor: sed argumenti & contextus etiam causâ, pauca dicantur. Aio igitur & *Milites* & *Duces* præstantissimos huic genti fuisse, & in omni ævo ADMIRANDOS. Vide mihi legiones illas, quæ binæ iunctæ, & cum totidem Sociis, equitatu autem *mille octingentorum*, ad quæcumque bella & hostem ibant: ibant, sed & victrices ferè redibant. Tota autem ea manus, quid amplius quàm *octodecim millium* erat? Iam si decem legiones iungeres, quod item factum: quid nisi Hirtij verbis dicam, *vel calum diuere* eas potuisse? Ecce gygantes nouos, & veros, nec è fabulis petitos. An non tales tibi videbuntur, si in *Opere*, *Agmine*, *Acie*, paulisper

paulisper eos consideras? Quod ad Opus, fodiebant, vallum & fossas ducebant, aggerem, testudines, turres struebant: omnia celeriter & indultre, vt fidem superet paucos homines tanta, in tantulo tempore, struxisse. In ** Poliorceticis* meis dediexemplam. Iam de Agmine, quid istud est? arma omnia peditem ferre, cibos semestres aut menstruos, utensilia, & septenos aut plures interdum vallos. Iumentum ita oneres, negabis par futurum. Adde ordinem in toto incessu, à signis non discedere, pari passu omnes ambulare, decurrere etiam, cum opus esset, in plenis armis. Denique in acie quis par Romano miles erit? nam non fuisse quidem, id constat. Cum omnibus gentibus, omni genere armorum aut pugnarum, concurrerunt: ecquando victi sunt ignaui suâ aut culpâ? nam hoc addendum est: & optimus ille miles semper potior, nisi mens & directio impediret imperiti aut temerarij Ducis. Liuius gloriatur: *Absit inuidia verbo, & ci-* Lib. 12.
*ulius bella sileant, numquam ab EQVITE hoste, numquam à PEDITE,**
numquam APERTA acie, numquam æquis vtique locis laborauimus.
 Vera dictio, & trophæa victarum gentium adstipulantur. Græcos aut Macedonas aliquos mihi compones? Pyrrhus ipse Macedo refutabit: & cum Romanæ militiæ periculum, sed cum suo periculo fecisset, vocem è pectore emisit: *O quàm facile erat orbis imperium occupare, aut mihi Romanis militibus, aut Romanis me-*
rege! Atqui si quisquam Regum bono & veterano milite instructus fuit, is fuit. Quid autem mirandum tales fuisse, apud quos, à primâ adolescentiâ, vita omnis in armis, honos omnis ab armis erat? Nemo honestiorum ad temp. accedere, aut magistratus capere poterat, nisi decem annos militasset. Et pedestris ipsa militia, viginti annorum decursu denique terminabatur. In ipsâ pace, an quietem egisse censes? exercitia assidua erant, vel in Campo illo Martio, vel in ipsis alibi castris. Aristidem opere pretium est in hac re audire: *Quinetiam in militari disciplina vos, ô Romani, omnium aliorum inscitiam coarguistis. Nec enim contra hostes dumtaxat milites vestros ac Duces, sed inter se primum committitis & exercetis. Ita fit vt COTTIDIE STENT IN ACIE, nec vnquam quifquam LOCO CEDAT, sed vt in aeterno & celesti choro, quisque stationem suam cognoscat & seruet.* Reuera ita est: & de statione quod ait, quis nescit locum in acie, vel in præsidio, militi seruandum,

* Itemque
in Militia.

vel moriendum fuisse? Leuiter ab eo discere, à vitâ erat abire: vt seueritas quidem volebat saluberrimæ illius Disciplinæ. Inde contemptus periculorum & hostium: & in medios illos vel exiguam manum si Dux misisset, quis non sine cunctatione pareretur? Exemplum illustre & notum, sed ADMIRABILE est, in bello Punico primo. Consul parum prouidè suos ductans, in locum humiliorem, & collibus vndique cinctum, insinuarat. Hostes aditus infederant, & sine ferro confectum bellum videbatur. Ibi Tribunus consilium suppeditat: *Consul, inquit, vides tu collem illum, ab hostibus nondum occupatum? illuc censeo mittendam cohortem aliquam militum, si te & alios vis saluos. Hostes enim in illos irruent, interea tu, si vir es, te explicabis, & peruades.* Placuit Consuli sententia, & vera erat: nec de militis obedientiâ dubitabat, sed *Ducem, inquit, illum qui in certam mortem eat, quem habemus? Me ipsum,* ait ille. Dictum, factum, quadringenti ad moriendum proficiscuntur, & cadunt: solus Tribunus inter mortuos, semimortuus ipse, repertus conualuit, & sæpe vilem operam reipublicæ postea nauauit. Viros istos tali robore, tali obedientiâ, alibi mihi dabis? Spartanos tamen excipio, solos dignos qui cùm Romanis comparentur, si vires & copiarum maiores fuissent, nam alia non degenerant. Sed hæc infelix audacia: illa lætior, cum Punico item bello, fugientem eorum classem, pedites in mare se conicientes & natantes, quasi in camporum firmitate aggressi, manibus suis in litus retraxerunt. Paullò vetustiora ista sunt: ecce magis noua exempla. Bello Africano ciuili, Centurio Cæsaris cum aliquot veteranis in mari captus, ad Scipionem aduersarium Ducem perductus fuit. Ibi Scipio clementer vitam statim offerre & honorem, si deficere à Cæsare, & pro se stare vellet. Ille autem contrà, hortari vt ipse desisteret, neu contra tam inuictum virum & copias pugnaret: *Que, inquit, cuiusmodi sint, si minus antea expertus es, licet nunc cognoscas. Elige ex tuis cohortibus vnâ, quam putas esse FIRMISSIMAM, & constitue contra me. ego autem ex meis commilitonibus, quos nunc in tuâ tenes potestate, NON AMPLIUS DECEM sumam: tum ex virtute nostrâ intelleges, quid ex tuis copiis sperare debeas.* Ita Hirrius, siue Oppius, siue Balbus, castè & puriter hæc narrauit. AVD. Lége quidem, & memini: sed quid nisi militaria & vana hæc verba sunt?

Nam

Nam vt *decem* contra *quadringentos* consistant, nulla ratio aut exempla dicent. Lips. Rationem nunc omitto, etsi ea quoque in veterano isto robore est: sed exemplis hoc firmari potest. Non tu in eodem Hirtio legisti, *Numidarum copias, in coronæ modum, Cæsaris copias cinxisse? Cæsariani interim, inquit, NON AMPLIUS TRES aut QVATTVOR milites veterani si se conuertissent, & PILA VIRIBVS CONTORTA in Numidas infestos coniecissent, AMPLIUS DVORVM MILLIVM, AD VNVM terga vertebant.* Hoc etsi mirum, tamen verum est: & nisi fallor, ipso illo scriptore arbitro & inspectore gestum. Sicut quod idem eodem bello, de Gallis nostris tradidit: *Accidit res incredibilis, vt equites MINVS TRIGINTA Galli, Maurorum equitum duo milia loco pel-lerent, vrgerentque in opidum.* Vis nominatim & L. Sicinium aliquem citem, qui *centies & vicies* in aciem descendit? *sex & triginta* spolia ex hostibus rettulit? *octo* ex prouocatione occidit? *quinque & quadraginta* vulnera pectore excepit, tergo nullum? Vis Cassium Scæuam? qui in Britannico litore, cum quattuor commilitonibus in scopulo relictus, cum mari abeunte hostibus adire fas esset, atque ij confertim irruerent, desertus ab aliis, solus impetum sustinuit, multos deiecit aut occidit, denique armis suis onustus, solo scuto abiecto, in mare se dedit, & ad Cæsarem natauit. Qui stupens ad viri virtutem, laudare parabat, at ille disciplinæ memor, *Da veniam Imperator, inquit, quodd scutum reliqui.* O dictum, factis illis ipsis laudabilius! & quid à tali animo, non enim iam manibus solum, non spes? Idem Pompeiano bello, ad Dyrrhachium castello præpositus, solus in portâ consistens, contra Romanas, Romanas dico legiones & copias, id seruauit. Quo tempore oculus ei effusus, humeri traiecti & femur, scutum *centum triginta* ictibus perforatum. Fabellas recitare hodiernis militibus videamur: sed nos res dicimus, tam hercules quàm cum *Onera aut Opera* narramus, adeò non imitanda, vt nec credenda. Sed in victoriâ quid milites istos miror? magis pænè in clade & morte. Miles in Cannêsi prælio, cum vulneribus confectus, manus etiam mutilatus esset, spoliare se conâti Numidæ ceruicem brachiis inuadês, ad se traxit, & naribus atq; auribus corrolis (cum alia tela nō essent, aut tractare nō posset) deforme cadauer aspicientibus

tibus reliquit. De vnoloquor: sed *quinam illi viri fuerunt* (Flori verba dabo) quos ab elephantis obrutos Pyrrhi praelio accepimus? omnium vulnera in pectore, quidam hostibus suis immortui, omnium in manibus enses, & relicta in vultibus mina, & in ipsâ morte ira vivebat. Vide mihi istos, non homines, sed Martes, si fas dicere: & nec victos quidem, vincendos. Satis de Militibus, transeo ad Duces: etsi quomodo non isti omnes Duces? Imò quod Thucydides de Lacedæmoniis scitè dixit, ὅτι ἄρα, πλὴν ὀλίγων, τὸ στρατόπεδον αὐτοῖς ἀρχοῦντες ἀρχοῦνται εἶσι: quòd, paucis exceptis, exercitus eorum DVCEs DVCVM essent: id profectò in Romanos conueniebat. Sed tamen Duces etiam aliqui eximij: vt parens ille *Romulus*, vt *M. Furius Camillus*; vt *L. Papius Cursor*, quem vel *Alexandro* parem (si venisset) *Liuius* opponit; vt *M. Claudius Marcellus* igneo impetu; vt *Q. Fabius Maximus*, salubri tarditate; vt *P. Scipio Africanus* prior, diuinâ felicitate; & posterior, diuinâ virtute; vt denique (nam omnes quis numeret?) caput & culmen *C. Iulius Cæsar*: fortunâ, peritiâ, magnitudine & celeritate animi, super omnes qui arma tractarunt, aut tractabunt. Sed concludimus: si post Cæsarem, tamen vnum addidero, alterius Cæsaris ô fidum vtilemque ministrum! Is *M. Vipsanius Agrippa* fuit, vir bello prouidus & fortis, & vel causâ victoriarum Augusti, vel instrumentum. Nec post eum, flaccescente iam Romanâ indole, quos mirer habeo, nisi fortè *Germanicum Cæsarem*, sed properata mors eripuit; aut magis certè *Traianum*, suo & proprio elogio OPTIMUM MAXIMUMQUE.

CAPVT V.

Pietas, Probitas, Constantia Romanorum.

SED ad *Ciuilem* iam Virtutem venio, domi & in togâ spectandam. Eam per omnes ordines diffusam triplicem maximè reperio, *Pietatem, Probitatem, Constantiam*. *Pietas* eminet, vana illa quidem dixerit aliquis, sed tamen in assiduo Numinis cultu (pro ipsorum captu) reuerenter occupata. Incredibile est, quàm omnia publicè & priuatim religiosè cœpta, administrata, patrata: vt totam ciuitatem sacris operatam & addictam possis arbitrari. Atque id secundùm vetera instituta, nec noui-

tati aut mutationi dabant hîc locum. Miratur hoc Dionysius: quòd quanquam sexcentæ nationes penè in urbem fluxerant, quibus singulis sacra sua ritusque patrij essent, tamen ad suum ævum (inquit) nulla peregrina religio publicè suscepta, aut si qua oraculorum monitu introducta, eaijsa Romano more culta, abdicatis fœdis vanitatibus, aut fabularum portentis. Quò valdè faciebat, quòd Sacris præsent, & ipsi non interpretarentur solùm, sed administrarent, viri in Republicâ primî, honoribus honesti: qui & exemplo plebem cò trahebant, & prudentiâ ac maturitate, noua aut nocitura spernebant. Ab hoc deinde capite alia Virtutum membra: & in primis illa *Probitas*, quam nominaui, id est animi morumque integritas quædam & candor. Sine fūco, sine fallaciâ diu mores illi fuerunt: & in prouerbium abierat, *Homo Romani ingenij, Romana simplicitas, & Romana fides*. Incerti, sed Romani scriptoris, versus sunt:

CIVE ROMANO PER ORBEM nemo viuit iustivs.

Quippe malo vnum Catonem, quàm trecentos Socratas.

Et sanè dissilere alibi de virtute crebrum, hîc vsurpare. Quâ in re alienum testimonium audiamus, & Polybij, id est hominis Græci. Deus bone, quàm ille dilaudat, & suæ genti præferti. Apud nos, inquit, si cui talentum concreditum sit, & exsint decem syngraphæ, decem signa, bis totidem testes, tamen fidem vix est seruare. apud Romanos autem, cùm in Imperiis aut Legationibus plurimum pecunie in manibus habeant & dispensent, tamen officium & fides constant, solâ iurisiurandi religione inducti. Vides probitatem in hac parte? sed & in bello candoris fuit, & rarò astu aut fraudibus victoria quæ sita aut parta. Tangit grauius M. Aquillium Imperatorem noster Annæus Florus, quòd is bello Asiatico veneno fontes miscuisset, addeditionem quarundam urbium. *Quæ res*, inquit, *ut maturam, ita infamem fecit victoriam*, quippe cùm contra fas Deum, MORESQUE MAIORVM, medicaminibus impuris, in id tempus SACROSANCTA Romana arma violasset. Iam & huic Probitati *Abstinentia*, siue etiam *Continentia*, adherent: non fœdè aut iniuste appetere alienum, patcè & modicè suo uti. Et illius quidem (*Abstinentiæ*, dico) quàm pulchrum, nec iactatum nimis, exemplum fuit ab vniuerso populo editum, Marianâ & Cinnanâ proscriptione? Quippe cùm ij hostium suorum penates,

Z

omni-

* Nota ad
copiam ex-
terorum.

omnibus opibus aut elegantiis plenos, vulgi manibus diripien-
dos vltro obieciſſent: nemo inuentus eſt, nemo, qui iniuſtam
hanc prædam à ciuibus peteret, capere ve: ſed, tanquam à ſacris
ædibus, omnes manus & cupidinem abſtinuerunt. Et quid in
rogâ miramur hæc exempla, cum in ipſo bello, & inter hoſtes,
prædæ abſtinētia fuerit? quæ non niſi permiſſu capta, & ſic quo-
que tota ad Duces relata, iam in Continentiâ quàm laudabiles,
ſi cibum, veſtem, aut externa alia ſpectes? Plinium & Plautum
teſtes habemus, populum Romanum per aliquot ſæcula, non
niſi farre & pulte vulgò uſum. Quòd ſi nuptiæ, feſtiuitas, aut
letius conuiuiū eſſet, pro magno pauci piſciculi, & porcinæ ali-
quot pondo, in obſonium adiecta. Similis in veſtibus frugali-
tas: & omnium, ditium pauperum quæ, è lanâ: atque eâ natui
& albidus coloris, niſi quòd ditiorum ſplendentes paullo magis
& nitidæ à fulloniâ arte eſſent. Nam Sericum, Hoſericum,
ipſa Lintea, ſerò innotuerunt, & timidè etiam in uſum pauco-
rum venerunt. Adderem Modēſtiæ laudem, & reuerentem Se-
natus & procetum ſuorum populum: niſi Tribunicia inter-
dum procellæ turbaffent, quam ego peſtem vnicam & labem
reperio in re Romanâ. Deniquè & tertiam virtutem *Conſtan-
tiam* feci: ô verè ADMIRANDAM in hac gente! Nam in aliis pa-
res alios habeant: in hac nec comparandos. Mucius ille olim
oraculum protulit: *Et ſacere, & PATI FORTIA, Romanum eſt:*
quaſi hæc in malis magnis Patientia (quæ ipſa eſt Conſtantia)
peculiaris eorum virtus eſſet. Et tu diſpice. Vmquamne vnum
aliquem hominem, plus inuiſti, & obnixe in omnes caſus, ro-
boris oſtendiſſe, quàm populū hunc vniuerſum? Exemplis do-
ceatur. Pyrrhus ille in Italiam venerat, cum noui generis gen-
tiſque copiis, & inprimis inaudito terrore elephantum. Victor
grandibus præliis erat, Italiam percurterat, & à trigēſimo panè
lapide Romam proſpexerat. Quid Romani? trepidant ſcilicet,
& pacem petunt? Imò oblatam vltro reſpuunt, & legatos eius
cum animoſo hoc reſponſo dimittunt: *Pyrrhus Italiâ cum copiis
excedito. vbi exceſſerit, de pace ſi volet, agito. Ni exceſſerit, arma & vi-
ros, & aciem exſpectato. Neque deſtituros ab incepto ſe, etiamſi SEX-
CENTOS LAEVINOS* (ea verba Plutarchus poſuit) *pugna viciſſet.*
Qui animi iſti, aut verba ſunt? non contra Pyrrhum, ſed contra
fortu-

fortunam, & pænè dixerim cælum, dimicantium. Etsi mos ille eorum semper in bellis (notandus & ADMIRANDVS) nihil largiri armato hosti: sed vbi ea posita, & obsequiosi aut flexibiles illi visi, tunc denique conditiones ferre & æquas, & sæpe nec expectatas. Generosorum hoc est: ire in aduersos, parcere aut ab-sistere iam abiectis. Fructus autem Constantiæ in Pyrrhū fuit, spontè Italiâ illum fugere, ipsos eius dominos & potentes fieri. Vide & bellū Punicum primum. quot ibi clades, rara aut noua? Rara in Africâ ipsâ, cū Atilius Regulus Consul, cum toto exercitu oppressus, & viuus venisset in hostium potestatem. Nouæ aliquot in mari: cuius antea expertes & imperiti, classes plures vel naufragio vel pugnâ amiserant. Polybius scribit, & ipse miratur, *septingentas quinquereemes eo bello amissas fuisse*. Satis autem iacturam eam æstimas aut intellegis? in quaque earum (Polybio sic ordinâte) *trecenti* remiges ferme erant, milites ** centum viginti*. Hos tu si vnâ computas & colligis, videbis paullò minus *trecentis hominum millibus* periisse. Et qui Romani tunc erant? nec totâ etiam Italiâ plenè adhuc potiti. O constāciam, ô robur, & ô fortunâ! nam hæc se vertit, & puduit tam meritis non se dare. Iam ad mortem plaga, Punicum bellū tertium. Annibal summus ducū in Italiam ipsam venit, siluam exscindere parat, in quâ stabulabātur Martiales isti lupi: & pænè fecit. Tribus præliis magnis victor, & vltimo illo Cannēsī, quid nisi totum virilē sanguinem Romanum exhausti? Heu cladem! *quingenta millia* selectorū militum, vnâ cum altero Consulū, cum tot Tribunis & Centutionibus, tot Senatoribus & Equitibus Romanis iacēt: & tu Roma adhuc spiras? quibus freta? senibus, puerisq;, & feminis, quos solos pænè reliquos habes? Spiro, inquit, imò alta & vetera spiro. De pace nulla mentio: veniat vel Romam Annibal, arx & Capitolium nos defender, & è cinere isto suscitabūtur *rerum domini Romani*. O insanas, dixerit aliquis, cogitationes! sed res & exitus docuit, constātes & felices. *Magna populi Romani fortuna* (ait Florus) *sed SEMPER IN MALIS MAIOR, resurrexit*: & pueros, senes, vinctos, seruos armauit: & imbecillo aut fædo exercitu victrices illas copias prostrigauit. Plura possem. nam in omni Romanâ historiâ propriæ huius virtutis exempla sunt: sed quid maius istis possum? Claudianus cōcludat.

Dionys.
lib. viii.* Manip-
lus unus;

NVMQVAM SVCCVBVIT DAMNIS, & *territa nullo
Vulnere, post CANNAS MAIOR Trebiamque fremebat.*

Et Liuius: MAGNITVDINEM *populi Romani, aduersis propè rebus*
ADMIRABILIOREM, *quàm secundis esse.* AVD. Atqui vnum mi-
ror, & pænè doleo, à te omitti. LIPS. Quod illud est? AVD. De
Varrone. nam quid admirabilius, quàm cùm ille auctor &
caussa tantæ cladis (nec falsò) dicetetur: Romam redeunti ob-
uiam itum ab omni ordine & populo, & *Gratias aëtas, quòd de*
Republica non desperasset? Siqua alia hæc plebs fuisset, itâne gra-
tias funesto & furiali capiti? sputa, saxa, tela, nec vnam mor-
tem. Illi fecerunt. quia hoc quoque Constantiæ proprium, me-
deri malis potiùs, quàm irasci. LIPS. Est & minutum aliud.
Nam cùm urbem ipsam Annibal obsideret, & terreret: fun-
dus, in quo castra eius posita, publicè sub hastâ Romæ vœniit:
nec minoris, quàm si liber, nec infestus ipse aut Italia ab hoste
essent. Item alterum. eodem illo tempore, cùm ad vnam por-
tam Annibal pugnaret & inuaderet, alterâ militem & auxilia
in Hispaniam emiserunt. Fiducia hæc, vt verum dicam, huma-
na non fuit: à Deo inspirante vênit.

C A P. VI.

Contra Probitatem & Abstinentiam dicta & obdusa quedam.

ET hæc sufficiunt, mi Auditor, de Virtute Ciuili: cuius cu-
stodes & sacerdotes si viritim recenscam, quando finiam?
te, & certè me, fatigem. AVD. Numquam me, nec si Iliadem ser-
monis tui texas. Sed tamen si arbitrari me dicta tua vis, non so-
lùm audire: habeo quæ speciosè aut firmiter obducam tuis &
opponam. Itâne Virtutem hanc attollis? Pietatem omitto: et si
ea externa tota, & miseratione magis, quàm refutatione digna.
Sed de candore & fide adiunxisti: an non ipso animo tuo alibi
retinente, aut refragâte? Proh sancta Fides, quæ igitur lego alibi
aut video, contra tuum numen aut nomê admissa? *Caucæi* popu-
lus Hispaniæ satis potens & notus fuit. qui cùm pares Roma-
norum armis & violentiæ non essent, legatos supplices in castra
ad Lucillum Imperatorem miserunt, pacem & fœdus quacun-
que lege facturos. Ille obsides inperat, & argenti statim ^{* 60000} talenta
centum

centum, equites auxiliâres certo numero. Omnia sunt sedulò & obnoxie. Imperat tum amplius, vt *duo millia* militum in urbem suam accipiant, præsidij causâ. Id quoque factum. Sed illis occultò mandatum, vt muros portasque occuparent: atque ita Lucullus reliquum exercitum induxit, & tubâ signum datum, vt sine discrimine, senes, pueri, viri, feminæ interficerentur. Ita opidum direptum, deletum: ipsa *viginti millia* hominum, per summum scelus, interempta. O candorem, ô simplicitatem! & ecce aliam, in eâdem Hispaniâ, similem. Sulpicius Galba Lusitaniam hostiliter ingressus vastabat, mirâtibz illis nec causæ aut culpæ satis consciis. Legatos mittunt, fœdera priora renouant: illo recipiente, & ultro miserante, quòd sic affligerentur. Sed, inquit, *egestas* fortasse vos impulsit prædas agere, & belli speciem præbere: *medebor*. Tripartitò vos diuidam, & in agro ac solo pingui collocabo, vbi reliquum beati ac tuti agatis. Venite cum vxoribus, cum liberis: in talem vallem, talis illa pars, assignabo. Veniunt miseri, læti ac securi, & in triplici regione distincti. ad quorum primos cùm accessisset, arma ponere quasi amicos sociosque iussit: & iis positis, milites immisit, & fidem ac deos implorantes, ad vnum omnes occidit. Idem alteris, tertiisque celeriter factum, & priusquam fama prioris facinoris ad eos venisset. Aspicio te Lipsi, & oculis vultum ac pectus verbero, si tale aliquid infidum & barbarum, in vllâ barbarie factum? Atqui nouitia hæc sunt, dicces, & reipublicæ inclinantis. Non nimis, nec longè à bello Punico secundo, cùm Respublica moribus legibusque vel maxime floruisse censetur. Sed vis igitur antiquiora? accipe. Ausonium gens in Italiâ fuit, vno tempore, nullo satis certo crimine, excisa. Liuius ipse narrat, suspectos & delatos à paucis, quasi deficere ad Samnites vellent: præuentos autem à Romanis, qui occultè submissis militibus, quibusdam & togatis, portas trium opidorum occuparunt: & eâdem horâ, cædibus promiscue factis, vrbes & gentem deleuerunt. Audistu mi doctor? quid istis hominibus probius aut candidius? cedunt Gallicanæ nostræ niues. Iam & *Abstinentiam* ac *Continentiam* laudasti: & vt leuissimè dicam, subrisi, aut & irrisi. Nam quæ, aut vbi, hæc Abstinentia? Romæ & inter ciues fortasse? credo, & ex veteri dicto, *Coruus coruo oculum non eruit*. Sed an eadem in prouinciis, & vbi

occafio aut facultas peccandi? O dij deaq; (fi fas fic exclamare) quæ illic occulta aut aperta furta, libidines, nundinationes, raptus? Poëtæ Harpyas aliquas finxerunt, quæ cōtactu & vnguibus omnia diriperēt, aut fœdarent: in re, isti Romanorū Præfides fuerūt. Optimus & belliffimus quisq; ita fe gerebat, vt bella omnia domū auferret. Demades olim dictitare folitus, cū ad Tribunal aut Magistratum iret, *ad Aurcam mēfem fe ire*: mihi crede, ifti ibant, & Colchos quifque lafon fibi fpondebat. Legifti tu Ciceronis illa de vno Verre? pleraque talia in aliis, & miferi prouinciales non nifi præda & fpolium Præfidibus fuis erant. Quòd fi in pace talia: per bellum & arma quid fufpicamur fuiffe? & tu tamen illic quoque Abftinentiam eorum laudas O iuftè, ô meritò! & tuâ veniâ, dabo exempla. Ecce L. Sulla in Afîâ, cū communiter *viginti millia talentum* exegiffet, priuatim edixit, vt hofpes militi apud fe diuetteti *fedecim drachmas* in diem daret, cænam in fuper ipfi, & fodalibus quot vocaffet; Centurio autem acciperet in diem *quingenas drachmas*, veltē pretereâ duplicem Domelticam & Forenfem. Hæc Sulla, inquit, homo nequam, & natus ad Difciplinam militarem diffoluendam. Bene eft, accipio excufationem: quid ergo L. Paulus qui Macedoniam vicit, inter optimos ciuium? Deftinatum ei Epirum totam diripere, & in prædam militibus dare, quia cum Perſeo rege fenfiffent. Quid facit? ipsis Liuij verbis, *Centuriones in fingulas vrbes fubmittit, qui fe dicerent ad præfidia deducenda veniffe, vt liberi Epirotæ, ficut Macedones efferent. Denos principes è fingulis euocauit ciuitatibus. Quibus cū denuntiaffet, vt aurum & argentum in publicum proferretur, per omnes ciuitates cohortes dimiffit, fic vt vno die in omnes peruenirent. Ediéta Tribunis Centurionibusque erant, quæ agerētur. manè omne aurum argentūque collatum; hora quarta fignum ad diripiendas vrbes datum eft militibus: tantaque præda fuit, vt in equitem quadringenti Denarij, peditibus duceni diuiderentur. Centum quinquaginta millia capitum humanorū abduéta. Muri deinde direptarum vrbiū diruti funt: ea fœre opida circa LXX. Quibus auribus tu candoris, tu abftinentiæ mirator, hæc audis? Centuriones fubmittit, per fpeciem liberandi, decem primos euocat, vt confilio & ducibus fpoliet: ô candidum factum! Milites deinde immittit, diripit, cædit: ô clemens abftinensque factum! Sed pulcher-*

* 30. Phil.

Lib. XLV.

* 40. Phil.

pulcherrima clausula, tot millia capitum abducta: nec finis, in miseros muros & tecta sauitum, & dirui ea iussa. In vicinâ Græciâ, quid Hortensius Prætor patrauit? Legati Abderitæ in ipsâ Româ audiantur, (Liuij item verbis) *Flentes ante Curiam, querentesque, opidum suum ab Hortensio expugnatum direptumque esse. Causam excidij fuisse, quod cum centum millia denarium, & tritici quinquaginta millia modium imperaret, spatium petierant, quod decem re ad Hostilium consulem, & Romam, legatos mitterent. Vixdum ad Consulem se peruenisse, & audisse opidum expugnatum, principes securi percussos, sub coronâ ceteros vniisse.* In ipsâ Italiâ, Locrore opido Q. Plerninius, Legatus Scipionis Africani, cum milite præfuit. Sed quomodo? Liuius iterum dicet: *In CORPORA, in LIBEROS, in CONIVGES, INFANDAE contumelia editæ. Litidines, & non dicenda habes: iam auaritia (inquit) ne sacrorum quidem spoliatione abstinuit. nec alia modo templa violata, sed Proserpina etiam intacti omni ætate thesauri.* En religionem & pietatem, quam laudabas. Et quid ego Consules, Prætores, Legatos, nomino aut conquiro? ecce pusillus vnus Præfectus equitum, titulo tenus, Scaptius, cum pecuniam deberi sibi à Salaminis diceret, illi ad Senatum appellarent, eiusque consultum: homo probus & iustus, quinquaginta equites ab Appio Proconsule impetrat, inclusum in Curia Senatum habet in multis dies, adeo ut interierint nonnulli fame. Hæc Cicero ita narrat, & simul æquabile illud ius inter prouinciales & Romanos ostendit. Quid plura addo? claudat mihi Polybius testium agmen. qui scribit Scipionem, captâ Carthagine Nouâ, omnes obuios occidi iussisse, nec ut vlli parcerent. Tum addit, sollemnem hunc morem Romanis fuisse: *Videntur enim, inquit, terroris gratiâ hoc illi facere.* Itaque frequenter videre est, quando Romani ciuitates capiunt, non homines modo occidi, sed etiam canes diffecari, & aliarum animantium membra truncari. Heu, heu clementiam, candorem, probitatem, & omnia, quæ dixi, inter ADMIRANDA!

Lib. XLIII

10000.
Phil.Lib. VI.
ad Attic.

Pariter contra Continentiam; & de luxu Romano.

IAM tu *Continentiam* etiam laudabas, in Victu & Vestē: voluntate tuā, aliquid opponam? *Lips*. Valdē interest scilicet quid velim: tu mihi videris, vt *Mithridates* aliquis, non libero, sed hostili ore & animo, inuchi in Romanos. *Avd*. Non ita est: sed falsa si dicam, vterque parati erimus, tu refellere, ego refelli. Hoc iam agis, video: sed prius & istæ audi. *Continentiam* igitur & frugalitatem veterum illorum, sed planē veterum, si laudas: ego succino, & *Fabricios*, *Curios*, *Quinctios* tecum miror. Sin longius trahis, vt non ego, lectio tua & observatio tacitē refellent. Quid? leges illæ *Sumptuariæ* ab antiquo latæ, & sub bellum *Punicum* secundum, non ostendunt morbos in cā parte fuisse, cū ad publica hæc remedia decarrendum? Ipsæ cenæ, & lautitiæ quæ narrantur, non id clamant? Reminiscere *Pontificiæ* illius cænæ apud *Macrobiū*, vbi incognita & nobis quærenda ciborum genera: reminiscere & *Sallustij* verborum de *Metello* *Proconsule*, in *Hispaniā*: *Cenæ*, ultra *Romanorum*, ac mortalium etiam, morem curabantur, exornatis adibus per auleæ & insignia, scenisq; ad ostentationem histrioniam fabricatis. Simul croco sparsa humus, & alia in modum celeberrimi templi. Praterēa, sedenti in transfennā demissum *Victoriæ* simulacrum, cum machinato strepitu tonitruum, coronam ei imponebat: tum venienti thure, quasi Deo, supplicabatur. *Toga* picta plerumque amiculo erat accumbenti. epulæ verō exquisitissimæ, neque per omnem modō prouinciam, sed trans maria, ex *Mauretaniā* volucrum & ferarum, incognita antea, plura genera. Considera cænaculi apparatus, cænantis habitum aut honores, cænæ ipsius exotica fercula: quis ganeonum & lurconum, possit velausit imitari? Quis nostrū hodie aues aut feras trans mare, cænæ causā, conquirat? Atqui olim non *Metellus* solū aliquis, sed iam vulgus lautiorum. *Petronius Arbiter*:

*Ingeniosa gula est, Siculo scarus a quore mersus
Ad mensam viuus deducitur, inde Lucrimis
Erut a litoribus vendunt conchyliæ cænis,
Ut renouent per damna famem. iam Phasidos vnda*

Orbata

Orbata est aubus, mutoque in litore tantum

Sole desertis adspirant frondibus aura.

Pulchrè & floridè, sed an poëticè & elatè? non opinor, imò Seneca, acer ille talium quæsitot & censor, auget & attollit. *Non est necesse* (inquit, ad sæculi sui mores) *OMNE perscrutari profundum, ac strage animantium ventrem onerare, nec conchyliis VLTIMI MARIS ex ignoto litore eruere. Dij deaque istos perdant, quorum luxuria tam inuidiosi IMPERII FINES transscindit. Vltra PHASIM capi volunt, quod ambitiosam popinam instruat: nec piget à PARTHIS, à quibus panas nondum repetimus, aues petere. Vides affectum & stomachum viri, & sine bile hæc nec in sermone quidem vsurpantis. Quid Latinus Pacatus, in Panegyrico? Laudat Theodosium Principem, quòd nihil tunc opus esset, ad penum regiam flagitare remotorum litorum piscem, peregrini aëris volucrem, alieni temporis florem. & tum addit imaginem prioris sæculi: Nam delicati illi ac fluentes, & quales sæpè tulit Respublica, parum se lautos putabant, nisi luxuria vertisset annum, nisi hibernæ poculis rosæ innatassent, nisi aestiuâ in gemmis capacibus glacie salerna fregissent. Horum gula angustus erat orbis noster. namque appositæ dapes, non sapore, sed sumptu aestimantes, illis demum cibis acquiescebant, quos EXTREMVS ORIENS, aut positus extra Romanum COLCHVS imperium, aut famosa naufragiis maria misissent. Ecce vitia & prodigiosum luxum, omnia fastidientem, nili remota & sumptuosa. Sed inferioris tantùm illa æui? imò verò, vt tetigi, à bello Punico secundo, aut circà: cùm ecce Cato Censorius publicè questus, Non posse saluam esse urbem, in quâ piscis pluri, quàm bos, vaniret. Attende mihi Lipli. hocne nostro æuo sit? & tamen in luxum inuehimur, nec immeritò: at ego tibi dico, pluri quàm decem boues vxnisse vnum piscem: piscem? pisciculum addo. Mulli in quo tunc pretio? putantur fuisse, quos Barbos hodie, aut Regulos marinos vocamus: sed quidquid fuit, pisciculus, & vix quinque aut sex librarum. O non delicias, sed infanias! vnum ex iis quinque, sex, octo, decem millibus Hs. reperio emptum. Seneca iocosè narrat de Tiberio, seuero Principe, & luxui nec duce nec fautore. Mullum ingentis formæ (quare autem non pondus aducio, & aliorum gulam irritò? quattuor pondo & selibras fuisse aiebant) Tiberius Cæsar missum sibi, cùm in macellum deferri & vanire iussisset. Amici,*

Consol. ad
Helv.

Epist. xcv.

inquit, omnia me fallunt, nisi istum mullum aut Apicius emerit, aut P. Octavius. Ultra spem illi coniectura processit. Licitati sunt: vicit Octavius, & ingentem consecutus est inter suos gloriam, cum HS. quinque millibus emisset piscem, quem Caesar vendiderat, ne Apicius quidem emerat. Notetur hic, quæso, non pretium solum piscis, sed Tiberij mirabilis continentia, qui in tantis opibus nec edere piscem voluit, nec donum alteri tradere, sed pretium ex eo fecit. quod sordes hodie aliquis fortasse (nescio an recto iudicio) interpretetur. At in Plinio, Asinius Celer, è consularibus, hoc pisce prodigius, vnum mercatus est octo millibus. Atque id quasi summum pretij Plinius habet, cum tamen in Suetonij Tiberio sit, Principem cum grauitur questum, tres mullos triginta millibus nummum venisse. Si numeri recti, certum est excessisse, & singulos ducentis quinquaginta Philippicis sterisse. An falsus aut mendax ergo tui, de bobus vel decem? Iam alia si conquiram, vereor non longus solum, sed vanus esse. Dicam tamen, vel tui iudicij explorandi causâ, & corriges, sicubi ego, aut testes mei, extra fines veri ibunt. De Apicio, quem iam nominaui, res nota est, hominem perditæ gulæ fuisse: de quo, vt alia sileantur, mors sola iudicabit, quam Senecæ verbis dicam. *Apicius*, inquit, *nostrâ memoriâ* (sub Tiberio) *vixit, qui scientiam popinæ professus in eâ urbe, è quâ quondam philosophi pulsi fuerant, disciplinâ suâ seculum infecit. cuius exitum nosse, operæ pretium est. Cum HS. milles in culinam congesisset, are alieno oppressus, rationes suas tunc primum coactus inspexit. Superfuturum sibi HS. centies computauit, & velut in ultimâ fame victurus, veneno vitam finivit. Quam luxuriam, & quam effusam vitam priuati hominis hanc fuisse putamus, cui centies HS. (id est, ducenta quinquaginta millia Philippæorum) paupertas & desperatio fuit? O quàm multorum millium improba vota hodie sint, vel quinquagies habere? Sed hunc omitto, & duos eodem nomine alios, qui in exemplar & nomen transierunt huius vitij: Claudium Æsopum addamus, histrionen. De eo Plinius: Maxime insignis est in hac memoriâ, Clodij Æsopi, tragici histrionis patina, sexcentis HS. taxata. in quâ posuit aues, cantu aliquo aut sermone humano vocales, millibus sex singulas coemptas, nullâ aliâ inductus voluptate, nisi vt in his imitationem hominis manderet. Benè hæc postrema fortasse: sed an non acrius, imitatione hominem manderet?*

* emul vi-
ginti quin-
que Paul.

* Aucentiu
Philipp.
cap. xxxiii.

* Duo mil-
liones &
semit.

deret? Anthropophagum facere hunc Æsopum vult, qui aues comederet, cum hominem non posset humanas. Æstimatio autem ea vnus patinæ est, *quindecim millium Philippæorum*. Atque iste etiam fuit (alij ad eius filium referunt) qui *margaretas sorbere solitus* aceto solutas. O scelus, in mare deportandum! LIPS. Ne nimis, ne nimis: & an me eò vis? nam ne nescias, & ego margaretas, vel potius margarétulas, arte liquefactas, valetudinis causâ, soleo sorbere. Nec res magna aut impendiosa est. AVD. At ego pretiosas aio, & mens eorum est, qui scripsere. Tu autem vel aurum & gemmas sorbe, vt viuas. Sed quod ad illos gulones, de M. Antonij & Cleopatrz spon- sione non meministi, cum hæc se *centies* Hs. vnâ cænâ diceret absumpturam? Ille negare, & rem *ad iuvenem* censere: ad summum, iudex & sculna captus Munatius Plancus. Res non differtur, sequenti die illa cænâ apparat pollucibilem, siquis vnquam, & denique vt Cleopatra, & Ægypti regina. Nihil mirari Antonius, & calculos ad extremum poscere: cum illa arridens, Vnum; inquit, ferculum rem confecerit. & simul ex composito, illatâ phialâ acris aceti plenâ, vnionem quem aure dextrâ gestabat, singulare naturæ opus, detractum in phialam demisit, eumque, vt natura est, statim liquefactum absorbuit: parata & in alterum, quæ sinistrâ gerebat, manum iniicere, ni prouidè & properè Munatius, victum Antonium clarè pronuntiasset. Quidni victum? cum sola ea gemma vel *centies* Hs. esset? siue, vt nostra æstimatio, *ducentis quinquaginta millibus Philippæorum*. Atque illa igitur arte hoc consecuta est, vel astu: an re ipsâ & simpliciter Caligula, de quo Seneca? *C. Cesar, quem mihi videtur Natura edidisse, vt ostenderet quid summa vitia in summâ fortunâ possent, centies* Hs. canauit vno die, & in hoc omnium adiutus ingenio, vix repperit, quomodo prouinciarum tributum vna cæna fieret. Nam si margarætæ vel lapilli absumendi, quid ingeniis magnis aut inuentis opus? via strata & nota iam erat, per vestigia Cleopatrz. In Suetonio tamen sic lego, de ipso isto Caligulâ: *Commentus est portentosissima genera ciborum; vnguentis calidiis frigidis que lauabatur, pretiosissimas margaretas, aceto liquefactas sorbebat; conuiuiis ex auro panes & ob-*sona apponebat. Quid iam Vitellius, ille helluonum omnium

** qua fieri non possit.*

Consol. ad Helu.

Lib. xxxv.
* 1000
Phil.

altissimus gurgēs de quo Plinius: *Vitellius in principatu suo decies* Hs. (ita libri veteres) *condidit patinam, cui faciendæ fornax in campis ex ædificata erat. Ego malletm (sed tu iudica) condidit patinam: quia non de ipsâ lance, etsi grandi & pretiosâ, sed de instructo eius & obsonio est sermo. Scripsit autem Suetonius: in hac scarorum iocinera, phasianorum & pavonum cerebella, linguas phœnicopterum, murenarum lactes, à Carpathio vsque, fretoque Hispaniæ, per nouarchos ac triremes petitarum, eum commiscuisse. Vbi optimus quidam liber à Parthiâ vsque (non à Carpathio) habet: & considerandum est, ex Senecæ & aliorum suprà verbis. Etsi tamen structura videtur hæc ad *Murenarum lactes* referre. Idem verò *Vitellius*, non ipse solùm prodigus, sed alios impellens, indicēbat alius eadem die, ientacula, prandia, cenas, commissiones, ipse omnibus sufficiens, vomitandi consuetudine. Quod Suetonius cùm rettulisset, ita addit: nec cuiquam minus singuli apparatus, quadringenis millibus nummum consulerunt. Heu illudum vel abusum, in alienis opibus! nam ea sunt decem millia Philippicorum, siue ipse census equester. Super hæc nihil reperio, nisi in Latini Panegyrico obscurè quosdam Principum perstrictos: *Vitaceam*, inquit, *infami dilectu scriptos in prouinciis aucupes, ductasque sub signis venatorum cohortes, militasse conuiuuiis: nōne cognouimus cuiusdam retrò Principis non prandia sæpe, sed fercula, Hs. milles aestimata, patrimoniorum equestrum pretia traxisse? Nec satis firmiter scio, quem aut quos tangat: puto Vitellium tamen, si in verbis eius emēdes, Hs. mille aestimata. Nam de illo milles, quis credat in vno ferculo absumptum? quod nec *Cleopatraz* aliquot, aut *Caligulæ* iuncti fecissent. Immane hoc nimis est: at illud mille planissimè conuenit, cum Plinij suprà notâ de vnâ Vitellij patinâ decies Hs. æstimarâ. Nam millena Hs. & decies, Romanis idem sonant. Iam de *Heligabalo* quid dicam? de quo *Lampridius*: Numquam minus centum Hs. canasse, hoc est argenti libris xxx. Aliquando autem tribus millibus Hs. canasse, omnibus supputatis quæ impendit. Cenas verò Vitellij & Apicij vicisse. Vbi tamen non argenti libras xxx. legi calculus vllus admittit, vt paries cum centum Hs. sed potius CCL. quæ pura veritas esset. Atque ego in isto super omnes stupeo. LIPS. Quid ita? nam *Cleopatra*, imò *Caligula* superauit. A v d. At enim hoc mihi magnum & stupendum,**

* 1000.
Phil.
* 75000.
Phil.

dum, quod sumptus isti in Heligabalo cottidiani, & numquam minus (verba Lampridij) *centum Hs. cenauit*. Essent *septuaginta-quinque millia* Philippæorum in mensem: quid iam conuiuia, quæ eiusdem totius summæ, in vnum diem interposuit? Ita enim & Lampridius addidit factum. Sed iam monstra omit-
timus: aliquid ad communem morem querimus, à quo non nimis Philippus, Hortensius, Lucullus, & hi tales, lumina rei-
publicæ, abiuerunt. Piscinæ & viuaria istorum nota sunt: cæ-
næ, ex vnâ hac Lucullianâ. In famâ homo erat lautitiarum; &
quod esset *non ganeo & profligator, vt plerique sua haurientium, sed*
eruditoluxu. Cepit cupido Ciceronem & Pompeium cognos-
cendi, sed inopinatò, & vt seriò discerent quomodo in dies vi-
ueret. Inueniunt in foro, salutari, cænam indicunt: Sed *heus tu*,
aiunt, *ea lege nequid præmandes. nam sumptum sumi in nos, non pla-*
cet. Ille tergiversari primò per simulationem, & *Cras potius*, in-
quit: cùm negarent, *Ergo nec hoc licet*, inquit, *famulo dicere in quo*
trichinio cenaturi simus? Permittunt. Ille altâ voce, *Abi, dic in*
Apollinis cenaturum. Mox sequuntur: omnia lauta, splendida,
regia, cum stupore duorum conuiuatarum. Sed causam nescie-
bant scilicet, & totam vim habuerat ad apparatus, vnum illud
Apollinis verbum. Nam homo ita disposuerat, vt cænacula suis
nominibus distincta essent; & in quoque tales cibi, & impen-
dia. Eminebat autem illud Apollinis: atque ita cùm Dispen-
sator aut Coquus audissent id nomen, sciebant statim quid, &
quantum, opus esset. Summa enim taxata huic cænaculo, ait
Plutarchus, *quinquaginta milliū drachmarum* erat: quæ sunt *quin-*
que millia Philippæorum. Quid plura ego adferam? vnum hoc
Senecæ, ad xui sui mores aptum: *Quid est sumptuosâ cenâ flagi-*
tiosus, & EQVESTREM CENSVM absumente? & tricies tamen Hs.
adiciales cenæ frugalissimis viris constiterunt. Hic vnus ictus, Lipsi,
te conficit: vulgò *ensus equestres* insumpti: & ab ipsis *frugalissi-*
mis viris, tricies Hs. Quantum hoc postremum est? colligit *se-*
ptuaginta quinque millia Philippæorum. O frugalitas in vno con-
uiuio ADMIRANDA! & quis Principum hodie vel in nuptiali
prænepulotantum prodigit? Silebam Lipsi, & stupebam: nisi
quòd de *Veste* etiam aliquid sit addendum. Sumam à Censore
nostro Senecâ: *Quidquid est boni moris, exstinguimus leuitate &*

Tacit. de
Petroneo.

Epist. xcv.

Lib. vii.
Nat. Quæst.

Controu.

politur: corporum. Muliebres mundicias antecessimus, colores meretricios, matronis quidem non induendos, viri sumimus. Tenero & molli ingressu suspendimus gradum: non ambulamus, sed incedimus. Exornamus anulis digitos, in omni articulo gemma disponitur. Ista de viris: quid de iuuenibus? Pater illius Senecæ: Torpent ecce ingenia desidiose iuuentutis, nec in ullius rei honesta labore vigilatur. Cantandi saltandi quæ obscena studia effeminatos tenent: & capillum frangere, & ad muliebres blanditias vocem extenuare, mollitie corporis certare cum feminis, & immundissimis se excolere mundiciis, nostrorum adolescentium specimen est. Quis aequalium vestrorum, quid dicam satis ingeniosus, satis studiosus, imò quis satis vir est? Emolliti enervescunt, quod nati sunt, inuiti manent, expugnatores aliena pudicitia, negligentes suæ. Dei fidem! luculenter utramque ætatem, ab utroque scriptore, laudatam! Fortasse de feminis addam, quas scimus cum veniâ peccare, ubi viri gradum struunt? Tamen quid Propertius?

Matrona incedit census induta nepotum.

Seneca iterum: Video uniones non singulos singulis auribus comparatos iunguntur inter se, & insuper alij bini superponuntur. Non satis muliebris insania viros subiecerat, nisi BINA AC TERNA PATRIMONIA auribus singulis pependissent. Ille de auribus queritur: alius de toto corpore. ut Manilius:

Per quæ caput ducti lapides, per colla, manus quæ,
Et pedibus niveis fulserunt aurea vincla.

Pedibus etiam aurum, ut ait, sed & gemmæ: ac Plinius scribit, non crepidarum tantum obstragulis, sed & totis socculis addi. Neque enim (inquit) gestare iam margaritas, nisi calcent, ac per uniones etiam ambulent, satis est. Addit pro fastigio insaniæ, Visam a se Lolliam Pæullinam, ne serid quidem ac sollenni cerimoniarum aliquo apparatu, sed mediocrium etiam sponfalium cenâ, smaragdis margaritis quæ opertam, alterno textu fulgentibus, toto capite, crinibus, spiris, auribus, collo, manibus, digitis quæ summam quadringentes HS. colligebant, ipsâ confestim paratâ mancipationum tabulis probare. O monstratio aruspice, non te vindice Lipsi, digna! Vna mulier, in vno cultu decies centena millia Philippicū habeat? habuit: & pauca hæc satis ad Vestem & cultum. Nam cingi te iam aut suspicor, aut vereor: neque fortasse deceat nos iuvenes non dicam tam liberè, sed
tam

tam liberaliter, nec in vos, sed apud vos loqui. At tu si peccauit, puni: quomodo? contemptu & silentio, quæ pœna maxima mihi erit.

CAPVT VIII.

Excusati Romani à prioribus: & primùm in Raptu vel Seuitiâ, obiter.

NEVTRVM ego faciam, ô mi Auditor. Contemnam vel te, vel tuum hoc discendi studium? nam ita oppositionem hanc interpretor. Vel sciam etiam? quod non aliud sit, quàm causam non solum perdere, sed prodere: quod esse non potest, nisi aut improbi, aut diffidentis. Atqui non est magnum hoc opus, ne erra: quæ tu coacetuasti, vnus alteriusque manus impulsu deruam, nec machinâ aut ariete alio adhibito cadent infirmi isti muti. Triplex accusatio à te structa, in Probitatem, in Abstemiam, in Continentiam: & videamus. Fraudulenti quidam aut perfidi fuere; rapaces quidam aut crudes; luxuriosi in cibis aliqui aut veste: sed quidam, sed aliqui: & hæc prima responsio sit, & scutum pro me firmum. Quid pungis aut inuadis gentem totam, ob pauculos à te, tot sæculis, alios vitiososque nominatos? Fuisse non miror: nec id prodigium aut monstrum, ut tu aliquoties dixisti, imò esset, si non fuissent. An tu in hac fæce nostrâ hominum, puram meramque virtutem aliquam vis? soles nobis impetiorum lucere, sine nube, aut tonitru, aut procellâ? nec fuere ista, nec erunt: & Deus in superis illis locis & liquido æthere, serenum hoc habet, & seruat; cetera omnia inferiora, miscentur, & turbant. Galbam aut Lucullum aliquem in Hispaniâ nominas, Hortensium, aut Pleminium alibi: quid ista sunt, in tot millenis Præsidibus, qui boni & innoxij fuerunt? Ut si guttas aliquot aceti in magnû vas aquæ mulsæ iaciam, non ipsum cotrumpam, sed gratiam fortasse magis ab acore aliquo addam: sic in magnis istis impetiis, magis sentitur bonorum bonitas, si pauci interueniant, acidi aut amari. Vis tibi Taciti mei verbis hoc dicam? Cerialis apud eum rebelles Gallos sic mitigat & componit: *Quomodo sterilitatē aut nimios imbres, & cetera nature mala, sic luxum, vel auaritiā dominantium, tolerat.*

tolerate. VITIA ERVNT DONEC HOMINES: sed neque hæc continua, & meliorum interuentu pensantur. Hæ sunt non Cerialis, aut Taciti, sed Sapientiæ voces: tu, & alij isti queruli, audite. Atque hæc si locum in exiguo aliquo nec diti imperio habeant (cotidie enim occurrunt:) quidni magis in illo amplo, diffuso, opulento? Magna peccandi materies & illecebra erat, & quod procul ab vrbe dominâ & Senatu agerent, & vbi vix cerni vel nosci vitia sua posse arbitrabantur. Et tamen (quæ altera responsio) aduersa sæpe fuere, atque etiam animaduersa. Hoc excuset Senatum & imperij præsides, quod legibus pœnas dederunt, quicunque conuicti sunt leges alibi violasse. Nónne id in Galbâ, Hortensio, Pleminio, Verre, & talibus? Nec Romanis igitur vniuersis fraudi aut culpæ sit, peccasse aliquos, sed impunè & liberè peccasse. Paullum Æmilium mihi etiam attulisti, magnum virum, fateor, & vno illo vel colore culpæ, nō enim culpâ indignum. Cur tamen cū inuidiosè rem totam narras, hoc callidè siles, Senatum ei iussisse? Ex præscripto id fecit: & qualecumque est, non iam ipse, sed Senatus potius accusetur. Cur tamen vel iste? audi & disc. Epirotæ illi omnes firmiter pro Perse steterant, Romanos oppugnauerant: quæ iniuria est, si hostes hostium pœnas luant? At nimias, inquires. Nollem factum, si me consulis, & clementia placeat: sed ad coëreendas rebelliones aut defectiones, talia quædam à modestissimis Regibus aut Rebus publicis facta, possim docere. Addis sollennem sæuitiam Romanorum, vt pueros, in expugnatione opidorum: homines occidi, canes dissecari, animantes truncari. Miseranda sunt, non nego: nec tamen, vt tu censēs, referenda inter mea ADMIRANDA. Quid dissimulas? non herè & hodie hæc fiunt in puberes & viros omnes, vbi vis vltima expectata? Et causa aliqua huic rei est, *Terror*, quod Polybius dixit: & non facile alioqui manum & finem bellis imponere, nisi hæc interdum, frangendæ pertinaciæ, vsurpentur. At canes etiam dissecati. ô ridiculum te, si in canes non licet, quod in homines! & amo ego quoque hoc genus, sed absit vt supra nostrum genus. Hæc dici & excusari possunt, & verè possunt: non infiteor tamen, sub Sullâ aliquo, Mario, aut Cæsare, & præsertim per ciuilia bella, ius omne & fas neglectum aut calcatum: sed mox attollendum ab Augusto,

gusto, aut si quem bonum Principem Deus dedit. Illo medico opus fuisse fateor. Rep. iam tam laxâ & opulentâ: & inter pares, seueritas aut terror esse non poterat ad satis reprimendum. Leges erant: sed *inualidum earum auxilium*, ait Tacitus: *quæ vi, ambitu, postremò pecuniâ turbabantur*. Itaque sub Principe status iam melior, maximè quod ad Prouincias attinet: nec eæ auaritiam aut rapinas Præsidum sic impunè sentiebant.

CAP. IX.

Factum idem in Luxu mensarum, aut vestium.

SATIS, quod ad priora duo attinet, excusaui: venio ad *Continentiam* asserendam, in quâ conuellendâ valdè te iactasti. Argumenta in eam præcipua duo erant, Leges Sumptuariæ ab antiquo latæ; & Exempla aliquot luxus. Quod ad Leges, vide quàm ego à te abeam: aio & adfirmo, non firmius pro frugalitate argumentum esse. Nam quod eæ coërcent aut emendant, quale est? ex emendatione apparet, quam videamus. *Fannia* ecce lex, sub bellum Punicum tertium lata fuit, in hanc sententiam: *permitti diebus festis centenos æris, ceteris, denos*. O verè ADMIRANDA æui continentia, cui satis esse potuit finitio iam dicta! Nam attendisti hoc mi Auditor? *centeni* illi æris, decem drachmas nobis reddunt; *deni*, vnam. O nuptias, repotia, natales, apparatu celebri, quibus Philippæus vnus sufficeret in potum, in cibum! Quis de viâ aut ponte mendicus panè, non plus hodie absumpserit? Atqui Respublica tunc satis opulenta & florens erat: & maximè autem sub Sullâ. Tunc & Græcicæ, & Asiaticæ deliciae cognitæ: videamus igitur, & laxè lauteq; iam epulemur. Ita opinor. nam ecce tulit Sulla, *vt feriis sollēnibus triginta siestertios liceret insumere, ceteris diebus, ternos*. Hem, hem, hem quid istud est? itāne regredimur, & recidimus? ego autem iure progredi, & accedere aliquid debere censebam. *Triginta* Hs. sunt, in eo calculo, *septem* drachmæ & semis, id est, nondum Philippius: *terni* autem, nec drachma. AVD. Ego hæc non credo Lipsi, nec fero: ridenda & explodenda sunt. Tales leges, tam arctas, ferat ille, qui sic copiosè vixit? LIPS. Rem habes, & verba ipsa apud Agellium: tu vide. AVD. Corrigenda sunt: & Hs. *trecentos*

Lib. 1. 9.
cap. 11. 12.

legendum, non *tricenos*. LIPS. O bonum. promptumque Criticum! sagacitas magna est, viceris vel Luceium. Sed desine, desine homo: & manum tuam coërceat lex Licinia quæ præiuit, in quâ non nisi *triginta asses* (tres denarij) *permitti diebus festis*. Laxauit igitur & auxit Sulla. Sed quid hîc sitimus? Augustus ille, qui Romam opibus & gazâ Ægyptiâ repleuit, & sub quo illa in ipso flore, Cibariam legem hanc tulit: *quâ professis diebus ducentis festis; Kalendis, Idibus, & alijs quibusdam festiuis, trecenti; nuptiis autem & repotiis, milleni finiuntur*. Sunt quinque Philippæi, *profestis, festis, septem cum dimidio; nuptiis, viginti quinque*. Quid tu, cum hæc legis, non cogitas, tot illos illustres Equites & Senatores, & censum eorum vel Principum opibus hodie comparandum? Atqui quàm coërceantur, vides: & ego tibi hodie adfirmo, rarò sollennius paullò conuiuium dari, quod nuptiale illam summam non excedat. En, abi nunc, & luxum obiice: quem totum satis reieci argumento ipso tuo legum. quia (vt veterum aliquis ait) *indicium sobrij sæculi est, ubi tali præscripto legum, coërceatur expensa canarum*. Atquin Apicios, Lucullos, Caligulas, aut Vitellios adduxisti. Quid ad me? cum Rempubicam laudavi, plurimos in eâ laudavi, nec adspicere debui, siquæ in tanto & tam vberi agro, malæ alibi & nocentes herbæ. Non obstant, quo minùs hæc seges bona & laudabilis sit: nec tales certè mihi dabis ante labentem Remp. id est Sullanum æuum. AVD. Imò dedi Lipsi. nōne Cato de pisce exclamauit supra bouem? nōne *frugalissimis etiam viris*, vt Seneca dixit, *cænæ tricies* constiterunt? Hæc purganda sunt, si potes: aut labitur æuum illud legibus solis nixum. LIPS. Vah, quomodo potero? quò me vertam? Bos ille Catonis occurrit: & planè, ex Græcorum verbo veteri, *Bouem nunc habeo in linguâ*. Sed audi quod verum est, nec nimium in boue te iactes. Bos & alia, minimi tunc pretij, nec credo equidem vāniisse ultra quaternas aut quinas drachmas. AVD. Totum bouem? LIPS. Totum. AVD. Quaternas? LIPS. Ipsas. AVD. Si hoc doces, tum ego dixerim vel me bouem esse. LIPS. Quid si amplius doceo, & ad Drachmam vnā te duco? AVD. Habebo hoc caput & culmen inter omnia hodie, heri, & nudiustertius, quartusque, ADMIRANDA. LIPS. Da te mihi, discēs, & credēs. Plinius ita

ita scribit. nam ipsa verba recitanda sunt: *M. Varro auctor est, cum L. Metellus in triumpho plurimos duxit elephantos, ASSIBVS SINGVLIS farris modios fuisse, item vni congios, ficique sicca pondo triginta, olei pondo decem, CARNIS pondo duodecim.* Hoc ille bono auctore, & omnis antiquitatis indagatore, Varrone protulit: & obseruasti? *AVD.* Nihil respondeo, stupeo: & tamen nihil etiam de boue. *LIPS.* Vel maximè, sed non attendisti. Nam ait, *Carnis pondo duodecim, singulis assibus vanisse:* & fac igitur bouem pendisse quadringentas aut quingentas libras: quid erunt nisi *quaternæ* aut circiter drachmæ? Sed illa nimis vetera sunt, inquires. Nec id quidem, sed bello * *Punico primo* euenerunt: haud longè à Catonis æuo. Et demus postea aliquid mutasse, paulatim tamen nec enormiter: & hoc Polybius nobis dicet. Ille, ipso Catonis æuo, scribit de fertilitate & copiâ Galliæ Cisalpinæ: *suis etiam saepe temporibus, medimnum frumenti Lib. 21. Siculum, quattuor obolis vanuisse, hordei, duobus, metretam autem vini, tantidem quanti bordeum.* Ista magis mira *ADMIRANDA* sunt, medimnum Siculum (sex modios continet) non nisi duabus Drachmæ pattibus vanisse, metretam vini (* duodecim congij sunt, si Attricam, quod opinor, intellegit) tertiâ parte. Addit etiam facetum corollarium, *Viatorem in iis locis, nihil cum diuersitore aut hospite pacisci, sed benè & lautè habitum, ab eum soluere dimidiatum Assen.* O si nobis peregrinari ita fas! tota iuuentus dilabarur, & abeat in beatas illas oras. Sed ego tibi promissum meum plenè soluam, & bouem reducam ad Drachmam. Factum bello Mithridatico, cum Lucullus prædas è Ponto egit, sic abundanter, vt *mancipium quattuor drachmis venale esset; bos, vna capra, eues, vestes, alia, pari vilitate.* In Appiani Mithridatico hoc leges. Quid tu iam? *AVD.* Silco, & bos à tuâ linguâ transiit in incam. *LIPS.* Imò tu, vt volebas, in bouem. Nec tamen, vt seriò loquamur, sentio vel assero, tam grandem vilitatem hanc semper fuisse: sed analogiâ talem, & quam leges illæ Sumptuariæ satis ostendunt. Abique eâ enim, quid nisi irrisio & illusio ex sist? facit huc, quod de Pomponio Attico, insigni viro & prædiuite, ac digno cui Agrippa gener esset, & progener Tiberius Princeps, Cornelius Nepos in vitâ eius scribit. *Cum, inquit, imprimis lautus esset eques Romanus, & non parâ liberaliter in*

Lib. xviii.
cap. 111.

* Anno V.
bis D. 111.

Lib. 21.

* Libra m.
suralis 120.

domum suam omnium ordinum homines inuisaret, scimus non amplius quam terna millia aris, per æquē in singulos menses, ex ephemeride, eum expensum sumptui ferre solitum: atque hoc non auditum, sed cognitum predicamus. Hæc notanda profectò. Atticus inter planē diuites erat, inquit, idem inter liberales, & domus eius ac mensa cottidie omnibus patebant, etiam è Senatu: & tamen non plus in mensem, quàm tria millia aris absumpsit. Sunt triginta Philippii: ergo in diem, Philippicus vnus. Hæc in florentissimâ re Romanâ facta: & Martialis æuo non dissimilis etiam vilitas, sed, vt opinor, in anni aliquâ vbertate:

Amphora vigeffis, modius datur ære quaterno:

Ebrius & crudus nil habet agricola.

Obserua. amphora XLVIII. sextarios continet, siue congius octo: itaque congius hac ratione sit duorum assium & semis, non longè nimis à Varronianâ vilitate. Et simile in Modio. Sed iam ad tuum illud, ne subterfugere videar, de *Frugalissimâ viris*, qui *Tricies* absumpsere. Sed heus tu, satin' plenē & ex fide Senecæ verba attulisti? Ego faciam, & pluscula recitanda sunt, vt de sententiâ constet. Ait, cōtra luxuriam disserens: *Non in factō laus est, sed in eo, quemadmodum fiat. Quid est cana sumptuosâ flagitiosius, & equestrem censum cōsumente? Quid tam dignū censoriâ notâ, si quis, vt isti ganeones loquūtur, sibi hac & genio suo præstet? & tricies tamen HS. adiciales cana frugalissimâ viris constiterunt. Eadem res si gule datur, surpius est, sin honori, reprehensionē effugis. Mens huius viri, non in re peccatum sæpe esse, sed in causâ & fine. Tu epulum sumptuosum das, sed gulæ aut vanitatis causâ: alius dat, sed legis & moris causâ: ille peccat, hic minimè, quia nō cupidini, sed consuetudini est obsecutus. Sicut, inquit, in *Adicialibus* epulis, viri etiam frugales multū impenderunt, sed quia debebant. Totum in eo, vt sciamus seriò, quæ sint istæ *Adiciales*: ego nullas arbitror (pace eorum, qui aliter) & *Adiciales* omnino scribo. Intellego eas, quæ in aditu honoris, & auspiciis quasi primis, etiam nunc dari solent: sed olim maximè Sacerdotiorum. Inde *Pontificiæ*, *Saliares*, *Augurales*, *Diales cana* prouerbiis celebratæ: & Seneca hîc apertè de *Adicialibus* scripsit, honori eas dari. Talis illa apud Macrobiū, ex Indice Metelli Pontificis transscripta: *Ante diem IX. Kæl. Septembres, quo die Lentulus FLAMEN INAUGVRATVS est.**

Datæ

Datæ igitur in ipsâ inauguratione & aditu, vt dixi: & qui hui sic
Aditiales, vt *Initiales*? Tranquilli nostri simile, in Claudio: *Seser-*
tium * *ostogies* PRO INTROITV noui sacerdotij coactus impendere: * 1000000
 et si Dio videtur hoc aliò ducere, & in summâ mutat. Sed tu ne Phil.
 aliò igitur traxeris ea Senecæ, nec à sollennibus sacrisque epu-
 lis, ad communem sæculi luxum. Sed addidisti etiam in fine de
 Vestibus, & viros feminasque lasciuissè. De his, non nimis
 nego, nec excuso: concessu omnium peccet in nugis ille sexus,
 ad seria non aptus. Sed viri, parum aut nihil in veteri Republi-
 cæ: sub Principibus cœpere; nec Principibus ipsis inuitis. Fran-
 gi aut mitigari altos & generosos animos, vestium, conuiuio-
 rum, ludorum, deliciis aut remissionibus, haud abs re eorum
 est: nec Augustus & sagaciores illi ignorarunt. Itaque Tacitus
 scripsit, *Luxus mensæ, à fine Asiatici belli, vsque ad arma, quls Ser.* 111. Ann.
Galba rem Romanam adeptus est, per annos centum, profusis sumpti-
bis exercitus fuisse. Sed antea negamus: & cum Liuius totum
 hoc de Virtute claudimus, *Nulla unquam Respublica nec maior,*
nec SANCTIOR, nec BONIS EXEMPLIS ditior fuit: nec in quam tam
SERAE Auaritia Luxuriaque immigrauerint, nec vbi tantus, ac TAM-
DIV Paupertati ac Parcimonie honos fuerit.

CAPVT X.

Doctrinæ studia Romæ, & Salaria in Doctores.

AB SOLVI igitur de Virtute, nisi placet ornamentum vel
 adiuumentum eius me adtexere *Doctrinam*. Nam & ea
 Romæ viguit, atque adeò à conditâ ipsâ vrbe, vel potius ante
 eam, si Dionysio & Plutarcho credam, *Romulum & Remum lit-*
teris & omni liberali doctrinâ institutos Gabiis fuisse. Cur verò non
 credam? opera & facta non abnegant expolitum Romulum
 fuisse, & sequentes item Reges: & multa Græcanica instituta
 in moribus, verba ipsa in linguâ comparent. Atque adeò erat
 transfusa ipsa Græcia in magnam Italiæ partem, cui & nomen
 reliquit. Exoleuisse tamen hæc paullatim, fateri debemus, &
 vsque ad bellum Punicum secundum, raras Romæ vel elegan-
 tias, vel litteras fuisse: Mars & horrida virtus omnia obtine-
 bant. Postea intrata & capta ipsa Græcia, victores iterum ce-
 b 3 pit, &

pit, & feliciter artes suas intulit & diffudit. Magno gradu tunc itum ad variam doctrinam, sed primò ad eloquentiam maximè: ut quæ coniuncta cum rebus gerendis, & aptissima gubernantibus esset. Mox & Historia successit, & Philosophia, & quidquid ad animos moresque colendos, aut honestè oblectandos, facere videretur. Ohanc quoque curam laudabilem! & maximè, quia cum modo & temperie fuit: quod nec omnes passim se darent, nec nimis etiam darent. Non omnes, sed primores ferè & ij qui vel erant in Republicâ, vel ad eam se præparabant. E triplici illo ordine, Plebs ad militiam adspirabat, neque erat harum rerum, Senatus & Equites, præter illam, animi cultum adsumebant, & mente non manu solùm conspici volebant. Modum etiam plerique seruabant, nec ut mancipia quædam litterarum essent, sed ut quatenus opus, haurirent, & ad rem atque vsum transferrent. Talis Scipio ille posterior, talis Cornelius Sulla, Pompeius, Lucullus, Cæsar, alij vno verbo, quicumque in Rep. eminentes postea fuerunt. Quod Thucy-

Lib. 11.

dides Athenienses suos profiteri facit: φιλοκαλοῦμεν τι μὴ ὀψιλέας, καὶ φιλοσοφούμεν αἰδοῦ μελαχίας: *Elegantes sumus, sed cum parcimoniâ; philosophamur, sed sine mollitie*: id, inquam, convenientissimè Romani veteres sibi vindicarint. Iraque studium hoc Doctrinæ publicè vigit, & doctores paullatim, in priuatis primò Principum ædibus, mox & in publico, ac stipendiis publicis, audit, conducti, & præmiis variè affecti. Quis nescit C. Cæsarem

Sextac.

omnes liberalium artium Doctores, qui Romæ essent, ciuitate donasse? Qui summus extero honos, & nullâ pecuniâ æstinandus. Et si nec hæc defuit, primò quasi è priuatis oculis data: mox è fisco annuatim appensa. Primus id Vespasianus firmiter instituit: qui *Latinis Græcisque Rhetoribus annua centena constituit.* Ea reddunt bis mille quingentos Philippæos: vbi hodie vel eximiis doctores largiedos? Atqui & medicis quingena Hs. mercedem annuam fuisse Plinius docuit: quæ sunt duodecim millia & quinquaginti Philippæi: cur non igitur adnitram vel sexcenta excellenti alicui honorarium fuisse? Imò fuerunt Eumenio Rhetori, & doctori in scholis Augustoduni: quem Constantius princeps sub Augustis Diocletiano ac Maximiano, *salarium in sexcentis millibus nummum accipere iussit.* Ita ipse semel iterumque proficitur in

Supra.

Oratio-

Oratione, quæ exstat: nec *sexagena* rescribi mihi aliquis persuadebit. Scilicet alienum nimis à *MAGNITVDINE ROMANA* est, *quindecim millia* Philippæorum, singulari doctori, & qui Magister Palatii fuisset, dari? nihil est: & credent mecum, qui veteres opes & animos satis sciunt.

CAP. XI.

Diuturnitas Romani imperij, & in occasione de patriâ Constantini.

SED peregrisse cursum meum sermonis videor, & vela colligo, & nauigo in portum. Vidisti quàm magnum hoc imperium à *Finibus, Copiis, Opibus, Operibus, Virtutibus Virisque* fuerit: & potuissèm à *Tempore* addere, ac diuturno statu. Nam quod alibi imperium, modicè magnum, tamdiu perseuerauit? Atque istud maximum, tot sæcula stetit; & reliquæ eius cum nomine, etiam nunc in Germaniâ & *AVSTRIACA* domo feliciter ecce viuunt. Itaque Plutarchi verba liceat vsurpare: *Cùm Fortuna alata sit ac vaga, & modò Assyrios, Medos, Persas, Macedonas, Carthaginienses lustrauerit, eosdemque reliquerit: videtur ad Tiberim alas posuisse, volubilem glæbum reliquisse, & urbem quasi perpetim inhabitatura intrasse.* Quid Homeri iam olim vaticinium, quàm mirabile est?

*Νῦν δὲ δὴ αἰνέας ὅς μιν ῥήκεν ἀνέγει,
καὶ πάλιν πάλιν τοῖσι μέγα κλέος ἔσται.*

Iliaç.

• *Nunc autem Troiana Æneas scepera tenebit,
Et nati natorum, & quinascentur ab illis.*

Ille verò tenuit, & naticius; inter quos Romulus primus Regum, ex eo sanguine; & ô occultam decreti vim! primus Imperatorum, Cæsar. Etsi autem mutatio aliqua status interuenit, tamen imperium mansit: primò sub Regibus, tum Cōsulibus, tum Principibus: & sub istis, scitum diuulsumque, & caput alteram in Thraciam aut Græciam translatum. Constantinus id fecit, quod non ignoras: & causam dedit ruinæ aut inclinationi deinde rerum. *AVD* Oro te mi doctor, benignè & honestè de hoc viro loquamur, & qui ut sidus illustrauit vicinam nostram terram. *L. 12.* Ego verò loquor in omni alia re: & præ-

& præsertim quæ sacra & pietatem tangit. Quis nescit illum, Deo duce, depulisse tenebras, quæ orbem terræ densâ superstitionum nube obsidebant? Ille dissipauit, lucem intulit, templa nobis & Christo aperuit, vanis cultoribus & diis clausit. Magnus igitur laudatusque vir; sed quid tamen ea lux propriè ad vicinam nostram terram, ut dicebas? AVD. Nam quis nescit in Britannia ortum hunc esse, & gloriam etiam redundare ad natalem terram? LIPS. Ego verò nescio, & ambigo, & propior sum ut negem. AVD. Tunc, contra cruditissimis viris nuper asserta? & clarum hunc etiam Panegyrici scriptoris locum? Nam ille apud ipsum Constantinum hæc profert: *Pater tuus liberauit Britannias seruitute, tu etiam nobiles ILLIC ORIENDO fecisti*. Quod os tuum erit, contra verba tam expressa, euntis? Nisi hoc dices, æui eius oratorem nescisse Principis sui patriam, & in re tam nobili, ignauè & scèdè apud ipsum errasse. LIPS. Hoc non dicam, & os non abdicabo, imò nec perfricabo quidem. Fides apud me esto Panegyristæ: sed quid dicit igitur? *Ortum illic Constantinum*: at non in tuam sententiam fortasse, sed meam dicit. Ea est, non ipsum ibi, sed imperium eius ortum: non Constantinum, sed Principem. Verè tibi dico, (siste, nec resiliās) hæc eius mens est: *Tu nobiles fecisti Britannias, quòd illic ortus factusque es Imperator*. Prima imperij tui lux illic, & illinc, fulsit. Nec dissimile nimis in verbo, quod paullo ante idem Orator dixit, *Constantine oriens Imperator*. AVD. Percussisti me nouâ interpretatione: sed quid tu tamen contra communem omnium assensum? LIPS. Nego, communem: imò nemo veterum hoc scripsit. Mediæ aut nouellæ ætatis hæc assertio est, nec nisi ab illo imperij ortu orta. Quid? nonne Nicephorus, Ecclesiasticæ historiæ scriptor, de Bithyniâ palàm affirmat? *Nam patrem eius Constantium, cum ad Persas legatus iret, Drepanum Bithyniæ venisse, diuersisse, Helenam hospitii sui filiam nouisse, Constantinum hunc genuisse*. Cur autem ille hoc tam constanter, tam nihil ambigens, aut de varietate inferens, si variatum tamen fuit? Atque ego arbitror, verissima Nicephorum tradidisse. Quo teste? quem nemo respuat, veteri, & ab ipso Constantini æuo. Is est Iulius Firmicus, qui Matheseon libros

libros scripsit: & in eorum primo, hæc verba. *Dominus & Augustus noster ac TOTIVS orbis Imperator, Pius, Felix, ac Prouidus Princeps* CONSTANTINVS scilicet MAXIMVS, DIVI CONSTANTII Filius, *augusta ac venerande memorie Principis, qui ad liberandum orbem à TYRANNICIS immoderationibus, & ad comprimenda domestica mala, fauore propitiæ maiestatis electus est.* APVD THARSVM GENITVS, à primo ætatis gradu gubernacula imperij retinens, *quæ prosperis natus fuerat auspiciis, ROMANVM ORBEM salubri gubernationis moderamine sustentat.* Ea de Constantino nostro accipienda esse, primùm doceo, tum de re meâ addo. Aliquis enim dixerit *Constantinum eius filium* capiendum, quoniam in libris vulgatis legitur, *Diui Constantini filius*: sed perfectò id improbum est, & *Constantij*, vt recitavi, legendum. Multa docent clarè. primùm quòd ait, *Totius orbis Imperatorem* fuisse. atqui Constantinus ille, inter tres Constantini Magni filios, forte duntaxat Gallias, Hispanias, Britanniasque habuit. Item, quòd *Maximum* agnominat: quòd, *Tyrannos* ab eo extinctos; & quòd *Romanum orbem* salubriter facit gubernantem. Atqui partem modò, vt dixi: nec eam ipsam diu tenuit, intra triennium occisus. Quid; quòd disertè mox idem Firmicus, *Constantinum Maximum Principem, & eius INVICTISSIMOS LIBEROS, Dominos & CAESARES* appellat? Certè non habuit tales minor ille Constantinus, & palàm ad nostrum hunc spectant. Ista præmissi, si quis (vt sunt mores, aut ingenia) refragari vel calumniari vellet: nunc ad rem aptemus. Aitigitur, Constantinum illum suum Principem *apud Tharsum* genitum. Quæ illa est? an nobilis in Ciliciâ? non est, sed in Bithyniâ ego eam inueni. Nam Stephanus de Urbibus, Nicetas, Porphyrogennêta, *Tarsum* hanc (ita scribunt, sine adspirante litterâ) in Bithyniâ signatè ponunt, iuxta Nicomediam ipsam. Ego verò aio & infero eandem cum *Drepano* esse, quod Nicephorus nominauit. Quo argumento? quòd apud Nicomediam sinus & curuatura maris est, quæ loca talia communi nomine *Drepana* Græci, quasi *Falces*, à similitudine, vocabant. Inde passim *Drepani* hoc nomen in maritimis, & Ortelium nostrum vide. At proprium eius loci opidiqûe nomen, & magis restrictum, *Tarsus* fuit. Mea hæc

coniectatio est: nec moueor, si posteri, aut Britanni scriptores, aliter de totâ retradiderunt. Multo minùs Georgio Cedreno aurem præbeo, scribenti natum Constantinum *αὐτὸν τὸν τῆς Δακίας πόλιν, circa urbem Dacie*. Corrupta, aut falsa sunt: & quoties vanitatum manifestus ille auctor? Pro nobis etiam validè facit, quòd ipsum istud Drepanum, *Helēopolis* appellatum postea, in honorem matris; & Pontus vicinus Polemoniacus, item *Helēopontus*: sed & sedes imperij in viciniâ translata, nōne affectum in patriam testatur? Ipsum denique æuū Constantinī adiuuat, si consideras natum eum circa annū ∞ XXXI. vr̄bis conditæ: quo tempore quæta adhuc Britannia, & turbæ post motū, & pater ad eas sedandas missus. Ergo verius antè, & alibi, natum esse. Sed tu, aut aliū, vt volent: ego sine fraude censui, & Sermonem meum totum finiui.

CAP. XII.

Conclusio, & Laudatio magni Imperij.

AVD. O sermonem æternū mihi vtilem, & iucundum! & clarâ voce fateor, nunc denique admittere & concipere me cogitationes tanto illo imperio dignas. Inter quas tamen & istam: Fueritne vtile gentibus sub tam magno illo esse? an non nimia & aspera ista seruitus, sine vindice & domino quem appellares? LIPS. Haud inepta nec importuna quæstio: & scio esse, quæ illud damnare aut certè accusare possint; sed plura ac grauiora, quæ absoluerè & alleuare. Inprimis quanti facias, sub magno tali imperio pacem ac quietem gentium vbique fuisse? Nusquam arma, hostis, prædo; arabant, serebant, metebant, conuiuia, coniugia inibant, liberos gignebant, educabant: omnia securè, & nec auribus quidem lætis rumore belli. Nam si quod tale erat; cum barbaris nempe & longinquis, & quod velut ludicrum aut fabellam, tuti limitibus & præsidij suis, audirent. Pulchrè Aristides: *Bella verò vix vnquam nunc creduntur existisse, ac pro commentis habentur à plerisque.* Quòd si alicubi ad limites consistens fuerit, (vt in magno & immenso imperio facile fit, ob Getarum insaniam, vel Afrorum miseriam, vel rubri maris accolarum infelicitatem, qui commodis bonisque suis nesciunt

runt vti) mox ista, tamquam fabule, cum omni memoria euanuerunt. Tanta pax apud vos viget, ô Romani, et similitiam bellumque habetis inter patria instituta. Atque iterum idem (quomodo enim melius certiùsque vetera repræsentem, quàm veteris scriptoris verbis?) idem in eam laudem: *Uniuersus orbis sub vobis, tamquam festum diem agitans, quos olim gerere solebat gladios deposuit, ad conuiuia autem & reliquam omnem leticiam liberè se conuertit. Et alia quidem contentiones aut certamina vrbes reliquerunt; vnum omnes habet, vtearum quæque pulcherrima & incundissimo aspectu appareat. Itaque omnia plena gymnasiis, fontibus siue aquæductibus, porticibus, templis, tabernis, scholis: vt aliquis verè dixerit inclinantem & labantem mundum, restitutum à vobis esse. Nec vrbes solùm splendore & decore lucent, sed tota adeò terra, instar horti aut paradisi, conspicitur exulta. Vt miseratione planè digni videantur, siqui imperio vestro non subiacent (qui pauci tamen sunt:) vt qui tantis bonis careant. Hæc verè & floridè dicuntur, & capiunt me recitantem: etsi non minùs vno ictu penetrat Cornelij nostri breuiloquium: Quippe immota, aut modicè lacessita pax: quod ille de Principum tuo scripsit. Iam verò alterum bonum, quanti est, Communicatio inter se hominum & rerum, viis vndique liberis commerciiisque? In animo tuo cogita, si tutò nunc Byzantium, Persarum aut Sinarum regionem videre liceret: quàm tu ipse fortasse atque alij libenter & auidè iretis? per tot terras & maria oculos pedesque ferretis? A V D. Affectum meum tangis. capior vnice peregrinatiunculis, & animum innouat ac vires nouitatum ille aspectus. L I P S. Optimus quisque in hac cupidine: & alti æthereique animi, vt ipse æther, gaudent motu. Sed sub tali igitur imperio, quàm id licuit? tutius quàm Belgis nobis hodie, non dicam ab vrbe ad urbem, sed pænè per urbem aut circa eam ire. Visere illis licebat magna aut nobilia illa opida, clara & inclyta ingenia; Athenas, Alexandriam, Rhodum; disertos aut sapiètes ibi viros; denique ad alia terrarum se conferre, disciplinæ aut animi causâ. At mercatores, & quibus aliarum opum cupiditas, ij per maria omnia nauigabant, ij per terras circuibant: vnicos prædones aut piratas placantes, siue metuentes, Publicanos. Sed vno & certo pretio placantes, nec eo graui sub Principe aliquo moderato & æquo. Itaque res*

Lib. 11.
cap. v.

Lib. xxvii.
cap. 1.

longinquæ aduehebantur, ignotæ antea ostendebantur: & totus orbis eâ communione, quasi vna ciuitas, fiebat. Quid dicam artes barbaris traditas aut inuectas? quid elegantiam, litteras, & cultum animorum? Cùm etiam omnes linguis diuisi, vnâ Romanâ iungerentur, atque ea cum imperio quaquauerſum se propagaret. Plinius hæc grauiter & merito attollit, in Italiâ dilaudandâ: *Numine Deum electa, quæ calum ipsum clarius faceret, sparsa congregaret imperia, ritusque molliret, & tot populorum discordes ferasque linguas sermonis commercio contraheret ad colloquia, & humanitatem homini daret: breuiterque, vna cunctarum gentium in toto orbe patria fieret. Iterumque alibi idem: Videmus, inquit, alia aliundè, vltro citroque, humana saluti (nam de herbis & re medicâ illic loquitur) in toto orbe portari, IMMENSA ROMANAE PACIS MAIESTATE, NON HOMINES MODO, DIVERSIS IN TERRIS GENTIBVSQVE, verumetiam MONTES & excedentia in nubes iuga, PARTVS QVORUM & herbas quoque inuicem ostentante. Nec minùs Strabo: Romani multas gentes antea feras, ob montes aut locorum naturam asperam, aut ob frigus aliamve causſam, sub imperium assumentes; eas ipsas ex disiunctis & insociabilibus, vnâ commerciis iunxerunt, & pro agresti vitâ, ciuilem agere docuerunt. Sed & Claudianus magnificè:*

*Huius pacificis debemus moribus omnes,
Quòd veluti patriis regionibus vitur hospes,
Quòd sedem mutare licet; quòd cernere Thulen,
Rursus & horrendos quondam penetrare recessus.
Quòd bibimus passim Rhodanum, potamus Orontem,
Quòd CUNCTI GENS VNA SUMVS.*

O verba & res pulchræ! & potèstne maior esse voluptas, aut commoditas? Omitto gubernationem & leges fere eadem; pondera, & mensuras, & numos: & plura, quorum honorum sensus etiam hodie aliquis in Turcarum imperio est, & esset maior, si leges & politia illic meliores. At nostra Europa misera, quàm iam à multis sæculis expers eorum est? iactatur assiduis bellis aut dissidiis. quare? quia regna aut dynastiæ paruis aut modicis finibus inclusæ, semper in vicinos causſam habent timendi vel sperandi, querendi vel vleiscèdi. Idem & ante Roma-

Romanum imperium erat, quod Plutarchus assernit : & pulchrâ imagine addidit, *Istud velut ANCHORAM fuisse fluctuanti mundo.* Quid propriè de nostrâ Galliâ triplici Cerialis apud Tacitum? *Regna bellaque per Gallias semper fuere, donec in nostrum ius concederetur.* Fuere mi Auditor, & nunc erunt, donec talis aliquis euentus. AVD. Per ignem sermones tui eunt, & vide ne amburare. LIPS. Ego verò apud te liberè, & vt Philosophi in scholis, de Republicâ dissero : neque sunt ista, neque erunt fortasse, & (dicet aliquis) nec debent. Deo euentus permitto : ego arbitror & ad Religionis vnitatem, & ad subditorum omnium vsum, & denique contra communem Turcarum hostem fore, potens & validum caput vnum. Tu DEUS SALVS ET TVTELA RERVVM, da quod expedit, da, si non imperio, saltem fœdere coire ac iungi, da lætos & pacatos ad læta & pacata loca tua venire. In quo finio, & te mi Adolefcens, dimitto.



NOTÆ IN LIB. I.

CAPVT II.

Pag. 16.
lin. 5.

Πυρόμυτα.] Pro versu fortasse melius, χυρόμυτα diuisim. Sed hoc leue: illud momentum habet, quòd monitus à viro doctissimo sum, totum hoc Carmen videri scriptum, non in ipsam urbem Romam, sed εἰς πόλιν (nam Græca ambigua) id est, in *Valētiā* siue *Fortitudinem*, quasi Deam.

Acutum est: & argumentum habet, quòd Erinna illa ecclebris vixerit circa Sapphus tempora, id est Tarquinij Prisci, priusquàm Roma nostra sic magna & admiranda. Sed mihi tamen serio insipienti, carmen in urbem & imperium nostrum scriptum viderur: & plures Erinnas fuisse, quod in textu indicatum volui, indicio est dissensus in eius patriâ, de quo Suidas.

CAP. V.

Pag. 31.
lin. 13.

Sed ubi, ignoro.] Ego verò firmiter nondum repperi, etsi Theodosiz in Bosphoro, portum fuisse vel centum nauium capacem, Strabo me doceat libro VII. Sed an ibi, an alibi (plures enim portus) siquis eruit, ostendet.

CAP. VI.

Pag. 35.
lin. 26.

Sed nec Velleij iudicium valdè probo.] Cui tamen causam aliquam esse, etiam hodie Hispani experiuntur: sed non illam propriè, quam Velleius suspicatur aut timer. Hoc vñs docuerit, longinquas aut externas colonias, si coniugij & stirpe cum indigenis misceantur, paulatim ipsos aut posterōs transire in mores & affectus eius regionis. Cauere hoc malum vis: vnica ratio, à coniugij, & (si potest) à mixtione arcendi: quod Iudæi olim & nunc seruat. Nec alia magis intima causa est, cur crescat assidue ea gens, & in veteri lege & institutis, aliena à populis, perseueret.

LIB. II.

CAP. II.

Pag. 43.
lin. 16.

In agros & in corpora eorum.] Illud ipsum conqueritur & exaggerat Büundica regina Britannoꝝ, in Dionis Nerone: ἡ πρὸς τοῖς ἄλλοις πάντα καὶ νύμειν καὶ γαργεῖν ἐκείνοις, καὶ τῆς σωμάτων αὐτῶν διασπορῆς ἐκείνων φερόμενος; Nōne, prater cetera omnia, & pascitū & aratis Romanū, corporum etiam ANNVM tributum pendentes?

CAP. III.

Pag. 50.
lin. 12.

Pluscula cogitani aut collegi.] Imò & quædam edidi, Commentario ad Taciti librum I. Eruditissimus etiam Brisslonius videatur, in voce *Capita*, de verborum significatione. Veritas tamen, opinor, est, indicationes fuisse in capita pro modo opum: quod genus hodie Galli *Tailles*, nos *Impositiones* aut *Assiminationes* linguâ nostrâ vocamus.

Pag. 51.
lin. 3.

Qui diuinandi artem tenet.] Nec ego inter istos: tamen peragrandogentes

gentes prouinciaſque ſubditas, & ratione colligendo, ſubduxi non infra trecentos milliones hominum fuiſſe in Romano orbe. Et cauſas ſententiæ poſſim dare.

Supra centum quinquaginta milliones.] Percuſſerit hoc quorſdam, qui noſtra aut noua cogitant tantum: ſed ratiocinādo facile quouis adſtruat ex iis quæ dixi, & non etiam dixi. Promagnis quidem iſtis veſtigalibus, nōne ſatis fecerit vel Sueronij locus, de Veſpaſiano? *qui in iſſo ſtatim Principatus profeſſus eſt, quadringenties milles opus eſſe, et Reſpublica ſtare poſſit.* Sunt ipli (horreſco dicere) mille milliones noſtro ritu. vnde ſic ſubito parandi, ſi non tales tantiſque reditus? Sed & noſtro æuo, vt deſinant iſti miriones obloqui, Rex Sinarum accipere in tributo annuo aſſeritur centum viginti milliones. Et Sinas aliquis ad totum Romanum orbem comparci?

C A P. VIII.

Si verè Plutarchus, viginti miſſa talentum intuliſſe.] Verba Plutarchi non ambigua: *Ἀναρίπται δὲ εἰς τὸ δημόσιον ἀμείνον ἐννομίσματα, καὶ κατὰ σκαυαῖς ἀργυρεῖα καὶ χρυσοῦ, διτμύεα τάλαντα, πάρεχ' ὅδ' εἰς τοὺς στρατιώτας διδομένων. αἱ δ' ὅ τ' ὑλὰ χρυσὸν ἀέρον, κατὰ λόγον ἐπαχμας εἰληρε χηλίας πεντακοσίαι.* Intuliſi in ætium publicum in pecunia ſignatā, ſcētiſ, aureæ & argenteo factæ, viginti miſſa talentorum, præter ea quæ in milites expendit. Quorum is qui minimum accepit, habuit drachmas mille quingentæ. Ergo gregarius quiſque miles accepit Philippicos centum quinquaginta. Magna ſane donatio, in liberā illā republicā ſed quam minuit Plinius, vii & ſummam illatā publicæ argenti, ſi eum audimus. Valde, inquam, minuit. nam ſcribit lib. xxxvii. cap. ii. *Cetera triumphus eiſdem (Pompei) de Aſia & Mithridate, quā virilia? Reſpublica datum mille talentū, Legatu & Quæſtoribus, qui veras maris defendiſſent, us. bina miſſa, eum militibus ſingulis quinquaginta.* Sane hæc nullo modo cōueniunt, neque ſana ſunt: quamuis audaſſet id dicere. Primum, de mille talentis illis in ætium, nugæ, & minuti garguliculi, vt ille inquit: & in Textu docuimus. Quid iam de Legatis & Quæſtoribus: dumtaxat bina miſſa us? ea eſſent, quinquaginta Philippici. atqui gregariis plus datum, non Plutarchus ſolum, ſed Appianus: qui ex eo ſerè haurit, oſtēdit. Et omnino pro magnis illis exiguum eſt. quid in milites ſingulos? ait, quinquaginta us. ij eſſent, duodecim denarij & ſemis. Abiice hæc omnia, & indignū eſt in Plinio tolerari aut legi. Primo numero legendum ſit ex Plutarcho, id eſt ex vero, *Reſpublicæ datum vicies mille talentum.* Hoc ex coniecturā: in alijs libri adiuvant, & adaugent. Nam ſcripti habent: *Quæſtoribus, qui veras maris defendiſſent, datum mille talentum: militibus ſingulis ſena miſſa ſeſtertiorum.* In quibus mirum eſt, & iuvat, ſic concorditer conſentire cum Græcicā ſummā illud vtrimum, de ſena miſſibus us. Nam ij ſunt, ipſæ centum quinquaginta drachmæ. At prius illud de Quæſtoribus, non rectum, nec poſſe: exorbitat. Scribo, *data decem talenta* quæ ſunt, *ſex miſſa* Philippum: & error eſt ex

est ex notis ortus, denariâ millenariâque: quæ nimis sæpe alternatim. Examinanti hæc apud Plinium, & cum nostris ac ratione conferenti, vera erunt: aut si quis aliunde firmiora, doceat, inuitemur.

CAP. I X.

Pag. 67.
lin. 24.

Etsi non ad usum tales.] Sicut & in torque aureo, quem *centum pondo* *Diuo Augusto Galli dederunt*, vt est in *Quintiliano*. Hæc in speciem tantum: imò plerumque nudo nomine, Pecunia ipsa data.

Pag. 68.
lin. 2.

Hoc prætextu rapinas extorsionesq; usurpatis.] Ita & Plinius igitur in Traiani laudibus ponit, *non spoliū provinciarum, & extorsio socii auro, sed hostilibus armis, captorumq; regum catenis triumphum grauem*. Nec aliud ab hoc coronatio auro intellegit.

L I B. I I I.

CAP. I I I.

Pag. 113.
lin. 6.

Paulatim Italia panè deserta esset.] Vel *Lucanum* audi:

*At nunc semirutū pendens quòd mania tellus,
Rarus & antiquū habitator in urbibus errat,
Horrida quòd dumu, multosq; inarata per annos
Hesperia est, de suntq; manus poscentibus aruis.*

Idem *Liuius*: *partem Italia ergastula à solitudine vindicare*. Sed & *Dionysius* pleraque opida olim frequentia, suo ruo lapsa aut vacua faretur, Causâ profectò ipsa est, quam dixi, quòd *Roma* omnia ad se traxit & abduxit. Itaque (confidra) vicina vrbi loca maximè in hac causâ reperies, longinqua pleniora.

CAP. V I I I.

Pag. 139.
lin. 24.

Alij solia maluerunt reddere.] In Græco est *ἡ δόσας*, vt vides: quod magis est vt *Sellas* reddas. *Sellæ* autem in *Frigidariis* maximè, ex *Sidonio*: *Hinc Frigidaria dilatantur, ita vt inferiorum sese non impediēte famulatu, tot possint recipere Sellas, quos Solij sigma personas*. Quæ lectio mihi recta est, etsi alij mutant. Nam ita hic *Sigma solij*, vt postea idem, *Solij capacū bemicyclum*. Quod planè dat intèlegi formam *Soliarum*: & fallor, aut in ruinis *Thermarum* hodieq; vestigia & *ἡχορραφίαι* sic appàrent. Si tamen aliter, parum est: hoc addo, *Solia*, à Græcis solere reddi *ἡμβατὰς* vel *ἡμβάσεις*: quòd in ea lauandi causâ descenderent. Nec aliud initio fuère, quàm lignea quædam vasa siue aluci, nostris quoque motibus noti: quod genus *Augustus* (in *Suetonio*) *Hispanico verbo Duretas* appellabat, atque ipse utebatur. Eiusdem tamen ruo alia reperta, in ipsâ terrâ effossâ, & magnificè structa, in quibus fas esset, sedere, stare, natare. Inuentio tributa, nisi fallor, *Mæcenati* à *Dione Cassio*. *πρώτε, inquit, ἡ δολιχὴ θερμὴ ὕδατος ἐν τῇ πόλει κατισκιάσσε: Primum Solium* (siue *Natorium*) *aqua calida in vrbe struxit*. Planè huc pertinet, & norandum est. *Solia* autem hæc *capacia* fuère, vt *Sidonij* verbum erat; & *Martialis* ostendit, plures simul solitos lauari. Quid, quod *Oceani solium* postea, magni

magni maris nomine & quasi imagine dictum? Itaque nullo modo probabile, tot illa *misena Solia* in Theimis vnis fuisse.

L I B. I I I I.

CAP. XI.

Helenam hospitii sui filiam.] Itaque ipsam istam Helenam *Bithynam* Pag. 100.
lin. 32. faciunt *Acta Syluestri Papa*, quæ in Symeone Metaphraste habes. At alia Chronica mirè vacillant. vt Godefridi Viterbienſis: *Hanc Helenam*, inquit, *quidam ex patria Treuitorum oriundam faciunt, alius de regno Persarum, ubi Constantius ad tributa colligenda transmissus eam legitur contigisse.* Miror de Treuiris, & quod idem nihil de Britannis. Sed nec Beda in Historiâ, cùm occasio vel maximè esset, & de patre atque eo scriberet, inclytum Principem asseruit suæ genti. At enim Galfridus Monumecensis, & alij Brirannici scriptores, id fecere. Fateor, sed fidei nec hic, nec in aliis, satis certi. De *Carlo* regulo fabulantur, *suus filiam Helenam duxerit Constantius, & undecimo post anno mortem obierit*, relicto imperio, quem ex eâ genuerat, huic Constantino. Ergo ex hac narratione, *decem* modò annos natus Constantinus fuerit, aut circiter, cùm imperium accepit: at constat ex Eusebio aliisque, supra *triginta* fuisse. Sed nec Guillelmus Cambdenus (accuratus scriptor, & qui omnia Britannix scrinia excussit) quidquam repperisse prodit de nato ibi Constantino: imò fabulam totam de *Carlo*, & hominem ipsum, explodit. Itaque videndum vnde alij adstruant: nam Panegyrici locus, meâ interpretatione, destruit. quam alius item firmat, ibidem: *Omnibus beatorum terrarum Britannia, qua Constantinum Casarem prima vidit.* Vidit prima, sed non genuit.



INDEX CAPITVM

LIBRI PRIMI.

- O**CCASIO & ingressio sermonis. Cap. 1. Pag. 13.
 Communiter Roma & eius Potentia laudata, per elogia pauca veterum. Cap. 11. 14.
 Fines imperij Romani; quando maximi; & Prouinciæ breuiter adnumeratæ. Cap. 111. 18.
 De Copiis & præsidiijs sparsim circa limites, itemque in ipsâ vrbe. Cap. 111. pag. 22.
 De Copiis in mari aut fluminibus; de Clâssicis variis earumque sedibus. Cap. v. 28.
 De Coloniis, & modus fructusque deducendi. Cap. vi. 33.
 Multitudo Romanorum, & ratio adfcescendi gentes, aut transferendi. Cap. vii. 36.
LIBRI SECVNDI.
 De Priscis populi Romani vestigalibus, Decumis, Quintis, Scripturâ, Portorâ. Cap. 1. Pag. 41.
 De Tributis & Capitatione, tum inquisitum in Modum vestigalium, & quid videatur reddidisse. Cap. 11. 43.
 Inquisitum item in Capitationis modum, & pensum vniuersorum Tributorum. Cap. 111. 48.
 De Arario militari, & Vigesima, Vigesimaquintâ, Centesima ad id explendum. Cap. 1111. 53.
 De Metallis, & argenti, auri, aliarumque rerum fodinis. Cap. v. 55.
 De Vrinario vestigali & Chrysargyro, item de Meretricio. Cap. vi. 57.
 De opibus Byzantini imperij; & clausula ac finis Tributorum. Cap. vii. 59.
 Pecunia è Triumphis, & aliquot eorum inspecti æstimatiquæ. Cap. vii 11. 61.
 De Auro Coronario, & Coronis dictum. Cap. ix. 66.
 Impensæ publicæ in Militem, Magistratus, Populum: & de Frumentatione. Cap. x. 70.

- Impensæ in Ludos obiter ostensæ. Caput xi. 76.
 Dona Principum effusa, & primò Iulij Cæsaris. Cap. xi 1. 80.
 Augusti Principis dona. Cap. xi 11. 84.
 Aliorum Principum dona. Cap. xi 111. pag. 83.
 De priuatorum aliquot opibus, & materiz huius finis. Cap. xv. 91.

LIBRI TERTII.

- Ad Opera Romana transitum, & primò de ligneis aut temporariis dictum. Cap. 1. Pag. 96.
 Diuturna opera, & caput omnium Roma. De situ eius, & in primis de magnitudine indagatum. Cap. 11. 100.
 Magnitudo Suburbiorum Romæ, & hominum in totâ Româ multitudo. Caput 111. 107.
 De ædificiis vrbis Romæ communiter, & eorum altitudo. Cap. 1111. 113.
 Decor & ornatus ædificiorum, Excerpta quædam, & primò de templo Capitolino exactius dictum. Cap. v. pag. 115.
 Item de templo Panthei, Vrbis, & Pacis. Cap. vi. 127.
 Fora Romana descripta; & distinctè Romanum, Iulium, Augustum, Transitorium, Vlpium. Cap. vii. 132.
 De Balneis Thermisquæ, & breuiter de Rostris. Cap. viii. 139.
 De Statuis, & earum custodelâ. Cap. ix. pag. 142.
 De viarum magnis operibus, & nominatum de Appiâ. Cap. x. 145.
 Aquæductuum mira. Cap. xi. 149.
 Cloacarum mira. Cap. xii. 153.
 Traiani pons in Danubio. Cap. xiii. pag. 155.
 Priuatorum hominum Vrbanz aut Rusticæ ædes. Cap. xiii 1. 157.

LIBRI QVARTI.

- Transitum ad Virtutē Romanorum, & ea in genere prædicata. Cap. 1. 163.
 Triplex

I N D E X.

Triplex ordo in populo ostensus, & quisque in sua parte laudabilis. Caput 11.	163.	xu Romano. Cap. vii.	174.
Iustitia & Clementia in bellis. Cap. 111.	pag. 169.	Excusati Romani a prioribus: & primum in Raptu vel Scuitia, obiter. Cap. vii.	191.
Fortitudo Romanorum militaris. Caput 111.	172.	Factum idem in Luxu mensarum, aut vestium Cap. ix.	193.
Pietas, Probitas, Constantia Romanorum. Cap. v.	176.	Doctrinae studia Romae, & Salaria in Doctores. Cap. x.	197.
Contra Probitatem & Abstinentiam dicta & obducta quaedam. Cap. vi.	pag. 180.	Diuturnitas Romani imperij, & in occasione de patria Constantini. Caput xi.	199.
Pariter contra Continentiam; & de Lu-		Conclusio, & Laudatio magni Imperij. Cap. xii.	202.

F I N I S.

A P P R O B A T I O.

Quattuor hos I. Lipsij de Magnitudine Romana libros, prelo dignos cenſeo, quod eruditi ſint, & pulchra varietate mirifice afficiant oblectentque, nec non ad illuſtrationem antiquitatum plurimum conferant, nihil interim conſentes quod Catholica fides aduerſetur.

Guiliel. Fabricius Nouiom. Apoſtolicus ac
Regius librorum Cenſor.

PRIVILEGIUM CÆSAREVM.

RVDOLPHVS SECVNDVS diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclauoniæ Rex. Archidux Austriæ, Dux Burgundiæ, Stiriæ, Carinthiæ, Carniolæ & Wirtembergæ, &c. Comes Tirolis, &c. Nostro & Sacri Imperij fideli dilecto LVSIO LIPSIO gratiam nostram Cæsaream. Postquam inter alia, quæ DEVS immortalis hominibus liberali manu dedit dona, illustria imprimis illa & quasi diuina sunt, quæ in literis liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudi etiam & imperito hominum vulgo ita distinguuntur, ut tanquam Dij quidam splendescere in terris videantur: rem sane præclaram seque dignam illi præstant, qui diligentem iis ipsis in literis ac disciplinis operam ponunt, præclarissimam verò & Reipub. utilissimam, qui eas ita excolunt, ut aliorum menti docendo, scribendo lumina præferant, eosque ex ignorantia renebris quasi manu educant. Quos excitare, quos amare atque animare ad dignitatis nostræ munus, ad quod Diuino vocati beneficio, concessuque sumus, imprimis pertinere existimamus. Cum itaque ab iis, quorum nobis spectata fides, quique iudicare de Literis possint, acceperimus, insignes te animi ingeniique tui dotes tibi à natura insitas à primis temporibus ætatis tuæ ita literarum ac disciplinarum studio excoluisse atque exornasse, ut olim iuuenilibus adhuc annis præclara florecentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituissti, dum vetusta Latiniæ antiquitatis rudera in nouam subinde structuram singulari artificio eleganter conuerdisti: ad exquisitam adeò & raram doctrinam, quæ magnam de te apud doctos quosque viros opinionem excitauit, peruenisse, eamque variis abs te libris acris & graui cum iudicio scriptis atque in lucem ediris ostendisse, ut in eo quod tam feliciter tractes descriptionis genere paucos tibi pares hodie reperire sit: iam verò matura te ætate viro, viro magis magisque digna, & viro doctis grata ac Reipub. utilia scribere, quæq. à primis illis Romanis olim auctoribus scripta fuerunt, à mendis purgare & lectissimos quosque ex Musarum hortis, in quibus assidue verseris, flores colligere, concinnare, quibus Lectores mirifice recrees, & eorum pectus ad prudentiam, prohibereque informes: haudquaquam prætermittere volumus, quin Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animadum magis patrociniòq. nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, accepimus, Diplomate hoc nostro privilegioque re & Typographum tuum aduersus quorumcunque fraudem, qui lucri causa, quod fieri solet, eadem excudere aut typis imitari forrè velint, muniroscupimus. Quamobrem pro auctoritate nostra Cæsarea decernimus, statuimus, veramusque, ne quis Typographorum, Bibliopolarum,

aut

aut aliorum, qui librariam negotiationem exercent, eos libros, quos ra-
editurus es, quocunque modo charactere, aut forma, siue integros, siue
aliquam eorum partem typis imitari, edere, excudere, aut venundare in-
tra sacri Romani Imperij. Regnorumq. ac Dominorum nostrorum hæ-
reditariorum fines triginta annis proximis à primo editionis die compu-
tandis, absque tuo tuorumve hæredum consensu audeat. Hac autem lege
addita, ut tria ut minimum cuiusque libri exemplaria, quemadmodum
moris est, ad Imperialem nostram Cancellariam mittantur. Si quis verò
editum hoc nostrum transgredi, violare, aut contemnere deprehensus
fuerit, cum non solum eiusmodi libris, tibi hæredibusve tuis, auxilio Ma-
gistratus, ubicunq. reperti fuerint, vendicandis, priuari, sed triginta etiam
Marcharum auri puri mulcta, cuius se missis quidem Fisci nostri Procura-
tori, fraudis vindici: alter verò lenissis, tibi hæredibusve tuis pendatur, pu-
niri volumus. Mandantes vniuersis & singulis nostris & sacri Romani Im-
perij subditis & fidelibus dilectis tam Ecclesiasticis quàm Politicis, cuius-
cumque status, gradus aut ordinis extiterint, præsertim verò iis, qui in Ma-
gistratu constituti, vel suo vel superiorum suorum loco aut nomine, ius
dicunt, iustitiamve exercent, nè quemquam hoc Priuilegium nostrum
impunè violare, spernere aut negligere patiantur: Sed, si quos contumaces
compererint, constituta à nobis mulcta, eos puniri & quibuscunque mo-
dis coerceri curent, in & ipsimet grauissimam nostram in se conuerrere
indignationem velint. Id quod hoc Diplemate, manu nostra subscripto,
& Cæsarei nostri sigilli impressione munito, consiliamus. Datum in ar-
ce nostra Regia Pragæ, die prima mensis Augusti. Anno Domini Mille-
simo, Quingentesimo Nonagesimo secundo. Regnorum nostrorum Ro-
mani decimo septimo, Hungarici vigesimo, & Bohemici itidem decimo
septimo.

Subsign.

R V D O L F V S.

Iacobus Curtius à Senftenaw.

Ad mandatum sacra Cæsarea M^{tie} proprium.

Io. Baruitius.

Additum sigillum Cæs. M^{tie} in cerâ rubrâ.

PHILIPPVS Dei gratia Hispaniarum, &c. Rex Catholicus, diplomate suo sanxit, nequis, Iusti Lipsij Historiarum in alma Vniuersitate Louanienfi Professoris, & item Historiographi sui libros quoscunque, à Censoribus legitimis approbatos, præter ipsius, heredumve eius, voluntatem, intra triginta annos à prima singulorum librorum editione computandos imprimat, aut alibi terrarum impressos, in has inferioris Germaniæ ditiones importet, venalésve habeat. Qui secùs faxit, præter librorum confiscationem triginta marcharum auri puri illatione mulcabitur. Vti latius patet in litteris, datis Bruxellæ xiv. Feb. M. D. xcvii.

Signat.

Verreycken.

Tibi JOANNES MORETE, pro amicitia qua mihi cum Plantino (heu, quondam meo) & Plantinianis est ac fuit, tibi, inquam, permitto, uti hos DE MAGNITUDINE ROMANA libros quattuor, typis tuis excudas ac diuidges. Nequis alibi alius præter te, cupio siue iubeo, ex lege quam magnus Cesar & Rex meus dixerunt.

Iustus Lipsius.



Filippo II nel 1597 =

A N T V E R P I Æ, Anversa
EX OFFICINA PLANTINIANA,
APVD IOANNEM MORETVM.
M. D. X C I X.







